



BIBL. NAZ.

Vitt. Emanuele III.

RACCOLTA

VILLAROSA

B

769

NAFOLK

209





523568

Racc. Mss. B. 769

PRÆLECTIONES CHYMICÆ:

In quibus omnes fere

OPERATIONES

CHYMICÆ

Ad Vera Principia & ipsius Naturæ
Leges rediguntur;

OXONI,

HABITÆ

A JOHANNÉ FREIND, M. D.

Æd. Christ. Alumn.

TOMUS PRIMUS.

EDITIO QUARTA NEAPOLITANA.

Accedit **APPENDIX**, in qua continentur;

- I. Læctionum Chymicarum, quæ ab Editoribus
Lipsiensibus exhibetur, Recensio.
- II. Læctionum Chymicarum, contra Lipsiensem
Editorum Calumnias, Vindicia.
- III. Oratio Anniversaria ex Harvæi instituto.



NEAP. Typis Josephi Raymundi 1758.

**EXPENSIS ANTONII CERVONII
SUPERIORUM FACULTATE.**



THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1911

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1911

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1911

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1911

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1911

MICHAELI ANGELO
RUBERTO
PHILOSOPHO PRÆSTANTISSIMO

E T

*In Regia Neapolitana Academia
Medicinæ Professori Cl.*

ANTONIUS CERVONIUS S. P. D.



Q Uod Mihi ob oculos præ ce-
teris obversatus sis , ut tibi
hæc , quæ recudi , opera Viri
Doctissimi JOANNIS FREINDII
dicarem , non est , cur doleas , quan-
doquidem de te ita sentire soles , ut
nullas laudes mereri credas , easque con-
tinuo refugias , ubi viri docti data oc-
cassione tibi eas deberi ajunt . Jam pa-
tere , ut apud tuam verecundiam gravi-
ter offendam , siquidem tantum mihi tri-
buerim , ut tuum nomen Freindianis
operibus inscriberetur . Nam ita factum
oportuit . Nonne ea tu præcellis virtu-
tum copia , ut non solum hæc obsequii
a 2 signa,

signa ; verum & longe illustriora ad te
jure merito spectent . Quarum cum in-
gens ferme sit numerus , vixque eas non
hæc Epistola tantum , quæ quæ sit , sed
quivis liber capere queat , paucas modo
pro ingenio meo sc. huc conferam .

Ac sane quam tui admirationem Vi-
ris Sapientibus non concivisti , dum ad-
huc juvenis esses ! Profecto in Acade-
miis , in quibus adolescentum optima-
rum rerum studiosorum commodo fre-
quentissimus , exoptatusque aderas , tam
de tui ingenii acumine testimonia exhi-
buiisti , ut qui te audiverunt , non si-
ne summa animi admiratione te sus-
pexerint . Quos sua certe non fefellit
opinio . Nam tibi uni dandum erat ab-
dita quæque naturæ vel facile explicare ;
quod veram solidamque Medicæ artis
facultatem pernosceres , quæ experimen-
tis , & observationibus innititur ; qua
in re tu quantum ceteris præstares , no-
tum compertumque erat omnibus . Hinc
factum , ut tuis meritis perciti acerrimi
rerum æstimatores te modis omni-
bus impulerint , ut bono publico ad
momentosum , publicumque certamen ve-
ni-

nires , quo ingenii tui vires exfereres .
Atque in eo qua arte , qua facilitate
rimatus fueris ea , quæ solent parari
iis , qui ad publicum munus illud ac-
cedere volunt , vix dici potest . Id
unum constat , tantam exinde existima-
tionem tibi ob eam causam comparasse ,
ut primum inter Academicos scientiarum
Duce V. Cl. Galiano Archiep. Thessalonic.
tunc temporis Academiæ nostræ Præfecto
Vigilantissimo omnium suffragiis fueris ad-
scitus , inter quos nonnisi iis aditus pa-
tuit , qui ingenio , virtuteque maxima flo-
rerent , tum vero tibi uni datum fue-
rit de Bicipiti Vitulo dissertare , ut sc. rem
fere novam explicares , tuisque doctis
observationibus illustrares . Quod profes-
so mira felicitate profecutus es . Quid
igitur morari amplius debebat , ut de-
mum Cathedram votis omnibus doctio-
rum patrum obtineres , atque optimo
publico in maxima Adolescentum fre-
quentia , qui , ut te audiant , huc ex
omnibus Regni Provinciis convolant ,
Reipublicæ Litterariæ Neapolitanæ de-
cus afferres ? Igitur bene factum , ut te
inter Regios Professores non sine dignis

tate adoptarint, ut scilicet tum tuorum meritorum publicum aliquod testimonium extaret, tum vero maxime publica rei, atque utilitati faveres. Quin immo majori dignitate pro tuis laboribus, ac morum honestate, qua plurimum vales, te mox cumulatam iri animus mihi meus auguratur.

Quæ cum ita sint, erat ne diu deliberandum, eccui Freindiana opera dicari oporteret? Videt jam quivis, num satis justa mihi vehemens causa fuerit, cur tibi opus hoc dicatum voluerim. Certe doctorum virorum opera non nisi doctis sunt inscribenda, ut si qui sint, qui minus recte de iis sentiant, non desint acres aestimatores, qui tamquam vindices hujusmodi iudices depellant. Accipe igitur hoc, qualecumque sit munus, quod tibi jure merito debeatur. Quod vero ad me pertinet, id unum tantummodo gratulor, adventasse jam occasionem meæ in te observantia significandæ, quam jamdiu quæsieram. Atque id omne si tibi pergratum erit, feliciter mihi rem omnem cessisse dicam. Vale.

CE-

CELEBERRIMO

V I R O

ISAACO NEWTONO,

Equiti Aurato

REI MONETARIÆ PRÆFECTO,

E T

SOCIETATIS REGIÆ PRÆSIDI.



UM nemo jamdiu aut veræ Philosophiæ studere, aut naturæ vires explorare præ se tulerit, quin Te Ducem secutus, Tuis principiis fìsus, id omne, quicquid feliciter cessit, Tibi fere debuerit; tum certe importunus videri non meruit, qui, cum ad hæc studia promovenda moliri aliquid & proferre audeat, ad Te statim, *Vir illustrissimè*, grato animo confugiat, & eum quem Magistrum agnoscit, sibi itidem ambiat Patronum. Quis autem huic ambitioni non libentius obsequitur, quam omni in-

D E D I C A T I O .

vidia vacat? utcunque enim de Palma Mathematica acriter certatum est, Tibi uni nemo lites movet: sola inter amulos pugna est, quis in secundis consistat, dum ad Te singuli primas ultro deferunt. Novum quippe illud & improvisum lumen, quod in intimum latentis Naturæ sinum effudisti, vix emicuerat, cum uno ore omnes omnium Gentium Philosophi de Newtono prædicarent, quod de Epicuro suo Lucretius.

Qui genus humanum ingenio superavit,
 O omnes, Praestinxit, Bellas exortus, uti arboris
 Soli, Cum itaque nullius præconio, multo
 minus meo indigeas, liceat saltem
 hinc Tuae gratulari Fortunæ, Tibi,
 quod paucis contingit, huiusmodi studiorum
 præmia non defuisse; & infamam, quæ nescio at alii cuiquam contigerit,
 viventi adhuc & vigenti & majora indices meditati, obtreclatione
 ne

D E D I C A T I O .

ne omni liberam abunde accessisse .
 Si , qui in Mathesi rerumque natu-
 ralium explicatione versatissimi sunt ,
 sibi laudi habent , quod Te sequi va-
 leant : interim & ii qui mecum inter
 extremos hærent , aliquid tamen pos-
 sunt in rem suam de tuo amplissimo
 penu decerpere . Illam *Attractionis*
 vim , quam in grandiore corporum Cæ-
 lestium mole primus & acute perspexe-
 ras & feliciter explicaras , multi ad il-
 lustranda Naturæ Phenomena transtule-
 runt : hanc vero , quam etiam in mi-
 nutissimis corpusculis vigere & olim
 non obscure innuisti , & nuper ** mul-
 ticiplici experimentorum varietate com-
 probasti , vix nunc tandem advertere
 atque excolere incipimus . Principium
 hoc cum nemini adhuc visum sit ad
 rem *Chymicam* accomodare , ego , quid
 hic etiam valere posset , volui pro meis
 viribus experiri : hujusce Tui ratiocinii
 eam esse vim intelligo , ut si quis id re-
 cte adhibere noverit , quicquid in *Theo-*
rica

* Præfat. Princ. Natural. Phil.

** Optic. Latin. Edit.

DEDICATIO.

rica Chymica difficile & perplexum sit, simplicissime expediat. An ego huic operi aliqua ex parte satisfecerim, Tu optime dispicies, qui & hanc argumendi viam primus aperuisti, & in hoc ipso, quod hic explicandum suscepi, argumento feliciter elaborasti. Tu itaque, *Vir Illustrissime*, ut hæc sub tuo Patrocinio, prodeant tentamina, a Te non alienum judicabis. Tu, qui viros Scientia & ingenio præcellentes fovere, adjuvare, aliis gnaviter atque obnixè commendare nunquam definis, etiam mediocribus & aliquod pro suo modulo conantibus veniam dabis.

Tibi omni cultu

& obsequio devinctus,

JOH. FREIND.

LECTORIS.

PRODEUNT, *secunda Vice*, *Lectioes Chymicæ* quibus *Appendicem*, quam *vides*, in *Philosophicis Actis Londini editam*, *adjicere libuit*: quamquam *nihil a natura mea magis alienum est*, quam in *caillationibus refellendis bonum otium conserere*. Quia tamen *Actorum Lipsiensium Editores*, qui aliqua *authoritate apud Eruditorum vulgus jamdiu valuerunt*, *Newtono nostro*, *clarissimo gentium omnium*, *forte etiam ætatum in Scientia Mathematica principi*, *nimum invidere videbantur*, *visum est mihi iniquam eorum Censuram ad examen revocare*; & ea, quibus in *re Chymica explicanda tanto sub duce*, *innixus sum*, *principia paulo fusius recolere & tueri*.

Aliud mihi esse negotium credidi cum Dom. J. Le Mort, qui licet *faciem & pulchritudinem Chymicæ purificatam*, *A. D. 1712. ediderit*, ita tamen in *fovrace totus est*, ut ne *vocabulorum vim*, *nedum rationum momenta intellexerit*: *præclorum scilicet facinus se egisse ratus*, quæcunque a *nautis patriis didicerat*, *convitia libere evomuerit*. Sed huic uti *nulla suberat ad laceffendum causa*, ita nec *ulla pariter ad lædendum vis*. Istius igitur *opuscula per me licet intacta maneat*. Et cum *iis Snelleni sui usque inficeti nescio* *cujus C. W. Edinburgensis*, *vel longa in Sotiorum forulis pace*, *qua dudum fruuntur*, *requiescant*; *vel ut alicui saltem usui esse possint*, *Diarrhœa laborantibus inserviant*.

FRÆ.

• PRÆFATIO.

LABES hic, Lector Bene-
vole Prælectiones Chymicas,
iisdem ac aliquot abhinc annis
habitæ sunt verbis expressas
quas quidem haud alia de causa prodire
jam in lucem volui, quam quia aliunde
prodituras fore esset suspicio. Easdem ve-
ro mihi denuo relegenti multis in locis
deficere & laborare ita perspectum est, ut,
suis vitis contentæ negligentioris scribæ
vel mutilationes vel errores minime desi-
derent. Sub prælum igitur plane coactæ
veniunt: cui tamen necessitati libentius
cedo, quod viam hujusmodi peritis ex
mechanica ratiocinnis præmonstratam jam
& quasi patentem videam. Principia
enim, quibus hic magna ex parte usus
sum, nuper explicuit Vir de me plurimum
deque literis meritis, D. Joannes Keil:
fecitque ut me hac argumento immiscere
minus alienum duxerim, quia ex hac ipsa
ratione ac via quam ad investigandas ne-
tu-

P R Æ F A T I O.

turæ leges utcumque secutus sum, intelligi aliquatenus possit, quam in se vim continent Viri Amicissimi cogitationes, & multiplicem in usum redundare queant. Etenim multi qui Axiomata Generaliora, quæque ad certum quendam finem non collimant, quasi ab usu remota negligentius prætereunt, eadem tamen paulo distinctius evoluta, & ad scopum aliquem revocata, clarius demum percipiunt, atque libentius amplectuntur. Et sane, si rationes illas uniusmodi & simplices ex ipsis Naturæ sinu haustus exquirere & rite applicare quam pro suo ingenio fidas sequi Artis nostræ studiosi maluissent, Theoriam non Chymicam dico, sed & Medicam haud ita mancā & mutilam haberemus. Hæc itaque mihi identidem cogitandi is demum huic operi antice satisfacere posse visus est, qui postquam Oeconomiam Animalem accurate descripserit, deinde etiam ita Pharmacorum vim exploraverit, ut tam eum, quo Chymix ope immutantur & effinguntur, tum eum, quo in sanguinem agunt, modam feliciter explicare possit. Quæ profecto
argu-

PRÆFATIO.

argumenta si rite disposita atque illustrata fuerint, cerno jam animo quam pulchre inter se convenirent, quantam sibi mutuo lucem darent, quam claram eruendis morborum rationibus facem prætenderent.

De Principiis, quæ in Chymicorum libris vulgo habentur, perpauca dixi: quia in refutandis erroribus operam haud ponendam censui. Multa apud eos non modo vana & nullo fundamento nixa reperiēbam, sed & contra experientiam omnem conclusa: itaque malui Explicationem hanc Mechanicam ex ipsis Experimentis deducere, quam, uti sæpe fit, Experimenta ad Hypothesin præconceptam accomodare. Ea enim quæ de Attractione dicuntur, cujus vis in hac omni disquisitione latissime patet, non ingenii commenta sunt, sed ex ipsa rerum Natura corporumque inter se observata habitudine, ea præsertim quam Chymia nobis objicit, deprompta.

Uti ergo ratiocinia Scriptoribus Chymicis aut hætenus ignota aut saltem intacta adhibui, ita res ipsas, nonnunquam,

P R Æ F A T I O.

quam, secus ac apud eos enunciata sunt, duce experientia descripsi. In quo quidem instituto si iis, qui in sectam aliquam jurarunt, & incerta rerum nullibi existentium nomina pro Principiis amplexi sunt, parum placuero, iis tamen qui iudicio suo abuti nolunt, me eousque satisfacturum iri confido, ut veram ad Studia hæc promovenda viam instituisse videar.

Quod ad Tabulas & Experimenta atinet, in iis conficiendis omnem quam potui curam atque diligentiam insumpsi. Neque enim opus est perfunctorie aut sine radio aliquo exequendum. Igitur lubens in hisce laboribus socium frequenter habui D. Ric. Frewin, Virum Locī, in quo nutritus est, genio abundantem, disciplinaque omni liberaliore, & presertim Medica, eruditum.

IN.

I N D E X

Praelectionum Chymicarum &c.

<i>Prælect. I. De Principiis & Operationibus Chymia.</i>	<i>Pag. 1.</i>
<i>Prælect. II. De Calcinatione.</i>	8
<i>Prælect. III. De Distillatione.</i>	18
<i>Prælect. IV. De Sublimatione.</i>	28
<i>Prælect. V. De Fermentatione.</i>	34
<i>Prælect. VI. De Digestione.</i>	51
<i>Prælect. VII. De Extractione.</i>	59
<i>Prælect. VIII. De Præcipitatione.</i>	64
<i>Prælect. IX. De Crystallizatione.</i>	68
<i>Tabula I. In qua Rarefactio, Bullitio, & Ascensus liquidorum æstimerur.</i>	74
<i>Tab. II. In qua Gravitās Solidorum Specifica æstimatur.</i>	77
<i>Tab. III. In qua Liquidorum Gravitās Specifica æstimatur.</i>	80
<i>Lectionum Chymicarum, quæ ab Editoribus Lipsiensibus exhibetur, Recensio.</i>	85
<i>Lectionum Chymicarum Vindicia.</i>	91
<i>Oratio Anniversaria ex Harvæi Instituto habita, &c.</i>	108

PRÆLECTIO I.

De Principiis & Operationibus Chymiae.



ITEM Chymicam, Auditores, amplam satis & laboratam habemus; Philosophicam nondum agnoscimus: quæ tamen ita videtur posse illustrari, ut aliquando inter Scientias reponi mereatur. Qui hætenus rerum Chymicarum Phænomena tradiderunt, iis fere Principiis usi sunt, quæ vix intelligi, nedum, explicari queant: ita ut non mirum sit si, nullo facto fundamento, nihil superstruxerint. Eo scilicet more differunt, quasi id unice in animo habuissent, ut ignorantia suæ velum obtenderent; saltē non ut alienæ lucem afferrent. Ita illa quæ de Principiorum ratione dicuntur, non modo obscura sunt omnia, sed fictitia; non Naturæ modo, sed ipsorum etiam Hypothesi discrepantia. Adeo difficile est Fabulam, cui nulla subest veritatis materia, sibi ad extremum constare. Fatemur in Experimentis instituendis satis multa cum laude progressam esse Chymiam, in iisdem explicandis parum profecisse jure querimus: quorum sane lautam satis supellectilem accepimus, Rationes adhuc desideramus. Ternionem illam Principiorum Paracelsicam, sive ut alii malunt Quinarium, etiam

INDEX

Prælectionum Chymicarum &c.

Prælect. I. De Principiis & Operationibus Chymia.	Pag. 1.
Prælect. II. De Calcinatione.	8
Prælect. III. De Distillatione.	18
Prælect. IV. De Sublimatione.	28
Prælect. V. De Fermentatione.	34
Prælect. VI. De Digestione.	51
Prælect. VII. De Extractione.	59
Prælect. VIII. De Precipitatione.	64
Prælect. IX. De Crystallizatione.	68
Tabula I. In qua Rarefactio, Bullitio, & Ascensus liquidorum aestimetur.	74
Tab. II. In qua Gravitas Solidorum Specifica aestimatur.	77
Tab. III. In qua Liquidorum Gravitas Specifica aestimatur.	80
Lectionum Chymicarum, quæ ab Editoribus Lipsiensibus exhibetur, Recensio.	85
Lectionum Chymicarum Vindicia.	91
Oratio Anniversaria ex Harvæi Instituto habita, &c.	108

PRÆ-

PRÆLECTIO I.

De Principiis & Operationibus Chymiae.



RTEM Chymicam, Auditores, amplam satis & laboratam habemus; Philosophicam nondum agnoscimus: quæ tamen ita videtur posse illustrari, ut aliquando inter Scientias reponi mereatur. Qui hætenus rerum Chymicarum Phænomena tradiderunt, iis fere Principiis usi sunt, quæ vix intelligi, nedum, explicari queant: ita ut non mirum sit si, nullo facto fundamento, nihil superstruxerint. Eo scilicet more differunt, quasi id unice in animo habuissent, ut ignorantia suæ velum obtenderent; saltem non ut alienæ lucem afferrent. Ita illa quæ de Principiorum ratione dicuntur, non modo obscura sunt omnia, sed fictitia; non Naturæ modo, sed ipsorum etiam Hypothesi discrepantia. Adeo difficile est Fabulam, cui nulla subest veritatis materia, sibi ad extremum constare. Fatemur in Experimentis instituendis satis multa cum laude progressam esse Chymiam, in iisdem explicandis parum profecisse jure querimus: quorum sane lautam satis supellectilem accepimus, Rationes adhuc desideramus. Ternionem illam Principiorum Paracelsicam, sive ut alii malunt Quinarium, etiam

Alkali & Acidum Tachenii non plane amplectitur dico, sed certe parcius repudiat hodierna Chymia: quæ quidem explicationes istas verbis fortasse tollit, re tamen relinquit. Neque ex tot Scriptoribus reperitur aliquis, qui non in eas ipsas Hypotheses, quas in aliis reprehendit, inciderit; saltem nullus adhuc exitit, qui ea Chymicæ posuit fundamenta, quibus inniteretur hujusce Artis justa & Philosophica enarratio. Non enim qualis revera esset Natura corporum Mechanica, investigarunt; sed qualem vellent esse, commenti sunt: ita leges & affectiones corporibus affinxerunt, quæ nec Mechanicæ congruerent, nec sibi. Huic arti nemo plus lucis attulit, quam insignis ille Philosophiæ experimentalis instaurator Boyleus; qui tamen non tam nova Chymicæ extruxit fundamenta, quam dejecit vetera: materiam, unde erui possit vera rerum explicatio, uberem reliquit, ipsam explicationem per paucis attigit. Viam adeo qua Chymia ad Mechanica, hoc est, ad vera Principia exigi possit, primus aperuit, Vir de Philosophico orbe & hac præsertim Academia bene meritus, Johannes Keil: cujus cum alterum opus Physicum prodierit, facile patebit, res etiam reconditissimas illustrari posse, cum ad eas illustrandas sanum accesserit ingenium.

Hiscæ igitur Principiis usus, ea, quæ ad Chymicæ notitiam potissimum faciunt, paulo fufius differere conabor; ejusque Operationes primarias, quod videtur opus maxime desideratum, qua possum


Praelectiones Chymicae. 3

sum perspicuitate exponere. Qua quidem methode utendum duxi, tum quia simplex maxime & naturalis sit; tum quia cognoverim istos, qui vulgariter habentur sine ordine, sine delectu ullo, Cursus, ita parum prodesse ita ne rudem quidem Chymiae imaginem in animo relinquere, ut Audientes obruere magis quam docere soleant. Itaque ea erit instituti nostri ratio: Primo, singulas Operationes eo quo inter se connexae sunt ordine explicare; deinde tum qua potissimum vi Mechanica eduntur, tum cui usui inserviunt. Secundo, varios, quibus fieri & possunt & solent, modos evolvere. Tertio, denique suo quaque loco Experimenta particularia recensere, eaque ad generalem Theoriam redigere. Sed ad haec omnia quae dicenda sunt multo facilius patebit via, si ex Geometria & Physica quaedam Lemmata, sive Postulata, mutuemur: quae quidem a scientibus ultro concedi confidimus, ab aliis credi volumus.

1. Corpora omnia similia sunt in Triplicata ratione laterum Homologorum: adeoque & Sphaerae sunt in triplicata ratione Diametrorum, seu ut Cubi a Diametris. Itidem Corporum similia, in quibus eadem est densitas materiae, Pondera sunt ut Cubi a Diametris. Superficies vero sunt in duplicata ratione Diametrorum, seu ut Diametrorum Quadrata.
2. Corporum Momenta, seu Quantitates motuum oriuntur ex ratione Quantitatis materiae & Celeritatis composita.
3. Corpus si Fluido, cui immergitur, Specificae

gravius sit, descendet ea vi, quæ gravitatis excessui respondeat. Quod si Fluido levius sit, sursum evehetur ea vi, qua ipsius gravitas superatur a gravitate Fluidi.

4. Datur Vis Attractrix, seu omnes Materiæ partes a se invicem trahuntur.
5. Vis hæc per spatiola admodum exigua diffunditur, ita ut, cum Corpora longius a se invicem absint, fere evanescat. Neque sensibilis evadit, nisi cum Corporum particulæ propius ad se mutuo accedant: sub ipso autem Contactu validissima est. Adeoque decrescit vis Attractrix in ratione Distantiarum augescentium, quæ duplicata major est.
6. Vis adeo hæc pro varia Particularum figura & densitate diversa est: quod quidem in gravitate alias se habet, quæ eadem perpetuo manet, quomodocunque mutetur corporis figura.
7. Sed in uno latere ejusdem Particulæ fortior erit Vis Attractrix, quam in alio.
8. Particulæ quo minores sunt, eo majore Velocitate ad se invicem accedunt. Nam vis Attractrix non nisi in Particulis, quæ sibi mutuo



maxime appropinquant, nempe, d, & c, inest: remotiorum vires fere nullæ sunt. Adeoque non major infumitur vis ad movenda corpora A & B, quam quæ patticulas, d & c, a reliquis solutas
in

in motum excitaret . Sed Corporum eadem vi motorum Velocitates ipsis Corporibus reciproce respondent . Unde quanto Corpus A magnitudine excedit particulam d , tanto minus velociter movetur : motusque hic adeo languidus est , ut a medio circumambiente aliisque Corporibus sæpenumero obstruatur . Ideo fit ut Vis hæc Attraëtrix vix sese exerat , nisi in minimis Particulis extra aliarum consortium semotis .

9. Vis , qua particulæ Corporum inter se cohærent , ab Attraëctione oritur ; & pro varia Contactuum quantitate multifariam mutatur .

His igitur , quæ demonstrant Mathematici , ita præmissis , ad Chymicæ doctrinam explicandam accedimus . Cumque ea sit Ars , quæ Corporum Naturalium partes vel segregatas conjungit , vel conjunctas segregat , idque plerumque ignis auxilio , Operationes Chymicæ commode dividi possunt bifariam : in Diacrisin sive partium Dissociationem , & Syncrisin sive Compositionem . Quæ quamquam a plerisque retinetur divisio , nondum inter eos convenit , quænam Operationes ad alterutrum genus pertineant ; dum quam hi in Dissociationis classe collocant , illi contra ad Compositionem relegant . Nos novum quendam ordinem adhibere , eumque argumentis assequere conabimur . Prioris igitur generis præcipuæ sunt , Calcinatio , Distillatio , Sublimatio : posterioris , Fermentatio , Digestio , Extractio , Præcipitatio , & Crystallizatio . Quæ cum sint Ope-

rationes maxime Generales, ad eas facile reducuntur quæ in Chymicorum libris numerantur cæteræ; saltem his rite intellectis & expositis, etiam innotescant cæterarum causæ.

At priusquam ipsas Operationes attingamus, non inutile erit pauca de iis præfari, quæ ope Chymicæ ex corporum Resolutione proveniunt; ideo nempe ut vocabula saltem, si non res ipsas, in quibus ita multi sunt Chymici, intelligamus. Ignis igitur vi, Corpora resolvi solent in partes tum Liquidas, tum Siccas. Liquidæ si acres sint nec inflammabiles, appellantur Spiritus; qui tamen nihil aliud sunt, quam Sales in Phlegmate soluti: eadem si insipidæ fuerint, Phlegmatis, seu Aquæ, nomen sortiuntur. Ex Siccis quæ sapidæ sunt & in Aqua solubiles, Sales vocantur: quæ insipidæ, nuncupantur bifariam; aut enim Volatiles sunt, & Flores dicuntur; aut Fixæ, tumque Terra audiunt & Caput Mortuum. Oleum, sive Sulphur, apud Chymicos non liquida tantum Olea denotat sed materiam quamvis quæ inflammari queat: quanquam est etiam apud eos Sulphur, quod flammam non concipiat,

Ita plerumque discriminari & definiri solent partes, quas ex corporibus elicit ignis Chymicus; quæ igitur apud universos fere hujusce disciplinæ sectatores pro Principiis habentur. Hoc quam male iis conveniat nomen, non opus est ut fusi-
us exponam: quæ nec in omnibus corporibus reperiri, nec in se invicem mutari non posse, ipsi statim videbitis. Etenim hæc omnia quæ, tan-
quam

quam elementa vulgo jaētitantur, sola efficit, igne admoto, texturæ discrepantia: uti idem sanguis per diversa organa transfusus succos constituit, qui nec odore, nec sapore, nec etiam compage consentiunt.

Arbitremini fortasse de Acido aliquid & Alkali dici oportere, quæ ita passim in ore hominum versantur. Sed hæc, prout sibi repugnare & contradicere feruntur, qua definitione completar, non video; quid enim revera significant, ita plane nescire me profiteor, ut ne quidem quid ab iis significari velint Chimici, satis sciam. Si enim id Acidum esse velint, quod pungat, quod corrodat: id Alkali, quod non corrodat, pungat tamen; erit quod ipsi concedent esse Alkali non negabunt interim esse corrosivum. Sive illud Acidum vocent, quod Syrupo Violarum admixtum, Rubrum colorem excitat; Alkali id, quod Viridem erunt utriusque generis multa, quæ neutrum erunt quæ contrarium colorem elicient Idem de Experimentis, quæ cum Solutione Vitrioli instituuntur, dici potest. Sive demum ex Fermentatione & inimicitia mutua innotescere contendunt utriusque indolem, nihil hinc quicquam proficimus: quippe utcunque inter Acidum & Alkali ferveat mortale odium, aliquando tamen alterutrum suo etiam generi non minus irascitur. Acida enim cum Acidis, Alkalicaque cum Alcalicis bellum intestinum gerunt. Quodque, cum uno Corpore comparatum, Alkali audit; mox si ad alterum conferatur, Acidi titulo in-

signitur. Ita frustra quærimus limites, quibus utralibet Species contineri debeat. Hinc quam recte ii faciant, non difficilis est conjectura, qui Theorias non Chymicas modo, sed & Medicas ex Acidorum Alkaliumque doctrina confingunt, dum ne vocabulorum quidem vim intelligunt.

PRÆLECTIO II.

De Calcinatione.

EX instituta Methodo, a Calcinatione inchoandum est: quæ est ea corporum per ignem dissociatio, qua fit ut in pulverem redigi possint: igitur a quibusdam dicitur Pulverizatio Chymica. Quæ cum nunquam fere sine Liquefactione sive Fusionem peragi soleat, utraque tanquam una eademque operatio commodè tractari posse videtur; præsertim cum eadem utrique conveniat ratio.

Corpora itaque liquantur seu infunduntur (idem enim hæ voces significant, licet apud nonnullos distingui soleant) cum ex solidis reducuntur in Fluida. Ita ut si Soliditatis Fluiditatisque ratio innotescat, Liquationis etiam naturam assequamur, Soliditas, sive, quod hoc in loco idem est, durities corporis, hoc est, vis ea qua diffidio renititur, oritur ex mutua partium Cohærentia: Cohærentia autem ab Attractione, quæ omni materiæ inest, deducitur, eique pariter respondet. At-

tractio porro cum sub contactu fortissima sit , facit , ut quo pluribus in locis partium superficies se invicem contingant , eo arctius coalescant , & divortio cuicunque tardius obtemperent : ubi vero exigua est partium cohærentia , uti in corporibus Sphæricis , quorum superficies non nisi in puncto se tangunt , ita ut partes impulsui cuivis facile cedant interque se invicem moveantur , si ve id natura si ve arte fiat , ibi locum habet Fluiditas : quæ quomodo vi ignis effici possit facile concipiendum est . Ignea quippe corpuscula dum in materiam liquandam se insinuant , eam ita comminuunt & segregant , ut partium multo minor contactus fiat , & proinde imbecillior cohærentia : quæ ita porro dimoto contactu potest debilitari , ut partes super se invicem labi si ve fluere non prohibeat . Ad eandem plane normam ossa in Machina Papiniana in fluidam massam , jusculo similem , rediguntur .

Corporum partes ita ab Igne dividi & a mutuo contactu segregari probat , quæ in Liquefactione observatur , Rarefactio : nisi enim eæ igneas particulas intromitterent , ita ut a contactu mutuo longius abessent , non esset cur in ampliorem molem se diffunderent . Ita etiam Ferri lamina dum ignescit , non modo tumidior , sed & longior reperitur . Idem etiam in Cupri Calcinatione obtinere intelligitis . Pari modo carnes assatæ nonnihil tument , præsertim si maneat Epidermis , uti in Porcellis . Quippe in his omnibus particulae igne segregatae latius spatium desiderant .

Ex

Ex hac Cohærentiæ discrepantia oritur omnis illa in Corporibus Liquandis varietas : alia quippe, in quibus minor est partium contactus, igni citius parent, & nonnunquam solo Vapore tabescunt : alia, arctiore contactu gaudentia segnius funduntur. Ita Vegetabilia satis prompte liquefcunt ; Mineralia tardius ; Metalla omnium tardissime. Atque ex his etiam, in quibus partium contactus minor est, uti Stannum & Plumbum, facilius cedunt, contra compactiora, Aurum puta & Argentum, non nisi vehementiore igne domantur. Quod si vis Cohærentiæ Quantitati materiæ seu Ponderi corporum responderet, eliceretur facile ex Staticis varia Liquefactionis ratio : cognita scilicet Gravitate corporis Specifica, innotesceret etiam ad liquefcendum promptitudo. Sed quia eadem materiæ quantitas ita varie potest disponi, ut in uno corpore longe major sit partium contactus quam in alio, dum par interrim sit Gravitas, vel etiam minor, ex Gravitate non recte æstimatur vis Cohærentiæ. Id quod etiam Experientia comprobatur. Plumbum quippe, licet metallis omnibus, si Aurum excipias, ponderosius, præ reliquis tamen in igne facilius fluit: in quo igitur necesse est, utcunque materiæ Quantitas sit major, cohærentiam, sive partium contactum, esse minorem.

Post Fusionem, si ab igne amoveantur, motu, quem excitavit ignis, cessante, in Solidam rursus compagem coeunt Corpora, particulis nempe a vi attrahente propius sibi invicem locatis, unaque

que concreſcentibus. Horum alia, quæ ex partibus Homogeneis & mutari neſciis conſtant, uti Cera, Gummata, Metalla puriora, priſtinam formam recuperant; cum enim in univerſo corpore eadem maneat partium textura, fieri nequit quin in eandem ſpeciem reviviſcat. Alia vero, quorum partes quoad denſitatem & ſuperficiem longe inter ſe diſcrepant, dum quædam vi caloris avehuntur, quædam etiam vel quoad figuram, vel quoad locum, immutantur, aliam formam induunt: antiqua enim redire nequit facies, niſi ſimili prorſus ſitu quævis, uti prius, reponatur particula: quod quam pene infinitis modis impediri queat, facile experimur in Corporibus Heterogeneis, qualia ſunt Vegetabilia omnia, & Mineralia, atque etiam ex Metallis quæ habentur infima. Ita Herba quævis in Cineres, Vitriolum exſiccata omni humiditate in Chalcanthum abit; & Lutum fornacis calore in Tegulas & Lâteres compingitur.

Adeo in Corporibus etiam Homogeneis, ea quæ poſt Liquationem obſervatur diſcrepantia, ex mutabili partium ſuperficie unice petenda eſt: ea quippe in quibus partium ſuperficies eadem ſibi que conſtans permanet, formam haud amittunt: alia, mutata ſuperficie, diſſimili partium coagmentatione alioque vultu fruuntur.

Liquatione ad hunc modum expoſita, facile intelligi poteſt Calcinatio; quæ nihil aliud eſt; in quamplurimis ſaltem, niſi diuturnioris Liquationis effectus. Dum enim longius intenditur Li-
qua-

quatio , non modo avolant corpuscula magis subtilia , sed igneæ particulæ ea multitudine in corpus se insinuant , eique quaquaversum se immiscunt , intimiusque agglutinant , ut non amplius persistere queat illa , quæ primum ab igne inducta est, Fluiditas. Ex unione adeo hac tertium aliquod emergit corpus , quod cum porosum admodum sit & friabile , in pulverem facile redigitur . Igne quippe in poros corporis undique admissio, tum a mutuo contactu distractæ sunt particulæ , tum etiam in minutissimas atomos discerptæ & partitæ unde pulveris tenuissimi formam facile suscipiunt . Ad hunc modum Hydrargyrum igni diutius expositum in Calcem convertitur .

Ita Corporum , quæ calcinantur , partes dividit & rarefacit Ignis , ut si iterum igni committantur , facilius multo quam antea cedant ; uti in Calce Plumbi experimur: imminuitur quippe illa , quæ igni renitatur , cohærentiæ vis . Ita Cuprum , atque etiam Argentum , quod cum ex partibus minus avolantibus conflatum sit , non nisi vehementiori igni obtemperat , si cum Sublimato calcinetur , vel Lychni admota flamma , liquefcit. Ita idem Argentum in Luna Cornea, quæ fit ex Crystallis Argenteis cum Spiritu Salis calcinatis , ad ignem veluti cera funditur .

Hanc Corporum , dum in Igne calcinantur , Diffociationem & Rarefcientiam satis luculenter probat illud , quod ex igne oritur , ponderis incrementum . Ita Stannum , cæteraque omnia Metalla , Calcinatione graviora fiunt : adeo ut

un-

uncia Plumbi flamma Spiritus Vini in Calcem redacta, ultra Scrupulum pondus augeat. Ex quibus quidem Experimentis constat, non modo corporis Calcinati partes igne comminui admodum & rarefcere, sed ipsum etiam ponderis incrementum ex igne proficisci. Crudi enim Plumbi gravitas, si ad Aquam conferatur, est ut 11 $\frac{1}{2}$ ad 1; calcinati autem, ut 9. ad 1. Ita ratio Cupri Calcinati est 5 $\frac{5}{11}$, quæ in crudo est 8 $\frac{1}{2}$. Cerrussæ ratio ad ipsum Plumbum adhuc minor reperitur, scilicet subtripla. Reguli Antimonialis unciiis quatuor, si per sesquihoram liquentur, pondus Drachmarum ij ss accedet, utcunque copiosi interim evahantur vapores. Simile quiddam in distillando Saturni spiritu observat Lemerius. Ita Calcinatione augetur quidem gravitas Absoluta, imminuitur interim Specifica: quod inde fit, quod particulæ corporis igne divisæ & a contactu mutuo segregatæ in latiore molem excrescant. Ignis autem particulæ cum corpore Calcinato leviores sint, dum ei undequaque commiscantur, perque poros diffunduntur, gravitatem Specificam imminuunt, Absolutam augent.

Utcunque vero igne Calcinatorio dividuntur & distrahuntur Corporum particulæ, ita ut veterem formam exuant, Metalla tamen pleraque, & ex Mineralibus nonnulla, quæ partibus ut plurimum Homogeneis gaudent, naturam cum forma non videntur deponere. Quippe Aurum, Argentum, Hydrargyrum, quacunque Calcinatione vexata, destrui nequeunt: sed levi negotio in-

an-

antiquam formam reviviscunt, Ita ex Sale Jovis Stannum denso elicitur. Etiam Plumbi, Metal-
lorum fere impurissimi, Calx pristinam speciem
facile recuperat. Itidem tum ex Calce tum ex
Vitro Antimonii non modo Regulus educi po-
test, sed ipsa etiam Antimonii substantia. Ita ut in
hujusmodi corporibus Calcinatio nonnisi imper-
fecte peragatur: multæ quippe particulæ ita pa-
rum immutari & aboleri videntur, ut siquando
eas ab aliarum consortio sejungimus, figuram
propriam sibi que congenerem suscipiant. Neque
fortasse id tacendum est, in omni Calcinatione
hoc plurimum valere, quod nempe particulæ
istæ, quarum vis Attractrix fortissima est, quæ-
que ad corporum cōhærentiam maxime condu-
cunt, durante fusione avolent, & in vapores a-
beant: adeo ut si istiusmodi particularum uberior
copia evaporet, aliud tandem corpus emergat. Ita
in Plumbi liquatione fumos ea densitudine assur-
gere videmus, qui tandem nihil nisi Calcem re-
linquant, ipsi metallo multum absimilem. Aurum
& Argentum etiam peracta Calcinatione, uti vul-
go instituitur, sub antiqua specie prodeunt, quia
nullæ fere in vapores secedunt particulæ. Atque
hæc quidem quæ igne fusorio exhalent corpuscu-
la, ea esse videntur, quorum superficies latissima,
gravitas autem minima, reperitur. Itaque Hydrar-
gyrus, cujus particulas contrario plane modo cō-
stitutas novimus, difficillime in Calcem facessit.

Sed huic Calcinationis explicationi nullum
magis favet, quam quod ex ipsa Operatione desu-

mi potest argumentum . Ea enim sæpius ut feliciter succedat , vel spatula subinde agitamus corpus calcinandum , vel cum altero quodam commiscemus . Utrumvis scilicet id efficit , ut particulæ minus inter se cohæreant , adeoque facilius igni pareant . Constat ex iis quæ supra de Cupro & Argento dicta sunt , quanto promptius vi caloris liquefcant , si iis Sublimatum immiscueris . Cujus quidem Phænomeni ratio ex natura Hydrargyri , quocum conficitur Sublimatum , erui posse videtur . Experimentis abunde constat , Hydrargyrum cum corporibus fere quibuscunque prompte coalescere ; unde & satis evincitur vi fortiter attrahente donari . Hæ igitur particulæ Cupro vel Argento admistæ , cum Virtute Attraëtrice multum præpolleant , faciunt , ut utriuslibet corpuscula minus se invicem attrahant . adeoque Cohærentiæ vis . quæ antea Cupro aut Argento inerat , infringatur & languescat : quippe quanta ab Hydrargyro prodit Attraëtionis energia , tanta Metallicis particulis decedit . Unde cum adjecto Mercurio debilior fiat in Metallis Cohærentiæ vis , major erit ad liquefendum proclivitas . Hoc quod de Mercurio dictum est , etiam in Salibus obtinet . Idem quippe præstat Sulphur , quod particulis salinis valideque attrahentibus ubertim scatet ; in Veneris Calcinatione : idem etiam in Croco Martis : a sulphureis quippe particulis non tantum ignis intenditur ; sed ipsa ferri compages eo quo diximus modo reseratur , inque guttulas deliquescit . Quam Ferri Calcinationem Chymi-

ci peculiari fere nomine Granulationem appellant . Hoc quippe singulare habent duo ista Metalla, ut non nisi admixto Sulphure, aut simili quopiam, colliquantur . Par est ratio, cur cum Ferro calcinetur Sal Armoniacus, ut eliciatur Tinctura Mynsichti . Ita Vitrum Antimonii & Crocus Metallorum, si Salem vel communem vel marinum adjeceris, breviori multo tempore calcinatur . Eodem modo Aurum & Argentum in Calces nequeunt redigi, nisi aut Spiritibus Salinis aut Mercurio aperiatur textura metallica, Hinc Borace aliisque salibus ad Fusiones utuntur Metallurgi .

Ufus denique Calcinationis iis, quæ dicta sunt, accurate respondet . Calcinationi enim corpora prius committimus, ut aliis Operationibus fiant magis idonea . Ita Vitriolum calcinamus, ut melius inde distillari queat Oleum & Spiritus . Ita Tartarum & Ferrum fundimus, ut Digestione Tincturas extrahamus . Id quippe Calcinatione efficimus, ut particulæ corporum laxius multo inter se cohereant, adeoque promptius in quemcunque demum usum evocentur .

Ad Calcinationem pertinet Vitrificatio . Ea de corporibus dicitur, quæ, peracta Calcinatione . Vitri instar pellucet : ad quam igitur vehementior ignis & diuturnior adhibetur, Ita ad Vitrum Antimonii conficiendum prævia Calcinatione opus est . Inde textura Homogenea: quæ non minus in corporibus pellucetibus requiritur, quam pororum rectilinea positio . Igne quippe admoto, abs-

ce.

cedunt & dissipantur corpuscula Heterogenea magisque Volatilia, quibus Radii lucis ob infinitam pene Refractionum multitudinem languescunt: ea interim quae ejusdem indolis sunt, densa scilicet atque fixa, derelicta in unum concrelescunt. Adeo cum similis undequaque observetur partium conformatio, materia ista calcinata radios lucis æqualiter attrahit & transmittit. Ita Fusione diutina, quæ particulas leviores sæculentioresque abigit, Vitrum commune * conficitur. Hæc de Vitrificationis modo observatio, uti Ratiocinia nostra comprobant, ita etiam & Staticis evincitur. Si enim Gravitatem spectes, Vitrum commune mixturæ, ex qua educitur, multum ** præponderat. Pariter Antimoniale Vitrum ipso Antimonio ponderosius esse declarant, quæ de Gravitate Specifica fiunt Experimenta: particulis nimirum, quæ leviores sunt, inter calcinandum avolantibus.

Sub Calcinatione demum apud Chymicos poni solet Decrepitatio, & Detonatio: altera fere Salis communis, altera Nitri cum Mineralibus Sulphureis admisti propria. Sed frustra vocabulorum numerum augent, cum nulla sit in Operationis norma diversitas: utcunque enim inter operandum crepet Sal, detonet Nitrum (ob aeris inclusi rarefcentiam atque impetum) utrumque tamen ad eundem modum calcinatur. Est & alia

Tom. I.

B

quæ

* Soda, quæ & Kali dicitur, sola incineratione in materiam Vitream copiose abit; quippe ea planta sale acri & vivido plurimum abundat: ita ut ex Soda Hispanica, ea præsertim quæ ad Sinum Illicitanum crescit, uberem succi acerrimi & fere Caustici copiam etiam sine igne, sæpius extraxerim.

** Tab. 2.

quæ per Menstrua fit Calcinatio : quæ , cum rectius dicatur Corrosio, ad suum locum remittetur.

~~~~~

## P R Æ L E C T I O III.

### *De Distillatione.*

**D**istillatio, sive ut alii, nec fortasse perperam, loquuntur, Sublimatio humida, est ascensus & elevatio particularum, guttularum more deorsum rursus stillantium.

Iste fluidi ascensus duobus potissimum modis efficitur primo Specificæ Levitatis ratione, secundo Impulsus.

Primus elevationis modus patet ex Lemmate, videlicet, Particulas corporum quæ in Fluido quocunque innant, si specificè leviores sint, a Fluido sursum evehi debere. Cum igitur per Aerem evehantur Liquores Distillati, quærendum est, quomodo fieri possint Aere specificè leviores. Fiet itaque Fluidum altero Specificè levius, cum sub majori mole æqualem vel minorem habeat Gravitationem. Ita ea ratione augeri debet fluidi distillandi moles : quam facile augeri, seu quod idem est, rarescere posse agnoscet, igne adhibito, qui in Re Physica vel mediocriter versatus est; nec eum latere potest quantum aeræ, aut subtilioris forsan materiæ in fluidis ferè omnibus inclusum sit, quantaque sit ad eam rarefaciendam

caloris vis, qui vel Thermometrum, vel Cucurbitam Vesicatoriam, vel Aquam bullientem unquam viderit. Saltem hoc satis edocebunt ingentes isti, qui a Distillatione Vitrioli excitantur, in Receptaculo vapores. Nimirum Rarefactio nihil aliud est, quam eadem materiæ quantitas in spatium majus diffusa; ita ut idem maneat pondus, augeat interim molis amplitudo: etiam increfcit pororum quantitas, materia vel prorsus omni, vel graviore saltem vacantium. Cujus rei exemplum luculentissimum in ipso aere patet; quem Experimentis Pneumaticis ad gradum pene infinitum rarefcere solere novimus. His igitur ita expositis, id unice agendum restat, ut, quænam Rarefactionis proportio Specificam hanc Levitatem pariat, investigemus. Quod ut clarius concipi queat, a simplicioribus ordiamur, & ab Aqua imprimis exemplum capiamus. Notum est adhibito computo, rationem quæ est inter Aquæ & Aeris gravitatem specificam, esse paulo plusquam octingenariam. Cum igitur Sphærulæ, sive Solida Similia, sint ut Diametrorum Cubi, eademque pariter ratione reciproce decreseat Gravitass Specifica qua augescunt Diametrorum Cubi: sufficiet, ut particula Aquæ levior sit Aeris particula, si eo usque rareseat, ut decies tantum, quod perexiguum est, augeatur ipsius Diameter. Diametri enim, quam particula ita rarefacta obtinet, Cubus est 1000. Si undecies augeat Diameter, Cubus erit 1331; si duodecies, 1728. Ita Aqua ad duodecimum gradum rarefacta, Aere,

plusquam duplo, levior evadet. Quod si ulterius intendatur Rarefactio, facile est ex numerorum progressu colligere, quam pene infinite reddi possit Aqua Aere levior. Itaque ut hæc instituto nostro propius accomodemus, patet corporum pariter Fluidorum, si æque gravia sint, elevationem Rarefcentiæ aptitudini respondere, hoc est, eo promptius vi adhibita elevari, quo facilius rarefcent: sin ad rarefendum æque sint proclivia, a Gravitate Specifica determinari. Ita ut in iis, quæ hoc modo distillantur, corporibus tempus elevationis æstimetur ex ratione Rarefcentiæ Specificæque Gravitatis composita. Quod non Theoriæ modo, sed & Experimentiæ, sine qua altera nihil valet, accurate congruit. Eodem quippe caloris gradu adhibito, Spiritus Vini, Spiritus Salis Armoniaci cum Calce viva paratus, Aquæ Stillatitiæ, quorum omnium gravitas minor est, faciliorque rarefcentia, quam Aquæ communis, per Retortam citius elevantur: contra, Spiritus Acidi, quales sunt Salis, Nitri, & Vitrioli, quanquam promptius incipiant; seignius quam ipsa Aqua in Excipulum feruntur: licet enim Aquæ minor sit Rarefcentia, tamen non ea est, quæ istorum Gravitati reciproce respondeat. Pari modo particulæ Vegetabilium & Animalium, quarum textura rarior est, & proinde moles levior, facilius sursum aguntur, quam quæ ex Mineralibus aut Metallis prodeunt. Id porro in hoc loco observari potest, corpus quod distillatur, semper tenuius & magis subtile esse, quam

quam crudum ex quo Distillatum emanavit . Ita Aqua Rosacea est succo Rosarum tenuius & minus ponderosum ; ita Spiritus Rectificati , eos , qui semel tantum ignem passi sunt , levitate excedunt . \*

Aliter se res habet quando inter distillandum Abstractione utimur : verbi gratia , Acetum Distillatum Crudo præponderat : in hoc quippe casu relinquitur liquor particulis Salinis saturatus , Phlegmate fere omni , cujus minor est gravitas , avvocato . Idem in Dephlegmatione , uti vocatur , Acidorum Spirituum perpetuo observamus .

II. Non modo Specifica Levitas corpora distillanda evehit , sed etiam fursum agit externa Impulsio . Impulsio illa , quæ hujus loci est , ab igne oritur . Cujus particulæ , etsi tenuissimæ atque levissimæ sint , tamen ex Mechanicis facile constabit , ab iis certa quadam vi agentibus posse fursum impelli corpora gravitate multum excedentia . Cum enim Momentum corporis , seu vis ea qua in alterum impellitur , ex ratione materiæ Quantitatis Celeritatisque composita oriatur , potest ita intendi Celeritas , ut validum satis momentum corpori impertiat , utcunque exigua in eo sit materiæ Quantitas . Supponatur itaque corpus aliquod grave nullo alio momento , nisi quod ex ipsa gravitate obtinet , descendere ; potest interim Aer , qui est multo levior , ea celeritate ferri , ut id non sustineat modo , sed attolat : quoque rapidior fuerit Aeris impetus , aut quo magis in latum

B 3 ex.

explicata sit corporis moles, ea altior celeriorque fiet elevatio. Ita laminas plumbi integras vento abripi, perque Aerem subvectari sepe cernimus. Pariter in igne, corpore utcumque exiguo, potest esse ea motus rapiditas, quæ ad obstacula dimovenda quantamcunque volueris impertiatur vim. Quod tum alias quotidie, tum maxime in Pulvere Pyrio experimur. Cum igitur eo quo diximus modo increbuerit Ignis momentum, ut corpus distillandi vim superet, id de sede pristina dimovebit: seu, quod in hoc loco idem est, quia in sublime motum exierit, sursum abripiet. Ita particulae Aere, qui in vase continetur, specificè graviores, quales esse novimus Spirituum Acidorum, violentiore ignis impulsu, quo in Distillatione utimur, assurgunt. Id etiam huc spectat, quod eadem materiae quantitas eo facilius elevetur, quo latiore habuerit Superficiem: hæc enim largius diffusa, plures in se recipit ignis particulas, adeoque unito hoc impetu adacta, promptius sursum evehitur. Ita ut idem ignis gradus corpora æque gravia non æque attollat, modo ea, de qua diximus, sit in Superficie diversitas. Atque in hoc quidem Impulsus negotio, partem haud exiguam Aer sibi vendicat; qui non modo igne rarefactus sursum adigitur, sed alia etiam corpuscula secum in sublime rapit. Quem vero impetum corpora ita rarefacta exerceant, familiare hoc experimentum satis ostendit. Aqua cocta non nisi ad certum caloris gradum perducipotest; cumque semel efferbuerit, nunquam intensius incalescit:



eadem tamen Machinae Papinianae inclusa ultra modum excandescit . Immo si frigida Metallum aliquod excalesfactum injeceris, ea illico in explosionem, qualem in Pulvere Pyrio cernimus, cietur . Sed Aeris rarefacti vim nihil luculentius illustrat, quam Machina illa, qua carbonem ex puteis subvehendos docet D. Savery. Siquis hæc bene perpenderit, quid nempe efficiat Specifica Levitas, vis Impellens, & Superficie mensura: quotque modis, & qua ratione ea omnia mutari possint, omnem hujusce Distillatoriae Operationis varietatem facile eliciet .

Advertendum est in iis omnibus, quibus Levitatem Specificam sive Rarefcentiam conciliat Distillatio, Impulsus etiam locum habere; ignis enim utrumque simul efficit: ita ut minor Rarefcentiae ratio ad elevanda corpora sufficiat, quam quæ supra a nobis posita est . In iis autem quæ Impulsu evehuntur, non necesse est ut ibi se commitem adjungat, ( nonnunquam enim abest ) Rarefcentia . Alia etiam est inter Rarefcentiam & Impulsus discrepantia, quæque huic Distillationis explicationi maxime favet, quod nempe iis, quæ Rarefcentiae ope evehuntur, lenior ignis sufficiat: ad ea, quæ Impulsu solo excitantur, etiam vehemens desideratur .

Quod ad operandi diversitatem attinet, duplici fere modo fieri solet Distillatio . Est enim vel Recta, vel Obliqua: hæc per Retortam, illa per Alembicum instituitur . Utriusque eadem prorsus est ratio; nisi quod hoc sibi peculiare habeat Re-

Etia, quod quicquid per eam distilletur, ad Pluviam similitudinem effingatur. Uti enim Vapores Aquei, solis calore, terra marique evocati, eoque ita rarefacti, ut Aere specificè leviores fiant, altum petunt & in nebulas coeunt; deinde Aerem prægravantes pondere suo deorsum feruntur, & guttatim Pluviam forma distillant: ita idem præstat Alembicus. Particulæ fluidæ ex corpore distillando, vi ignis, uti supra dictum est, expressæ, perque Aerem, tum Rarefcentiæ tum Impulsus ratione, subvectæ, ad Alembici culmen sub vaporum specie deferuntur: donec mox tum ab ipsius parietibus reperiussæ, tum frigore externo densatæ, ita inter se coeunt, ut præ Gravitate Specifica per interius Alembici latus in declive cadant: unde in Rostrum quasi lacuna quadam derivantur. Eadem obtinet in Oleo Sulphuris, quod per Campanam fit, explicatio. In Oleis, & nonnunquam in Spiritibus distillandis, Alembici rostro apponitur canalis longus, per multos anfractus flexusque, serpentium instar, circumductus: qui dum vas Aqua frigida plenum petransit, facit, ut Vapores non evanescant, & in guttas citius densentur.

Est & alia apud Authores; per Descensum, Distillatio; quando particulis corporum vi ignis in superiore vase disjunctis, quod fluidius est in alterum inferius stillat: uti in Pice elicienda & Aqua Rosacea, vel mulierculis notum est. Sed quia fere ex Chymicorum officinis exulavit, eam ad alium locum remittamus.

Quod

Quod modo Recta, modo Obliqua Distillatio sit commodior, ratio ex compage naturaque corporis distillandi petenda est. Recta scilicet adhibetur, quando ea sit corporis textura, quæ id in sublime facile ferri patiatur; qualem in Vegetabilibus observamus. Alia vero particulis gravioribus prædita igni segnius parent, & ad altitudinem Alembici evehi nequeunt, cujusmodi fere sunt Mineralia omnia & Metalla; itaque non nisi Obliquæ Distillationi cedunt. Recta nimirum, utpote lenior, in iis, quæ promptius rarescunt, fere unice locum habet; Obliqua iis, quæ non nisi impulsu, evehuntur, plerumque destinatur: quæ igitur sola est, quæ in Reverberio fit, Distillatio.

In Distillatione, aliter atque ut plurimum in Calcinatione, id licet observare, quod materia distillata, quanquam ex Corporibus Solidis, verbi gratia, Vitriolo, Cornu Cervi, Ossibus evocata, non in pristinam redit compagem, sed in fluore persistit. Quisquis ad ea, quæ in Calcinatione diximus de Cohærentiæ Fluorisque ratione, attenderit, hoc etiam quam ad causam referri possit, facile perspiciet. In Distillatione scilicet partes tenuiores non modo segregantur a crassis, sed abstrahuntur penitus, & per se extra aliorum consortium collocantur: ita ut cum Liqueor iste Distillatus nihil aliud sit nisi partium fluidarum congeries, fluorem semper retineat necesse sit.

Id etiam credo advertitis, vario modo eleva-

ri Phlegma; in quibusdam nempe ante Spiritum, in aliis rursus post eundem assurgere. Alterum in Acidis Spiritibus distillandis, Vitrioli, Salis, & Nitri; alterum in Ardentibus & Urinosis, Vini puta & Salis Armoniaci, observastis. Cujus rei ratio, licet ex antedictis facile elicienda, tamen hic non incommode forsan explicabitur, Id adeo ex liquorum Gravitate Specifica fluit: si enim experimentum instituatur, Phlegma Acidis istis Spiritibus reperietur specificè levius, idem Urinosos & Ardentes gravitate\* excedet, Cum igitur corporum levitas id efficiat, ut citius sursum ferantur, satis patet quare ista obtineat in Phlegmate elevando varietas. Nec sententiæ huic quicquam refragatur, quod in Animalium, uti Cornu Cervini, Viperarum, Cranii Humani Distillatione, Phlegma ante Spiritum prodire soleat, cum tamen Spiritus Phlegmatis levitatem exsuperet. Quippe notandum est, Animalium Sales & Spiritus, eos præsertim qui in Ossibus & Cornibus continentur, cellis quibusdam concludi & coerceri: ita ut hæc repagula prius diffringi necesse sit, quam ii sursum evolare queant. Phlegma vero cum ubique etiam in superficie deliteat, vi ignis promptius elicitur, & in sublime, utcunque Spiritu gravius, effertur. Atque hoc verum esse, luculenter arguit Spirituum horum altera distillatio, quæ Rectificatio appellatur: in ea enim ante Phlegma profiliunt\*\* Spiritus? iis nimirum carceribus expediti, quibus antea constricti se in-

17 • Tab. 3.

• Tab. 1.

libertatem vindicare non poterant.

In Oleis id satis singulare est, quod, licet Aqua tum multo leviora sint, tum bulliant etiam, & rarefiant citius, ( contra ac tradunt plerique ) per Retortam tamen segnius evehantur. \* Sed hoc ex varia utriusque textura oritur: Aquæ quippe globuli parcius inter se cohærent, adeoque in divortium facilius abeunt; Olei vero ea est tenacitas sive ea partium mutua coagmentatio, ut non nisi validiore impetu segregari atque evehi possit. Igitur Liquores Oleosi, quo magis Oleo orbari sunt, eo facilius assurgunt: quod in Spiritu Vini & Terbinthinæ experimur.

Distillationis usus per se satis innotescit: nempe ut a partibus compactioribus secernantur Liquidæ: sive Olei, sive Phlegmatis, sive Spiritus demum forma prodeant. Quod ad apparatus attinet, seu quare corpori distillando aliquando alterum immiscemus, de hoc commodior erit deferendi locus, cum Sublimationis tractaturi sumus doctrinam. Interim de iis, quæ jam dicta sunt, ex hac Rarefactionis Tabella melius forte judicabitis. \*\*

PRÆ

\* Tab. 1.

\*\* Tab. 1.

## PRÆLECTIO IV.

*De Sublimatione.*

**S**ublimatio a Distillatione parum discrepat, nisi quod in hac Fluida tantum, in illa Solida & Sicca eleventur: Hæc etiam tam Fluida quam Solida: illa Solida tantum pro objecto agnoscat.

Id etiam interest discriminis, quod Rarefcentia, quam in Distillatione plurimum valere ostendimus, in Sublimatione vix locum habeat: ea quippe quæ sublimari cernimus, cum solida sint, ita parum ad rarefendum sunt idonea, ut solo Impulsu evehi posse videantur. Cum igitur Impulsus unica sit, quam hic agnoscimus, elevationis causa, hujusce quoque Operationis ratio ex iis, quæ de Impulsu supra diximus, elucescit.

At fortasse non abs re erit, si paulo accuratius inquiramus, quare tanta occurrat in corporum elevatione diversitas: quare alia lenissimo fere igne in altum emicant, alia ne fortissimo quidem excitantur. Eoque opportunior erit hæc disquisitio, quod locus hic omnem de Volatilitate & Fixitate doctrinam continebit; de qua multa traduntur a scriptoribus Chymicis, non ita multa innotescunt.

Fixa igitur sunt, quæ in igne durant; Volatilia, quæ ignem ferre nescia, vi caloris sursum evahuntur. De his primo dicimus, modumque expli-

plicabimus, quo in Volatilibus, quæ ejusdem esse videntur naturæ, tam varia tamque dissimilis contingat elevatio.

Quod igitur particulæ corporum evolare atque evehi possint; id igni, non modo Impulsus ergo, sed alia de causa tribuimus: qui se in corporum interiora insinuans, partium coherentiam tollit, ita ut in minuta admodum, si non in ultima quæ arte fieri possit, exoriatur divisio. Ita particulæ ad hunc modum sejunctæ & divisæ, de gravitate uti dictum est, plurimum amittunt; ejusdem quippe particulæ gravitas eadem ratione decrescit, qua imminuitur Diametri cubus. Supponatur igitur corporis, cujus Diameter sit 12, Gravitatem esse etiam 12. Si Diameter fiat uno minor, scilicet 11, Gravitas corporis erit tantum  $9\frac{1}{4}$  proxime. Quam enim rationem habet 1728; qui est cubus Diametri prioris, ad 12 Gravitatem corporis; eandem habet 1331, qui est cubus Diametri alterius, ad  $9\frac{1}{4}$  proxime. Quod si Diameter ad 10 redigatur, Gravitas non ultra 6 proxime assurgit: si dimidio decrescat Diameter, scilicet ad 6, Gravitas infra binarium subsistet. Ita ut cum in subtilioribus corpusculis minuatur quantum fieri potest Diameter, Gravitas fere relinquatur nulla. Itaque hoc quo diximus modo discerptæ igne adhibito particulæ in sublime facile feruntur.

Neque tantum ex hac partium imminutione oritur Gravitatis decrementum; sed aliud etiam sequitur, quod ad elevationem expediendam, plu-  
ri-

rimum valet. Id adeo ex varia Superficie petendum est. Hæc enim, secus ac Gravitas, ea tantum ratione decrescit, qua imminuitur Diametri Quadratum. Ita, ut ea quæ superius dicta sunt respiciamus, ubi Gravitas ea serie decrescat, quam exprimunt numeri 1728, 1331, 1000, Superficiei imminutio hac ratione conficitur, 144, 121, 100, Cumque Diametro reducta ad 6, Gravitas infra binarium substituerit, Superficies interim ad 36 asurgeret. Ita ut fere abolita omni Gravitate, satis lata adhuc relinquatur particulæ elevandæ Superficies. Argumentum hoc, a Superficiei magnitudine desumptum, quod ratiociniis & computo adumbravimus, quasi ad sensum demonstrabit sequens experimentum. Quippe si Aquæ, super Limaturam Ferri affusæ, instillentur gattulæ aliquot Olei Vitrioli, suborta Fermentatione, Aeris globuli dum se extricare nituntur, nonnullas Ferri particulas ad Aquæ summum abripiunt. Quod non alia de causa fieri posse videtur, quam quod ad Superficiei amplitudinem perpufilla sit in Limatura Gravitatis ratio; quamobrem Ferrum a corpore specificè multo leviori euehi non recusat. Sed quantum hoc ad promptiorem ascensum faciat, tum abunde alias dictum est, tum satis elucescit ex Camphora, Benzoe, & Arsenico, quorum particulæ cum laxius cohæreant, adeoque in ampliorem Superficiem sint diffusæ, ea de causa præ cæteris fere omnibus facilius evehuntur. Etiam superficiei ratione, solida ista corpuscula quibusdam fluidis citius sursum evolant.

Ita



Ita Flos Sulphuris promptius Oleo, non Vitrioli dico, sed quocunque fere levissimo ascendit. Hoc naturæ quasi artificio, quod nempe decreseat Gravitās in Triplicata, Superficies vero in Duplicata ratione imminutæ Diametri, efficitur, ut corpora quoad Gravitatem multum discrepantia una eademque vi possint attolli. Ita Animalium Sales, uti Cornu Cervini, Sanguinis humani, Viperarum, &c. ex minutissimis omnium corpusculis conflati, uti distillando experimur, facile assurgunt, quia minor sit in iis Superficie, quam Gravitatis imminutæ ratio: assurgunt & Vegetabilium Sales, uti Tartari, Balsami, &c. quæ crassiore multo sunt compage, adeoque ob Superficie amplitudinem satis commode elevandi. Etiam Mineralium & Metallorum corpuscula, utcumque gravia & compacta, igni aliqua ex parte cedunt, & in sublime trudentur. Nimirum in his omnibus efficit diffusa Superficies, quæ ignis impetum uberius recipit, ut æque procliviter evehi possint, ac si imminuta ipsorum Superficie decresceret Gravitās: Ita ut particulæ utcumque pondere discrepantes, æque in altum evolent, modo ratio Gravitatum ad Superficies fuerit reciproca. Ex his, quæ satis fuse exposuimus, omnis illa Volatilitatis varietas facile elicitur. De Fixitate non opus est ut pluribus dicam, cum ea prorsus ex contrariis oriatur: Et qui probe perspexerit quare quædam in sublime possint evehi, una concipiat necesse est, quare alia nequeant attolli.

Non

Non interim huic loco alienum erit pauca obiter de Mercurio annotare : qui , licet in eo particulatum moles tenuissima sit , tamen , quia per exigua sit superficies , & pondus non mediocre , igne adhibito , per se ægre admodum elevatur ; quanquam a plerisque inter corpora maxime volatilia perperam numeretur . Idem tantillo Plumbi admixto paulo promptius evehitur : quippe hoc artificio ita immutatur textura , ut eadem ratione qua imminuitur Gravitas , increascit etiam Superficies . Ad eandem normam Cinnabaris illa , quæ ex Antimonio & Mercurio conficitur , facilius in sublime impellitur . Ita Mercurius Dulcis , in quo Sales Acidi pro rata fere parte adhibentur , citius adhuc affurgit : porro Sublimatum Corrosivum ; ubi Sales Mercurium triplo excedunt , ocyssime omnium in altum tollitur . Atque hinc pendet omne illud Chymicorum mysterium , quo vel Volatilia figunt , vel Fixa in Volatilia convertunt . Primum nempe ut efficiant , corpori quod Volatile est , aliud Fixum ignisque patiens adjiciunt , uti Salibus Urinosi Acidus : hinc nempe in nova corpuscula cum acidis coeunt Urinosi , ita ut intendatur plurimum eorum gravitas & coheræntia ; adeoque igni minus obsequantur . Eodem modo Spiritus Acidi Volatiles Salibus Fixis admisti deprimuntur . Etiam ea corpora , quæ seorsim per se sola satis alacriter emicant , possunt ita inter se componi & coalescere , ut coherentiæ ratione ignis vim eludant : uti ex Bezoartico & Turpetho Minerali satis innotescit . Contra , ut Fixa ele-

elevant, aliquod Volatile admiscant, uti Chalybi & Cupro Salem Armoniacum: Cujus interventu fit, ut in mixto minor evadat gravitas, sitque proinde ascensus facilior. Ad hunc modum Salem Vitrioli Volatilem, ope admixti Boracis, eliciendum docet \* D. Homberg. Etenim haud aliter a Fixis discrepare videntur Volatilia, quam quod hæc ex particulis longe minutioribus conflentur.

Volatilitas Fixitasque Sales præ aliis magis respicit, Quanquam haud scio an qui pro Fixis habentur Sales, ii sint, qui vel violentiore igne vel temporis saltem tractu evolare nequeant. Ita si in Phiala diutius servetur Sal Tartari calcinatus, quo nullus fere habetur magis Fixus, epistomium Crystallis operit & quasi incrustat. Eundem sallem singulari apparatu per Retortam elevat Boyleus. Quare Volatilitatem; Fixitatemque non tam pro rebus absolutis, quam relativis recte habet idem in re Chymica Author diligentissimus.

Atque hæc omnia ita se habere clarius forte perspicui potest, si ea quæ in Distillatione peracta sunt, sub examen paulisper revocemus. Ad Spiritum Nitri eliciendum, Salipetræ adjicimus Boli alicujus triplum aut amplius: qua quidem admixtione, Nitri non modo Liquefactio prohibetur, sed ita dirimitur Cohærentia, ut igni facilius obsequatur. Eodem modo prolicitur Spiritus atque Oleum Succini. Sal communis, qui si ad istam Nitri normam tractetur, non nisi Reverberii igne

Tom. I.

C

in

\* Hist. Acad. Franc. 1702.

in Spiritum abit, cum Oleo Vitrioli & Aqua subactus & comminutus, etiam Arenæ Calore in guttas extillatur. Ita Salis Armoniaci particulae adeo solutæ & disjunctæ sunt, si Aquam affuderis, ut citius evocentur Spiritus. Pari ratione cum Spiritum Salis aut Nitri Dulcem educimus Spiritu Vini admixto Liquor Salinus tum levior fit & ad rarescendum promptior, tum ipsi Sales in minutias magis concisi, ita ut expeditior sequatur elevatio.

Ita tandem aliqua ex parte explicatae sunt, quæ ad Diffociationis classem referuntur, Operationes Chymicae. De quibus omnibus id in genere annotari potest; licet inter operandum corpora potius componere velle videamur quam disjungere, uti cum apponimus & immiscemus quippiam, tamen Operationis finem eum esse ut partes aliquæ a veteri consortio segregentur & discedant. Ita ut cum de Operationum ratione fiat judicium, non quid in ipso apparatu molimur, sed quid inde assequimur, spectandum sit.



## P R Æ L E C T I O V.

### *De Fermentatione.*

**F**ermentatio, quam hic explicare suscipimus, est motus ille partium intestinus, qui, cum Solida in Liquoribus sive Menstruis collique-  
scunt,

scunt, suboritur. Motus iste aliquando ita lenis est, ut sensum omnem effugiat; contra aliquando ita concitatus, ut sensibus etiam pateat. Illam Fermentationis speciem, Dissolutionem; hanc, Ebullitionem & Effervescentiam, nuncupabimus.

Ut hujusce Operationis rationem aliquam assequamur, de Salium Dissolutione, quæ omnium simplicissima est, differemus: quam si adumbrare possimus, ex similitudine quædam vobis imago sese objiciet, quonam modo cæterarum Solutionum genera describi debeant, Quod ut melius explicemus, quærendum est, qua de causa motus oritur, & deinde quare isto motu solvantur Sales. Motus itaque hic optime oriri posse videtur ex vi Attractrice; quæ in Physica scientia ita late patet, ut nihil sit in universa rerum natura, quod non huic legi subjiciatur & obtemperet. Id adeo de Salibus intelligendum, quod eorum corpuscula, quæ sunt maxime simplicia ( utcunque tandem in moleculas pororum plenas coeant ) etiam admodum minuta esse videntur, & pro ratione molis perquam solida: ideo vim Attractricem fortissime exerunt, quæ, ceteris paribus, quantitati materiæ responderet. Hinc a corpusculis Salinis Aqueæ particulæ validius, quam a se invicem trahuntur. Hæ itaque cum laxius inter se cohæreant, & ad motum satis proclives sint, in Salium viciniam propius ire contendunt, & quasi in amplexu ruunt: scilicet pro suo quæque genio, in motum cientur. Quæ enim propius absunt, velocius; quæ longius, advehuntur segnius. Attractionem

C 2

quip-

quippe hanc sub ipso Contactus limine validissimam esse demonstrant Mathematici . Itaque si in medium patinae Aqua repletæ conjiciatur aliqua Salis Portio , Aqueæ Particulæ in medio Vasis fixæ linguam satis acriter feriunt ; quæ vero ad marginem locatæ sunt , fere insipidæ persistunt . Motu adeo hujusmodi coorto , Aqueæ particulæ cum impetu quodam in Sales feruntur : Quarum quidem momentum ex Ponderis Celeritatisque ratione , uti docet Mechanice , æstimandum est . Vi porro hac impulsæ , aditum sibi in Salium meatus , qui plurimi sunt , aperiunt , eosque tandem ita comminuunt & diffringunt , ut tollatur omnis partium coherencia : quare idonea intercapedine segregatæ & divulsæ , per Aquam sparsim fluctuant & dissipantur . Ad hanc normam vi adhibita Attrahente , compertæ est fieri Salium Solutio . Quam rem non modo ratiocinando assequimur , sed oculorum testimonio probamus : Saccharo quippe in Aquam immisso , subvehi illico Aqueas particulas , & gradatim frustula etiam nondum demersa impetere conspiciamus . Pariter ex Oleis per Deliquium elicitis demonstratur Attractionis vis ; qua continuo illa humorem aereum absorbent sibi que associant . Et profecto in hoc præcipue fundari videtur illius processus ratio , quo nonnulli Oleum Sulphuris conficiunt . In patinae enim fundo , qua deflagraturum est Sulphur , CrySTALLI calcem locant : quod non alia de causa fit , nisi ut , calce Phlegma omne ad se allec tante & sugente , potentius , sive ut Spagyrici loqui a-

mant ,

mant, magis Concentratum evadat Oleum.

Hæc tamen Salium Solutio non sine varietate aliqua peragitur; quippe in quibusdam, uti Nitro, Sale Armoniaco, &c. citius absolvitur; in aliis, uti in Sale communi & Vitriolis, tardius succedit. Etiam aliud est inter Sales discrimen, quod nonnulli uberi satis copia colliqueſcant; contra alii in eadem Aquæ menſura parcius ſolvantur. Ita ſi ponderis ratio inter Aquam & Sales ineatur, Sal communis ad dimidiam partem liqueſcit; Alumen, Salem Enixum Paracelli; equali fere portione, Saccharum etiam dupla ſolubilem experimur. Hæc Solutionis varietas non a Liquore, qui ubique æque ſibi conſtat, ſed a Salium diverſa cohærentia petenda eſt: ii nempe quorum rarior eſt compages, qualis videtur eſſe Sacchari, motu illo inteſtino comminuntur facilius, & in liquamen uberius abeunt.

Eſt apud Chymicos ſingularis Solutionis ſpecies, quæ Deliquum appellatur: quando ſcilicet Sales, Aeri expoſiti, liqueſcunt. Quæ quidem Solutio eadem prorsus ratione nititur ac cæteræ quarum ſupra meminimus: Aqueis enim particulis, quibus Aer abunde ſcatet, tribuendum eſt, quod ſub dio liquentur Sales. Quod ex humido tum loco tum tempeſtate, quæ Diliquium hoc maxime expediunt, recte ſatis colligi poteſt. Igitur cum Aqua ad hunc modum per Aerem deferatur, Sales deliquati pondus augent; ita ut ex Salis Tartari, verbi gratia, ʒj. Olei elicias ʒij. Eodem modo Oleum Vitrioli, aeri hu-

humido expositum, pondere augescit. Quod si in Crystallos redigantur Sales, propter eam quam plurimum reniti diximus cohærentiam, Deliquio vix cedunt: etiam ii qui ex Plantarum cineribus eliciuntur, & dicuntur Alkalizati, quam omnium facillime in Aere tabescant, si in Crystallos compacti fuerint non nisi ægerrime remollescunt.

De hisce Solutionibus id adverti debet, igne admoto omnes & promptius peragi, & copiosius educi: ignis quippe particulæ non modo Salium Cohærentiam intercidunt & dirimunt, sed Aquæ etiam momentum intendunt, ita ut ei quasi in subsidiiis sint. Idem de motu quocunque & agitatione dicendum est.

Vulgata satis est sententia, Aquam, licet ad faturitatem usque Salem aliquem imbiberit, posse tamen de altero quippiam delibare: quod prout de Salibus in universum se habere dicitur, an ita revera sit, est profecto cur in dubium vocemus. In hoc quippe quod instituitur experimento, cum Aquam Sali affusam diutius insidere, & quasi incubare sinunt, ut istius particulis se penitus inferciat, rem quam probari oportuit, supponunt. Cum enim diu restiterit illa Solutio, Salium non exigua Pars, qui prius in Aqua fluitabant, subsidit inque Crystallos abit: adeo parum ad satietatem repleta est Aqua, ut siquid ejusdem salis de novo adjeceris, non ægre absorbeat. Ita cum ad hanc normam fiat Experimentum, quidni & aliquid de alio ad se possit arripere? Non inficior tamen aliquan-



quando accidere, Aquam, cum de nonnullis Salibus nihil amplius attrahere queat, alios satis prompte excipere: uti in solutione Salis communis saturatissima Saccharum facile colliquescit. Neque id sane rationi incongruum: quippe cum ita varia sit Salium cohærentia, equum est, ut Aqua illum, qui firmitus compingitur, intactum relinquat: hunc, qui rarior est, subeat atque dissolvat. Sed hoc in iis quæ ejusdem sunt texturæ fieri posse vix concedendum est. Quod nobis certius constare videbitur, si causam eam, qua fit ut Sales non nisi definita quantitate solvi queant, penitus scrutemur. Cum enim bona corporis salini pars in Aqua contabuerit, ea quæ soluta sunt corpuscula quaquaversum attrahunt: unde fit ut Attractio illa, qua Aquæ particulæ inter se invicem urgentur, augeat; dum motus interim, quocum Salem nondum solutum adorti sunt, ita infringitur & languescit, ut tandem prorsus intercidat. Quippe motus ille, qui primo excitatur, differentię isti, quæ inter Aquæ & Salis vim Attractricem intercedit, unice debetur. Itaque, cum par sit utrinque Attractio, extincto motu nulla ulterius sequitur Solutio. Hinc etiam elucet ratio, quare in Vino Emetico conficiendo Crocum Metallorum indeterminata fere quantitate adhibemus: quantumcunque enim pulverem infundimus, non nisi certa ejus portio in vino solvitur. Itaque dosis, quæ Vomitus cieat, non Croci, sed Vini quantitate æstimatur.

Ut facilius colliquescant, Sales in Pulverem

redigi solent: unde non modo imminuitur Cohærentia, sed intenditur etiam Attractio. Eo quippe artificio plures particulæ Menstruo exposita sunt, & unitis viribus Aquam ad se fortius trahunt. Eandem ob causam duriora corpora in laminas aut ramenta redigimus, ut ab Acidis facilius corrodi possint.

Iisdem hisce Principiis Corporum cæterorum omnium Solutio innititur: ad quam quidem rite illustrandam æstimari debet tum in ipso corpore Cohærentiæ vis, Pororumque magnitudo, tum in Menstruo & ad motum proclivitas, & Momenti efficacia. Habenda est etiam Elateris ratio, uti ostendent sequentia. Quæ omnia si accurate designari & statui possint, eruetur facile omnis illa de varietate Solutionum doctrina. Exemplo sit Aquæ & Spiritus Vini diversa indoles; in ea quippe facile liquefcunt Sales, quia Aqueæ particulæ a Salinis corpusculis vehementius, quam a se invicem trahuntur: in Spiritu vero, qui Aqua multo levior est, sed Salinis particulis imbutior, intacti manent: Ita ut Spiritus particulæ, cum ob molis exilitatem sese fortius quam Sales attrahant, eorum cohærentiam nequeant diffringere. Ita eadem de causa fit quod Aquatiliū Plumæ, & corpora Adiposa, Aqua affusa, haud madescant. Contra Spiritus Resinas, quibus Aqua solvendis impar est, facile solvit: videntur quippe earum particulæ ita sibi invicem agglutinari, & adhærescere, ut interstitia admodum exigua relinquant: quæ quidem Aqueis corpusculis aditum negant,  
Spi-

Spirituosa tamen, quorum tenuior est moles, satis prompte excipiunt. Eodem modo Metallorum Amalgamatio explicanda est. Aurum quippe ex corpusculis, quæ vi Attractrice plurimum pollent, conflari videtur; hinc Hydrargyri particulas facile intromittit, quæ ab auro validius quam a se invicem attrahuntur, quæque ita exiles sunt, ut metalli poros satis prompte subeant. Argentum vi partium Attractrice ad Aurum proxime accedit; itaque præ cæteris metallis Hydrargyro adhibito citius mollescit. Ferri autem atque Æris vis Attractrix eam, quæ Hydrargyro inest, vix excedit; itaque cum his ægre admodum in Amalgama coit, nisi, alio admisto corpore, de vi sua Attractrice aliquid deperdat Mercurius.

Corrosio apud Chymicos est Corporum per Acida, vel saltem Salina Menstrua, Dissolutio: itaque ea quæ superius dicta sunt, etiam huic aliqua ex parte explicandæ sufficient. Hoc tamen sibi proprium habet Corrosio, quod corporibus firmius compactis, qualia sunt ossa, Metalla, &c. fere unice destinetur. Ita ut singulari quodam momento instrui videantur Salina Menstrua, cujus causam non alienum erit penitus rimari. Liqueores isti, sive Acidi, sive Urinosi, nihil aliud sunt, quam ipsi Sales paucò Phlegmate diluti. Hi itaque cum solidi sint, & proinde non exigua materia referti, tum se invicem magis attrahunt, tum a corporis solvendi particulis fortius attrahuntur. Hæc quippe una est ex iis quas Attractio observat legibus, ut ad eandem distantiam quanti-

ta.

tati materiae, quam continent particulae Attractrices, respondeat. Ita cum corpora ista firmiora Salinis Menstruis imbuamus, oritur fortior quam in Solutionibus caeteris Attractio, & qui Attractionem pari passu consequitur, motus partium vehementior: qui cum ad hunc modum increbuerit, facile concipi potest, quomodo Sales tanquam spicula in corporum meatus adigat, cohaerentiamque omnem, tenacissimam licet, referat atque relaxet. De Corrosione id adeo observandum est, ut quo magis in minutias divulsae sint Menstrui particulae, eo citius atque fortius penetrant. Motus enim, quem parit Attractio, potissimum in minimis corpusculis consistit, in grandioribus fere elanguescit. Quippe exilis particula Velocitate satis impigra fertur: amplior interim ob superficiei magnitudinem ab ambiente fluido saepe sistitur & quieta haeret. Aliud etiam sequitur commodum, quod particulae propius ad corpus solvendum accedant: quod nisi fiat, non percipitur vis Attractrix. Itaque recte pronunciant Chymici, Sales non agere, nisi solutos. Quamobrem iidem hi Sales, qui in Aqua colliquati Metalla parum tangunt si in Acidis Spiritus conversi sint, facile subigunt. Distillatione quippe non modo minor restat Aquae portio, sed corpora Salina igne ita minutim concisa sunt, ut Attractionis vim promptius sentiant: itaque Menstruum huiusmodi Distillatum Solutione quacunque Salina, quae cum Aqua institui solet, efficacius est.

Quod

Quod si particulæ , inter quas motus ille cooritur , sint Elasticæ , etiam sensui satis patebit Fermentatio . Corpora quippe perfecte Elastica eadem Celeritate a sese mutuo post ictum recedunt , qua prius ad se invicem accedebant . Ita constitutis ad hunc modum particulis , continuo quasi reviviscit motus , & novus isque multo acrior exoritur conflictus : inde impetus & momenti ea vehementia , qua tandem labefactata subiguntur & fatiscunt corpora etiam durissima . Huic virtuti Elasticæ cum illa se etiam comitem addat , quæ ab Attractione oritur , ideo violentior increbrescit motus : particulæ quippe , quæ in alteram vi Attractrice præditam reflectitur , impetus a Repercussione continuo augetur . Motu hoc concitatæ particulæ , si quid Aeris intra poros contineant , exprimere & extrudere conantur : qui ideo collisu hoc rarefactus , ita ut præ levitate in loco consistere nequeat , cellas aqueas , quibus inclusus est , secum rapit , & ad superficiem propulsus Bullas effingit . Experimentum , quo sententia hæc optime illustrari posse videtur , superius memoravimus . Quippe si Limaturam Chalybis , cui & Aquam & Oleum Vitrioli super affudimus , Machinæ Pneumaticæ includamus , exhausto paulisper externo aere , is qui intra Chalybis & Aquæ poros continetur , tanto impetu e claustris suis prorumpit , ut non modo ingentem spumam in liquoris superficie exciter , sed & liquorem ipsum extra vitri marginem propellat .

Quod si vehementius increverit motus , Effer-

vescentiam & Calorem excitat; qui nihil aliud est, nisi partium motus rapidior ex attritione mutua productus. Ut hæc plenius intelligi queant, inquiramus quomodo inter liquores commixtos, uti inter aquam & Oleum Vitrioli, oriatur Effervescentia. In hoc Oleo Sales ea copia redundant, (id quod gravitas ipsa declarat) ut juxta se invicem locari videantur; ideoque, quia Attractio in omne latus æqualiter diffunditur, in Æquilibrio quodam conquiescere: Aqua vero affusa dirigitur contactus Salium, & inæqualis fit Attractio, Hi itaque pro suo more in mutuos iterum amplexus ire contendunt; cumque ob quantitatem materiæ sese invicem fortius quam Aquam attrahant, eam de interjecto spatio dimovent & deturbant: donec Oleo undequaque pariter diluto, cesset tandem motus fermentescens. Quod si Sales etiam Elastici sint, quod verisimile est, cum nulla fere sint corpora omni Elatere libera, non modo in se cum impetu ruunt, sed post ictum resiliunt denuo, & in contraria moventur: unde illa partium reciproca quaquaversum fluctuatio, & tandem Excandescentia. Ita satis mechanice explicari potest hujusmodi Fermentatio, quæ vulgo nescio cui Acidi Alkalique Antipathia tribuitur.

Fermentationem hanc ex particulis Elasticis suscitari eo magis verisimile est, quod corpora omnia aere, quem omnes Elasticum fatentur, excluso tardius fermentescant. Ita, ut Cerevisiæ Fermentatio rite succedat, Fermentum, quoddam,

dam, quod aere maxime turgēt, adjicimus: ita etiam Aer Austrinus in liquoribus potulentis non modo primum Effervescētiæ impetum suscitāt, sed & diu fermentatos denuo in tumores ciet. Neque sane leviter huic sententiæ patrociniatur insignis illa, quæ in Fermentatione observatur, Rarefcentia; ad quam nulla ferē corpora ita prompte perducī possunt, nisi quæ Aerem etiam inclusum habent: qui quidem Fluidis præsertim comes hæret assiduus. Nullum tamen nobis magis faver, quam quod ex Sale Chalybis peti potest Argumentum. Chalybem quippe vi maxime Elastica pollere notissimum est. Ideo ea de causa factum esse non absurde credimus, quod, cum ei immisceatur Oleum Vitrioli, insequatur Effervescētia. Quod tamen si aquam adjece-  
ris, vehementius adhuc excandescit, & proinde Ferrum citius solvit; contra ac sentiunt nonnulli. Idem exhibet Oleo admixtus Spiritus Vitrioli, in quo quidem Aqua plurimum dominatur. Cujus rei ratio hæc esse videtur; quod in Oleo Vitrioli, si a Phlegmate paulo liberius sit, Sales ita densati & compacti sint, ut Ferro prorsus incubare dicantur, itaque nullo motu aut impetu instructi id non ita valide adoriri possint: Aqua vero affusa tum tenuiores fiunt, ita ut majore velocitate in ferrum arietent, tum a ferreis particulis magis quam a se invicem attrahuntur; unde increfcit ille motus intestinus. Itaque sæpius Chymici, ut rectius fieri possit Solutio, Menstruum, ut cum iis loquar, debilitant & infrin-  
gunt.

gunt. Ita Aqua fortis duplex non ita commode Argentum solvit, ac illa quæ Phlegmate plenius imbuta est. Ita aliquando Vini Spiritus, quo purior sit, Tincturas parcius elicit. Pari modo Æs, Mercurius, & perplura alia, quæ Oleo Vitrioli admixto nullas fere turbas excitant, cum Spiritu Nitri, quod est Menstruum longe levius, tumultuantur & fermentescunt. Contra si nimium Phlegma adjiciatur, Fermentationem omnem compescit; hinc Spiritus Vitrioli, si imbecillior sit, nullam cum Ferro Effervescentiam ciet: quod etiam & Aqua præstat, si Oleo Vitrioli uberius affusa sit. Menstruo quippe adhunc modum diluto, Sales a consortio mutuo nimis longe disjuncti sunt, & quasi extra terminum Attractionis semoti. Ita in omni hoc negotio late pater vis, tum Elastica, tum Attractrix, ut ex earum vario gradu oriatur omnis illa Fermentationis varietas. Hinc etiam fit, quod inter Fermentandum nova sæpius exurgant corpora: pristina quippe compages perpetuo partium collisu labascit. Multa apud authores de Menstruorum discrepantium ratione disceptari solent; & nemo fere est qui non Hypothesin aliquam commentus est, quare quædam corpora in Salinis potius, uti Metalla; alia non nisi in Sulphureis, uti Resinæ; alia demum in Aqueis, uti Sales, melius liquecant. Præsertim de Aqua Forti & Regia satis prolixè disputant, quare altera Argentum solvat; in Aurum interim nihil valeat; altera cum Aurum subigat, Argentum

ne



ne tangat quidem . Sed ea omnia quæ adhibent ratiocinia ita dubiæ fidei sunt , ut nullum inter sanio rem Philosophiam locum mereantur . Difficillima profecto est quæ in omni Chymia habetur disquisitio ; ad quam tamen expediendam si Mechanica adhibemus Principia veritatem non tam conjectura , quam demonstratione assequi videmur . Rem itaque totam ut rectius intelligamus , liceat computo deducere . Facile adeo concedi potest , cum multo major sit Auri quam Argenti Gravititas , quod in illo longe minutior sit Pororum Cavitas . Ponamus igitur Pororum alterutrinque Diametros eam inter se habere rationem , quam 2 ad 1 , unde fit quod corpuscula , auro penetrando idonea , octies minutiora esse debeant , quam ea quæ Argentum prompte ingredi queant . Ponamus etiam Vim Auri Attrahtricem ad eam qua Argentum pollet , ita comparari posse , ut 2 ad 1 , sive ut 40 ad 20 . Porro Diametri ratione particulæ , ex quibus Aqua Fortis componitur , Auri Poros duplo excedant ; ita ut viam sibi Aurum nunquam aperiant . Vis vero qua Argentum Aquam Fortem attrahit ad vim , qua ipsius Menstrui particulæ ad se invicem attrahuntur , ita se habeat , ut 20 ad 12 ; Cohærentiaque Argenti sit ad Momentum , quo Aquæ Fortis particulæ irruunt , ut 8 ad 3 : qua quidem vi instructæ Argenti compagem facile diriment . Id etiam denique pro concessio fit , quod ea sit inter Auri Argenticque Cohærentiam ratio , quæ est inter 3 & 2 . Solutio in Aqua Forti

ti Sale Armoniaco, oritur, uti Experimento innoscit, Fermentatio ita vehemens, ut nisi sensim & paulo parcius affundatur, vasculum illico dirumpat. Motu adeo hoc excitato, particulisque continuo collisu inter se impingentibus, eas ita diminui haud absurde credimus, ut ad dimidias reducatur Diameter: unde tandem in eas minutias abeunt, quæ Auri Poros subintrent. Id etiam adverti debet, quod dissoluto in Aqua Forti Sale Armoniaco vel Marino, Menstrui vis multum intenditur, hoc est, Vis ea, qua Menstrui particulæ sese invicem attrahunt, major evadit, propter eam quæ de novo adjiciuntur corpusculorum valide attrahentium copiam. Itaque cum antea vis Menstrui erat uti 12; Aqua Forti in Regiam migrante, ponatur ad 16 assurgere. Hinc si vires Attractrices spectemus, inter Argentum & Aquam Regiam ea erit ratio, quæ est inter 20 & 16: & Velocitas, quacum corpuscula Aquæ Regiæ in Argentum irruunt, Attractionis differentiæ, nempe 4, respondebit. Singulæ particulæ in Aqua Regia æque grandes essent ac in Aqua Forti, earum Momenta ad Argenti Cohærentiam ita se conferrent ut 4 ad 3. Sed ex Hypothësi particula quævis octuplo minor redditur, ideoque parte Momenti tantum octava pollet. Ita ut Momentum, quocum Aquæ Regiæ corpuscula Argentum impetunt, ad metalli cohærentiam ita se habebit, uti  $\frac{4}{8}$  vel  $\frac{1}{2}$  ad 3, hoc est uti 1 ad 6. Hinc satis clare liquet, in hoc rerum statu Argentum ab Aqua Regia dissolvi non posse.

Au.

Aurum vero, si vim Attractricem expendimus, ad Aquam Regiam ita se habebit, ut 40 ad 16: itaque particularum Velocitas, qua Aurum adoriuntur, erit ut differentia, scilicet, 24: qui numerus si ducatur in  $\frac{1}{8}$  (viz. particularum magnitudinem) Momentum exprimit  $2^4$  vel 3 æquale. Auri Cohærentiam posuimus uti 2: cui cum Menstrui impetus præpolleat, necesse est ut Metallum fatiscat & subigatur. Si Attractione utriusque Metalli comparata, Aurum triplo excedat; cum Argenti Attractio sit 20, ea qua Aurum pollet ad 60 assurget: ex differentia porro, quæ est inter Auri & Aquæ Regiæ vim Attractricem, nimirum 44, ducta in  $\frac{1}{8}$  (particularum, quibus Aqua Regia scater, magnitudinem) oritur momentum æquale  $4^4$  vel  $\frac{1}{2}^1$ : cumque renitentia sit ut 2, hac ratione ad eam se habebit momentum, uti  $\frac{1}{2}^1$  ad 2, vel uti 11 ad 4, nempe etiam triplo fere excedet. Ea quæ hic posuimus modis prope infinitis mutari possunt, ita tamen ut iidem prorsus ex hac vel illa explicatione oriantur effectus. Ut enim in genere rem totam enunciemus, ponamus Attractionis ratione Aurum ad Argentum esse, ut a ad b; Argentum ad Aquam Fortem, ut b ad d; Aquam Fortem vero ad Regiam, ut d ad e. Exprimat f particularum in Aqua Forti, r vero in Aqua Regia fluitantium Magnitudinem: c Auri, g Argenti Cohærentiam. Si particularum f Diametri Diametris, quibus Auri meatus gaudent, majores sint, hæ quacunque demum vi Attractrice pollent,

D

Au.

Aurum nequeunt dissolvere. At si  $\overline{b-dxf}$  exsuperet  $g$ , Menstruo cujus particulae sunt  $f$ , & Poris Argenteis minores, cedit Argentum: & si  $\overline{b-exr}$  ad  $g$  non assurgat, in eo Menstruo, cujus particulae sunt  $r$ , & vis Attractrix  $e$ , Argentum nunquam liquefcet. Si vero  $\overline{a-exr}$  major sit. quam  $c$ , Menstruum, cujus particulae sunt  $r$ , visque Attractrix  $e$ , Auro penetrando solvendoque sufficet. Atque in hoc casu, quia litterae indeterminatae multo plures sunt, quam quae requiruntur conditiones; manifestum est Problema hoc infinitis fere modis solvi posse, quorum omnes aequae quod quaeritur absolvunt. Quanam ista demum sit ratio, quae inter Auri Argentique Poros Coharentiamque intercedit, quanam ista sit Virium Attrahentium in Metallis Menstruisque habitudo, quae huic Solutionis operi sufficiat, nondum satis innotuit; erit fortasse aliquando, cum Experimentis accuratius factis, & ad haec Mechanices Principia diligenter exploratis, evanescent illae quibus nunc laboramus tenebrae. Nostro Argumento satis est, si numeros adhibere possumus, computique ratione ostendere, quae nos tandem via ad Phaenomena haec illustranda deducat.

## P R Æ L E C T I O VI.

*De Digestione.*

**P**ER Digestionem intelligi volumus eam corporum Solutionem, quæ per Menstrua, igne adjuvante, efficitur: cujus Operationis rationem, cum ea universa superius tradita sit, supervacaneum esset hoc in loco retractare. A Dissolutione quippe nihil quicquam discrepat Digestio, nisi quod hæc ignem sibi in subsidiis habeat: qui quam vehementer & motum intestinum unde pendet omnis Solutio, promoveat, & particulas solutas sursum subvehat, tum alias explicatum est, tum ex re ipsa satis innotescit.

Igitur Digestionis naturam satis illustrasse videbimur, si id prius expositum fuerit, quomodo particulæ corporum, hoc artificio evocatæ, possint in Menstruo quaquaversum disseminari & sustineri. Quod tum maxime quæri oportere censebitis, cum solida ista corpuscula non eandem habeant Gravitatem Specificam, qua fruuntur ii, in quibus innatant, Liquores: Nam de iis, quorum eadem est cum Menstruo Specifica Gravititas, nulla movetur quæstio: ex Hydrostaticis quippe patet ista cum Fluidi partibus æqualiter premi, & in eo situm quemcunque datum retinere. Sed cum Specificè Graviora sint vel Leviora, qua ratione sustineri queant; non æque facile innotescit. Quam

rem paulo fufius aperire conabimur.

Quanquam ea fit corporis perfectæ Fluidi natura, ut particulæ, ex quibus conflat, impulſui etiam leviffimo haud invitæ pareant, & a ſe invicem ſecedant: in quibuſcunque tamen liquoribus aliqua, quantulacunque ea fit reperitur Tenacitas; unde fit ut ea inter ſe fit partium Cohærentia, quæ non niſi certa quadam vi dimoveri poſſit. Et ſane hæc quæ ineſt Liquidis Cohærentiæ vis, licet ſere nulla videatur, ſi quam in Solidis experimur reſpicimus, eam tamen ſuo inſtructam eſſe Momento deprehendimus: quæ quidem uti in diverſis Liquoribus aut fortior aut imbecillior occurrat, ita varium effectum ſortitur, Phenomenis iſtis, quæ a natura perfecti Fluidi ſequerentur, plus minusve diſcrepantem. Ita ut quanquam ex legibus Hydroſtaticis corpuſculum omne, utcunque ſubtile, ſi in Fluido Specificè Levioſe demerſum ſit, neceſſario fundum petat; compertum tamen habeamus graviffima corpora, uti Aurum, &c. in ænues laminas redacta, etiam Spiritu Vini ſuſtineri. Hæc adeo Tenacitatis vis, quæ motui corporum in Fluido renitur, numero partium, quæ divellendæ ſunt, ſeu corporis, quod in Fluido moveri volumus, Superfici ei reſpondet. Hinc fit, cum corporis Superficies increſcere poſſit, dum eadem interim perſiſtat Gravitatis; quod Fluidi Renitentia eo uſque augeri queat, ut vim Gravitatis, qua in eo corpus deorſum fertur, exæquet, Quod ut melius percipere poſſimus, ad calculum exigamus. Sit, verbi gratia. Cylindrus

Au-

Auri, in quo Baseos Diameter digitum æquet; supponaturque vis Gravitatis, quæ Metallo inest, eam ad Fluidi Renitentiam habere rationem, quam 100 ad 1. Si Aurum denuo efformetur & in alium Cylindrum abeat, in quo Baseos Diameter digitis decem parsit; hujusce Cylindri Superficies, quæ Fluidi movendi partes contingit, centies latior evadet: unde hæc de novo orta Renitentia, cum Auri Gravitati æquipolleat, descensui etiam obfister. Itaque vis illa, qua Fluidi cujusque Tenacitas gaudet, Experimentis facile innotescit. Concipiamus Plumbi unciam Cylindricam, cujus Basis eo usque in latum ducenda est, donec non amplius in Fluido, cujus Tenacitas indaganda est, subsidat: Basis Cylindri hujusce ita ampliati, Fluidi Superficieï respondet; cujus quidem Tenacitas ponderi unciali æquipollet. Si porro Experimento facto, massa hæc minime descendere observetur, cum Diameter ad digitos decem sit reducta, ea Superficieï mensura quæ circulo Digitorum decem Diametrum habenti par sit, ea Tenacitate pollebit, quæ uncie sit æqualis: quæque superficieï pars Circulum, cujus Diameter sit unius digiti, exæquat, etiam uncie  $\frac{1}{100}$  æquabit. His adeo præmissis, omne hoc de Digestione argumentum clarius explicabitur. Corpus quippe licet Fluida, quibus immersum est, Gravitate Specifica excedat, in iis tamen commodè sustineri potest, modo in particulas admodum minutas redigatur. Corpore enim in minutias dirempto, Gravitas majore longe ratione de-

crescit quam Superficies, seu, quæ huic perpetuo respondet, Fluidi Tenacitas: quare tandem Renitentia inde orta eandem cum particularum Gravitate vim obtinebit, earumque descensum impiediet. Ponatur itaque definitæ Diametri Sphæra Plumbea: in qua quidem Ponderis ad Fluidi Tenacitatem ratio est, ut 100 ad 1. Si Sphæra hæc in alias Sphærulas dividatur, in quibus Diameter sit prioris dimidia, Sphærulæ cujusque Gravitas tantum ad  $\frac{1}{8}$  assurget, Superficies vero ad  $\frac{1}{4}$  si sphæram spectamus. Soliditas enim sive Gravitas corporum in ratione imminutæ Diametri triplicata, Superficies non nisi in duplicata decrescit. Ideo cum Renitentia sit ad  $\frac{1}{4}$  reducta, Gravitas autem ad  $\frac{1}{8}$ , cujusque Sphæræ Pondus ad Renitentiam ita se habebit, ut  $\frac{1}{8}$  ad  $\frac{1}{4}$  vel ut  $50$  ad  $1$ . Ita ut in hoc casu ratio illa, qua Pondus Renitentia respondet, ad dimidias minuatur. Si Corpus ita dividatur, ut Sphærulæ cujusque Diameter Diametri, quæ in Sphæra fuit, sit  $\frac{1}{10}$ , singularum Gravitas ad  $\frac{1}{1000}$  decrescet, & Superficies sive Renitentia ad  $\frac{1}{100}$ . Adeoq; ratio quam habet Gravitas ad Renitentiam erit, ut  $\frac{1}{1000}$  ad  $\frac{1}{100}$  vel ut 10 ad 1. Si Sphærulæ cujusq; Diameter sit  $\frac{1}{100}$ , Gravitas erit  $\frac{1}{1000000}$  Superficies vero sive Renitentia  $\frac{1}{10000}$ , adeoque Renitentia ratione erit Gravitas, uti  $\frac{1}{1000000}$  ad  $\frac{1}{10000}$ : quæ duæ Fractiones cum invicem æquipolleant, Renitentia hoc in loco ad vim Gravitatis accedet, &, ne in fundum agantur particularæ, vetabit. Adeoque hoc, sive in Solutione, sive



sive Digestione, perpetuo obtinet; viz. si corporis Gravitas sit ad Tenacitatem Fluidi, ut  $p$  ad  $1$ : corpore demum in minutias discerpto, ut partium Diametri ad totius Diametrum sint ut  $1$  ad  $p$ ; Renitentia, qua luctaturæ sunt particulæ, ipsarum Gravitati æquipollebit: quippe cum earum Ponderus sit  $\frac{1}{p^3}$ , Superficies vero  $\frac{1}{p^2}$  Gravitas ad Renitentiam ea ratione se conferet, ut  $\frac{p}{p^3}$  ad  $\frac{1}{p^2}$  vel uti  $1$  ad  $1$ . Hinc elucescit ratio quomodo Metallorum corpuscula in Menstruis Specificè Levioribus sustinentur; uti Aurum in Spiritu Nitri Bezoartico, cujus tamen Gravitatem quindecies excedit\*. Nimirum si ineatur computus, intelligemus Diametro nondum ad medias redacta, uti Aurum Gravitate duplo excedere, ita Superficiem Auri esse duplam, si ad Gravitatem conferatur. Eadem prorsus in ceteris quibuscunque Menstruis ratio est.

Ad hanc normam corpuscula Specificè Graviora in Menstruis suspendi videmus. Eadem etiam est causa, cur ea, quæ Leviora sunt, ad Superficiem enatare nequeant. Cum enim Fluidorum æqualis utrobique sit pressio, ita ut partes superius positæ in inferiores nisum reciprocum exercent, vis ea, quæ corpuscula graviora ad fundum delabi non sinit, etiam leviora ne sursum emergant vetat. Ita Plantarum particulæ, uti Quercus, Abietis, Croci, &c. quanquam ad Aquæ Gravitatem Specificam non accedunt, \*\* in

D 4

ca

\* Tab. 3.

\*\* Tab. 2.

ea tamen facile detinentur. Etiam Camphora, corpus pene omnium levissimum, in Oleo Vitrioli aut Aqua Forti soluta ita coercetur, ut ad summum elabi non possit.

Digestionis usus ex ipsa definitione peti potest; nimirum ut corporum particulæ magis Volatiles, & a terreis liberæ, liquore aliquo extrahi, cumque eo intime misceri possint. Igitur ad hoc lenior ignis semper fere adhibetur; ut corpuscula, quæ ad evolandum promptiora sunt, sua quasi sponte secedant: vehementior quippe etiam fæces exprimit; unde, si non imminuitur Liquoris efficacia, turbatur certe claritas: quod præsertim in Tincturis conficiendis evenire solet. Adde quod, si paulo fortius calorem intendimus, vix ab Empyreumate cavemus.

Varii in Digestione apparatus ratio, ex iis, quæ alibi dicta sunt, satis intelligi posse videtur. Ita cum Salem Tartari fundimus, & Sulphur in Flores redigimus, ut extrahantur Tincturæ, ea de causa fit ut particulæ, hac arte prius comminutæ & divulsæ, se a Menstruo facilius deradi patiantur. Crocus, Opium, Castoreum, &c. quorum compages laxior & tenuior est, per se satis prompte affuso Menstruo in Tincturas abeunt. Myrrha & Succinum, quæ firmioris coherentiæ sunt ad Resinas propius accedunt, Digestioni difficilior parent. Itaque, si iis adjiciatur Sal Armoniacus, non modo Salis hujusce interventu citius educitur Tinctura; sed & intensior quoque fit, & ad Medicos usus efficacior. Ita de Myrrha recta sa-

tis

ris esse videtur Vigani sententia, qui eam in vulgatis Elixiribus fere intactam relinqui statuit; ideo Myrrham cum Sale Tartari sacculo inclusam suspendit, donec mollescat: ita quippe facilius in Spiritu Vini colliquescit. Qui quidem in Elixiribus conficiendis modus ex Paracelfo deductus est, qui Spiritum Vini Oleo Sulphuris acuit.

Nihil fere est in quo magis elaborant Chymici, quam ut Tincturam Martis eliciant: quem quidem ut subigant, & uti ipsi loquuntur, aperiant, varia excogitarunt Menstrua, alii alia: Urinam, Pomaceum: Succos Acetosos, Acetum denique, & Æruginis Spiritum; quibus mirum in modum Ferri corpus cruciant, ut Tincturam suam uberius deponat. Quorum sane processuum labor pene infinitus, fructus permediocris. Sed satis est ut iis displiceat, præparationem fuisse simplicem. Hæc tamen, quam hic exhibemus, uti cæteris facilior, ita nec viribus inferior reperietur. Ferri quippe compages, tum igne, tum Salis Armoniaci spiculis, ob particularum subtilitatem, satis comminuta & discerpta esse videtur, ut Spiritum Vini bona sui parte exsaturet. Id etiam forte non absurde dici potest, Salem Armoniacum & Vini Spiritum ad Ferri naturam viresque propius accedere, quam reliqua illa, quæ supra attulimus, Menstrua. Ita hoc modo non tantum Ferri substantiam elicimus, sed idoneo vehiculo & quasi subsidiario instructam habemus. Hujus Tincturæ artifex primus Mynsi.

fiethus ; qui tamen eam alio more concinnavit .  
 Processum ipsum ; quoniam memoratu dignus est ,  
 ab Authore accipite . & Salis Armon. p. 2. Li-  
 matur . Chalyb. p. 1. M. & per Retortam secun-  
 dum gradus distilla , primum lento , deinde for-  
 tiore igne ; sic Martis Essentia remanet in fundo .  
 Hanc exime , & optime edulcora , ut ab omni Sa-  
 lis Armoniaci acredine sit libera , postea materiam  
 edulcoratam Cucurbitæ immitte , & cum Spiritu  
 Vini extrahe Tincturam ; cum desit Tinctio , Spi-  
 ritum Tinctum exime , & per Alembicum abstra-  
 he usque ad medietatem ; reliquum manens cum  
 Essentia extracta per Chartam filtra, idque ipsum,  
 utpote veram Martis Tincturam , ad usum asser-  
 va . Quam prolixa & tædii plena sit hæc Opera-  
 tio , facile intelligitis : qui quidem , ut pensari  
 queat labor , medicamento virtutem aliquam exi-  
 miam deberet impertiri : quod , an ita fiat , mul-  
 ti in dubium vocant . Nam Distillatio Ferrum  
 non ita fortiter diffringere posse videtur , ac Cal-  
 cinatio : in hac quippe adhibetur ignis vehemen-  
 tior . Deinde ea Salis Armoniaci ablutio plane  
 supervacanea est : nam Sal iste Tincturæ & edu-  
 ctionem expedit , & vires auget . Illa denique  
 per Alembicum Spiritus Abtractio nulla ratione  
 nititur : Tinctura enim , dum abstrahitur , eas ,  
 quæ Volatiliores sunt adeoque magis efficaces, di-  
 mittit particulas . Quod si hac Abstractione Tin-  
 cturæ vim intendere animus esset id certe melius  
 fieri posset , si diuturniore Digestione Ferri cor-  
 puscula ubèrius , imbiberet .

## P R A E L E C T I O VII.

*De Extractione.*

**E**xtractio latius sumpta quamcunque denotat , quæ per Menstrua fit , Solutionem : nisi fortè dicamus eas ita inter se discrepare , ut in hac universam corporis substantiam absorbeant Menstrua , in illa non nisi certas quasdam particulas delibent . Ad hunc modum Camphora Spiritu Vini solvitur , Jalapium rectius extrahi dicitur ; cum in eo Menstruo Resina tantum , intactis fere cæteris particulis , colliquescit . Sed quæ hujus loci est Extractio , est ea Solutionis inspissatio , quæ , abstracto ad certam portionem Menstruo ; mixturam reliquam ad crassitiem quasi melleam redigit . Ita postquam Croci Tinctura Spiritu Vini ad saturitatem evocata fuerit , Spiritum denuo ad medias circiter distillando abstrahimus , deinde materiam reliquam in vase patulo super Arenam collocamus , ut quod superest humidi in vapores abeat . Hoc artificio Croci particula Spiritu ita comminutæ & discerptæ sunt , ut ei se facile immisceant , & Tincturam satis liquidam constituent ; relicto tamen post Distillationem non nisi paucō Spiritu , necesse est residuum paululum crassescere : quod , cum denuo vasi aperto committatur , avolantibus urgente igne , quæ texturæ subtilioris sunt , particulis , in massam adhuc spissio.

fiorem, quæ Extractum vocatur, compingitur. Aliquando Succī ipsi Vegetabilium in Extracta abeunt. Ad hanc normam sese habet Extractio, quam pluribus exponere minus erit necessarium, cum omnia ea, quæ de Solutione dicta sunt, ad hunc etiam locum commode referri possint.

Extracta ex Plantarum familia maxime fiunt: quæ quidem pro Plantarum dissimili indole diversa Menstrua postulant; quod in Guminatis præcipue observari licet. Ea enim quæ Mucilaginosa sunt, uti Gummi Arabicum, Tragacanthæ, &c. non nisi Aqueis liquoribus commode solvuntur: contra Resinosa, verbi Gratia, Galbanum, Scammonium, &c. soli fere Spiritus Ardentis subiungunt. Contra, sunt quædam mediæ naturæ, quæ utriusque generis Menstruis cedunt quidem, quantum in altero non æque facile extrahantur. Ita Aloe & Rhabarbarum, quæ nonnihil Resinosi habent, cum Spiritu Vini melius quam Aqua in Extracta labunt: plantis vero Resina minus abundantibus, uti Helleboro, Scorzonæ, &c. eliciendis Aqua commodior habetur, quam Vini Spiritus, Igitur, ut rite fiat Extractio, quæri debet idoneum, & corpori extrahendo quasi cognatum Menstruum.

Sed in nulla alia magis quam in Opī, utpote Remediorum nobilissimi, Extractione laborarunt Chymici: cui quodnam feliciter conveniat Menstruum, magna est inter eos controversia. Longum esset omnes apparatus formulas recensere; liceat paucis unam aut alteram perstringere, Alii  
Opi-

Opium, cum vel super prunas vel sulphuris accensi vaporem exhalaverit, Acidis liquoribus extrahunt: ideo nempe, si ipsis credimus, ut vis Opii narcotica figi & corrigi possit. Sed illa Opii exudatio plane inepta est, nisi volumus loco Medicinæ terram damnatam extrahere: calore enim admoto avolat subtilior illa Opii pars, quæque Sale Volatili maxime abundat. Deinde Acida pessimo consilio adhibentur; nam, si vires specietes, ab iis longissime abhorret Opii natura: Acida quippe sanguini coagulum & lentorem inducunt, ad quem quidem attenuandum nihil fere Opio efficacius reperitur. Ita cum mederi volumus, Opium Acidis associare, quid aliud est, quam si Chirurgus, ut vulnus penitus recidi queat, cultri aciem retunderet? Pari modo Succus Vegetabilium Aciduli, quibuscum fermentescere solet Opium, utcunque illius vim parcius immittunt, si sub examen revocentur, censuram vix effugient. Alii Sale Tartari adjiciunt, qui tantopere ab iis prædicatur, ut Opii Corrector audiat. Et ad hoc quidem uti nihil fere mali, ita nec boni aliquid accrescere videtur. Nam nec Sale isto eget Opium, ut extrahi queat, cum per se satis prompte in Menstruo liqueat: neque est ita malignæ efferaque indolis divinum illud morborum lenimen, ut cicurari & corrigi debeat. Melior certe ista Veterum, utcunque perperam dicta, Correctio; qui Opiatis suis Calida feresemper & Aromatica adjecerunt: quibus quidem ita parum refringitur Opii vis, ut ab iis potius

ius ad medicos usus novas sibi suppetias adsciscat. Itaque veteres secutus, Crocum Cinnamomum & Caryophyllos Laudano suo admiscuit D. Sydenhamus. Reliqua fere Menstrua, quibus ad Opium extrahendum utuntur Chymici, sunt Spiritus Vini, Vinum ipsum, & Aqua: quorum singula suos habent propugnatores. Ex quibus tamen, si Vino primas deferimus, æquissimo jure litem dirimere videmur. Nam Spiritus Vini, præterea quod ardentior sit quam ut omnibus conveniat, Opii Resinosam partem nimis libere absorbet; unde nausea sæpissime, & tormina. Quinimo, quod & omnes Spiritus Ardentes faciunt, sanguini admixtus concrescit: quod Opii natura alienissimum esse diximus. Contra Aqua, licet Opium satis probe extrahat, sæpius præ imbecillitate stomacho, infirmo saltem, minus se commendat. Sed omnibus hisce vitiis caret Vinum, Canarinum præcipue & Xeroense: quæ non modo Opii Salem Volatilem, in quo maxima remedii virtus est, feliciter exhauriunt; sed etiam tum stomacho peramica sunt, tum Medicinæ ipsi per ea sanguinis spirituumque itinera aptum satis præstant vehiculum.

Observamus Tincturas, dum Digestione eliciuntur, esse admodum saturatas; Menstruum tamen, postquam distillatione avocetur, veterem denuo colorem induere. Dum enim igne fortiore per Alembicum fit Abstractio, Liquorum particulæ ita rarescunt, ut præ Levitate Specifica prompte admodum assurgant: quod præcipue in  
Spi.



Spiritu Vini advertitis, quo nullum fere Menstruum rarefcentiæ promptius obsequitur. Corporum vero minutia, quæ in liquore innatant eumque colore quodam tingunt, utcunque exiles, cum propter soliditatem rarefcere nesciant, a fugaci Menstruo deferuntur penitus, & ex Cucurbita proluci nequeunt: quippe, si vi ignis adaectæ per se sursum ascendere nitantur, ad culmem Alembici pervenire non possunt, sed nativo pondere decidunt rursus & in præceps feruntur. Ita qui hoc modo ex Tincturis abstrahuntur Liquores, propriam fere indolem retinent, & evadunt decolores. Nonnunquam tamen quæ leviora sunt corpuscula, qualia sunt Opii, Croci, &c. una cum Menstruo in Excipulum derivantur: quod tum sapore tum odore deprehendi potest, licet non ea copia sint, quæ Tincturam Menstruo concilient.

Ad hunc modum peragi solet Extractio; quæ quidem Operatio in Chymica recte fortasse locum habet, an vero Medicinæ etiam inserviat, non ita extra dubium poni videtur. Nam quæ subtiliores sunt particulae, eæ fere omnes avolant & dissipantur, vel cum Distillatione abstrahitur Menstruum, vel cum in nudo aere evaporat. Ita si quid ad medicos usus istæ conferant, id in Extractis frustra quærimus: si vero partium crassiorum & magis inertium delectum facere volumus, eas nulla alia apparatus ratio æque feliciter suppeditat. Ita ut ea quæ a Chymicis tantopere venditantur Extracta, si vires medicas spectes, non tam Pharmaci loco, quam Vehiculi, si ita loqui liceat, habenda sint.

PRÆ-

## PRÆLECTIO VIII.

## De Præcipitatione.

**P**ræcipitatio dicitur de iis, quæ in Menstruis aliquando fluitantia & suspensa, ad fundum tandem decidunt, Quæ quidem nonnunquam sua sponte, sæpius tamen non nisi alio instillato Liquore, in præceps feruntur. Par est alterutrinque Descensus ratio.

Frustra esset recensere omnia ea, quæ de Præcipitationis causa excogitantur commenta: præsertim cum ea sit hujusce Operationis ratio, ut nulla alia ad Mechanicas leges redigi possit facilius. Ex iis quæ de Digestione dicta sunt, satis clare percipitis, quomodo Solida corpuscula a Fluidis sustineri possint, utcunque Specificæ Graviora; scilicet si, quantum ea Gravitationem Menstrui Specificam excedant, tantum reciproce reniti queat hujusce Cohærentia: quam quidem Renitentiam Amplitudini, quam habent corpusculorum Superficies, respondere pariter ostensum est. Igitur ut diutius sustineri nequeant, seu, quod idem est, ut in præceps labi possint, alia eaque contraria prorsus requiritur conditio, viz. ut Menstrui tenacitas non ea sit, quæ corpusculorum Gravitationi æque respondeat. Atque hoc duobus potissimum modis effici posse videtur.

Et primo quidem sequi solet Præcipitatio, cum in-

instillatur liquor Specificè Levior . Eo enim affuso diminuitur Menstrui Gravitas , quæ in Menstruo semper observat rationem ex utrisque liquoris Gravitate commixtam . Menstruo ad hunc modum diluto, debilitatur etiam Cohærentiæ vis, ita ut in soluta corpora non satis valide reniti queat: quæ igitur, sublato æquilibrio, præ pondere deorsum ruunt. Pari modo ac Hydrometri, qui in Aqua facile sustinentur, si Spiritus Ardentes uberius immiscueris, ad Vitri fundum se præcipitant. Atque hoc non modo rationibus Mechanicis , sed Experimentis accurate congruit . Ita Spiritus Salis Armoniaci Metallorum ramenta in Acidis Menstruis soluta satis copiose præcipitat : quibus omnibus levitate multum \* præpollet . Idem expeditius præstat Spiritus Vini ; cujus gravitas omnium fere minima reperitur \*\*: a quo itaq; Sales omnes in Aqua suspensi dejiciuntur & in Crystallos coeunt . Ita si guttatim adjicias Acetum Distillatum , Scoriz Antimoniales in Aqua diffusæ Sulphur Auratum demittunt . Ad eandem normam Aqua, Acetum , &c. Præcipationem, parciolem licet , ex Acidis educit . Etiam Acida ipsa quæ non ita gravia sunt , ponderosioribus affusa quicquid in iis innatat ad fundum deturbat : uti spiritus Salis Plumbum , Cuprum , Stannum in Oleo Vitrioli solutum in præceps agit . Itaparum in hoc negotio desideratur Alkali , quod omnes fere una voce necessarium esse contendunt Chymici .

Secundo succedit æque Præcipitatio, si Gra-

Tom. I.

E

vio-

\* Tab. 3.

\*\* Tab. 3.

viorem Menstruo liquorem adjeceris. Hujusce quippe particulae tum pondere suo cum impetu, quem descendendo acquirunt, dum fundum perunt, solida corpuscula quaecunque in itinereprehenderint, secum una abripiunt & deorsum trudent: ita ut hoc adventitio liquore depulsa & quasi coercita, nequeant in sedes pristinas resurgence. Quod si quis experiundo tentabit, non deerunt, quae ratiocinium hoc comprovent, exempla. Ita non modo Acidi Spiritus, sed Aqua Vegetabilium. Tincturas Spiritu Vini extractas deturbat: easdem Aqua vel Vino elicitas uberi satis copia dejiciunt, qui graviore pollent momento, Spiritus Acidi\*. Pari modo metalla in Spiritu Salis Armoniaci soluta, Oleo Vitrioli aut Spiritu Nitri deprimuntur: eadem etiam, quamvis in Aqua Forti suspensa, facile praecipitat cum Oleum Vitrioli, tum Spiritus Nitri Bezoarticus. Idem Oleum si vel Sal volatile Oleoso, vel Salis cujuscunque Solutioni quantum fieri potest saturatissimae, affundatur, non modo minutias ad fundum devocat, sed liquorem fere universum in Saleem convertit: Cum enim hi instillantur liquores alter alteri, Sales qui in iis plurimum abundant, vi Attrahente concitati, in mutuos complexus ruunt: & quia non longe a se invicem resiliunt, ita tandem mutuo agglutinati sunt, ut, cum Phlegmatis non nisi perpusillum supersit, Solidi speciem suscipiant. Id quod etiam in Tartaro Vitriolato observatis, in quibus

quidem experimentis ea oritur conflictio & effervescencia, ut evaporet fere omnis, qua diluti sunt sales, humiditas. Atque hinc pendet omnis Coagulationis Chymiae ratio: quæ quidem in hoc Præcipitationis opere maxime valet. Neque alia de causa Oleum Tartari in Acidis Soluta præcipitat, nisi quod cum corpusculis istis in Coagulum quoddam abeat, adeoque Menstrui tenacitatem prægraves & exuperet.

Neque hæc tantum succedit Coagulatio gravi-  
oribus affusis fluidis: sed etiam sapius Præcipitationi faver, cum liquoris instillati gravitas vel menstruo prorsus congruit, vel ab eo parum recedit. Hæc partium agglutinatio cum in aliis, tum in Salinis potissimum se prodit. Ita Spiritus Salis Armoniaci, Spiritus Cornu Cervini & Sanguinis Humani, Sal Volatilis Oleosus, in quibus gravitas fere cum Aqua communis reperitur, Sublimati solutionem ingenti copia præcipitat; id quod in Præcipitato Mercurii Albo advertitis. In quo quidem Salium, qui & in Sublimato & in affusis liquoribus maxime abundant, unionem satis declarat ponderis incrementum: id enim, quod in fundo subsidet, Sublimati adjecti pondus excedit. Pariter Vegetabilium Magisteria, per Præcipitationem elicta, hanc de Coagulo sententiam evincunt: in iis quippe major est, quam in Pulveribus, gravitas specifica. Quæ igitur ponderis accessio liquoris, quocum instituitur Præcipitatio, particulis tribuenda est.

PRÆ.



## P R A E L E C T I O IX.

*De Crystallizatione.*

**C**rystallizatio est ea Salinarum partium inter se connexio, ut Crystalli speciem referant, varie pro Salium indole constructam & figuratam. Quod ut commodius fieri queat, ad hunc fere modum instituitur Operatio; Corpus Salinum in Aqua solvitur; deinde per filtrum trajicitur, solutio, quæ demum Aqua ad pelliculam evaporata in Crystallos concrevit. Dissolutio & Filtratio eo spectant, ut Sales a sordibus quibuscunque liberentur; secus enim siquid alienum irreperit, Crystallorum non modo hebesceret nitor, sed mutilaretur etiam figura.

Salibus igitur ita deterfis & repurgatis Aqua rursus ( utpote nulli amplius usui futura ) instituta evaporatione abigitur: quod quidem eo consilio fit, ut quæ residua est saturatior fiat solutio. Atque hæc solutionis saturitas necessaria est, ut uberius in Crystallos coeant Sales; quæ cum nihil aliud sint nisi partium salinarum congeries, si prius innotuerit compositionis hujusce causa, facile percipietis, quare in dilutione menstruo demitti nequeant. Compositio adeo hæc a vi illa Attrahente oritur, qua Sales prope se invicem positi mutuo coalescere & compingi contendunt; quod

quod eo facilius faciunt, quo minore intervallo  
sejuncti sint: nam Attractionis vis, quæ sub ipso  
contactu validissime sese exerit, nimio interjecto  
spatio penitus elanguet. Igitur Sales Aqua frigi-  
da copiosius diluti, cum longius a consortio mu-  
tuo absint, vim Attractionis non omnino sen-  
tiunt, sed in sedibus quieti commorantur: quod  
si etiam saturatior fieret solutio, parcius citra  
evaporationem demittuntur. Aqua vero ad pelli-  
culam evaporata, Sales ad mutuos fere contactus  
sui sunt: unde fortius se invicem attrahunt, sibi-  
que intimius innexi in quosdam quasi fasciculos  
uberrime effinguntur.

Ita si solutio quævis Salina diutius restiterit,  
Crystalli sponte decidunt; Aqua enim, quæ Sa-  
lium coherentiam prohibeat, exhalat: uti satis  
ostendunt ea, quæ in ipsa Operationis serie obser-  
vastis. Idem vero Sales Aqua calida soluti, in  
ea facile colliquescent & sustinentur, nec quam-  
diu ea calorem retineat, in Crystallum concre-  
scunt. Motu quippe quem calor excitat vigente,  
præpeditur atque destruitur omnis ille motus a vi  
Attrahente oriundus. Cum vero Aqua refrixerit  
& in se ipsa tandem quietâ resederit, Sales propi-  
ore vicinia potiti ita vim Attrahentem exerunt,  
ut inter se coire possint & in Crystallum efformari.

Sales cujuscunque generis in Crystallum redigi  
possunt, sive Fixi, sive Volatiles: e Fixis diffi-  
cilius quidem Alkalizati. Volatiles prius figen-  
di sunt, quam in Crystallum abire queant: secus  
evaporatione adhibita, avolant & dissipantur. E-



## P R A E L E C T I O IX.

*De Crystallizatione.*

**C**rystallizatio est ea Salinarum partium inter se connexio, ut Crystalli speciem referant, varie pro Salium indole constructam & figuram. Quod ut commodius fieri queat, ad hunc fere modum instituitur Operatio; Corpus Salinum in Aqua solvitur, deinde per filtrum trajicitur, solutio, quæ demum Aqua ad pelliculam evaporata in Crystallos concrescit. Dissolutio & Filtratio eo spectant, ut Sales a sordibus quibuscunque liberentur; secus enim siquid alienum irrepsit, Crystallorum non modo hebesceret nitor, sed mutilaretur etiam figura.

Salibus igitur ita deterfis & repurgatis Aqua rursus ( utpote nulli amplius usui futura ) instituta evaporatione abigitur: quod quidem eo consilio fit, ut quæ residua est saturatio fiat solutio. Atque hæc solutionis saturitas necessaria est, ut uberius in Crystallos coeant Sales; quæ cum nihil aliud sint nisi partium salinarum congeries, si prius innotuerit compositionis hujusce causa, facile percipietis, quare in dilutione menstruo demitti nequeant. Compositio adeo hæc a vi illa Attrahente oritur, qua Sales prope se invicem positi mutuo coalescere & compingi contendunt; quod



quod eo facilius faciunt, quo minore intervallo se juncti sint: nam Attractionis vis, quæ sub ipso contactu validissime sese exerit, nimio interjecto spatio penitus elanguet. Igitur Sales Aqua frigida copiosius diluti, cum longius a consortio tuo absint, vim Attractionis non omnino sentiunt, sed in sedibus quieti commorantur: quod si etiam saturatior fieret solutio, parcius citra evaporationem demittuntur. Aqua vero ad pelliculam evaporata, Sales ad mutuos fere contactus fixi sunt: unde fortius se invicem attrahunt, sibi-que intimius innexi in quosdam quasi fasciculos uberrime effinguntur.

Ita si solutio quævis Salina diutius restiterit, CrySTALLI sponte decidunt; Aqua enim, quæ Sali-um cohærentiam prohibeat, exhalat: uti satis ostendunt ea, quæ in ipsa Operationis serie observastis. Idem vero Sales Aqua calida soluti, in ea facile colliquescent & sustinentur, nec quamdiu ea calorem retineat, in CrySTALLOS concre-  
scent. Motu quippe quem calor excitat vigente, præpeditur atque destruitur omnis ille motus a vi Attrahente oriundus. Cum vero Aqua refrixerit & in se ipsa tandem quiescat resederit, Sales propi-ore vicinia potiti ita vim Attrahentem exerunt, ut inter se coire possint & in CrySTALLOS efformari.

Sales cujuscumque generis in CrySTALLOS redigi possunt, sive Fixi, sive Volatiles: e Fixis diffi-  
cilius quidem Alkalizati. Volatiles prius figendi sunt, quam in CrySTALLOS abire queant: secus evaporatione adhibita, avolant & dissipantur. E-

tiam Metalla, Spiritibus Salinis corrosa, in Crystallum facile reducuntur. Quod cum ita sit, curiosis quærendi ansam præbuit, utrum revera sint aliqui Metallorum Sales. Argumentum a Crystallis hisce deductum multis persuasit, eos in Metallis contineri: quod tamen infirmo admodum fundamento niti videtur. Quippe ii, qui vocantur Jovis & Saturni Sales, nihil aliud sunt nisi Metallorum minutia, Salini Menstrui corpusculis ita intime unitæ & cohærentes, ut tum in Crystallum efformari, tum in Aqua ope Salium, quibus irretitæ sunt, liquecere & sustineri queant. Nam si Sales istos Igni calcinatorio committamus, Metalla ipsa reviviscunt. Nec Metallorum Sales magis evincit Martis Vitriolum, sive Sal Chalybis cum Limatura Chalybis & Oleo Vitrioli præparatus: in quo quidem aliquam Ferri portiunculam contineri concedimus: sed quia cum ipsius Vitrioli Crystallis nihil quicquam non habeat commune, male inde colligitur in Ferro Salem quendam delitescere. Nam ex affinitatis ratione melius certe concludi potest, aliquid Ferreum nativo Vitriolo adhærescere: quod & Experimenta satis confirmant. Nam Calx Vitrioli Magnetem attrahere comperitur. Igitur qui arte Vitriolum conficiunt, Ferrum magna copia admiscunt. Ita parum Metallorum Salibus favent, quæ ex Crystallis petuntur, rationibus. Sunt nonnulli, qui sine Salini Menstrui aut Ignis adminiculo Metallorum Salem elici posse contendunt: ita a se eductum esse asserit Bor-

richius ex Metallis, cum Mercurio & Aqua tritis, Salem Crystallinum. Sed fides penes Authorem esto. Nam sententia hæc, nec inique, a senioribus Chymicis explosa est. Idem de Margaritarum, Coralli, &c. Salibus dicendum.

Hactenus Crystallorum rationem exposuimus, figuras ipsi satis percipitis: quæ quidem non minus pulchritudine sua, quam varietate ita se commendant, ut nusquam fere jucundius spectaculum natura exhibeat. Quod tum nudo oculo aliquatenus patet, cum Microscopiis armato elegantius se prodit. Ita in Sale Communi conspiciuntur Pyramides quadrilateræ Basi quadrata, in Saccharo oblonga & rectangula sustentatæ: in Alumine senis lateribus exsurgunt, Basi pariter Hexagona innixæ. Vitriolorum Crystalli strias ut plurimum referunt, multa varietate inter se consertas: quibus interjacent Polygona, qualia fere nudo oculo cernimus. Sal Armoniacus arboris ramos eleganter imitatur. Cornu Cervi sagittas pharetra inclusas. In Sale Mirabili Glauberi, qui ex Sale communi & Vitriolo conflatur, utriusq; Salis figuræ exhibentur. Nitrum in quasdam quasi Columnas Prismaticas, lignorum fasciculis haud absimiles, se exerit: inter quas disseminantur figuræ aliquot modo Rhomboides, modo Pentagonæ: quæ proxime ad Salem Communiem videntur accedere. Ita ut satis recte annotarit Lermierius, Nitrum nulla arte ita purgari posse, quin aliquid Salis Gemmei sive Fossilis ei adhæreascit. Sed omnes fere pulchritudine superat Sal Jovis,

in quo lineæ, aciculis similes, ita a Centro undique discurrunt, ut stellam, qualem in Martiali Regulo conspiciamus, exhibeant.

Id quidem in his Salibus admodum singulare est, quod quocunque modo in minutias discerpti & soluti sint, in certam singuli sibi que propriam figuram, cum in Crystallos abeant, reviviscunt. Ita ut non minus ægre falsedinem, quam figuram suam deponere posse videantur. Quæ lex cum perpetua sit & immutabilis, innotescere potest cognita Crystallorum figura, quænam debeat esse particularum textura, quæ Crystallos istas possint componere. Uti & ex altera parte, explorata particularum fabrica, Crystallorum etiam figuræ statuentur. Figuræ quippe partium maxime simplicium cum eodem semper modo se habeant, necesse est ut forma, in quam eæ inter se compositæ coalescere solent, sibi etiam constet. Cum vero in uno latere ejusdem particulæ Salinæ fortior sit Attractionis vis quam in altero, secundum ea latera, quæ validius attrahunt, fiet perpetuo Salium concretio. Unde & demonstrari potest minimarum particularum figuram ab ea, quæ in Crystallo prodit; prorsus alienam esse. Sed hoc Mathematicis relinquendum, ne in eorum fines irruere videamur.

Hæc vobis, Auditores, si perspicue exposuerim, satis habeo. Quippe omne hoc Chymicæ illustrandæ munus, non tam rerum farragine aut apparatus pompa, in quibus ita fere toti sunt Chymici, quam Explicatione simplici & ingenua op-  
time

time niti posse arbitrābar. Neque enim id credo  
quæritis, ut Arcanis instructi inter Adeptos ad-  
scribi possitis, potius quæ sit rei Chymicæ ratio  
quinam vestræ hujusce operæ fructus, intelligere  
velle videmini. Hoc adeo ut assequamini, nulla  
magis faciunt quam quæ hic adhibentur Princi-  
pia: quæ non modo naturæ aptissima reperientur,  
sed & conceptui maxime idonea. In quibus qui-  
dem convenientiam istam & quasi catenam quan-  
dam cernitis, ut ea inter se ita mutuo cohære-  
scere & conspirare posse, nisi revera essent, ne-  
quaquam verisimile fateamini. Superfunt sane  
multa, quæ admodum difficile esset exponere;  
quam tamen difficultatem aliquando vinceret rite  
applicata industria: sunt fortasse nonnulla, quæ  
nullo ingenio, nullo labore indagari possunt;  
hæc si ad rationes Mechanicas exigi nequeant,  
honestius est confiteri nos nescire, quam inepte  
de iis philosophari. Igitur uti nihil falsi vobis pro-  
ferre volui, ita quicquid apud alios perperam di-  
citur libens præterii: satis est propriam firmare  
posse sententiam; alienam convellere non vobis  
molestum magis, quam mihi supervacaneum.

## T A B. I.

In qua Rarefactio, Bullitio, & Ascensus Liquidorum, æstimatur.

In eodem gradu Caloris & Matraccis ejusdem magnitudinis inter se collata sunt Liquida sequentia.

|                    |   | Rarefactionis,     |          |
|--------------------|---|--------------------|----------|
|                    |   | Gradus.            | Tempora. |
| Spiritus Vini      | } | Dig. $\frac{1}{2}$ | 20. m.   |
| Oleum Terebinthinæ |   | $6\frac{1}{2}$     |          |
| Aqua Communis      |   | $6\frac{1}{2}$     |          |

NB. In uno minuto Spir. Vini & Oleum Terebinth. dig.  $\frac{1}{2}$  ascenderunt; Aqua non nisi post sex minuta cepit assurgere.

|                                  |   |                |       |
|----------------------------------|---|----------------|-------|
| Oleum Raporum                    | } | Dig. I         | 19 m. |
| Acetum Distillatum               |   | $\frac{1}{2}$  |       |
| Aqua communis                    |   | $\frac{1}{2}$  | 15    |
| Aqua Fortis Simpl.               |   | 4              |       |
| Oleum Vitrioli                   |   | 4              | 12    |
| Spir. nitri Bezoart. & Herm. ana |   | $3\frac{1}{2}$ |       |
| Aqua Fortis Simpl.               |   | 3              | 8     |
| Aqua communis                    |   | $1\frac{1}{2}$ |       |
| Aqua Fortis Simpl.               |   | 2              | 2     |
| Spir. Nitri Bezoart. & Herm. ana |   | 2              |       |

Aqua

Rarefactionis

|                       | Gradus               | Tempora. |
|-----------------------|----------------------|----------|
| Aqua Fortis Simpl.    | Dig. 1 $\frac{1}{2}$ |          |
| Spiritus Vini         | 3                    |          |
| Spiritus Salis Armon. | $\frac{1}{2}$        | 7 m.     |
| Urina tepida          | 3                    |          |
| Aqua communis         | 2                    |          |
| Spiritus Salis Armon. | 2 $\frac{1}{2}$      | 18 m.    |
| Urina frigida         | 2 $\frac{1}{2}$      |          |
| Aqua Communis         | 2 $\frac{1}{2}$      | 15       |
| Rutæ Stillat.         | 2 $\frac{1}{2}$      |          |
| Aqua Communis         | 2                    |          |
| Oleum Vitrioli        | 2                    | 30       |
| Aqua Fortis           | 2                    |          |
| Spiritus Vitrioli     | 1                    | 27       |
| Aqua communis         | $\frac{1}{2}$        |          |

Bullitionis Tempora.

|                                        |                |
|----------------------------------------|----------------|
| Spiritus Vini                          | 9 m.           |
| Oleum Terebinth.                       | 15             |
| Aqua communis                          | 29             |
| Ol. Raporum                            | 4              |
| Acetum distillatum                     | 6              |
| Aqua communis                          | 8              |
| Spiritus Salis                         | 6              |
| Aqua Fortis simpl.                     | 6              |
| Spiritus Nitri Herm.                   | 9              |
| Aqua Fort. simp.                       | 9              |
| Aqua communis                          | 15             |
| Spir. Nitri Bezoart. & Herm.           | 5              |
| Aqua Communis                          | 7              |
| Cerevisia tenuis                       | 30             |
| Lac                                    | 32             |
| Aqua communis                          | 35             |
| Oleum v. trioli                        | 60 aucto igne. |
| Acetum Vinarium                        | 18             |
| — Cerevisiæ                            | 25             |
| Vinum Rubrum                           | 30             |
| Ol. Vitr. non nisi post horam ebullit. |                |

Hora

Hora 2. 13. m. Aq. Fortis S. 1 m. D.  $\frac{1}{2}$  h. 3. 16 m. D. 9  
 In leni calore & in Ol. Terebin. 1 m. D.  $\frac{1}{2}$   
 Matraciis aequalibus Cerev. tenuis 9 } coeperunt  
 in quibus Colli longi Lac 5 } affurgere  
 tudo Dig. 13. aqua Aq. comm. 16 } < h 3. 33. D. 4.  
 bat, Diamet. Dig. 1 Spir. Vitr. 3 }

{ Cerevisia } h. 3. } Ita bulliebant, ut extra Matra-  
 Lac } h. 3. 12 m. } cium ferrentur. Lac & Cerevisia  
 Ol. Terebin. } h. 3. 16 } non cum bullis modo, sed Spu-  
 ma ingenti affurgunt.

Hor. 2. 13 m. { Ol. Raporum } In uno minuto ascende-  
 In fortiore { Vin. Rubr. } bant; sed Oleum Ra-  
 Igne. { Acet. Vin. Cerevisiae. } porum quater altius;  
 { Sp. Sal. Arm. Succin. } quam caetera.

|                   |          |       |          |       |                                   |         |
|-------------------|----------|-------|----------|-------|-----------------------------------|---------|
| Ol. Raporum       | } 8 m. { | D.    | } 25 m { | D.    | Extra Matracium                   | } 60 m. |
| Spir. Sal. Armon. |          | 5     |          | 2     | } Extra Ma-<br>tracium<br>ebullit |         |
| Acetum Cerevis.   |          | 1     |          | 3 1/4 |                                   |         |
| Vinarium          |          | 1 1/2 |          | 4     |                                   |         |
| Vinum Rubrum      |          | 1     |          | 3 1/2 |                                   |         |
|                   |          | 1/2   |          |       | 33 m.                             |         |

His Experimentis non abs re erit adjicere ea,  
 quae per modum Distillationis instituta sunt:  
 In quibus eundem Ignis gradum, similesque  
 Retortas adhibuimus.

|                     |            | Tempora                                | Quantitas        |
|---------------------|------------|----------------------------------------|------------------|
|                     |            | Ascensus                               | Distillata.      |
| Aqua commun.        | } Ana 3 4  | { in Bihorio<br>simul ex-<br>tillabant | { 3 4<br>3 1 vi. |
| Oleum Raporum       |            |                                        |                  |
| Aqua Fort. simplex  | } An p.aq. | { in Bihorio                           | { 3<br>1         |
| Aqua communis       |            |                                        |                  |
| Aqua communis       | } An p.aq. | { in Bihorio                           | { 3<br>1         |
| Oleum Terebinthinae |            |                                        |                  |
| Oleum Raporum       | } An p.aq. | { in Bihorio                           | { 3<br>1         |
| Aqua Fortis dupl.   |            |                                        |                  |
| Spir. Corn. Cervi   | } An p.aq. | { in Bihorio                           | { 3<br>1         |
| non Rectif.         |            |                                        |                  |
| Spiritus Vitrioli   | } An p.aq. | { in Bihorio                           | { 3<br>1         |
| Aqua communis       |            |                                        |                  |
|                     |            |                                        | Oleum            |



|                |                                                                                                                                                                                             |             |                                                                                                                                    |                                                                   |                                                                                                                                                                                  |
|----------------|---------------------------------------------------------------------------------------------------------------------------------------------------------------------------------------------|-------------|------------------------------------------------------------------------------------------------------------------------------------|-------------------------------------------------------------------|----------------------------------------------------------------------------------------------------------------------------------------------------------------------------------|
| Igne Fortiore. | $\left\{ \begin{array}{l} \text{Oleum Vitrioli} \\ \text{Spir. Nitri Bez.} \\ \text{Aqua commun.} \\ \text{Spir. Vini} \\ \text{Solutio Camph} \\ \text{in vino Albo} \end{array} \right\}$ | An. p. seq. | $\left\{ \begin{array}{l} \text{in trihorio} \\ 9 \text{ m.} \\ 9 \text{ m.} \\ 7 \text{ m.} \\ 9 \text{ m.} \end{array} \right\}$ | $\left\{ \begin{array}{l} 31 \\ 35 \\ 37 \\ \end{array} \right\}$ | $\left\{ \begin{array}{l} \text{intra ho-} \\ \text{ras 5.} \\ \text{intra tri-} \\ \text{horium} \\ \text{Plus Campho-} \\ \text{rae quam Vini ascendit.} \end{array} \right\}$ |
|                |                                                                                                                                                                                             |             |                                                                                                                                    |                                                                   |                                                                                                                                                                                  |
|                |                                                                                                                                                                                             |             |                                                                                                                                    |                                                                   |                                                                                                                                                                                  |
|                |                                                                                                                                                                                             |             |                                                                                                                                    |                                                                   |                                                                                                                                                                                  |

T A B. II.

In qua Gravitas Solidorum Specifica  
æstimatur.

|                                 | Pondus.              |                     | Ponderis Gravitas |          |
|---------------------------------|----------------------|---------------------|-------------------|----------|
|                                 | In Aere.             | In Aqua.            | Immin.            | Proport. |
| <b>M</b> ercurii crudi - gr. 60 | gr. 55 $\frac{1}{2}$ | gr. 4 $\frac{1}{2}$ | 14                |          |
| Plumbi —                        | 54 $\frac{1}{4}$     | 5 $\frac{1}{4}$     | 11 $\frac{1}{2}$  |          |
| Cupri —                         | 53                   | 7                   | 8 $\frac{1}{2}$   |          |
| Æris —                          | id.                  |                     |                   |          |
| Stanni Crudi —                  | id.                  |                     |                   |          |
| Reguli Antimonii --             | 52                   | 8                   | 7 $\frac{1}{2}$   |          |
| --- Martis & Veneris            | id.                  |                     |                   |          |
| Stanni (Block Tin) -            | id.                  |                     |                   |          |
| Ferri —                         | 51 $\frac{1}{2}$     | 8 $\frac{1}{2}$     | 7 prox.           |          |
| Cinnabaris Antimon.             | 51                   | 9                   | 6 $\frac{1}{2}$   |          |
| Lithargyri Argent. --           | id.                  |                     |                   |          |
| — Auri —                        | 50 $\frac{1}{2}$     | 9 $\frac{1}{2}$     | 6                 |          |
| Monetæ Arg. (Den. 6.)           | 49                   | 11                  | 5 $\frac{1}{2}$   |          |
| Cupri Calcinati —               | id.                  |                     |                   |          |
| Vitri Antimon. — gr. 60 gr. id. | 48                   | 12                  | 5                 |          |
| Lapis Calaminaris               | id.                  |                     |                   |          |
| — Tutia —                       | 47                   | 13                  | 4 $\frac{1}{2}$   |          |
| Croci Metallorum --             | 46 $\frac{1}{2}$     | 13 $\frac{1}{2}$    | 4 $\frac{1}{2}$   |          |
| Antimonii crudi ---             | 45                   | 15                  | 4                 |          |
| Chal. cum sulph. præ.           | 44                   | 19                  | 3 $\frac{1}{2}$   |          |
| Cerussæ —                       | id.                  |                     |                   |          |

Vi-

|                      | Pondus.  |                 | Ponderis Gravitas | Proport.       |
|----------------------|----------|-----------------|-------------------|----------------|
|                      | In Aere. | In Aqua.        |                   |                |
| Vitri viridis        | gr. 60   | gr. 39          | 21                | $2\frac{1}{2}$ |
| Corallii rubri       | —        | id.             | —                 | —              |
| Silicis              | —        | 38              | 22                | $2\frac{1}{2}$ |
| Boli Armen.          | —        | id.             | —                 | —              |
| Lapidis Judaici      | —        | $38\frac{1}{2}$ | $21\frac{1}{2}$   | $2\frac{1}{2}$ |
| Situlæ Vitreæ        | —        | id.             | —                 | —              |
| Offis Ovini recentis | —        | 33              | 27                | $2\frac{6}{7}$ |
| Limaturæ Chalyb.     | —        | 30              | 30                | 2              |
| Terræ Lemniæ         | —        | id.             | —                 | —              |
| Eboris               | —        | 29              | 31                | $1\frac{2}{3}$ |
| Cornu Cervini        | —        | 28              | 32                | $1\frac{1}{4}$ |
| Sulphur. Mineralis.  | —        | id.             | —                 | —              |
| Tartari crudi        | —        | 27              | 33                | $1\frac{2}{3}$ |
| Vitri Veneti         | —        | $26\frac{1}{2}$ | $33\frac{1}{2}$   | $1\frac{1}{3}$ |
| Æris Viridis         | —        | 25              | 35                | $1\frac{1}{2}$ |
| Plumbi usti          | —        | 24              | 36                | $1\frac{1}{2}$ |
| Gummi Arabici        | —        | 18              | 42                | $1\frac{1}{2}$ |
| Opii                 | —        | 16              | 44                | $1\frac{1}{2}$ |
| Ligni Guaiaci        | —        | 15              | 45                | $1\frac{1}{2}$ |
| Gummi Tragacan.      | —        | id.             | —                 | —              |
| Myrrhæ               | —        | 12              | 48                | $1\frac{1}{4}$ |
| Corticis Guaiaci     | —        | id.             | —                 | —              |
| Gumm. Guaiaci        | —        | 11              | 49                | $1\frac{1}{4}$ |
| Resinæ Scammonii     | —        | 10              | 50                | $1\frac{1}{4}$ |
| Ligni Nephritici     | —        | id.             | —                 | —              |
| Icthyocollæ          | —        | 9               | 54                | $1\frac{1}{4}$ |
| Radicijs Chinæ       | —        | 4               | 56                | $1\frac{1}{4}$ |
| Thuris               | —        | id.             | —                 | —              |
| Gallarum             | —        | 2               | 58                | $1\frac{1}{4}$ |
| Radicijs Gentianæ    | —        | minus 15        | —                 | —              |
| Corticis Peruviani   | —        | minus 16        | —                 | —              |
| Ligni Quercini       | —        | minus 26        | —                 | —              |
| Abietini             | —        | minus 48        | —                 | —              |

Pon-

*Praelectiones Chymicae.* 79

Pondera Salium in Spiritu Vini ad hunc modum explorata sunt.

Pondus.

In Aere. in Sp. Vin. In min. Proport.

|                       |         |                      |                  |                 |
|-----------------------|---------|----------------------|------------------|-----------------|
| Mercurii Crudi        | gr. 60. | gr. 57 $\frac{1}{2}$ | 2 $\frac{1}{2}$  | 17 prox.        |
| — Dulcis              | —       | 56                   | 4                | 15              |
| — Panaceæ Rubr.       | —       | 55                   | 5                | 12              |
| — Dulcis 3to. subl.   | —       | id.                  | —                | —               |
| — 4to. subl.          | —       | 54                   | 6                | 10              |
| Turpeth. Mineralis    | —       | id.                  | —                | —               |
| Sublimati Corrosivi   | —       | 52 $\frac{1}{2}$     | 7 $\frac{1}{2}$  | 8 prox.         |
| Sacchari Saturni      | —       | 42                   | 18               | 3 $\frac{1}{2}$ |
| Salis Nitri fixi      | —       | id.                  | —                | —               |
| Magisterii Corallii   | —       | 39                   | 21               | 2 $\frac{1}{2}$ |
| Pulv. Sympathetici    | —       | id.                  | —                | —               |
| Tartari Vitriolati    | —       | 38 $\frac{1}{2}$     | 21 $\frac{1}{2}$ | 2 $\frac{1}{2}$ |
| Sal. Mirab. Glaub.    | —       | 38                   | 22 $\frac{1}{2}$ | 2 $\frac{1}{2}$ |
| Tartari Emetici       | —       | 37 $\frac{1}{2}$     | 22 $\frac{1}{2}$ | 1 $\frac{1}{2}$ |
| Salis Guaiaci         | —       | 37                   | 23 $\frac{1}{2}$ | 2 $\frac{1}{2}$ |
| — Prunellæ            | —       | id.                  | —                | —               |
| — Polychrestii        | —       | id.                  | —                | —               |
| — Enixi               | —       | id.                  | —                | —               |
| Cremoris Tartari      | —       | 34                   | 26               | 2 $\frac{1}{2}$ |
| Vitrioli Albi         | —       | id.                  | —                | —               |
| Salis Chalybis        | —       | 33                   | 27               | 2 $\frac{1}{2}$ |
| Vitrioli viridis      | —       | 32                   | 28               | 2 $\frac{1}{2}$ |
| Chalcanthi Rubef.     | —       | id.                  | —                | —               |
| Sal. Vitrioli Albi    | —       | id.                  | —                | —               |
| Nitri                 | —       | id.                  | —                | —               |
| Sal. Vol. corn. cerv. | —       | 27                   | 33               | 1 $\frac{1}{2}$ |
| Ent. Mart. semel sub. | —       | 26                   | 34               | 1 $\frac{1}{2}$ |
| Sal Armon. purific.   | —       | id.                  | —                | —               |
| Ent. Mart. 3to. subl. | —       | 22                   | 38               | 1 $\frac{1}{2}$ |

TAB.

In qua Liquidorum Gravitas Specifica estimatur,  
 Massa plumbæ in aere pondus gr. 455.

|                     |                          | Ponderis         |                 | Proport.        |
|---------------------|--------------------------|------------------|-----------------|-----------------|
|                     |                          | Pondus.          | Imminut.        |                 |
| Ejusdem<br>Massæ in | O Leo Vitrioli -- gr.    | 379              | 76              | $5\frac{7}{8}$  |
|                     | Sp. Nit. Hermet.         | 383              | 72              | $6\frac{1}{4}$  |
|                     | Sp. Nit. cum Ol. Vitr.   | 396              | 59              | $7\frac{1}{2}$  |
|                     | Nitri comm. —            | 397              | 58              | $7\frac{3}{4}$  |
|                     | — Bezoartico —           | id.              |                 |                 |
|                     | Aqua Fort. dupl. —       | 400              | 55              | $8\frac{1}{2}$  |
|                     | Spir. Vitrioli —         | 406              | 49              | $9\frac{1}{4}$  |
|                     | Sp. Salis cum Ol. Vitr.  | 408              | 47              | $9\frac{1}{2}$  |
|                     | Solut. Salis com. ℥ij.   | id.              |                 |                 |
|                     | cum Aquæ com. ℥vj.       |                  |                 |                 |
|                     | Sp. Salis Arm. Succin.   | 409              | 46              | $9\frac{3}{4}$  |
|                     | — cum Ciner. Clavell.    | id.              |                 |                 |
|                     | Aqua Forti simpl. --     | $410\frac{1}{2}$ | 45              | $10\frac{1}{2}$ |
|                     | Sol. Salis Enixi ℥j. in  | id.              |                 |                 |
|                     | Aq. ℥v. —                |                  |                 |                 |
|                     | Decocto Gentianæ --      | 410              | $44\frac{1}{2}$ | $10\frac{4}{8}$ |
|                     | Sp. Tartari —            | 411              | 44              | $10\frac{1}{4}$ |
|                     | Decocto Bistortæ —       | id.              |                 |                 |
|                     | Sp. C. C. non Rectif.    | id.              |                 |                 |
|                     | Decocto Sarsæ —          | 412              | 43              | $10\frac{3}{4}$ |
|                     | — Chinæ —                | id.              |                 |                 |
|                     | Spir. Sal. comm. —       | $412\frac{1}{2}$ | $42\frac{1}{2}$ | $10\frac{3}{4}$ |
|                     | Decocto Ari —            | id.              |                 |                 |
|                     | Sol. Aluminis ℥j. ℥j. in | 413              | 42              | $10\frac{1}{2}$ |
|                     | Aq. ℥vj. —               |                  |                 |                 |
|                     | Laudano Liq. Sydenh.     | id.              |                 |                 |
|                     | Panacea Opii Liq. --     | id.              |                 |                 |
|                     | Decoct. Cort. Peruv.     | id.              |                 |                 |
|                     | — Granatorum —           | id.              |                 |                 |
|                     | Solut. Sal. Arm. purif.  | id.              |                 |                 |
|                     | ℥j. & Vitr. Alb. ℥j.     |                  |                 |                 |
|                     | in Aq. ℥v.               |                  |                 |                 |

Urina

|                  |                                                | Ponderis              |                  |                   |
|------------------|------------------------------------------------|-----------------------|------------------|-------------------|
|                  |                                                | Pondus.               | Imminut.         | Proport.          |
| Ejusdem Massæ in | Urina ———                                      | gr. 413 $\frac{1}{2}$ | 41 $\frac{1}{2}$ | 10 $\frac{4}{1}$  |
|                  | Sp. Nitri Dulci ———                            | 414                   | 41               | 11 $\frac{4}{1}$  |
|                  | Aqua comuni ———                                | id.                   |                  | 41                |
|                  | Tinct. Aloes (cum Aq.)                         | id.                   |                  |                   |
|                  | Decocto Santali rubri                          | id.                   |                  |                   |
|                  | Aceto Distillato ———                           | 414 $\frac{1}{4}$     | 40 $\frac{3}{4}$ |                   |
|                  | Aqua Menthæ }<br>— Rutæ }<br>— Sabinæ }        | Stilla. 415           | 40               | 11 $\frac{2}{2}$  |
|                  | Aceto ———                                      |                       |                  |                   |
|                  | Lacte ———                                      |                       |                  |                   |
|                  | Decocto Sabinæ ———                             | 415 $\frac{1}{2}$     | 39 $\frac{1}{2}$ |                   |
|                  | Infuso Marrubii ———                            | id.                   |                  |                   |
|                  | — Menthæ ———                                   | 416                   | 39               | 11 $\frac{2}{3}$  |
|                  | — Absinthii ———                                | id.                   |                  |                   |
|                  | Elix. prop. cum S. Vol.                        | 416 $\frac{1}{2}$     | 38 $\frac{1}{2}$ |                   |
|                  | Infuso Theæ ———                                | id.                   |                  |                   |
|                  | Spiritu Croci ———                              | 417                   | 38               | 11 $\frac{3}{8}$  |
|                  | Spir. Salis Armon. cum<br>Calce Viv. ——— }     | 418 $\frac{1}{2}$     | 36 $\frac{1}{2}$ |                   |
|                  | Spir. Salis dulci ———                          |                       |                  |                   |
|                  | Tinct. Castorei ———                            | 419                   | 36               | 12 $\frac{7}{12}$ |
|                  | Spir. Vini Camphorato                          | id.                   |                  |                   |
|                  | Tinct. Calyb. Mynsict.                         | 420                   | 35               | 13                |
|                  | Tinct. Sulphuris cum<br>Spir. Terebinth. ——— } | id.                   |                  |                   |
|                  | Oleo Raporum ———                               |                       |                  |                   |
|                  | Tinct. Corallii ———                            | 421                   | 34               | 13 $\frac{1}{4}$  |
|                  | Spiritu Vini ———                               | 421 $\frac{1}{2}$     | 33               | 14                |
|                  | Oleo Terebinthinæ ———                          | 422 $\frac{1}{2}$     | 32 $\frac{1}{2}$ |                   |
|                  | Spir. Vin. rectificato ———                     | 423                   | 32 $\frac{1}{2}$ | 14 $\frac{7}{12}$ |
|                  | Aqua cocta ———                                 | 424                   | 31               | 14 $\frac{1}{3}$  |

\* Numeri in columna extrema locati rationem expriment gravitatis fluidorum specificæ si reciproce sumantur. Uti enim 11  $\frac{3}{8}$  : 5  $\frac{7}{6}$  ita gravitas Olei Vitrioli ad gravitatem Spiritus Croci, nempe circiter dupla.

Tom. I.

F

AP-



# APPENDIX:

IN QUA CONTINETUR

I. LECTIONUM CHYMICARUM,

QUÆ AB

Editoribus Lipsiensibus

EXHIBETUR,

RECENSIO.

II. LECTIONUM CHYMICARUM

CONTRA

Lipsiensium Editorum

CALUMNIAS

VINDICIÆ.

The first of these is the fact that the  
 government has been unable to raise  
 sufficient funds to meet its obligations.  
 This has led to a severe financial crisis  
 which has forced the government to  
 seek assistance from the international  
 community. The second is the fact that  
 the government has been unable to  
 implement its economic reforms.  
 This has led to a severe economic  
 crisis which has forced the government  
 to seek assistance from the international  
 community. The third is the fact that  
 the government has been unable to  
 maintain law and order. This has led  
 to a severe political crisis which has  
 forced the government to seek assistance  
 from the international community.



# RECENSIO.



**C**HYMICOS in Experimentis cum laude haftenus progressos esse agnoscit Auctor, in iis autem explicandis parum profecisse affirmat, talibus quippe usos Principiis, quæ vix intelligi possint. Artem igitur Chymicam illustraturus singulas Operationes eo, quo inter se connexæ sunt, ordine explicare, & quæ potissimum vi Mechanica edantur, disquirere intendit, Monet autem viam, qua ad Mechanica Principia Chymia exigi possit, primum aperuisse Johannem Keil in iis, quæ ex Transactionibus Anglicanis Sectioni Sextæ, Tom. IV. Supplementorum p. 272, & seqq. inseruimus, & spem facit operis Physici ab ipso edendi, in quæ res maxime reconditas illustratum iri ait. Adhibet nimirum præter notissima Principia Arithmetica, Geometrica, & Hydrostatica, etiam hypothesin Keilianam (quam loco citato ipsis Auctoris verbis descripsimus, & jam in Actis Anni superioris attigimus.) de vi Attractrice particularum minimarum. Verum enimvero Dominus Keilius cum sequacibus redit reapse ad qualitates occultas, quales apud Scholæ Philosophos Sympathia & Antipathia fuere, dum vim quandam Attractricem statuit, quæ si (ut ipse vult) primitiva est, omnique materiæ erga om-

mnem materiam essentialiter competit, utique per rationes mechanicas explicari nequit: atque adeo vel erit aliquid absurdum, vel in miraculum seu voluntatem Dei extraordinariam resolvetur, ad quam tamen in Physicis sine necessitate confugiendum non esse, convenit inter intelligentes. Quod si aliter procedimus, & fictionibus indulgemus, reditur ad Philosophiam quendam phantasticam Scholæ, vel etiam Enthusiasticam, qualis Fluddi fuit. Ita uno ictu subvertentur, quæ in Anglia ipse Robertus Boyleus & alii Viri docti de rebus naturalibus mechanice, id est, rationabiliter explicandis magno studio stabiliverunt, quæ Boyleus etiam diserte ad Chymica applicuit. Juxta infelicem hanc philosophandi rationem Auctor adeo supponit, omnes materiæ partes a se invicem trahi; vim Attractivam per exigua admodum spatiola diffundi, & in contactu validissimam existere, decrescere autem in ratione majore, quam est duplicata distantiarum; eandem pro varia particularum figura & densitate diversam esse; immo in uno latere fortiolem sese exercere quam in alio; particulas eo majore velocitate ad se invicem accedere, quo sint minores; cohæsiorem denique materiæ in corporibus ab hac Attractione oriri, & pro varia contactuum quantitate multifariam mutari. Sed hæc omnia sine qualitate illa occulta Attractrice, veræ Philosophiæ principia confundente, & in antiquum Chaos reducete, commode explicari possunt, partim etiam a Viris doctis jam explicata sunt, statuendo plu-

ri-

rimas materiæ particulas sphaera quadam magnetica fluidi subtilioris esse circumdatas, cujus motu (ut in magnetibus nostris fieri videmus, attrahant se invicem, aut repellant, & ad situm convenientem disponant, quoties scilicet libertatem aliquam sunt nacta. Ut alios multos modos Mechanicos taceamus a Pulsu ortos, quibus sine Attractione proprie dicta explicari potest, cur corpora ad se invicem accedant, & attrahi videantur; veluti cum aqua per suctionem in tubos assurgit, vel cum guttae binæ ejusdem liquoris ex contactu subito in unam coalescunt. Itaque ad aliquid precarium & minime intelligibile confugere necesse non est. Et talibus semel admissis, apertaue fingendi licentia, mox erunt qui alias hujusmodi qualitates occultas, seu quas ipsi agnoscant absolute inexplicabiles, comminiscuntur, & paulatim ad vetera ignorantiae asyla redibunt. Si detur vis attrahendi seu Sympathia, quidni pari jure detur vis repellendi seu Antipathia? Ita facile etiam dabitur Antiperistasis, dabuntur qualitates emissæ per modum specierum cum suis actu potentialibus; dabitur Funiculus Lini Attractivus a Boylio refutatus; dabitur in materia eadem variatio extensionis non apparentis tantum, sed etiam veræ, ejusdemque materiæ accurata in majus volumen distensio, aut in minus volumen compressio, sine aliena materia intro admissa vel expulsa, seu rarefactio aut condensatio proprie dicta, tanquam mater vis elasticæ: imo hanc extensionis variationem, ni fallor, Dominus Keilius

jam ipse introducere conatur loco supra laudato. Et ut verbo dicam, pleraque omnia monstra Scholastica, studio Baconi, Galilæi, Jungii, Cartesii, Hobii, Toricelli, Pascalii, Boylei profligata, velut agmine facto per posticum iterum in Philosophiam, nisi cavemus, irrumpent. Videamus vero, quomodo Auctor figmento isto ad Chymicas Operationes explicandas utatur.

Cum Chymica sit Ars corporum naturalium partes vel segregatas conjungendi, vel conjunctas segregandi, idque plerumque ignis auxilio; eam in Diacrisin & Syncrisin dividit. Ad illam, Calcinationem, Distillationem, Sublimationem; ad hanc, Fermentationem, Digestionem, Extractionem, Præcipitationem, & Crystallizationem refert. Calcinatio quoniam sine liquatione nunquam fere contingit, hanc primo loco explicat.

Cohærent, ex mente Auctoris, particulae per mutuam attractionem, in ipso contactu fortissimam. Liqueantur ergo corpora, dum corpuscula ignea in ea se insinuant & ita segregant, ut particularum multo minor contactus fiat. Hanc segregationem a corporum liquefactorum rarefactione probat, & ex cohærentiæ discrepantia omnem in corporibus liquandis varietatem deducit. Calcinationem diuturnioris liquationis effectum pronunciat, dum corpuscula magis subtilia avolent, & igneae particulae ea multitudine in corpus se insinuent, eique quaquaversum se immisceant ac intimius agglutinent, ut amplius persistere nequeat fluiditas: id quod ex aucto corporum cal-

cinatorum pondere probat. Ad Calcinationem quoque Vitrificationem revocat, & sine ratione Decrepitationem atque Detonationem apud Chymicos ab ea distingui, notat. Ascensum fluidi in Distillatione duplici causæ adscribit, Specificæ nempe Levitati, & Impulsui. Demonstrat itaque particulas rarefactas specificè leviores fieri: exempli gratia, moleculam aquæ, cujus gravitas est ad gravitatem aeris, ut 800 ad 1, si ejus diameter per rarefactionem decupla evadat. Sed leviora in gravioribus ascendunt; erit autem tanto promptior ascensus, quo corporum particule facilius rarefciunt. Impulsui a celeritate deducit, qua ignea corpuscula moventur, virium quantitatem ex facto massæ in celeritatem per communem errorem passim in his Artibus notatum æstimans. Ad elevationem particularum specificè graviorum multum conferre Superficiem eorundem, cum plura ignis corpuscula in eas impetum faciant, si lata fuerit, quam si exigua existat. In elevatione solidorum, quæ fit per Sublimationem, rarefcentiam vix locum habere, sed soli impulsui ascensum tribui debere. Considerandum vero esse, quod in particularum conjunctione vi ignis facta, Gravitas minuatur in ratione Cuborum, Superficiem in ratione Quadratorum Diametrorum, atque adeo abolita fere Gravitate lata satis Superficies particulæ evehenda relinquitur. Exempli gratia, sit Diameter corporis 12, Gravitas 12: Si Diameter evaserit subdupla, Gravitas infra binarium subsistit, Super-

perficies autem ad 36 affurgit, Fermentationem per motum partium intestinorum definit, qui suboritur, si Salia in liquoribus seu Menstruis colliquefcunt, eamque in Diffolutionem & Ebullitionem dividit, Diffolutionem fieri, si Salia dissolvenda validius attrahant particulas fluidi, quam hæ a se invicem trahantur. Ita autem fieri, ut in viciniam Salium propius ire contendat, sicque in motum concitatæ cum quodam impetu in Salia ferantur, & in earum meatus aditu parato eadem comminuant atque diffingant. Quod si particulæ ad motum concitatæ Elasticæ fuerint, Fermentationem oriri, cum eadem celeritate post ictum recedant, qua prius ad se invicem accedebant. Aerem rarefactum, dum expellitur, ebullitionem causari, & motu vehementius incremente, calorem excitari. Amalgamationem & Corrosionem eodem modo explicat: nec aliter de Digestione statuit, nisi quod hic ignis in subsidium vocetur. Extractionem quoque per eandem particularum Attractionem declarat: Præcipitationem vero fieri ait, vel si liquor specificè levior instillatus Menstrui gravitatem & consequenter tenacitatem minuat, ut particulæ specificè graviores, quæ huic separandæ antea pares non existebant, nunc eam vincant, sicque descendant; vel si liquoris specificè gravioris, dum infunditur, particulæ fundum petentes reliquas per fluidum diffusas secum una abripiant: fundo non amplius elevandæ, cum per se fluido specificè graviores existant.

Cry-

Cryſtallizationem denique a vi particularum ſalinarum Attractiva immediate ac unice derivat. Similes meditationes paſſim habent recentiores Philoſophi, quando res Chymicas ad cauſas revocare conantur, niſi quod a vi illa Attractiva merito abſtineant, ne vocula eleganter ſonante ignorantiam ſuam palliare videantur. Sed tum demum eos valde profeciſſe dicendum erit, cum effecerint, ut experimenta nondum capta ex conſtitutis Principiis prædici poſſint.

LECTIONUM CHYMICARUM

V I N D I C I Æ.

**E**MITTENTI mihi Lectiones Chymicas ſuſpicio fuit, ne in Chymicorum offenſionem caderem, quod nullo Authore artem utiliſſimam Fabulis atque Opiniorum commentis, quibus iſti quidem jam nimium diu eam incluſerant, exuere auſus ſim, ſuaque in luce integram collocare: Eos autem, qui aliquo veritatis ſtudio ducerentur, ita æquos fore conſiſus ſum, ut Scriptori gratiam habituri eſſent, qui in hac Philoſophiæ parte novum aliquid ediderit; ipſamque primus ad naturæ Principia, firma ſcilicet atque indubia, revocarit. Sed res ea, ſecus atque ego exiſtimaveram, accidit: Actorum quippe Lipſienſium Editores, qui neque Experimenta a me prolata, neque

que modum quo ea ad Naturæ leges perpendere aggressus sum, ne attingunt quidem; Principia ipsa, quæ jamdiu pro certissimis habita sunt, quibusque innititur meâ omnis rerum Chymicarum explicatio, convellere sunt conati: hocque primo impetu faciunt, posthabita libri ipsius enarratione, ne quis ad legendum non præoccupatus accederet. Et certe minus æque ferenda est hæc eorum cavillatio, quoniam extra provinciæ suæ fines evagari sunt; id enim unice præ se ferunt isti Literatores, & quasi Indices Librorum, ut quid in quoque Scripto contineatur, compendiarie quadam opera simpliciter fideliterque recenscant, legentis interim judicium relinquunt integrum ac liberum. Pro fundamentis Theoriæ Chymicæ habui Principia, ipsamque argumentandi Methodum, quam Mathematicorum Princeps in Philosophiam intulit Nevvtonus: Qui quidem Vir, admirabili quo est ingenio, ad res Physicas promovendas certam patefecit viam, naturalemque Scientiam tanto rationum pondere stabilivit, tam incredibili rerum inventione locupletavit, ut ad eam illustrandam plura præstiterit quam omnes omnium gentium Philosophi. Hoc itaque sagacissimi Viri institutum, quia Editores latere visum est, paucis aperiain: ostendamque totum id, quodcunque est quod jam in hoc cognitionis genere exploratum atque perfectum habemus, ex hac ipsa ratione ac via fluxisse. Porro etiam argumenta, quibus ad hanc Physicæ doctrinam refutandam usi sunt, ex falsis, quæ de hac



hac re imbiberint, opinionibus promanasse planum faciam; pluresque istiusmodi, quas adducunt, ratiunculas contra illa, quæ ipsi amplectuntur Principia, quam contra Nevvtoniana, proferri posse.

Cartesiani, iique fere omnes, qui se magistros Philosophiæ Mechanicæ dici volunt, rationem hanc perpetuo tenuerunt, ut hypothesin aliquam sumerent seu figmentum, quod nullibi nisi cogitatione fingentium existit: deinde, ut verbis neque perspicuis neque definitis comminiscerentur, quo demum modo omnia ad huiusce hypotheseos normam efficiat natura. Aliam omnino Nevvtonus insistit viam: nihil ille fingit, nihil pro arbitrio suo assumit; id solum quod Experimento & Observatione notatum, sensibus omnium patet, pro rato habet. Ex his Principiis certissimas Mathematica ~~exercitiis~~ elicit conclusiones, quas deinde ad alia Naturæ Phænomena explicanda felicissime accomodat. Hanc insistens viam elegantissime demonstravit, Planetas motu Elliptico circa Solem versari. Areasque Temporibus usque respondentes describere: Satellites itidem ad eandem normam circa Planetas, quos ut comites perpetuo consequuntur, volvi. Hinc extra dubium omne posuit Planetas ad Solem, Satellites autem ad Planetas primarios se inclinare & tendere: hanc autem inclinationem in ratione Distantiarum duplicata decrescere: Inesse porro immutabilem quibuscunque corporibus vim, qua itidem in sese mutuo ferantur: Et inde fieri, ut

Lu-

Lunæ in Terram inflexio, idem plane valeat ac Gravitatis vis, atque accessum recessumque Maris efficiat. Inclinationem hanc sive Attractionem quidam, si ita lubet, qualitatem occultam nuncupent, & erit credo semper occulta: neque enim adhuc ex Editoribus quemquam extitisse video ita in penitior Philoſophia perſpicacem, qui docere in ſe ſuſceperit, quo modo, qua vi Mechanica Attractionem illam exerceat Natura. Sed utcunque hæc Naturæ vis, ſi cauſam ſpectemus, occulta ſit, minime tamen figmentum, ſive hypotheſis (quod in eorum Principia, iſtis etiam ſatentibus, cadit) appellari poteſt; cum eam æque revera exiſtere ac Solem aut Planetas, luculentiffimis Argumentis confirmetur. Quod ſi ſit huiusmodi Principium, quod in materia omni perpetuo inſidet, quid vetat quo minus id ad rem ſuam accomodent Philoſophi, explicentque nobis quo modo effectus plurimi, quos quotidiana animadverſione notamus, vim inde ſuam atque originem derivent.

Pariter obſervatione diuturna clariffimisque Experimentis varium illum, quo radii Lucis refringi ſolent, modum exploravit idem Nevvtonus; hincque ita feliciter Lucis Colorumque naturam admirabilem aperuit, ut hanc Optices partem ante eum non niſi tenuiter admodum & nugatorie pertractatam fuiſſe omnes ultro agnoſcant.

Hanc adeo rectiſſimam eſſe conſtat, quam Philoſophi in Scientiæ perveſtigatione tenere poſſunt, rationem, ut primum multiplici experimen-

to corporum naturas viresque perquirant, deinde posthabita omni caufarum, unde ea fluxerint, indagazione, Phænomena, quæ cujusque virtutem ingenitam fequuntur, enucleent atque exponant. Hac ipfa via ingreffus divinus ille Archimedes leges tum Mechanicas tum Hydroftaticas exquifivit, dum interim neque Gravitatis neque Liquoris caufam aut ftatueret aut investigaret; ea folummodo quæ fenfuum cognitione percipiuntur pro Principiis habens, utriusque Scientiæ rationem pulcherrime evolvit. Ita etiam *Galilaus*, quanquam nullam de Gravitatis caufa hypothefin commentus eft, motus tamen celeritatem, quam gravia corpora cadendo acquirunt, investigavit, Projectorum impetum & curfum, Pendulorumque reciprocationes primus explicuit: Eaque Scientiæ fundamenta pofuit, quibus celeberrima Phyficorum inventa hodie innituntur. Quid? an non in Optica illuftranda ampliffimo cum fructu progrefsi funt Mathematici, duobus Principiis, altero Refractionis, Reflexionis altero, concessis; utcunque alterutrius caufa pauciffimis adhuc innotuerit?

Si quid ponderis Editorum autoritas habeat, præclara hæc acutiffimorum hominum inventa omnino repudianda funt, quia fcilicet ex iis corporum virtutibus, quarum initia caufæque prorfus incognita funt, ducuntur; nec fine qualitate illa occulta veræ Philofophiæ principia confundente, & in antiquum Chaos reducente, commodè explicari poffunt. Video clariffimum Wolfium in Aerome-

tria

tria, Gravitate Aeris tanquam concessio Principio usum esse; atque eo quidem multa Naturæ Phænomena haud absurda expedivisse: Qui tamen Gravitatis causam Mechanicam ratiocinatione ne attingit quidem; nec credo ullam unquam hypotesin ad causam hanc explicandam accomodatam fuisse, quam ipse Wolfius a vero alienissimam esse non facillime probare possit. An huic igitur obijcient Editores, quod Scientiæ Physicæ occultam qualitatem invexerit? In hac quidem Gravitate explicanda, quam sensu percipimus, longissime omnium processit Nevvtonus: Eam quippe a vi Attrahente, quæ per omnem se undequaque materiam disseminat, oriri demonstrat. Vim hanc Editores pro sua in rebus Philosophicis autoritate, Figmenti vocabulo appellant; sed quo demum loquendi jure id, quod in rerum natura existere ostenditur, Figmentum dici queat, ne intelligi quidem potest: Illam certe Attractionis speciem, quemadmodum in toto Planetarum Orbe dominatur, luculentissime exposuit Nevvtonus; neque adhuc videre contigit, quid contra Viri perspicacissimi Demonstrationes objectari possit. Alterum hoc Attractionis genus, quæ in distantia ratione magis quam duplicata decrescit, & revera existere, & vim suam in minutissimis corpusculis acriter exercere, plura mihi præsto sunt quæ probent Experimenta, quam unquam ad demonstrandam Aeris Gravitationem allaturus est Wolfius. Quorsum igitur Principia, quibus ratiocinatio hæc omnis nititur, in altero

Argu-

Argumento pro commentitiis habere licet, in altero non item? Experientia comprobatum est, radios lucis quæ a Sole, stellis inerrantibus, vel etiam ab eo quo utimur igne, dimanat, versus oras solidorum corporum æqualiter allici; ea autem immutabilis naturæ lex est, ut ubicunque sit Actio, ibi una non possit non esse Reactio: Itaque vere & jure conclusuri videmur, Principium hoc, quod Attractionis nomine vocamus, tum revera existere, tum per universam omnino materiam diffundi. Quod licet in omni materia inhærescat, id tamen in minutissimis corpusculis vim suam ad sensum magis patefacere demonstravit Vir in Physiologia acutissimus D. Keillus.

At ajunt, Talibus semel admissis, aperta que fingendi licentia, mox erunt qui alias qualitates occultas, seu quas ipsi agnoscunt absolute inexplicabiles, comminiscuntur, & paulatim ad vetera ignorantie asyla redibunt. Si detur vis Attrahendi seu Sympathia, quidni pari jure detur vis Repellendi seu Antipathia? Ita facile etiam dabitur Antiperistasis; dabuntur qualitates emissæ per modum specierum cum suis Actu potentialibus; dabitur Funiculus Lini Attractivus; dabitur in Materia eadem Variatio Extensionis, non apparentis tantum, sed etiam veræ. Itane incæptant, si detur vis Attrahendi; cum eam dari Experientia ipsa apertissime demonstrat? Non est hoc opinionis commentum ad alia Phænomena explicanda excogitatum, sed est per se constitutum a Natura Phænomenon; adeoque quan-

quam sibi plaudant Editores, quod hujusce sententiæ fautores ad absurdum quid deduxerint, omnis tamen illa, de qua se ita fidenter jactant, huc tandem redit argumentatio: nempe si unum aliquod Principium, quod in rerum natura existere observatione certe compertum est, concedimus, ideo etiam oportet alia, quæ nusquam existerunt, approbare; uti verbi gratia, si Gravitatem agnoscimus, quam corporibus quibuscunque inesse certo animadvertimus, quanquam illius causam prorsus nescimus, idcirco fabulas Philosophorum omnes & commenta amplecti necesse est, quæ nec experientia ulla confirmari, nec ratione explicari queunt. Si hoc sit Mathematicorum more ratiocinari, satius est profecto ad vetera quævis ignorantiaæ asyla redire, quam hanc argumentandi licentiam aperire.

Sed vim Attracticem in eo maxime oppugnant, quod rationibus Mechanicis minime illustrari possit. An igitur volunt, ut nihil in rem Physicam introduci debeat, nisi cujus ratio & causa perspecta sit? An Editorum aliquis Elaterem aeris, qua vi Mechanica constitutus sit, unquam explicuit? Eum tamen & Philosophi omnes ultro concedunt, & ad multa Naturæ Phænomena enodanda felicissime accomodari una mente consentiunt. Fabro utique id libenter damus, ut Horologii artificium intelligat, quanquam interrim Gravitatis Elaterisque, ex quibus quidem pendet omnis rotarum conversio, rationem penitus ignoret: Hoc idem Physico denegabimus? Qui  
vim

vim illam, qua universa corpora aguntur, & suo quæque motu atque ordine diriguntur, investigarit, qui potentia hujusce motricis leges definire, easque ad præcipua Naturæ Phænomena explicanda adhibere poterit, tamen si cuinam causæ vis illa omnium gubernatrix ortum debet, plane se nescire fateatur, illum de naturæ viribus & machinatione nihil animo percipere dicemus? Quod si hoc Attractionis principium ad fontes usque suos persequendi studio teneantur Editores, faciant quod lubet; hanc iis gloriam ultro relinquit Nevvtonus, satis præclare secum agi ratus, si modo eorum offensionem effugiat, quod involutum longeque difficillimum problema explicandum in se non susceperit.

Non me latet quod Cl. L. quem quasi Numen aliquod suspiciunt Editores, in Specimine illo, quod vocabulo eleganter sonante nuncupat, Dynamicum, planissime scripserit, Vim Activam, seu Nisum, intimam corporum Naturam constituere. Vis hæc, sive Nisus, si quid velit recte intelligi, idem est ac propensio illa mutua, quam corporibus quibuscunque insitam diximus: quamque multo ante patefecerat Nevvtonus, quanquam ea materiæ naturam contineri nuspiam asseverarit. Si vera sit L. . . . ii sententia, nobis æquo jure Extensionis Soliditatisque causa quærenda est, ac Attrahentis hujusce, quod omni materiæ inest, Principii ratio excutienda. Hoc autem posito fundamento, effectus omnes quod in hac universa mundi machina contem-

plamur, ab ipsa Materiæ constitutione necessariam originem ducunt. At mihi quidem intima corporum natura ita parum explorata est, ut longissime absum, qui affirmem vim hanc æterno rerum foedere illis intermisceri, & eadem naturali colligatione, ac Extensionem Soliditatemque, inhærescere. Sane ita valde laborare videtur hæc sententia, ut argumenta, quæ in contrarium afferre proclive esset, vix recenseri, nedum refelli possint. Quod si cum Cl. L... o sentiant Editores, non video cur amplecti nolint Principium, quod ille ita apprime necessarium judicat, ut id in intima corporum natura constitutum esse pronunciet. Cum vero ex motu corporum omnium constet, Attraëtricem hanc potentiam revera existere, si eam neque Materiæ necessario ingentam, neque rationibus Mechanicis explicandam esse censeant, haud absurdum aliquid credo aut Physico alienum facturi sumus, si eam in Voluntatem Dei resolvimus; Legemque universam esse statuimus, qua omnis hæc Mundi Moles gubernatur & regitur, corporumque vario utcunque motu labentium convenientia atque concentus servatur: quanquam quidem hæc ipsa potentia, non minus quam naturæ constructio omnis, a divina voluntate unice manaverit. Illi vero, qui nullam hujusmodi legem agnoscunt, sed universum Physices negotium, non modo quoad proximas, sed remotissimas etiam causas, suapte natura & mechanica quadam ratione geri volunt, ita ut nihil sit quod non ab ipsa materiæ vi immutabi-



bilique motus conditione proficisci putent, quid aliud agunt, nisi ut cum Epicuro notionem ex animo hominum evellant cuncta providentis atque moderantis Dei; argumentaque suppeditent, quæ in rem suam traducant impii?

Quicquid verò de hac Attrahente virtute statuendum sit, minime dubium est, rerum naturam sine Principio quodam actuoso non posse consistere: Quippe corpora, utcunque in motum semel excitata, si deinde iis suo more uti liceret, vicissitudines suas certo tempore haud ita constanter conficerent. Hoc cum ita necessarium perceperit acutissimus L. . . . . pereleganter conclusit, quod Agere sit character Substantiarum. Ubicunque autem vis hæc omnia ciens atque agitans motibus suis sita sit, in occultam quandam qualitatem resolvatur necesse est; aliam enim illius causam, quam divini numinis voluntatem, frustra hætenus quærivimus. Nonnulli autem, qui sibi in rebus Mechanicis acutius cernere videntur, vim hanc in Æthere vel in Fluido quodam admodum subtili collocant; quos sane interrogare velim, quid tandem sit, quod illum Æthera agat, & in motione perenni continuataque tueatur? Unde sit, ut motus omnino contrarii se invicem non extinguant? Quid sit porro, quod motus hosce ea facultate instruat, ut suum singuli opus proprium sibi que aptum efficiant? Hæc omnia ex occulta qualitate, quam in Æthere sitam esse volunt, oriri necesse est. Etenim si hanc hypothesin ad naturam revocamus, facile patebit

plures ab iis intromitti occultas qualitates, quam sunt quæ explicanda suscipiunt Phænomena. Quanto rectius ille in Philosophia sua Nevvtonus? Qui Principium non nisi unum, idque simplex maxime, & observatione confirmatum sibi dari postulat,

..... Et speciosa dehinc miracula promit.

Sed quanta obscuritate laboret, quamque infirmis rationibus fulta sit tota illa *Æthereæ* cujusdam virtutis, aut subtilis Fluidi Hypothesis, nulum clarius, quam ex iis quæ de hac re differunt Editores, peti potest argumentum. Aiunt quippe, Hæc omnia sine qualitate illa occulta *Attrahente*, vera Philosophiæ principia confundente, & in antiquum Chaos redigente, commode explicari posse, partim etiam a viris doctis explicata esse. Hunc adeo ob finem, statuunt plurimas *Materiæ* particulas *Sphæra* quadam *Magnetica* Fluidi Subtilioris esse circumdatas, cujus motu (ut in *Magnetibus* nostris fieri videmus) attrahant se invicem, aut repellant, aut ad situm convenientem disponant, quoties scilicet libertatem aliquam sint nactæ. Quid quæso est *Sphæra* quædam *Magnetica*, nisi aliquid admodum occultum? cui utique adsciscitur quid adhuc occultius, scilicet *Magnetismus*. Unde fit, ut hæc *Materiæ* subtilis *Sphæra* corpori, cui circumdata est, perpetuo comitem se præbeat? Res quidem ipsa postulare videtur, ut corpus, cum semel motu impresso locum mutaverit, *Sphæram* hanc itidem ambientem post se relinquat: quippe si terra no-

vo aliquo impetu acta alium prorsus cursum iniret, ex legibus Mechanicis satis liquet, quod non Atmosphæra modo, sed quicquid a Terra liberum solutumque esset, facto diffidio, sua se in sede contineret. Quid igitur in hoc rerum statu concludendum est? An quod occulta quadam qualitate Atmosphæra hæc motum corporis continuo sequatur? An quod vi etiam occulta, altera materiæ subtilis Sphæra de novo gignatur? Urut sit, libenter discere velim, quænam demum ea qualitas sit, quæ Sphæram hanc Magneticam in motum cieat? cujus generis motus ille sit, & qua potissimum ratione excitetur, qui efficit, ut Materiæ particulæ attrahant se invicem, aut repellant, aut ad situm convenientem disponant? Quot tandem occultas qualitates ad singula Phænomena explicanda accersere coacti sunt, dum unam illam & simplicem rejiciunt, quæ per universam naturæ fabricam se diffundit, & plurimis Phænomenis solvendis tam præclare inservit. Id vero in Editoribus satis mirari nequeo, quod qui contra vim attractricem ita acriter dimicant, & sine ea omnia commode explicari posse contendunt, eam tamen in hoc suum de rebus Physicis commentum ipsi transferant: Nec ab Attractionis vocula, quæ quidem iis ita eleganter sonare visa est, abstineant, ut ignorantiam suam palliare possint: Loquuntur enim de Sphæra quadam fluida, quæ ATTRAHIT, repellit, & ad situm convenientem disponit. Cum nihil veri sit in hac Sphære subtilis fabula, cavendum certe fuit, ne-

desideraretur ista, quæ rem verisimilem redderet, convenientia. Facillimum Profecto esset, Naturæ Phænomena omnia ad hunc modum illustrare; mirifice quippe rerum causas expedit Sphæra Magnetica Fluidumque Subtile, atque etiam maxime inter se pugnantia conciliat. Atque hoc quidem quod de Materia subtili vique Magnetica excogitarunt figmento (dum agendi ratio ab inventoribus fere intacta relinquitur) nullum præsentius ignorantiae asylum; etenim omnes illas occultas qualitates, quæ hætenus in Philosophiam irrepsērunt, longe multumque superat. Nemo certe non videt, quam ficta hæc omnia atque commentitia sint, cum neque quale sit hoc subtile fluidum, neque etiam si ullum omnino sit, aut observatione animadverti, aut ratione colligi possit. Dispiciat itaque Lector, an non ea quæ in veram, hoc est, Nevvtonianam Physicem intentant argumentandi tela, in hanc ipsorum infelicem Philosophandi rationem fortius retorqueri queant. Ea omnia quæ pro certis atque ratis jactanter satis venditent, vana prorsus sunt & fabulis referta, nulla Observatione aut Experimento nitentia, quæ etiam si pro veris concessa fuerint, eo occultarum reconditissimarumque virtutum agmine stipantur, ut facilius multo sit Sympathiæ, Antipathiæ, & Antiperistaseos naturam cogitatione complecti. Hujusmodi nimirum Hypotheses hoc vitio laborare semper comperi, ut obscurius quid magisque difficiles explicari habeant, quam res ipsæ, quibus eæ explicandis ac-

comodantur. In illa Vorticum hypothesi, quæ iis ante cæteras omnes arridet, rationem nullam afferunt, cur materia fluida curvam semitam affectet, seseque circa centrum torqueat, cum ea sit corporum omnium natura, ut rectis lineis ferantur? unde tot Vorticibus cautum est, ne in curvis suis se invicem perturbent & impedian; unde per eos transeant Cometæ, motuque prorsus contrario, ac ipse Vortex, versentur; tantumque absit, ut illius incitatissima conversio eos interpelleret, ut in suis, quos circa Solem faciunt, orbibus, ad eandem ac planetæ normam dirigantur, seseque versus eum pari modo inflectant. Hac adeo Vorticum hypothesi in eos se laqueos inducunt isti Philosophandi artifices, a quibus nunquam expedire se possunt: in qua tamen positum est omne huiusmodi Philosophiæ fundamentum. Quum ad Phænomenon aliquod explicandum accedunt, ad illorum nutum præsto est Subtilis Materia, quæ modo motuque admodum ignoto atque inexplicabili rem quam velint efficiat. Num Philosophiam magis sapiunt hæc, quam si quis dixerit id a Sympathia, Antipathia, vel occulta aliqua qualitate proficisci? Num hæc Philosophandi ratio non æque, ac illa quam vellicant, in Asylum ignorantiae cessura est? Et si consuetudini fictis hisce fabulis indulgenti obsequimur, quidni cætera etiam, quæ ab hominibus ad comminiscendum ingeniosis fingi possunt, amplectamur?

Quam longe alia dissimilisque est vera Philosophia

phiaz instituendæ via ! in qua nihil ponitur , nisi quod in ipsa rerum natura constitutum esse observatio evidentissima declarat , & quanquam Principii , quo utimur , causa & origo delitescat ex eo tamen multa , quæ quotidiano usu animadvertimus , fluere & pendere possunt . Itaque ingenui est Philosophi primo corporum virtutes experimentis elicere ; deinde , ubi eæ diligenter exploratz stabilitæque sint , distincte & perspicue demonstrare , quinam illas effectus sua sponte consequantur . Neque ulla credo tanti esse adversantium argumenta , quæ hanc veri investigandi rationem evertant . Etenim si Principia & Postulata vim suam in Experimentis positam obtineant ; si Propositionibus concessis & rite præmissis , nihil contra Dialectices leges conficiatur , conclusio non potest non esse certissima : Ita ut quicquid hac methodo evolutum explicatumque habemus , rem Physicam inventis augere atque amplificare merito censendum sit . Igitur vim hanc Attractricem , utcunque eam labefactare conentur Editores , firmam nos stabilemque tenere confidimus .

Est & alterum Axioma , quod consensu suo non approbant Editores , viz. Corporum Momenta , seu quantitates motuum oriri ex Ratione Quantitatis Materiæ & Celeritatis Composita : quæ qui sic æstimant in communi errore versantur , uti passim in illorum A&is notatum est . In iis quidem video de hac re unum aut alterum clarissimi L . . . . . Commentariolum ; qui tamen  
ita



ita parum rationibus pugnat, ut nihil nisi fallaces conclusiunculas, nihil nisi in verbis captiones sceleretur: igitur ea quæ de hoc argumento protulit, una fere Mathematicorum voce atque sententia improbantur: Quorum nonnulli hoc ipsum Axioma exquisitè confirmarunt. Hos itaque adeat Lector; nam illa disceptatio, uti per se satis magna est, ita etiam huic instituto nimis aliena.

Sed jam Editores, sicut æquum est, cum bona gratia dimittamus: hanc enim eorum humanitatem libenter agnosco, quod Principia, quibus usus sum, modo vera fuerint, me satis apte atque apposite ad rem meam accomodasse etiam, non inficiando confiteri videantur.

**F I N I S.**

**ORA.**

# ORATIO ANNIVERSARIA

I N

Theatro COLLEGII Regalis

MEDICORUM *LONDIN.*

HABITA,

Ex HARVÆI INSTITUTO,

In eorum commemorationem

Quia sua in hoc

COLLEGIUM

Beneficentia claruerunt.

Die xviii OCTOBRIS, Anno 1720.



COLLEGII REGALIS  
MEDICORUM

PRÆSIDI CLARISSIMO,  
SOCIISQUE ORNATISSIMIS,

Antecessorum munificentiam æmulantibus,

Hanc de Viris erga idem COLLEGIUM,  
beneficis Oratiunculam,

HARVÆI auspiciis institutam,

Suorum Hortatu COLLEGARUM juris  
publici factam,

Ea qua par est Observantia, D. D.

JOHANNES FREIND.



I de Literis & Republica bene mereri  
honestum sit & gloriosum si etiam  
bene merita laudibus prosequi haud  
illaudabile, utroque hoc nomine, mi-  
hi Vobisque, Socii ornatissimi, se  
commendat hodiernus dies, qui & Auditoribus  
præbeat luculentissima virtutum exempla, & u-  
berrimum Oratori dicendi campum aperiat. Quod  
si in eo eximie fecerint Græci Romanique, qui  
exequias civium pace vel bello præstantium ora-  
toria etiam commendatione honestabant: sapien-  
ter certe & præclare cavit Vir Illustrissimus, re-  
rum gnarus posterisque prospiciens, ut in homi-  
num de nobis optime meritorum retro jam  
ca.

eamus memoriam; ut eam, ad quam quotidie admonemur, quotannis saltem instauremus Pannegyrin. Cujus quidem instituti ea est ratio atque consilium, ut majorum pulchre facta posteris omnibus, non tam animo & sermone recolenda sint, quam vita atque moribus exprimenda; ita ut, qui hujusmodi laudationem ægre ferunt, videantur non modo, quod pusillum est, alienis meritis; sed, quod turpissimum est, communibus omnium commodis invidere. Qui enim nostræ eruditionis fructus in uberiores messes possit redundare, quam si in illorum, a quibus suum accepit semen, efflorescat præconia? possunt animis nostris fortiora adhiberi ad præclare agendum incitamenta, quam ut ad illorum hominum, quorum auspiciis utimur, imagines intenti suspiciamus? Et si id sperare, ut eos passibus æquare, ad easdem cum iis famam dignitatemque possimus aliquando assurgere, fortasse hominis sit aut parum sani, aut haud parum arrogantis: verbis saltem prædicemus virtutes, quas minus licebit factis attingere; & sequamur eos, quos etiam longo sequi intervallo haud erit inglorium.

In hac autem tam solenni illustrium Antecessorum nostrorum commemoratione, unde rectius ordiar, quam ab eo, cui primo inter nostrates & Medicina ipsa & humaniores literæ suam debent originem? Quem hæc virum spectent, sentio vobis in mentem prius venisse, quam magnum Clarissimi LINACRI nomen protulerim. Cujus sane ingenium, quasi nova quædam lux,  
ad

## ANNIVERSARIA. III

ad patriam recreandam illustrandamque insperato exortum est : cujus eruditio varia & perpolitata non tantum in subobscuris eo, quo vixit, sæculo, non modo apud Populares suos, rudes tum satis atque indoctos, sed etiam in ætate literis florentissima incultissima omnium gente conspicua enituisset. Ut enim erat indole ad omnes disciplinas aptissima natus, ita nullum, quo posset intitam naturæ vim excolere & promovere, studium omisit. Quicquid artium suppeditare illi natale solum potuit, iis omnibus Oxonii instructus in Italiam, perenne illud politioris elegantiae domicilium, migravit ; & cum optimis doctissimisque quibusque versatus, ex Politiano facundiam, ex Hermolao Philosophiam, ex Dêmétrio Græcæ linguæ scientiam, ex Laurentio Medicæ summam urbanitatem, & quandam animi magnitudinem redux secum in patriam advexit. Et cum plerique mortalium, pro humanæ imbecillitatis modulo, ad unius fere scientiæ scopum colliment, summumque se, si eo pertigerint, non modo industriæ fructum, sed felicitatis etiam consecutos putent : angustis hisce limitibus parum contentus, in immensum evagari spatium ardebat indefessus Linacri animus ; avebat ille reconditam & multiplicem illam scientiarum materiam evolvere ; atque, uti nullis circumscriptum terminis erat ingenium, ita nec ullos diligentiae fines statuere. Quanto quamque utili studio & Matheseos & Medicinæ fontes, ab illius ætatis hominibus fere interclusos & obsestos, aperuit, testentur Proclu<sup>s</sup>

clus & Galenus, uterque illius ope, Latine quidem nec tamen minus pulchre locutus. Quam autem accurata penitusque Romanas Græcasque literas excusserat, in opere illo, de Emendata Sermonis Structura, diu multumque flagitato, ita commonstravit, ut etiam viris eruditissimis de suo lumine lumen accenderit. Quantus denique in Medicinæ scientia fuerit, & scriptis medicis & felicissima per hanc urbem artis ipsius exercitatione abunde manifestum fecit: cum dignus videretur, qui principum nostrorum & animos optimis disciplinis informaret, & sanitati simul tuendæ unus idemque præesset.

At Te ego, Vir Beatissime, neque ob ingenii acumen, neque ob literarum peritiam, neque ob medendi solertiam tantopere suspicio, quantum ob divinum illud consilium, quo eos, qui una eademque studia secuti sunt, in unum itidem gregem & quasi familiam convocari primus voluisti. Intellexisti probe, quid commune hoc Societatis vinculum, quid ordo, quid disciplina, quid hominum eandem artem profitentium consortia atque consilia, non modo ad Academicorum pariter ac Medentium commoda, sed ad ipsius Medicinæ cultum atque splendorem valeant. Neque enim si quem forte aut natura sua, aut quædam præstantis ingenii vis supra cæteros evexerit, ideo minus ad perficiendum Medicum magna derivanda sunt ex congressibus mutuis laborumque conjunctione præsidia. Itaque omnem illam gratiam, quæ apud Curiam valebas, & sane plurimum

mum valebas, non, ut plerumque fit, privatis  
 utilitatibus, sed reipublicæ medicæ bono impen-  
 disti: neque satis habuisti ténellam hanc commu-  
 nitatem legibus optimis atque institutis roborare,  
 nisi simul & Regio favore & Senatus autoritate  
 communieris. Quantum scilicet debuerint suo  
 Theseo Athenæ, quantum Romulo suo Roma,  
 qui dissipatos incolas domiciliorum communione  
 junxerunt; tantum Tibi Medicorum familia, ad  
 vitam victumque communem a Te deducta, de-  
 bebit perpetuo, Tibique Conditori suo solennem  
 hanc celebritatem grato quotannis animo instau-  
 rabit. Est enim omni prædicatione dignum hoc  
 a Te inceptum, a Te perfectum opus: nec ta-  
 men hic consilium Tuum passus es subsistere;  
 nec cum cæteris omnibus satisfeceris, Tibi ipsi  
 satisfacere potuisti, nisi hoc, quod creasti, soda-  
 litium aleres etiam atque foveres: quoque id me-  
 lius tueri posses, Præsidis munus, etsi forsan gra-  
 vissimæ provinciæ pertæsus, atque etiam ætate ip-  
 sa confectus, noluisti temere deponere; ita ut id  
 etiam ad Tuæ gloriæ cumulum accesserit, quod  
 Tibi communibus rebus ad extrema consulenti,  
 idem fuerit Vitæ atque Officii terminus. Cum-  
 que inter Tuos morari ultra haud liceret, cavisti,  
 ut ii, quibus Te ipso diutius frui nefas erat, Tuis  
 saltem Ædibus in omne ævum fruerentur. Insti-  
 tutum certe haud inauspicatum, ut illi, in quibus  
 toties pro Rei medicæ bono consilia feliciter agi-  
 tasti, in Medicum aliquando Collegium cederent  
 parietes. Unde quidem, uti Tu probe divinasti.

tanta Virorum excellentium copia profluxit, ut Gymnasium hoc, non dicam cum Italicarum aliqua, sed cum Schola illa veteri Coa aut Cnidia merito videatur contendere.

E multis autem, qui huic loco & ornameto & præsidio fuerunt, quis proximum Linacro honorem æquius poscit, quam is, qui illius vestigia per Italas Academias secutus, illius etiam memoriam ad suos reversus Monumento honestavit, Vir & natura admirabili, & eruditione eximia, & solertia haud vulgari; Cajus? Qui Collegii nostri vindex & propugnator acerrimus, ne quid ejus honori deesset, insignia Gentilitia primus & excogitavit, & impetravit; Præsidis dignitati prospiciens, aptos ejus officio ritus atque ornamenta accommodavit. Neque enim fugit Virum experientissimum, in omni bene instituta Societate, utcumque legibus de Gubernandi jure cautum sit, externa tamen authoritatis decora nequaquam fore inania: neque quicquam ille, quo res nostræ adjuvari & honestari possent, leve aut exiguum arbitratus est. Fuit enim singulari in hoc domicili-um studio atque amore affectus; quod cum alias-tum hinc etiam liquet, quod, tametsi libros scripsit & multos & eruditos, nullus tamen scripserit vel distinctius, vel elegantius, vel, quod Anna-  
lium est longe maximum, candidius, quam quos magni muneris loco nobis reliquit, rerum nostrarum, per lustra fere quatuor gestarum, Com-mentarios.

Atque ea quidem fuit istorum temporum felicitas,

citas, ut paucorum sive invidia, sive pervicacia, sive ipsa animi egestas, haudquaquam obstiterit; quin optimus quisque, honesta æmulatione incensus, in Collegii rebus amplificandis studium omne navaret. Præ cæteris emicuit Caldwelli liberalitas: qui, cum uno eodemque die, quod alii fortasse nemini contigit, & sub examen vocatus, & simul admissus, & etiam ad Censorium munus evectus fuisset, hanc, quæ ei indulta est, gratiam pio animo retulit: Viroque prænobili Lumleio in honoris partem ascito, ut hæc intra mænia res Chirurgicæ & explicari & excoli perpetuo queant; munificentia sua effecit. Sensit nimirum Vir in Medicina peritissimus artem nostram ita cum illa altera esse conjunctam, ut nemo Medici munus pro dignitate exequi posset, nisi qui aliqua saltem ex parte attigerit Chirurgiam. Etenim si vix in ullo eruditionis genere rudem esse oporteat cum, qui mederi præ se fert, in hoc, quod ad provinciam suam propius spectat, non mediocriter saltem esse versatum, videbatur ei cæptum plane impudentissimum.

Quem ex hac Cathedra Caldwelliana fructum perceperit res Medica, loquantur nostri Annales; vel potius unus, instar omnium testis loquatur, immortale illud & Cathedræ istius & Collegii nostri ornamentum, Harvæus. Harvæo munus hoc graviter obeunti, omnique anni tempestate, idque iteratis vicibus, magnam auditorum frequentiam docenti, aditum aperuit non ad famam modo, sed ad Praxin etiam eximiam culter Ana-

tomicus : neque effecit egregia illa de Generatione meditatio , ut in investigando vitæ fomite , quam in eodem conservando felicior videretur . Naturæ intima penetralia rimatus , Cordis fabricam perpetuumque sanguinis recursum incredibili acumine primus non modo deprehendit , sed explicuit uberrime , & demonstravit : opus sane & perfectum ingenio , & summa elaboratum industria . In quo quidem , quod divinitus posuit , Medicinæ Præcticæ fundamento satis ostendit , utcunque fabricam ipsam exstruendi facultas posteris defuerit , Architecto non defuisse iudicium : Sed ut fere invidia premitur , quicquid eminet , quique omnibus antecellit , multos ut plurimum habet inimicos , fuerunt futiles quidam homunculi , ignari perinde atque invidi , qui divinis illius laboribus obtrectarent : quos quidem ille , qua fuit animi constantia , contemptui habuisset , nisi amplius quid & enucleatius de iisdem rebus a se dici posse putasset . Sed ubi mors hominum odia extinxerat , inventum hoc admirabile enituit pulchrius multo , atque omnium allexit suffragia : nimirum quo longius distat insignis aliqua virtus , tanto minus fulgore suo urit , nec tamen debilius spargit lumen .

At parum fuit Harvæo honorem Collegii Scriptis ampliasse , nisi ædes ipsas locupletaret ornatque ; nisi Cœnaculum & Musæum conderet ; nisi Bibliothecam suo sumptu instrueret ; nisi demum exemplo plusquam Attalico & prope inaudito , ipse alacer pleno in sodalium consessu , ut

ut



ut admodum Senex; cum adesset, sponte suo se exueret Patrimonio; ad nos ut pertineret illa, ipso vivente; hæreditas. Omitto minora, instrumenta Chirurgica Professorum usibus destinata; Convivium mensuris Censorum comitiis instructum: licet in beneficiis æstimandis id præcipue attendi debeat, quo ea quisque animo studio atque voluntate fecerit, etiam levissima munuscula, utcunque parum habeant gloriæ atque splendoris; tamen neque gratia sua carent neque dignitate. Illud vero præterire nefas esse arbitror, Epulum hoc hodiernum & nunc tandem, uti auguror, futurum, prout esse debuit, annuum, non magnifice magis, quam sapienter fuisse institutum. Videre videor, qua vultus hilaritate, qua animi lætitia munificentissimus ille senex suo interfuerit conviva convivio: quam fausta omnia de hoc sodalicio ominatus sit, cum senserit id, quod in omni Societate maxime valet, se esse consecutum, ut hac convictus sermonumque liberalium jucunditate recreati, ad vitæ morumque comitatem, ad concordiam atque amicitiam traheremur. Hunc ipsum in finem, & fortasse etiam ut Epulo suo aliquid condimenti accederet, annuum & honestis præmiis ornatum Oratorem constituit, qui virorum de nobis nostrisque rebus optime merentium res gestas memoraret. Quorsum enim hoc? nisi ut animi nostri eorum, qui in hoc nos curriculo præcessere, fama gloriæque accensi, ad omnem Scientiæ laudem, ad omnia humanitatis officia provocentur.

Hu.

Hujusce viri, cui tanta debemus beneficia, præconiis immorari, & mihi esset jucundum, & vobis forte non molestum. Sed de aliis, sic enim ille voluit, non est tacendum: quorum quidem tanta est copia, ut, cum omnes enumerare non possim, tum quos e multis seligere velim, omnino hæream. An in memoriam revocabo Eruditissimum Gulstonum, sui in facultate Rhetorica Aristotelis, sui in Medica atque Anatomica Galeni æmulum? qui Medicæ artis promovendæ studio incitatus, beneficentia suâ cavir, ut quotannis hoc in Theatro res quas ad medendi Scientiam maxime pertinentes, & Viscerum Structuram & Morborum signa edisceret juvenu Anatomica. An de Cronio loquar? qui eadem vestigia insecutus, humanæ fabricæ Musculos, quorum usum magna cum sua laude ipse elegantissime explicuerat, his non sine multo & Auditoris & Diffecatoris emolumento secandos curavit. An Virum nobilissimum Durnovarix titulo insignem prædicabo? qui se huic Collegio lautissimamque librorum suppellectilem donavit: cujus exemplum tanti fuit, ut in Senatum hunc nostrum libenter jam cooptetur sanguis Patricius: ut Vir prænobilis, natalium splendore Illustris, suis virtutibus illustrior, non se inhonoratum reputet, si nostras tabulas sui nominis honore dignatus sit. Benefaciendi genera secuti sunt alii alia; Hamæus fere in omnibus inclaruit. Positumne est sub hasta, temporum iniquitate, Collegium; sua id pecunia redimit Hamæus. Incendio ædes collap-  

psæ

psæ sunt? novas surgere exemplo suo jubet Hamæus. Ornamentis caret Cœnaculum? id continuo ornatissimum ut fiat, sumptus erogat Hamæus. Nosocomiorum ratio habenda est? iis ut nunquam defuturi sint Medici ex hoc vestro ordine peritissimi, ampla stipendia porrigit Hamæus. Quid mirum itaque, si, qui vivens nos modis omnibus coluit atque amplificavit, idem moriens prædiorum hæredes reliquerit Hamæus?

Nobis interim gratulari liceat, Collegæ ornatissimi, qui hac illustri Antecessorum specie excitati, generosum quid & magnificum intus ardescere sentimus; qui quantulicunque simus, dum nostro nos modulo metimur, cum tamen nos tanquam illis propinquos atque affines æstimamus, grandescere illico videmur, & ad illorum quodammodo mensuram paulatim assurgere. Nos non tam arrogantes nos ducimus, si magna spondemus quam degeneres. si nihil illorum cura atque beneficentia, nihil illorum cognatione dignum præstamus. Habent quippe vim, cui haud facile obniti possumus, bonorum exempla; facilius volentes trahunt, si fuerint domestica: eadem tamen nescio quo modo, ab oculis remota, fortius ac vehementius abripiunt.

Vos itaque, Socii præstantissimi, veterum illud, quod parietes hosce nimium diu occupaverat, erecti tandem aliquando excussistis: Vestræ vigilantæ debetur, quod singulari fide ac prudentia administratum haud ultra jam fatiscat ærarium: quod novo splendore enitescant mœnia:  
quod

quod reviviscat antiquus ille loci hujusce genius ;  
quod floreat disciplina , floreat literæ : quod ad  
examen subtilius revocentur inque melius refin-  
gantur Pharmaca : quod facultates vestras am-  
plificandi jam primum aperiatur via : quod de-  
mum Authoritas vestra , quæ , utcunque rerum  
vestrarum palmaria , fere elanguescere cœperat,  
pondus suum denuo habeat atque momentum:  
ita ut , quantum Vos Majoribus vestris debetis,  
tantum vobis debituri sunt posterì. Quin pergi-  
te , tali tamque munifico sub Præsìde . Viri exi-  
mii : quæque arti medicæ plurimum inservitura  
est , dignitatem vestram constanter defendite : A-  
pollineam hanc Medicinæ arcem omni studio  
tuemini ; & nova edite virtutis vestræ specimina,  
non ingrata futuris Oratoribus argumenta .

# EMMENOLOGIA:

I N Q U Æ

Fluxus Muliebris Menstrui

P H Æ N O M E N A,

P E R I O D I, V I T I A,

C U M

M E D E N D I M E T H O D O

Æ D

R A T I O N E S M E C H A N I C A S

E X I G U N T U R

A U T H O R E

J O A N N E F R E I N D, M. D.

*Col. Med. Londin. & Societatis Reg. Soc.*



THE UNIVERSITY OF CHICAGO

LIBRARY

1000

1000

1000

1000

1000

1000

1000

1000

1000

1000

1000

1000

1000

1000

1000

1000



# PRÆFATIO.

**M**ISERA profecto videtur & iniqua fœminarum conditio, ut, quæ humani generis conservatrices à natura destinatæ sint, eadem morbis maximè obnoxia effingerentur. Quamcunque enim vitæ rationem sequantur, paucæ sunt, quibus contingit doloris expers & illibata sanitas: quippe si conjugio fruuntur, ex eo ipso leporum fonte  
2 2 amari

## P R Æ F A T I O.

*amari aliquid surgit, & longa saltem tædia, si nihil asperius, secum affert graviditas; si cœlibi otiose tradant, vix ita sibi cavere possunt, quin morbo aliquo laborent, ob id ipsum, quia non fiunt gravidæ. Eæ enim sanguinis suppetiæ, quas in fœtus usum atque alimentum accumulare debent mulieres, si paulo ultra debitum modum aut intus excrescant, aut foras profluant, mille in tenello corpore turbas excitant. Eo quidem artificio efformatur muliebris fabrica, ut certis quibusdam temporibus depleri possit ista sanguinis redundantia: infinita tamen indies obversantur mala, quæ salutare hoc naturæ opus interpellant; ita  
ut,*



## P R Æ F A T I O.

*ut, ne, evacuatione hac minùs rite peracta, sua fœminis malè constet sanitas, ars in subsidium advocanda sit. Quæ cùm ancilla quædam & ministra sit, quæ naturæ opus, si quid obstaculi intervenerit, promoveat atque expediat, nisi agendi modum, quo utitur natura, accuratè intellexerit, ita parum illius conatibus auxilio erit, ut vix potuerit non admodum officere. Investigato autem naturæ tramine, ars, si quando eam sequi atque æmulari velit, nullo errore buc illuc temere vagabitur, sed ad metam rectà contendet.*

*In hac quidem, quam aggredimur, disquisitione, non utili minùs quàm jucunda, elabora-*

## P R Æ F A T I O.

*vunt seculorum pene omnium ingenia: sed ut nullum ferè est argumentum, de quo plura scribunt medici; ita nec ullum, in quo lectori minùs satisfaciunt. Qua in re quòd tam infeliciter cesserit viris tum doctrina tum studio ad banc rem satis instructis, nullam aliam causam reperio, nisi quòd abstrusissima quæque principia & maximè recondita sequerentur; simpliciora verò, & quæ quasi ante pedes jacuerunt, aut non viderent, aut contemnerent. Ita, cum ingenio suo abrepti, in rebus admodum obscuris immorarentur, non mirum est, si suorum potiùs somniorum fuerint, quàm naturæ interpretes. Hæc facile sentiet, si*

## P R Æ F A T I O.

*si quis eos, qui de Mensibus, ad  
satietatem usque scripserunt, au-  
ctores pervolvat ; qui quidem  
fere omnes iis ratiociniis men-  
sium naturam explicant, quæ  
ipsa debuerant, nec tamen pos-  
sunt, explicari. Talia sunt eo-  
rum, qui à lunæ phasibus, aut  
archæo, aut fermento quodam  
mensēs deducunt, commenta.  
Quòd si naturæ vestigia fideliter  
legamus, ipsa nobis se ultro  
indicabit ; neque unquam æ-  
què feliciter innotescet corpo-  
ris humani machina, ac si leges  
eas, quas Mechanicis b. e. suis  
motibus præscripsit natura,  
consulamus. Hisce enim prin-  
cipiis unicè inniti debent vera  
Physices fundamenta : quibus*

## P R Æ F A T I O.

*quicquid superstruxeris, id non modò simplicitate sua legentis studium excitabit, sed evidentia etiam assensum coget.*

*Dolendum sanè est, Theoriam Medicinalem, quæ in multis saltem eadem certitudine ac Geometria elaborari potest, uti ferè in auctorum scriptis tractatur, non modò conjecturalem videri, sed & absurdam; in quibus quidem eæ, quæ de morborum causis finguntur, Hypotheses, ita parum ad severiorem rationis normam accedunt, ut præclarè satis actum sit; si non sensui planè repugnent. Multa sunt, quæ ingenuum hunc medicine fontem contaminarunt; nihil tamen penitus inquinavit.*  
*quàm*

## P R Æ F A T I O.

*quàm infamis iste, qui in artem medicam dudum irrepsit, Chymixæ abusus: abusus inquam; quia si intra proprios limites consistat Chymia, nullum humanis commodis æquè inservit Instrumentum, nullum vel citius, vel efficacius morbos abigit. Hujus quippe provincia est, pharmacis eleganter concinnatis & quasi contractis, medicinam Practicam ditare: quòd si ulterius excurrat Chymia, & ad morborum Theoriam sua accommodet principia, ingenia alioquin peracuta in errores agit, & vana scientiæ imagine deludit. Quid enim ea, aut in causis morborum ritè explicandis, aut symptomatis feliciter curandis, præstare possunt*

## P R Æ F A T I O.

*possunt principia, quæ ita nulla sunt, ut in animo quidem philosophantium locum fortasse habeant; in rerum tamen natura minimè existant? De quibus etiam inter ipsos disciplinæ hujus fautores nondum convenit. Utcunque verò commentitia fuerint Chymicorum elementa, à plerisque tamen ad morborum cognitionem illustrandam adhibentur: eo utique successu, ut non plus commodi Praxi medicæ, quàm Theoriæ detrimenti intulerit Chymia. Ita arti per se satis rationali offecit, uti hactenus tractata est, Philosophia Chymica: cujus tamen penitior scientia ita medicinæ prodesse poterit, ut, si ad Mechanicas*  
*rati-*

## P R Æ F A T I O.

*rationes exigatur; ( quod fieri aliquando posse non desperandum est ) nihil sit, quod etiam Theoriæ illustrandæ magis inservitutum videatur .*

*Sed huic de morbis scientiæ, depravatæ admodum & pene intermortuæ, medicas tandem manus adhibuit, vir studii atque ingenii admirabilis, Bellini : qui quidem in artem medicam introduxit sanius quoddam ratiocinandi genus ex Mechanices atque Anatomix fontibus depromptum. Eam utili Theoriæ facem prætulit, quæ & bodie ad hoc studium præclara quædam ingenia excitavit, & si rectè auguramur, felicibus posteriorum cæptis prælucebit . Etenim hinc omnino investiganda est vera*  
*mor-*

## P R Æ F A T I O.

*morborum, tum causa, tum indicatio; bujusmodi quippe principia non modò certa & naturæ maximè congrua reperiuntur, sed & intellectu etiam facillima. Optandum esset, ut provinciam banc susciperent, quibus medicinæ palma, ab exteris etiam, ultro concessa est, medici nostrates; famamque eam, quam in curatione morborum illustranda jure obtinuit, in Theoria quoque excolenda sibi vindicarèt Anglia. Eam quippe desideramus Theoriam, quæ à Praxi felicissimâ sit deducta, ad eamque rursus accommodata: quæ cùm hætenus ferè nuda fuerit, & more tantùm philosophico descripta, bodie fortè minùs æstimatur, dum ii, qui rationem illam, quâ ad Praxin applicanda*



## P R Æ F A T I O.

*plicanda sint elementa Mechanica, parum perspiciunt, ea ne omnino quidem applicari posse arbitrantur.*

*Quòd si ex elementis hisce Mechanicis optimè educatur Theoria medica, Muliebrium certè, si quæ alia, morborum causa baud ita difficilis est, quin magna saltem ex parte perspicì atque illustrari queat. Et sanè operam nostram nullum æquiùs postulat argumentum, quàm ut morbis istis quàm certissimum remedium excogitemus, qui cùm in fœminis gravissimos dolores excitant, tum in nobis etiam, qui humanitati pariter & medicinæ studemus, non vebemens minùs curandi studium excitare debent. Cùm autem universi ferè,*  
*qui-*

## P R Æ F A T I O.

*quibus mulieres laborant, morbi ab aliquo mensium vitio, uti rectè notat Hippocrates, deriventur; boras haud malè collocasse videbor, si mensium naturam paulo luculentiùs, quàm hactenus in libris tractatam reperio, explicare sim aggressus. In quo quidem opusculo nihil reconditum, nihil à communi sensu longiùs remotum reperiet lector: siquidem id mihi unicè curæ fuit, ut veritatem, quàm maximè possem, assequer, quæ quo magis obvia & familiaris fuerit, eo solet esse acceptior.*

IN-

# I N D E X

## C A P I T U M .

1. **D**E Purgationis menstruæ natura .  
Pag. 1
2. *Variae de mensibus opiniones recensentur.* P. 4
3. *De Plethoræ causis, & quare fiat in Fœminis.* P. 15
4. *De Structura Uteri & Vaginæ.* p. 25
5. *De modo, quo menses movet Plethora.* P. 27
6. *Argumenta contra Plethoram refelluntur.* P. 38
7. *De Periodis.* P. 47
8. *Phænomena mensium explicantur.* p. 60
9. *De iis, quæ aut citius cient, aut diutius retardant menses.* P. 75
10. *De Symptomatis, quæ à suppressis mensibus oriuntur.* P. 85
11. *De Methodo in suppressis mensibus Therapeutica: cui subnectuntur Historia.* P. 123
12. *De Symptomatis, quæ à mensium flu-*

- fluxu immodico oriuntur.* p. 165
13. *De Metodo in fluxu mensium im-*  
*modico Therapeutica: cui adjiciuntur*  
*Historiæ.* p. 175
14. *De Remediorum Viribus, & Opera-*  
*tione.* p. 191



C A P. I.

*De Purgationis Menstruæ natura.*



U R G A T I O *menstrua*, sive fluxus sanguinis, ab utero singulis mensibus emanans, periodos suas communiter inchoat secundo septenario, terminat septimo, sive numeri septenarii quadrato: communiter dicto, quia nonnullæ sunt mulieres, in quibus tardius inchoatur fluxus; paucae etiam, quas multò ante annum decimum quartum invadit; aliæ rursus, quas post quadragesimum nonum non deserit: memorantur præterea fœminæ, menstruis prorsus immunes.

Evacuati sanguinis *quantitas* pro varietate temperamenti, victus, ætatis &c. diversa est: in sanis tamen & adultis vulgò assurgit ad uncias viginti, quibus convenit mensura, ab Hippocrate assignata, duæ scilicet Heminae<sup>a</sup>. Nec minor est in

Tom. I.

A

qua-

<sup>a</sup> *Morb. Mul. lib. 1. f. 15.*

qualitate diversitas ; aliquando enim ad *Lympham* propius , quàm ad sanguinem accedit humor menstruus : in sanis verò reperitur *rubicundus* valde & *floridus* , qualis ( uti idem notat *Hippocrates* <sup>a</sup> ) e vena secta Victimæ , recenter mactatæ , cruor effluit . Qui tamen nonnunquam ita vitatur , ut pene inter venena referendus sit : sed hoc non proprio ipsius vitio debetur , sed admixtis fordibus , & aliunde ducto contagio . Qui aliter censet , Auctorum de hac re argumenta consulat .

Eadem est *Periodorum* inconstantia ; est enim ubi die 27 aut 20 , est ubi *bis* in mense , uti in *salacibus* observat *Duretus* <sup>b</sup> , etiam aliquando absque sanitatis noxâ <sup>c</sup> , est demum , ubi *ne semel* in mense redit *periodus* , quæ tamen frequentissime singulis *mensibus* recurrit . Pari modo se habet fluxûs *duratio* : in aliis enim *trium* , in aliis *quatuor* , in nonnullis non nisi *sex* dierum spatio terminatur : plerumque tamen *triduo* absolvitur <sup>d</sup> .

Hæc omnia phænomena in sequentibus locus erit expendere ; nunc ad ea , quæ sub

<sup>a</sup> *Ibid.* <sup>b</sup> *In Holler.* 255. <sup>c</sup> *Panazol. Cent.* 2. *Obs.* 41. *Med. Septentr.* p. 33. <sup>d</sup> *Hipp. de Morb. Mul.* 1. S. 15.

sub mēstrum fluxu ferè solent accidere ,  
veniendum est .

*Instante fluxu* , in puellis saltem nondum  
purgatis , hæc præcipuè observantur sym-  
ptomata , *Dolor & aestus partium vicinarum* ,  
*ad lumbos præsertim & coxas* , aliquando  
etiam *inflammatio* , *cephalalgia* , *appetitus*  
*remissio* , *crurum lassitudo* ; durante pro-  
fluvio , invadit sæpe *nausea & lan-*  
*guor* .

In *Biliofis* temperamentis paulo matu-  
riùs fluunt menses , citiùsque periodos suas  
conficiunt ; in puellis mollioribus & mi-  
nus sanguineis seriùs erumpunt . Ita si re-  
gio paulo calidior sit , anno uno aut altero  
septenarium secundum anteverunt , si  
frigidior , excedunt . In *pregnantibus* etiam ,  
& ferè semper in *lactantibus* , deficiunt ;  
saltem tertio mense elapso non reperian-  
tur in gravidis . Ex *diuturniore morbo con-*  
*valescentes* ægrè & non nisi tardè admo-  
dum revivunt . Fœminis , *gula deditis* &  
genio liberiùs indulgentibus , fluxus sæpe  
ad sextum diem & ultra extenditur ; in  
*obesioribus* , & iis , qui aut *tenui victu* aut  
*exercitio* multo utuntur , citiùs termina-  
tur . Quantitas sanguinis evacuati ad *ætatis*  
usque *florem* augefcit ; *florante ætate æ-*  
*qualis* permanet ; *ætate rursus declinante*  
A 2 pau-

paulatim minuitur. In junioribus tenuior in senibus crassior reperitur sanguis.



## C A P. II.

*Varia de Mensibus Opiniones,  
recensentur.*

**C**ausas hujusce fluxus, ad oceanum morem, statim tempore æstuantis, & studio investigarunt, & scriptis tradiderunt medici, tum veteres, tum recentiores: infinitum esset, quid de iis quisque senserit, referre; satis erit argumentorum capita depromere, ut, si illorum sententiæ nobis parum placeant, quid melius possit exquiri, videamus.

In causis igitur investigandis, alii finalem, alii efficientem assignant; nonnulli, uti Galenus, utramque.

Causa finalis fluxus menstrui ab Auctoribus statuitur, vel mulieres ad concipiendum aptiores reddere, vel fortui præbere nutrimentum. Qui priorem sententiam amplexi sunt, menstruum fluxum ideo neces-

a. Charleton, Sylvius.



cessarium esse dicunt , ut sanguis à fordi-  
bus &crementis purgatus , tum scēmi-  
nas magis ad coitum impellat , tum semen  
feliciter excipiat . Huic argumento facile  
occurritur ; neque enim in sanis sanguis  
ille , qui ejicitur , impurus est aut vitio-  
sus , sed optimus & fragrantissimus : quippe  
non glandulæ alicujus ope secernitur , sed  
ex capillaribus arteriis erumpit , ideoque  
naturam arteriosi , h. e. *purissimi* sangui-  
nis retinet . Quod si hæc menstrua pur-  
gatio conceptui promovendo ita esset ne-  
cessaria , nullæ certè conciperent mulie-  
res , nisi quibus fluxerint Menses ; quod  
quidem experientiæ & Historiæ Medicæ  
prorsus repugnat <sup>a</sup> .

Alteram ex finalibus causis asserit Gale-  
nus , eique scriptores ferè omnes assen-  
tiunt ; refragantur tamen nonnulli , & his  
duobus potissimum argumentis in Galenum  
insurgunt .

1. Ne guttulam quidem materni sangui-  
nis ad fœtum derivari ajunt ; quia scilicet  
neque ulla datur inter Vasa Uterina & Um-  
bilicalia Anastomosis : neque fœtus sanguine ,

A 3

sed

<sup>a</sup> Hild. l. 5. obser. 41. Bonet. Med. Septentr. p. 30.  
Sennert. tom. 3.

sed succo lacteo per os nutritur <sup>a</sup> : qui hoc asserunt, pari etiam ratione possent dicere, infantes à materno sanguine non haurire alimentum, quoniam lacte, non sanguine, nutriuntur. Unde verò id ipsum lac sup- peteret, nisi ex materni sanguinis pe- nu ad mammas deferretur? Jam in fœ- tu nutriendo eadem valet ratio; sive enim ipso matris sanguine, per arterias uterinas delato, sive liquore, qui in *Amnio* continetur, alatur fœtus; utrin- que facile constat, sanguinem mater- num fœtui alendo inservire: quis enim istius liquoris aliam investigabit origi- nem, qui cum ex materno sanguine derivari neget? ita ut, si concedatur fœ- tum per os nutriri, quicquid fuerit pa- buli, id omne à matre sit petendum. Fœtum verò per os solummodo non nu- triri, satis probant monstra sine capite in lucem edita, & nonnulli ore nari- busque obturatis infantes: ulterius adhuc processit Medicorum <sup>b</sup> in re Anatomicâ peritia, & fœtum, placenta interceden- te, sanguine materno ali luculenter satis evicit. Exhibuit enim eam, (quam ne-  
gant

<sup>a</sup> Charleton de Catamen. p. 36. & 43. <sup>b</sup> Columb. Anatom. pag. 469. Casser. Placent. Tab. 5.

gant nonnulli . . .) inter vasa uterina & umbilicalia Anastomofin : cum enim ovum in utero per septimanam unam aut alteram fluctuarit , ab eo , uterina lymphæ mollior & humectato , erumpunt protinus vforum umbilicalium stamina , pari modo atque ex semine , in terræ gremium immisso , undique se diffundunt fibræ : hæc interiori ueri tunicæ ita se insinuant , ut vena umbilicalis arterias matris hypogastricas penetret , arteriæ verò umbilicales venis maternis inferantur . Per hos aditus perennis inter fœtum & matrem agitur sanguinis circuitus : scilicet umbilicalis vena arteriosum sanguinem à matre accipit , quem in fœtus usum ad venam cavam , atque ad cor deducat ; uti arteriæ umbilicales sanguinem , nutriendo fœtui parum idoneum , in venas maternas regerunt . Quod si nulla per hæc vasa daretur nutritio , non modò pabulo suo defraudaretur fœtus , sed ne tunicæ quidem , quibus obvolutus est , ullo modo possent nutriri .

2. Negant causam esse finalem sanguinis menstrui , ut fœtui in nutrimentum cedat , quia quantitas , novem mensium

A 4

spatio

*spatio evacuata, nimis exigua videtur, ut alendo foetui sufficiat* <sup>a</sup>. Utrum verò sufficere possit nec ne, hujusmodi edocelic calculus. In foeminis rectè se habentibus sanguis menstruus effunditur ad uncias viginti; ita quantitas, novem mensibus effusa, erit lib. 15. quia verò nonnunquam accidit, ut gravidis etiam, per tres saltem priores menses, fluant menstrua, licet modica valde & imminuta, supponatur effusi sanguinis quantitas ea proportionè decrescere, ut primo mense dimanet  $\frac{1}{3}$  seu  $\frac{2}{3}$  10, secundo  $\frac{1}{3}$  seu  $\frac{2}{3}$  6  $\frac{2}{3}$ , tertio  $\frac{1}{4}$  seu  $\frac{3}{4}$  5, postea verò omnino deficiat: unciis demum 21  $\frac{2}{3}$  ex lib. 15. subductis, quantitas sanguinis residua, quam prægnavis in foetus nutrimentum commodare possit, erit lib. 13  $\frac{2}{3}$  2  $\frac{1}{3}$ . quæ si cum recenti foetu atque involucris omnibus in trutina ponatur, excedet pondere, nullumque duo locum relinquet, quin embryoni incrementum satis idoneum largiri possit. Medium enim foetus recentis pondus est lib. 12, aliquando majus, frequenter etiam minus reperitur. Quodd si prægnavi menses deficiant, supererunt ad alendum foetum lib. 15; quibus verò ultra

<sup>a</sup> Bayle dissert. de Mensib.

ultra uncias viginti affurgit fluxus, uti non rarò fit, ex foetui, etiamfi monstrum fit, alimentum novimestre facile ministrabunt.

Igitur non video cur à Galeni sententia recedendum sit, qui in *Definitionibus Medicis* hoc docet: Τα κατωμήνια παρίχεται τῇ γυναικὶ πρὸς ὑγίαν ἐκκρινόμενα ἐπισχεδόντα δὲ διὰ τὴν σύλληψιν, τῇ ἐμβρίῳ τὴν τροφὴν παρίχου. Tribuuntur mulieri menstrua, quæ sanitatis gratiâ vacuentur: embryoni autem nutrimentum præbeant, per conceptum suppressa. Quæ verba, modò sint ritè intellecta, veritati optimè respondent. Ea enim, quæ inter Scriptores multùm agitur quæstio, *An foetus scilicet menstruo sanguine alitur*, perridicula est, & à sana, h. e. Galeni mente alienissima: quasi verò ille, unquam crediderit, foetum nutriri eo ipso sanguine, qui foras ejicitur: quasi non hoc potius voluerit, sanguinem in muliere redundare, ut non tantùm proprio corpori alendo satis habeat, sed & concepto foetui pabulum insuper ministret; ideo tamen per uterum, extra gravitatem, singulis mensibus expurgari, quoniam redundet: neque enim menses fluere, nisi redundaret sanguis, Galenum credidisse statim videbimus.

1. De *Efficiente* huiusce profluvii *causa* non minus inter se discrepant auctores : dum alii *Lunam* , alii *Fermentum* quoddam , alii denique *Pletboram* statuunt . De his sigillatim pauca sunt dicenda , ut , quænam ad veritatem propius accedat sententia , perspici queat .

Et 1. qui mensium causam à *Luna* petunt , hoc unico omnes ducuntur argumento , quod fluxus uterini periodus *Lunæ cursibus* respondeat , adedque ad illius imperium dirigatur : quod sanè argumentum facile & breviter convelli potest , si quis reponat , menstruis periodos contingere *Lunæ* minimè congruentes , siquidem eæ frequentius *crescente* adhuc *menfe* , quàm *exacto* recurrent . Quod si huic profluvio præesset *Luna* , mulieres omnes , quibus eadem esset regio , ætas atque temperies , eodem tempore , iisdemque vicibus ad menstrua ciceret : quod tamen ita parum fit , ut ne fieri quidem possit .

2. A *Fermento* quodam menstruorum causam deducunt ex recentioribus plerique \* ; quod quidem , diverso licet vocabulo obvolutum , idem est ac apud *Democritum* *fervor uterinus* . Statuunt nimirum ,

\* Graaff. Bayl. Etmuller.

rum , colluviem menstruam per uterum purgari ope *fermenti* , quod in tota universi sanguinis massa diffundi censeat *Graaffius* , *Bayleus* verò uteri indigenam agnoscit . Uterque *fermentum* hoc in *salibus* quibusdam situm esse contendit , qui motu suo sanguinis massam ita exagitant , ut statis quibusdam temporibus , singulis scilicet mensibus , acrius effervescat , & per uteri vasa exitum quærat . Quomodo peragatur hæc *fermentatio* , aut cur his periodis vires suas exerat , argumentis lectori parum satisfaciunt , verbis admodum imponunt . Eorum enim sententia , quæ propria *singulis visceribus fermenta* tribuit , non modò circulantì sanguini , sed communi sensui repugnat . Ubi enim *fermentum* istud delitescit , ubi tam securo fruitur hospitio , ut ab humoribus præterfluentibus minimè turbari aut abripâ queat ? quodd si *fermento sedem in visceribus* largiamur , unde ei tanta suppetit suppellex , ut perpetuis impendiis exhauriri nequeat ? Desideraret certè novi fermenti suppetias , ut perenne hoc fermentandi munus obiret . Altera de *fermentis* opinio , quod scilicet *totius sanguinis massa fermentescat* , à veritate æquè aliena est : sive enim ad *Chymicorum* mentem exponatur  
fer-

*fermentatio*, actio scilicet mutua *acidi* & *alkali*; sive latius sumpta <sup>a</sup> *partium motum intestinum* denotet, neutro modo sanguini competere potest: non priori, quia in sanguine desit <sup>b</sup> *acidum*: non posteriori, quia fluidi cujusvis partes, quæ sub iisdem planis horizontalibus jacent, *æqualiter* premuntur, adeoque ad *quietem* se componunt, nisi novo aliquo impetu in motum cieantur. Ita si daretur aliquis in sanguine *motus intestinus*, brevi deficeret, nisi liquido, quod à corde immittitur, excitaretur denuo & revivisceret: quod si à liquido, quod à corde influit, *motus intestinus* oriatur, satis constat, alium in sanguine motum dari non posse, præter eum, quo continuò progreditur & circulator.

Sed exolevit ferè hodie absurda illa de *fermentis* doctrina, & à sanissimis saltem scriptoribus jam diu explosa est. Quod si aliquam rationis speciem præ se ferre queant *fermenta*, ad hunc modum exponi debent; nempe quod in *utero* sitæ sint *glandulae*, in quibus liquor, sive *fermentum* quoddam, fecernitur, quod in sanguinem *singulis tantum mensibus* deducitur, eumque

<sup>a</sup> *Willis de Febris.*

<sup>b</sup> *Boyle Piscarn.*



que in motum vividiorē suscitans , & rarefaciens , & uteri canales fortius distendens , viam *mensibus* aperit . Hoc verò fermentum *semel* tantum in mense effunditur , quia ductuum excretoriorum orificia ita tenuia & angusta sint , ut id solā vi quantitatis , spatio *menstruo* secretæ , exitum reperiat ; pari modo ac in *testiculis* fit . Hæc hypothesis : utcunque primā facie ceteris paulò magis probabilis videatur , cum iis tamen æquē à veritate abhorret ; idem quippe contra omnes de *fermentis* hypothesēs valet argumentum , nempe si à *fermento* , non à *Plethora* concitarentur *mensēs* , brevi spatio ea sanguinis quantitas foras effusa esset , quæ vitæ fomitem penitus extingueret . Contra *fermenta* acriter contendit in suo de *Catamenii* libro *Charletonus* , & *Baylei* sententiam satis viriliter evertit : qui tamen , cum exponit suam , totum illud argumentum ex ipso *Bayleo* , iisdem per omnia ferè verbis expressum , mutuatur , quod paginis proximè præcedentibus rejecerat & refutârât :

3. Denique *Plethoræ* tribuit *Galenus* menstrui fluxus originem , in libro de *Venaesectione adversus Erasistratum* , ἢ αὐτῇ ( φάσις ) γυναικας μὴ ἀνάσσειν ἐν ἰνα-

ἐν μηνί κενοί, τὸ περιττὸν ἀποχέουσα αὐτὴ αἵ-  
 ματι; ἴδου γὰρ, οἶμαι, οἴκοι τὸ δῆλον γί-  
 νεσθαι ὅτι ἰσχυροῖς πόντοι διατρέφονται, ἰδὲ  
 ὁμιλῶν ἑλίψ, καθάρῃ, καὶ δι' αὐτῶν ταῦτα  
 ἀλλήθ' ὑποτρέφον, ἱαμα φυσικὸν ἔχον αὐ-  
 τήνδε τὸν κένον. Nonne natura ipsa mu-  
 lieres cunctas evacuat, sanguine superfluo,  
 singulis mensibus foras effuso? quippe mulie-  
 bre genus, quod domi ageret, neque vebemen-  
 tibus laboribus exerceretur, neque sub claro  
 sole viveret, & propterea quamplurimos hu-  
 mores coacervaret, oportebat opinor evacua-  
 tionem huiusce plenitudinis, tanquam reme-  
 dium, à natura datum, accipere. Hanc de  
 Plethora sententiam multi post Galenum  
 secuti sunt; quam tamen apud auctores  
 ita parum illustratam reperio, ut neque  
 luculenter satis appareat, vel quibus de  
 causis menses moveat Plethora, vel quænam  
 in foeminis vera sit ipsius Plethora causa.  
 Igitur quoniam his rite explicatis men-  
 strui fluxus naturam clarius innotescere  
 posse confidimus; disquiremus primo,  
 unde originem deducat, & quomodo  
 in foeminis crescat Plethora; deinde  
 quibus viribus, & qua potissimum de  
 causa, sanguinem per uterina vasa exone-  
 ret: quibus ultimo loco adjicientur ar-  
 gumenta, quæ periodicum profluvii istius  
 re-

recursum expedient quodammodo , & illustrabunt .



## C A P. III.

*De Causis Plethoræ , & quare fiat in Fœminis .*

**U**T causis Plethoræ investigandis rectius sternatur via , liceat his uti præmissis .

1. Corpus omne in eodem statu permanere , si evacuatio additioni fuerit æqualis ; & vice versa .

2. Si animali curvis periodica aliqua supervenerit sanguinis eruptio , & idem exacta eruptione status redierit , qui sub initium periodi fuit , ita ut nec minus nec magis ponderosum fiat animal , in eo ante eruptionem istam fuisse Plethoram : & porro evacuationes , ante eruptionem factas , additioni fuisse impares , at una cum erumpente sanguine æquales .

Hæc per se satis liquent ; unica quippe , ex qua quantitas materię cujusque dignoscitur , mensura , est pondus . Si igitur corporis pondus idem manet , manet eadem etiam quantitas materie ; seu , quod

quod idem est, quantum additur corpori, tantum etiam & ab eo evacuatur. Si verò minus evacuatur, quàm apponitur, crescet pondus corporis, adeoque quantitas materiæ erit major; quæ si ad hunc modum aucta in *vasis* sanguineis accumulatur, nec in habitum corporis diffundatur, inducetur sanguinis *Plethora*, donec fiat eruptio. Ipsa autem eruptio, per vices recurrens, indicat sanguinem non in carnes absumi, sed intra *vasa* coacervari.

Quocunque igitur in corpore talis oritur *Plethora*, ut necesse sit, certis, quibusdam periodis materiæ redundantis excretionem fieri satis liquet, omnes eas evacuationes, quæ periodorum intervallis factæ sunt, quantitate materiæ, corpori ingestæ, fuisse minores: quòd si corpus, factâ hac excretionem periodicâ, in eundem cum illo statum redigatur, quem incipiente periodo obtinuit, sequitur omnino ultimam hanc evacuationem, intermediis omnibus conjunctam, ad mensuram quantitatis, per totius periodi decursum ingestæ, assurgere.

Et hætenus quidem non tam *conjectura*, quàm *demonstratione* perventum est.

Itaque ut hæc omnia instituto nostro accomodemus, ex certissimis principiis con-

concludi potest , cùm fœmina , expurgatis mensibus , eundem obtineat corporis statum , quo sub periodi menstruæ initium fruebatur , ( quod experientia confirmat ) in ea , decursu istius periodi , evacuationes ceteras assumptis alimentis impares fuisse : itidem , quia hæ fuerint impares , humorem nutritium in corpore redundare ; qui si intra circulationis ambitum conclusus sit , sanguini eam , pro qua contendimus , inferet *Plethoram* .

In eodem verò statu jugiter permanere , tum ex *visu* , tum ex *statica* , probantur integræ valetudinis mulieres ; in quibus totius ferè ætatis decursu nulla ponderis mutatio sentitur , modò eadem observe-  
tur vivendi ratio , idemque adhibeatur rerum , quas vocant , *Non-naturalium* usus . Sed ne fortè paulo altius excurrere videamur , libet ad medium aliquod , ne dicam perexiguam , tempus descendere ; & id tantum petimus , ut fœmina sana , & mensibus ritè purgata , per quinque annos eadem permanere concedatur : hoc si impetramus , sequitur ex *Premiss.* 1. evacuationes omnes , eo quinquennio peractas , alimenti copię respondisse : è quibus tamen evacuationibus est *fluxus menstruus* ;

Tom. I,

B

quod

quod si , menstruis subductis , evacuationes reliquæ non responderint , patet ex *Prem.* 2. fuisse ante ejectos menses in muliere *Plethoram* .

Aliud argumentum , cur evacuationes ceteræ ad ingesta alimenta parum assurgant , ab ipsis menibus desumi potest ; si enim assurgerent , profluvium menstruum non tam inter *crises salutare* , quàm *morbos* poni deberet ; & misellæ scæminæ quinquenni spatium sanguinis puri lib. 100 , ut in capite præcedente demonstratur , frustra evacuantur , seu , quod idem est , lib. 100 de pondere suo amitterent . Itaque tantum abesset , ut sano corpore fruerentur ; corpus eo tempore vix haberent .

Pariter eadem certitudine colligimus , secretionem in ceteris animalibus ingestæ materiæ respondere ; quoniam , cum ætatis florem consecuta sint , in eodem profusus statu permanent ; quia verò evacuationis additionisque eadem sit proportio , ideo in iis non accumulari *Plethoram* : neque porro menses fluere debere , qui citra *Plethoram* non moventur . His alia forsitan in sequentibus adjicietur ratio , cur *bruta* fluxui menstruo non sint obnoxia .

Satis jam perspicuè ostensum est , in muliere dari *Plethoram* ; quibus verò de causis

causis ista fiat redundantia, seu, quod idem est, quare in ea deficiat totius alimenti evacuatio, hoc etiam si explicare potero, argumento plenius satisfacere videbor.

*Perspirationem* igitur, eâ enim secretionem alimenti pars longè maxima dissipatur, in fœminis *imminuere* probantur sequentia.

I. Uti observat, accuratissimus rerum investigator, *Sanctorius* <sup>a</sup> *Vires imbecilles*: & has quidem à *molliori textura* rectè deducere videtur *Hippocrates* <sup>b</sup>; quod enim magis *solidae* fuerint partes, eò *robustior*, sit corporis compages. Sed quæcunque sit imbecillitatis hujusce causa, certum est *mulieres* viris esse *imbecilliores*; idque ex *pulsu* satis innotescit. *Pulsus* enim *muliebrem* ferè *languescere* dicas, si cum *virili* conferatur; quod etiam annotavit *Galenus* <sup>c</sup>; à *pulsu* porro certissima *roboris* indicia sunt petenda. Quid enim est *robur*, nisi vis illa, quæ à sanguine & spiritibus in membra derivatur? ea verò quomodo derivari potest, nisi cor, cujus solius motu diriguntur sanguis & spiritus, validius

B 2 con-

<sup>a</sup> *Med. Stat.* f. 1. § 2. <sup>b</sup> *De Gland.* f. 11. <sup>c</sup> *De Caus. Puls.* 3. 2.

contrahatur? Quodd si cordis contractio sit validior, fieri nullo modo potest, ut non *fortius* increbrescat *pulsus*. De hoc qui dubitat, dubitare etiam potest, utrum sit *pulsus*. Sed ut ad rem redeamus, *Sanctorii Aphorismus* ab iis, quæ dicta sunt, demonstrari potest: si enim *pulsus* sit *imbecillior*, minor sanguinis quantitas ad glandulas, non intercutes modò, sed alias omnes, dato tempore, deferetur, ideoque minor erit humorum secretio: etiam id ipsum, quod secernitur, propter eam, quam explicuimus, *imbecillitatem*, è fibris, quarum tensio remissior est, non ita promptè aut fortiter exprimi potest.

Ad hunc modum à *viribus imbecillis* orietur *perspirationis defectus*: quod si in *fœminis vasorum orificia* multò, quàm in *viris*, exiliora sint, (quod rationi fortè non repugnat, quia & earum compages magis delicata sit, subtiliusque pertexta, & molès semper ferè contractior) alterum à nostra parte erit argumentum; quia tum copia scilicet liquidi, in vasa secretoria influentis, minor suppetit. Est enim secretio, ut velocitas sanguinis, & vasis secretorii orificium; uti demonstravit *Blelini*. Adeoque ob minorem sanguinis velocitatem, quam ex *pulsu* cognoscimus, & capilla-



pillarium angustias : quæ ex *textura* delicatula etiam probari posse videntur, minor erit in fœminis materiæ perspirabilis secretio.

2. *Temperamentum*, quod *humidius* esse in fœminis, quàm in maribus rectè <sup>a</sup> pronuntiat *Hippocrates*. Fœminarum enim corpora, tum ad tactum tum ad visum, multò molliora & teneriora sunt, quam virorum; à qua partium mollitiæ *humidi redundantiam* idem ille Auctor non absurde deducit <sup>b</sup>: quò enim minus solidæ sint partes, eò magis in iis abundat fluidum <sup>c</sup>. In viris autem, quò solidior evadit corporis compages, eò minus fluidi relinquuntur; solidarum enim partium moles, nisi imminutâ fluidi copiâ, incrementum nequaquam potest. Itaque ratione molis suæ plus habent sanguinis mulieres, quàm viri. Hinc est, quòd citius ad debitam magnitudinem assurgant; quia liquidi copia, ex qua solidæ partes conflantur, in iis sit uberior: ita ut minori tempore æquale, vel æquali tempore amplius nutrimentum inde hauriri queat, uti argumentatur *Hippocrates*, <sup>d</sup>, fusiusque ostendit *Piscarnius*. Cum igitur fœminæ hac gaudeant temperie,

B 3

perie,

<sup>a</sup> Nat. Puer. f. 6. <sup>b</sup> Morb. Mul. I. f. 11. <sup>c</sup> De Gland. . 11. <sup>d</sup> Morb. Mul. I. f. 11.

perie , *humiditatem in iis non remitti bene colligit modò laudatus auctor , quia rario- re sint texturâ <sup>a</sup> ; pater etiam ex statica Sanctioriana , humida corpora minùs perspirare , & plenius nutrimentum secretioni insensibili offere . Eodem fundamento nititur Aphorismus ille <sup>b</sup> , ab aque potatione perspirationem insensilem impediri . Pariter aquosas , ( i. e. ) per-quam humidas , mulieres diutius purgari scribit Hippocrates <sup>c</sup> .*

3. *Vita domi acta , & labore minùs exercita ; ideoque hinc etiam originem trahere Plethoram rectè statuit Galenus , & , optimus naturæ interpres , Hippocrates <sup>d</sup> . Etenim annotante Sanctorio <sup>e</sup> , „ Exercitio „ corpora leviora fiunt ; omnes quippe „ partes præcipuè musculi & ligamen- „ ta , motu ab excrementis purgantur ; „ perspirabile ad exhalationem præpara- „ tur , & spiritus tenuiores fiunt „ : ita quicquid sit humoris superflui , id fortius foras exprimitur ; optimè enim notavit Hippocrates , labore aliquid humoris abduci <sup>f</sup> . Contra verò quiete nimia gravius fit corpus ,*  
&

<sup>a</sup> De Gland. f. 11.    <sup>b</sup> Med. Stat. f. 3. 67.    <sup>c</sup> Epid. 6. 1.    <sup>d</sup> De Gland. f. 11.    <sup>e</sup> S. 5. 9.    <sup>f</sup> Morb. Mul. 1. 11.

& propter *inhibitam perspirationem* humores intra vasa *redundant* : igitur rectè docet idem *Sanctorius*, *perspirationem*, ubi in sanis deficit, *exercitio sarciri* <sup>a</sup>.

Quæret fortasse aliquis, quare fœminas minùs perspirare contendam, cùm in iis plerumque æque copiosus ac in viris observetur sudor? cui hic hæret scrupulus, discat è *Sanctorio*, quòd *perspiratio* & *sudor* ita parum inter se convenient, ut nihil ferè habeant commune; contra quòd hic ampliùs provocatur, eò magis illa minuitur, <sup>b</sup>. Saltem si præcesserit sudor paulo uberior, *perspirationem* ad horas & fortasse dies aliquot languescere & ratio evincet, & *Statice* <sup>c</sup>.

Ultimo de *otiosa vita* argumento facile erit reponere, plurimas inveniri mulieres, *exercitio* quidem *laboribusque* assuetas, non ideo tamen mensibus immunes. Sed meminerit lector, desidiam non esse unicam plenitudinis menstruæ causam: utcunque labori se assuescat mulier, *humidam* suam secum portat *temperiem*, & *vires imbecilles*. Quod si cui & *vita athletica*, & *siccum temperamentum* contingerit, dubitari forsan potest, utrùm illi fluxura sint

B 4

men-

a S. 5. 34. b S. 1. 12. 13. 23. 110. c S. 5. 31.

menstrua : pro me certè haud parum facit , quod observârunt *practici* , eas , quibus menses penitus defuisse compertum est , calidissimi <sup>a</sup> fuisse temperamenti *Viragines* : quæ cùm ad *robur masculinum* accedant , & *laboribus* ut plurimum se exercent , alimentum omne facile digerunt , & per poros eliminant <sup>b</sup> . Igitur in his *pulsus validiores* observat *Galenus* .<sup>c</sup> . Ita mensibus *saltatrices* destitui scribit *Sennerius* <sup>d</sup> *Forestus* <sup>e</sup> etiam *cantatrices* : quod & experientia satis confirmat . In quibus quidem omnibus *labor* id efficit , ut evacuationes copię ingestæ respondeant ; adeoque nec ulla desideretur mensium purgatio .

Sed utcunque de causis disceptari queat , de re certum est . Plethorâ igitur demonstratâ , non ita arduum est , quibus viribus , & qua potissimum de causa , sanguinis per uterina vasa effluat , explicare .

CAP.

<sup>a</sup> *Plater. Obs. Med. p. 247.*   <sup>b</sup> *Hildan. c. 5. Obs. 41.*   <sup>c</sup> *Caus. Puls. 3. 5.*   <sup>d</sup> *Tom. 3.*   <sup>e</sup> *L. 28. Obs. 1.*



C A P. IV.

De Structura Uteri & Vaginæ.

**A**Ntequam verò modum , quo ad ciendos menses utitur *Plethora* , exponam , necessarium videtur , pauca de *uteri & vaginæ fabrica* præfari : quod quidem ii , qui de *catameniis* scripserunt , tanquam à re sua alienum prætermittunt ; quamvis nihil ferè est , quod de hoc argumento cogitanti clariorem lucem afferat , quàm muliebris uteri structura , non tantùm animo perspecta , sed ad examen hoc accommodata . De hac itaque , quantum instituto meo sufficit , breviter dicam .

2. In fœminis *pubendum* , uti & reliquum corpus , respectu *horizontis* situm obtinet *perpendicularem* , in ceteris animalibus *parallelum* .

2. Interna tam *uteri* , quàm *vaginæ* tunica , in quam inferuntur variè & disseminantur *venæ & arteriæ* , *adipe* omnino caret & *crassitie* ; ita ut vasa , fibris ipsius intertexta , minùs sustinere aut munire queat :

queat : quæ quidem in ceteris ferè quibuscunque corporis partibus plurimum suffulciunt muscoli & pinguedo.

3 Vasa sanguinea , tam arteriæ quàm venæ , numero pene infinita ad has partes deferuntur ; quorum tamen major copia in uterum diffunditur . Arteriarum rami , uti & venarum , ex utroque latere sibi invicem per *Anastomosis* committuntur , qui non recto cursu ad uterum feruntur , sed variè inter se *implicati* & *contorti* , *curvis* & quasi *serpentinis* ductibus perreptant . Cujus quidem texturæ ratio satis elucet & necessitas ; gravidâ enim muliere , & foetum uterum magis indies distendente , comprimerentur omnino , aut dissilirent potius vasa sanguinea , nisi his ambagibus circumducta essent : hoc nimirum artificio formata utero sensim crescenti facilè cedunt , & ultimis graviditatis mensibus in directum magis reducuntur .

4 Aortæ truncus descendens multò *amplior* in fœminis , quàm in viris reperitur : eo utique naturæ consilio , ut non modò ad musculos , excludendo foetui inservientes , sed ad *uterum* etiam , in quo fovetur & enutritur foetus , major sanguinis copia deferatur . Quæ quidem vasorum multitudo facit , ut non alium quemvis ,

vis , nisi per *uterum* , sibi exitum quærant menses .

5. Venis omnibus *uterinis* desunt *valvulae* .



## C A P. V.

*De modo , quo menses movet Plethora .*

CUM talis sit vasorum conformatio , videamus quomodo , accedente *Plethora* , sanguis per ea expurgetur . Quod ab his propositionibus , quas demonstrant *Mathematici* , clarissimè deduci potest .

Prop. 1. *Augetur momentum corporis cujusvis , seu vis ea , quâ corpus è loco suo continuò tendit , augendo vel celeritatem , vel quantitatem materiæ , vel utramque .*

2. *Si momentum corporis sit majus , quàm contraria impediementi vis , id impediementum removebitur .*

3. *In percutientibus corporibus , ictuum magnitudo motui deperdito proportionalis est .*

4. *Motus deperditus est , ut resistentia .*

5. *Si corpus data vi in impediementum aliquod*

aliquod feratur ictus magnitudo erit , ut sinus anguli incidentiæ .

6. In quovis fluido non tantum est pressio deorsum , sed etiam à latere & undique .

7. Fluidum corpora circumposita premit à latere omni illa vi , qua partes ejus conantur à pressione recedere .

8. Pressio lateralis est in ratione altitudinis , qua fluidum incumbens assurgit .

9. Directio pressionum superficiæ , quæ premitur , est perpendicularis .

Priores due propositiones ostendunt , quare , increscente Plethora , sanguis è canalibus suis erumpat ; reliquæ , quare ex uterinis potissimum feratur .

Per se enim luculenter patet , quomodo eadem manente velocitate , augeatur momentum sanguinis in Plethora , quia scilicet augetur quantitas : quòd si augeatur etiam velocitas , eò fortius erit momentum . In Plethora tamen semper crescit , non modò quantitas sanguinis , sed & velocitas , nisi sanguis nimis lentus fuerit , aut viscidus : si enim ritè admistus & comminutus sit , quò magis mole creverit , eò plures secernit spiritus ; quò verò spirituum copia sit uberior ; eò crebrior fit atque validior cordis contractio : ita ut si  
acces-



acceſſerit *Pletbora* , neceſſariò ſanguis *velocius* circuletur , adeoque *maiore cum momento* in impedimenta quævis impingat .


Vaſa verò ſanguinea tanquam *impedimenta* ſpectanda ſunt , ne ſanguis extra canales feratur , & hoc ſanè efficiunt , quamdiu aut æquis viribus aut maioribus ſanguini circulanti renituntur : cùm verò eoſque increbuerit ſanguinis momentum , ut ei oppugnando vaſa minimè ſufficiant , locum facilè cedunt , ut per ipſorum tunicas ſanguis erumpat . Vaſa verò *uterina* , quia , uti diximus , *carne parum ſuffulta* ſunt , ſiqua alia , ad cedendum ſunt facilima : ea ſanè reniti non poſſe oſtendit ipſa ſanguinis eruptio ; qui quidem erumpere minimè poſſet , ſi ea contrà æquali *momento* reſtitiffent .

Quia verò per *Prop. 3. in percutientibus corporibus* , *iſtum magnitudo motui deperdito proportionalis ſit* , videndum eſt , an ſingularis aliqua in *uterinis vaſis* fiat *motus imminutio* : quæ quidem clariùs elucebit , ſi ad ea ; quæ de *vaſorum ſtructurâ* paulo ante diximus , attendamus . Ea nempe non recto , ſed *curvo* admodum & quaſi ſerpentino curſu per *uterum* variè funduntur : itaque cùm *motus deperditus ſit* ,

ut *resistentia* per *Prop. 4.* si major in iis contingat *resistentia*, major etiam erit *ictus magnitudo*; quam motui deperdito proportionalem agnoscimus. Majorem verò in *vasis* hisce contortis dari *resistentiam*, hoc modo demonstratur. Si in *recto* canali decurrat fluidum, datur tantum *pressio* eaque *lateralis* per *Prop. 7.* quâ scilicet latera canalis distendit fluidum, quia latera non opponuntur fluido in directum, adeoque nec impedimento sunt. Si tamen in *curvo* canali moveatur fluidum, canalisis latera non tantum *premit*, sed omni, quo pollet, momento in ea *impingit*: quantum verò magis hoc, impeditum obstaculo, de *motu suo* deperdat, tantò fortior erit in idem obstaculum *ictus magnitudo*. Quò verò in *curvum* magis flectantur vasa (i. e.) quò magis directioni fluidi sint opposita, eò major erit vasorum *resistentia*, & proinde *major ictuum magnitudo*: inde etiam uberior accedet fluido vis, quò facilius vasa possit percurrere.

Si enim canalis cylindrici A C (uti in Fig. 1.) *axis* sit fluidi directioni semper *parallelus*, nullus erit particularum fluidi in ipsius latera impetus; adeoque & *ictus* nullus; fluidum verò omni illa vi, qua pre-

premitur, *latera* vasis *perpendiculariter* urgebit. Quod si *quantitas* fluidi augeatur,



pressio etiam & vis, quæ in canalium *latera* exercetur, augebitur: unde orietur  
ca-

canalium *distensio*, & proinde laxior fibrarum textura, minorque inter se coherentia. At si canalis sit *inflexus* paulo, ita ut obliquè feratur sanguis à B ad C, (uti in Fig. 2.) moles sanguinis aucta non modo *latera* ipsius *distendet*, sed in partes *curvatas* cum *impetu* feretur, & fibras jam satis distentas cum *ictu* perfringet: eoque facilius cum, uti ostendit Borellus, *Vis ictus omni pressione infinito major sit*. *Ictus* verò *magnitudo* major erit, quo magis *incurvetur* canalis, idque in *ratione sinus anguli incidentiæ*. Nam si sanguis (uti in Fig. 3.) à D ad C dirigatur, major erit, *ictus magnitudo* ad latus C, quàm cum sanguis (in Fig. 2.) à B ab C decurreret. Adeo quò magis *incurvetur* canalis, eò major erit *ictus magnitudo*, donec ad *flexionem* (ut in Fig. 4) *perpendicularem* perventum sit, ubi datur maxima; quia ibi *sinus anguli incidentiæ* sit maximus. Ita satis patet in *curvis* canalibus *ictus vim* intendi.

Et hæc quidem uberius explicare libuit, ut perspicuè innotesceret, non minimum conferre ad menses per *uterum* evacuandos ipsius *uteri structuram*.

Etiam hoc ad cætera atcedit, quòd *vasa*, quò magis *contorta* sint & *circumvolvuta*,

*luta* , ed *longiora* multò sunt : *longitudine* verò efficitur , ut plus sanguinis intra latera sua excipiant ; sanguinis adeo *quantitate* aucta , augetur & *momentum* ; unde fit faciliior per tunicas eruptio .

Quodd si *uteri fabricam* attentius adverteramus , luculentiùs adhuc patebit ratio , quare per *uterina* potissimùm vasa exoneretur sanguis *menstruus* . Cum enim *pu- dendi muliebris situs* , respectu horizontis , *perpendicularis* sit , idem etiam erit *situs arterialis fistulae* , quæ à corde ad uterum sanguinem deportat : quia verò in *fluidò* per *Prop. 7.* corporis cujuscvis circumpositi fiat pressio , non *deorsum* modò , sed etiam à *latere* ; per *Prop. autem 8.* pressio *lateralis* sit in ratione altitudinis , quâ attollitur incumbens fluidum , universa columna sanguinis ab *Aortæ descendens* trunco ad uterum protensa *uterina vasa à latere* , idque *perpendiculariter* per *Prop. 9.* comprimet & distendet : quod si *pressio* hæc , a *situ arteriarum perpendiculari* orta , cum iis , quæ de *canalium ambagibus* dicta sunt , conferatur , facillimè dispiciet ingenius lector , quodd ad evacuandos menses præ omnibus vasis longè aptissima sint *uterina* . Quippe , propter *Plethoram* & *pondus* fluidi , tum in arteriis tum in venis

Tom. I.

G . . . per-

*perpendiculariter* incumbentis, intumescunt latera vasorum, ita ut fibræ à se invicem magis distrahantur: quò verò rarior sit fibrarum textura, eo facilius vi illatz cedunt. Jam in *Plethorâ* augetur sanguinis momentum, quia augetur *quantitas*, etiam &, nisi *lentor* adsit, *velocitas*; *impedimenti* vis imminuitur, quia, *vasis sanguinis redundantia* pridem distentis, minor sit fibrarum contactus & coherentia: ita superato impedimento, sanguis tandem erumpit.

Hinc etiam non leve exsurget argumentum, quare in *brutis*, licet eadem planè in iis sit (aliter ac nonnulli sentiunt <sup>a</sup>) *vasorum conformatio*, non tamen reperiatur *fluxus uterinus*, quoniam, cum in his *pendendum* respectu *horizontis parallelum* sit, tollitur omnis ista ad *latera vasorum pressio*, à *perpendiculari arteriarum situ* deducta: quæ sanè inter causas haud postrema est, cur mulieres *plethoricæ* per *uterum* purgentur.

Pro nobis etiam ulterius facit *Valvularum* in *venis uterinis* defectus: quod, utcumque prima fronte legenti parum satisfaciat, majoris esse momenti videbitur, si,

<sup>a</sup> Charleton, Boyle.

si , quid in alijs *venis* præstent *valvulae* , sub examen revocetur . Hæ quidem , cum flaccidæ sint , nulli prorsus usui essent , si sanguis *continuo* cursu , veluti flumen , per arterias venasque deferretur : siquidem sanguine continuo decurrente , utcumque *venis* infererentur *valvulae* , fluidum , quamvis supra valvulam delatum , in partes inferiores æquè graviter incumberet , ac si nulla prorsus intercederet *valvula* : si enim canalis *plenus* sit , *valvula* interposita pressionem fluidi non magis tollit , quàm , si vesica , aquæ plena , alteri , itidem plenæ , imponatur , membranæ interjectio efficit , quò minùs aqua , quæ in vesica superiore est , pondere suo inferiorem premat . Sed quoniam sanguis ab arteriis , non *continuo* flumine ; sed per *intervalla* quædam , prout cor contrahitur , in venas influit , utile admodum comperitur *valvularum* artificium : cum enim nullum sanguini regressum concedant , cavent , ne major sanguinis copia *venas capillares* premat , quàm quæ inter eas *valvulamque* proximam continetur : nimirum ab *inferiore parte* valvulæ pressio tollitur , quia intercapedo illa ob cordis *diastolen* , sive circulationis moram , sanguine minùs distenditur : quòd si in cordis *diastole* sanguis in venis majoribus

deorsum retro gurgitaret, *capillares* *venulae* ita pondere incumbente laborarent, ut facilius disrumpi possent. In *venis* verò *uterinis*, propter *valvularum* defectum, nihil prorsus obstat, quò minùs sanguis omnis, qui in ramis amplioribus continetur, retro versus *capillarum* angustias corruat, & tenella orificia ita premat, ut impulsu quovis promptius diffiliant. Et hoc quidem modo, in *arteriis* *situs* *perpendicularis* *inflexioque* *tortuosa*, in *venis* *valvularum* *defectus* multùm adjuvat, ut per *uterinas* *vias* evacuetur *sanguis* *redundans*.

A quibus verò canalibus potius dimanet sanguis menstruus, an ab iis, qui ad *uterum*, an ab iis, qui ad *vaginam* deferuntur, magna est inter *auctores* controversia: quæ sanè non incommodè prætermitti, saltem salvâ utrâque sententiâ componi poterat. Etenim cùm eadem sit partium textura, eadem vasorum conformatio, longè plura tamen ad *uterum* excurrant vasa, quàm ad *vaginam*, quid dubii est, quin ex utrisque canalibus, uberius licet ex *uterinis*, evacuentur menstrua? Quod, quanquam per se satis pateat, hoc tamen argumento breviter illustrari potest. Ubi in *pregnantibus* erumpunt *menses*, si *abortus* fiat, ab *utero* videntur fluere;



fluere ; quænam enim alia vis *fœtum à placenta* queat divellere , nisi effusi in *utero* sanguinis fluctuatio ? Si verò nullus insequatur *abortus* , eos potius à *vagina* demitti credimus : quia , si in *utero* fiat sanguinis eruptio , periculum est , ne *abortiat* mulier . Igitur aliquando ab *utero* , aliquando à *vagina* , sæpius tamen utrinque fluunt menstrua : ita tamen , ut in iis , quæ *repererunt* , propter vias liberius patentés , frequentius , quàm in *virginibus* , ab *utero* emanent .

Alia etiam inter scriptores versatur *quæstio* , utrùm à *venis* , an ab *arteriis* prodeant menses ; quos ego sanè ab *arteriis evanescentibus* malim deducere . Ibi enim maxima est canalis angustia , quâ efficitur , ut sanguis in latera vehementius feriat , & ostiola recludat : quòd si in *venas* deductus fuerit , latius sibi spatium videtur comparasse , quàm ut foras egredi cogatur . Ideo si qua in canalibus oriatur obstructio , eam in *arterialis* potius , quàm in *venis* poni debere rectè arbitratur , philosophiæ medicæ peritissimus , *Pitcarnius* <sup>a</sup> . Quin imo sanguis floridus admodum & rubicundus cùm sit , ab *arteriis* potius ,  
C 3 quàm

quàm à *venis* originem trahere videtur. Sive tamen è *venis* sive ex arteriis fluat, ex *capillaribus* certè, non ex majoribus ramis propellitur: uti ex fluxu ipso, qui *guttatim* ferè peragitur, dignosci potest.



## C A P. VI.

*Argumenta contra Plethoram refelluntur.*

**H**UC quidem principiis simplicibus maximè & indubitatis pervenimus; quæ tamen non magis vera sunt, quàm intellectu facilia. Quanquam verò huic fundamento innixa minimè corruiere possit *Theoria*, non tamen negligenda sunt, quæ vulgò contra *Plethoram* afferuntur, argumenta: quæ si refelli queant, nostræ sententiæ si non roboris aliquid adjicietur, impedimenta certè detrahentur. His igitur argumentis manifestum esse putat *Charletonus*<sup>a</sup>, meram plenitudinem non sufficere, ut *evacuatio per uterum* efficiatur.

I. In *tabidis* & *macilentis* consueta, & interdum *profusa*, reperiuntur *menstrua*; qui-

<sup>a</sup> De *Catameniiis*, p. 39.

quibus tamen sanguinis copia infra mediocritatem consistit . Rem ipsam sanè agnoscimus , in macilentis nempe fluere menses ; *Plethoram* ideo non dari pernegamus ; quippe multi , uti observat *Galenus* , sanguine exuberant , gracilissimi cum sint ; etiam ipso *Charleto* judice , ita parum in macilentis deficit sanguis , ut in iis præcipue redundet . Ipsum igitur audiamus *Oecon.* *Animal. Exerc.* 5. S. 3.

„ Qui maxime nutriuntur , ut *obesuli* ,  
 „ paucò sanguine præditi sunt ; *macilenti*  
 „ autem magnis venis , plurimoque sanguine donantur . Quare etiam hi ut  
 „ plurimum animosi sunt , & omnia vitæ  
 „ munera alacrius vividiusque peragunt ,  
 „ utpote spiritibus proportionaliter prægnantes . Ac propterea *graciles* libera-  
 „ liorem venæ-sectionem ferunt , quod  
 „ carnosa & musculosa eorum pars strigior cum sit , majorem quoque copiam  
 „ in poris suis absorbeat : venæ autem  
 „ etiamsi exhauriantur , minore tamen  
 „ istoc damno evenit , modò , quantum  
 „ lampadi vitæ satis sit , superfit . At verò  
 „ torosis & præpinguibus damnum à copiosa sanguinis evacuatione contingit ;  
 „ quia habitus eorum , sanguine calidiore depauperatus , serosis humoribus repletur ,

„ tur , facileque in Cachexiam degenerat .  
 „ *Ib.* Sect. 4. Notum est in animali-  
 „ bus fame enectis , & hominibus quoque ,  
 „ qui *tabidi* intereunt , plurimum sanguinis ,  
 „ etiam post obitum , in venis reperiri ;  
 „ quod prorsus impossibile esset , si san-  
 „ guis corpori solum nutriendo destina-  
 „ retur . Animal enim fame non periret ,  
 „ quamdiu sanguinis quicquam in venis  
 „ superesset ; nec tabidorum corpora a-  
 „ deo emaciarentur , dum venæ sufficien-  
 „ tem sanguinis copiam in se continent ,  
 „ unde partes possint instaurari . Quibus  
 „ adjici potest historia S. 6. quam ex  
 „ *Hippocrate* desumit , de viro quodam ,  
 „ qui , cum ad extremam maciem morbo  
 „ extenuatus fuisset , & indies magis ma-  
 „ gisque tabesceret , sectâ tandem per vi-  
 „ ces utriusque manus venâ , donec exan-  
 „ guis fieret , brevi *ισαρον* evasit . Un-  
 „ de fit , ut qui , cum contra sanguinis nu-  
 „ tritionem differit , in *tabidis* & *macilentis*  
 „ *Plethoram* ita strenuè propugnat , idem ,  
 „ Cum *Catameniorum* causam agat , conetur  
 „ convellere ? sed ea *Charletoni* argumenta ,  
 „ quæ jam ex *economia animali* deprompsi-  
 „ mus , ita solida sunt , & veritati congruen-  
 „ tia , ut ne ab ipso quidem *Charletono* everti  
 „ possint . Hinc *macilente* , uti scribit *Ga-*  
 „ *lenus* ,

*lenus*, missionem sanguinis copiosioremf  
ferunt; quâ & sepiſſimè in iis, postquam  
diu defecerint, redintegrantur menstrua.  
Hujusmodi plurima exempla sunt; &  
quotidiana ferè observatio est, in *lactan-*  
*tibus*, gracili corpore præditis, menstrua so-  
lenniter ferè celebrari; ita parum *infra*  
*mediocritatem* consistit in *macilentis* san-  
guis.

2. *Ipsa plenitudo nonnunquam impedi-*  
*to est*, quò minus fluant menses. Ita qui-  
dem scriptorum pars maxima unam sup-  
pressi fluxus causam statuunt, *Plethoram*;  
à qua suppressionem mensium similiter indu-  
ci arbitrantur, hæc *Ischuria* nonnunquam  
oritur à nimia, quâ vesica distenditur,  
urina.

At si quis hæc accuratius perpendat,  
dissimillima prorsus inter se reperietur ha-  
rum suppressionum ratio, *Vesica* enim fir-  
mâ admodum & musculosâ tunicâ muni-  
tur, ita ut, si extra modum accumuletur  
urina, vesicæ latera nequeat perrumpere;  
quia non impetu aliquo illabitur, ideo ne-  
que momento aliquo in eâ impingit. Sola  
verò pressione laterali, quâ vi fluida om-  
nia pollent, latera ita valet distendere, ut

a River. Etmuller.

ea minimè se contrahere queant, adeoque neque *urinam* foras pratrudere; h. e. tanta est *urine* quantitas, ut major sit, quàm quæ à vi *tunicæ musculosæ* moveri possit, adeoque actio musculi suspenditur. Neque musculus priùs se contrahet, quàm aut *momentum* ipsius intendatur, ita ut *urine* ponderi præpolleat, aut ipsa, quæ vim musculi oppugnat, Cathetere eliciatur *urina*. Etiam in hoc casu *Ischuriam* multum adjuvat *vesicæ Sphincter*: qui, cum sit musculus perpetim contractus, nisi quanto ab *antagonista* & *urine* pondere, superetur, fortius certè contrahetur, si nulla ab *antagonista* oriatur *contranitentia*: *Antagonista* verò est *detrusor urine*; sive ipsius *vesicæ tunica muscularis*; cujus actionem ab *urine copia* suspendi jam ostendimus. Aliter omnino se habet in *vasis uterinis Plethora*: his enim non tantum *pressio*, eaque *perpendicularis*, sed & *ictus* satis validus à sanguine inducitur, & tantum abest, ut horum canalium latera musculosa sint, ut ne musculis quidem fulciantur; ita ut, si permaneat *Plethora*, rupturam effugere non possint, uti in præcedentibus demonstratur. Ipsa igitur *Plethora*, per se spectata, *men- ses nequaquam supprime*; potest verò san-

sanguis redundare, licet non fluant menses. Supponimus itaque in hoc casu nullum esse in *canalibus* vitium ( si enim esset, huic tribui deberet *suppressio*, non *Plethora* ) adeo ut in sanguine quærenda sit suppressionis causa. Cum verò *quantitas* sanguinis in culpa esse nequeat, ( ea enim, uti vidimus, fluxum promoveret, non supprimeret ) restat, ut *qualitatum* aliqua suppressionem hanc introducat: è quibus nulla æquè ad hanc rem instructa est, ac *visciditas*. Cum enim sanguis *lentior* sit, & particulae ejus tenaciter inter se cohaereant, adeoque magnitudine excre-  
scant, per ostiola vasorum *capillarium* minimè traduci potest; in quibus itaque orietur *obstructio*: obstructis porro his meatibus, per quos facilem egressum sibi comparare affuevit sanguis, intra *majorum* canalium latera conclusas est, quæ nimis robusta sunt, quam ut ei exitum aperire cogantur. Hoc igitur & nullo alio, quod sciam, modo efficietur menstrui fluxus *suppressio*, etiamsi adsit *Plethora*: ipsa tamen *suppressio* non *Plethora* propriè, sed sanguinis *lentiori* tribuenda est.

3. Si ideo fluerent Menses, quod sanguis quantitate modum excedat, per alia vasa, pulmonum puta &c. potius, quam per uterina-  
rum.

*erumperent*. Sed huic argumento abunde satisfactum puto in iis, quæ de *uteri* situ & structura differui: unde *uterum*, præ aliis omnibus corporis fœminei visceribus, ad evacuandos menses accommodatum maximè, & quasi natum esse demonstratur. Quod si *uterina vasa* paulo magis indurescant, & tenaciora fiant, aut intensius crescat *Plethora*, sanguis per alios canales iter suum expugnabit; ita ut fœminis, quibus via per *uterum* præcluditur, per *nares* sæpe, aut *pulmones* evacuetur sanguis *Plethoricus*; pariter ac in iis, qui *vino* liberius indulgent, frequentissimè observatur ex *naribus* quasi critica quædam sanguinis eruptio.

Afferri potest & aliud contra *Plethoræ* argumentum; nempe si in fœminis accumuletur *Plethora*, ut ad fœtum nutriendum magis idoneæ sint, cur eadem in *brutis* deficiat, quæ non minùs fœtus suos nutriunt, quàm mulieres? Utcunque res satis obscura sit, hoc certè ex iis, quæ cap. 3. & 5. diximus, sine dubio concludi potest, cum *bruta* mensibus omnino libera sint, eundemque semper, post ætatis florem, corporis statum conservent, in iis quotidianas omnes evacuationes alimentis assumptis respondisse: nisi alia



alia quæpiam in iis sit evacuatio menstrua, uti in *viris* observavit *Sanctorius* <sup>a</sup>. Idem de *fœminis*, quibus *ante prægnationem* menses non fluunt, dicendum est. Cum verò utero gerant *bruta*, quia aliquid in *fœtus* usum conferunt, non fieri potest, quin *gestationis tempore*, aut nutrimentum solito plenius accipiant, aut minus solito remittant. Itaque in *brutis prægnantibus*, canibus præsertim, acrior solito observatur voracitas. Hoc enim præcipuè est, pro quo contendimus, quòd *menses* in sanis mulieribus à *Plethora* unicè proveniant: quòd si nonnullis menses defuerint, non ideo tamen defunt suppetiæ, unde satis nutrimenti in fœtum impendi possit. Igitur mulieres aliquas sine mensium profluvio *concupere* posse arbitratur *Aristoteles* <sup>b</sup>, viz. „ quibus tantum humoris colligitur, „ tur, quantum iis, quæ purgantur, re- „ stare solet post purgationem; quan- „ quam non tanta copia est, ut foras pos- „ sit profluere „. In hoc quippe singulari admodum casu necesse est, ut mulieri & *ante graviditatem* eadem fuerit evacuationis additionisque proportio, & *jam prægnanti* evacuationis solitæ imminutio.

Atque

<sup>a</sup> *Med. Stat.* 1. 63.

<sup>b</sup> *Hist. Anim.* 7. 2.

## 46 *Argumenta contra Pleth. refell.*

Atque hæc de *Plethora* natura dicta sunt : quâ rite intellectâ & perpensâ , profluvii uterini causa , quæ multos diu torfit , facillimè deducitur . Ita clarè res omnis vel etiam à tyronibus concipi potest , ita simplici modo , & naturali maxime , effectus menstruorum omnes à *Plethora* fluunt , ut satis mirari nequeam , ad aliam causam confugere posse auctores . Quodd si in sequentibus ostendero , quodd *symptomata* omnia , quæ à mensium vitio oriuntur , huic de *Plethora* doctrinæ optime respondeant , ab eaque facillè derivari queant ; quodque ipsa demum *medendi methodus* sententiæ nostræ suffragetur , nihil est quod ulterius vel à scepticis desiderari possit .

Cùm verò *Plethora efficiens* mensium causa statuarur , intelligat lector , me semper de mulieribus *sanis* , & rectè se habentibus , loqui . Menses enim proveniunt sæpe à nimia *vasorum imbecillitate* , ab *humorum acrimania* , &c. Hæc verò ceteraque id genus similia *vitia* sunt , quæ sano corpori abesse supponimus .

## C A P. VII.

## De Periodis.

**I**Nter eos, qui menstrui fluxus causas sibi visi sunt investigasse, nemo fere est, qui *periodorum* rationem exponere conatur; sed satis habet unusquisque, eas aut ad *lune motum*, aut ad arcanam quandam *nature legem* referre: etiam qui in *fermento* toti sunt, id ipsum ad *periodos* explicandas parum adhibent: quamvis *ensem Delphicum* nacti fuerint; qui in omnes partes torqueri, ad omnia fluxûs hujusce mysteria æquè accomodari posset. Sed hoc *periodorum* negotium omnes abstrusum quiddam opinantur, commentis certè suis reddiderunt obscurissimum: licet, si *natura duce*, non *hypothesi* aliqua; ad veri investigationem utamur, nulla facilior aut magis simplex excogitari potest, quàm tota hæc de *periodis* doctrina.

Ea nempe, quæ *capite tertio* de *Plethora* dicta sunt, adeo certa & perspicua credimus, ut nemini jam dubium sit, *perspirationem in foeminis debitâ minorem esse*. Imminutione igitur perspirationis non sup.

suppositâ modò , sed & demonstratâ , videamus quid inde depromi queat ad hoc *periodorum* intervallum luculentiùs explicandum . Cùm deficiat in muliere perspiratio , necesse est aliquid indies intra vasa coacervari , unde paulatim crescat *Plethora* . Quæcunque igitur sit quotidiani alimenti mensura , si singulis diebus accumuletur intus ipsius *pars tricesima* , ( quæ perexigua quantitas videbitur , si eum ea conferatur , quam *unius noctis* spatium , levi de causa , impediri posse ostendit *Sanctorius* ) intra triginta dies accumulabitur quantitas , victui quotidiano æqualis : adeoque , si alimenti mensura sit lib. 2. ( quæ tamen usitatâ semper ferè minor est ) erit pars ipsius tricesima , in sanguine singulis diebus redundans ,  $3 \cdot 6 \cdot \frac{1}{3} \cdot \frac{2}{3} = 2$  ; & intra *ensem* , seu dies triginta , sanguinis aucti copia erit  $3 \cdot 192$  , seu lib. 2. quæ quatuor uncis excedit copiam sanguinis , fluxu menstruo effusam . Igitur satis esset sanguinis *Plethorici* , ut lib. 1.  $\frac{2}{3}$  , quæ vulgaris est *Catameniorum* mensura , singulis mensibus effundi posset , si non ultra  $3 \cdot 5 \cdot \frac{1}{3}$  , quod perpussillum est , per diem imminueretur perspiratio . Et hoc quidem modo facillimè concipitur , dierum triginta spatio increlescere posse *Plethoram* ; quæ quibus viribus

viribus ad *vasa uterina* perrumpenda sit instructa, in iis, quæ ante diximus, satis explicatur; quibus tamen, perspicuitatis gratiâ, etiam hoc adjici potest, unde clarius fortè elucebit augendi in *Plethorico* sanguine *momenti* ratio. Quantitas sanguinis, mense quolibet evacuati, cum sit 3 20, totius massæ sanguinæ (quæ vulgo æstimatur lib. 19. vel 20.) est *pars* circiter *decima*; hac igitur sanguini accessione facta, sub fine cujusque currentis *periodi momentum* sanguinis erit *decima parte* fortius, (& hoc quidem ex sola *quantitate* aucta, ne de *velocitate* aliquid dicam, quæ, si sanguis recte se habeat, augetur etiam in *Plethorâ*) singuli porro in corpore canales *decima parte* prementur magis, & distenduntur: ita canales pressiorem die uno aut altero ante fluxum *undecima parte* adauctam sustinere possunt, (sanguinem enim intra latera sua coercent) *decima* verò accedente locum cedunt; uti lancibus, ad æquilibrium perductis, si quid ultra adjicias, præponderat. Quod tum ex iis, quæ de *causis Plethoræ* exposita sunt, tum è re ipsa faciliè & evidenter innotescit. Menstruis igitur *fluentibus*, vasa omni eo sanguine, qui *Plethoram* constituit, deplentur, cessat.

Tom. I. D san.

*santibus* verò , ad consuetum corporis pondus redeunt mulieres : unde iterum deficiente perspiratione necesse est , ut intra idem tempus eadem accumuletur *redundantia* . Quòd si detur , vasa sanguinea ab hujusmodi *Plethora* semel dirumpi posse , sequitur omnino , si similis *menſe quolibet* redeat *Plethora* , eundem itidem fluxum reverti debere : deficiente verò in fœminis perspiratione , abunde ſufficit *interval-lum menſtruum* , ut *Plethora* talis increbreſcere , & accumulari queat . Ita muliebrem fluxum ſtatis & definitis temporibus redire æquè neceſſarium eſt ; ac *anni tempeſtates* , ſuo qualque ordine iisdem vicibus *quo:annis* reciprocari : nec magis mirum eſt , profluvium hoc *menſtruâ periodo* , revolvi , quàm *annuâ æſtatem* . Effeetus enim perpetuò idem erit ſibiſque conſtans , niſi aliqua cauſæ acciderit mutatio ; hanc verò poſſe accidere , tum in *menſium* tum in *annorum* recurſibus , ſatis arguunt & incerta in hoc fluxu *periodorum* intervalla , & varia *tempeſtatum* viciffitudo , ſed hoc cauſis , quæ utrinque ſe admiſcent , tribuendum eſt , adeoque nihil detrahit de effeetu *cauſæ Primariæ* neceſſario , & conſtanti . Utcunque enim cuique tempeſtati ſtatæ ſint ſuæ *recurrendi vi-*  
ces,

ces , multa tamen intercedere possunt , & frequenter solent , sive *terre* aliquo , sive *aëris* vitio , quo minùs aut debitis intervallis redeant , aut solennem cursum absolvant : par est in *fluxu uterino* periodorum ratio ; quibus licet spatium menstruum præscripserit natura , eæ tamen ab extraneis causis sæpe turbatæ , tum ultra , tum citra fines suos consistunt .

Nequid verò desit , quo menstrui recursu ratio melius intelligatur , aliarum rerum , quæ statis temporibus *periodos* suas repetunt , *phenomena* consulamus . Ex hac classe notissima est , licet parum vel explicata vel intellecta , *Febris intermittens* . Hujus originem à *lentore* sanguinis rectè deducit , *Theoriæ* ut ita dicam *medicinalis* inventor primus , *Bellini* : de quo qui dubitat , adeat exquisitissimum illius de *Febribus* tractatum . Dato itaque sanguinis *lentore* , fluidorum circulantium particule aliquæ majores erunt , quàm ut tenuia *capillarium* vasorum ostiola transire queant : in iis igitur adhærescent hæ particule , quæ indies novis suppetiis auctæ , canalium orificia ita sensim obstruent , ut tandem per ea , si modò ullus , difficilis certè pateat sanguini trajectus . Inde est , quòd *extrema frigescent* , quia sanguis ad ea

D 2 . non

non pervadit . Redundante igitur in *majoribus* ramis fluidi copia , cor crebriùs validiùsque contrahitur , & proinde adeo augetur sanguinis *momentum* , ut vasa rupturam effugere non possent , nisi fluidi portio per aliquos meatus foras extrudatur . Ita in *febre intermittente* post *frigus* invadit demum *calor* ; donec , accedente *sudore critico* , *paroxysmi* fiat *olutio* : quia scilicet , materiâ per poros uberrimè evacuatâ , deplentur canales , ita ut sanguis per vascula tenuiora usitato more circulari queat . Eodem verò manente sanguinis *lentore* , eadem rursus fit ad vasorum orificia humoris *viscidi adhesio* , eademque sensim crescet obstructio ; ita priori prorsus similis redibit *paroxysmus* . Quod si idem in sanguine permaneat *lentor* , quid mirum est , morbum ita periodos suas ordinare ; ut *eodem die* , etiam & *eadem hora* , ingruat denuo *paroxysmus* ? quidni *secunda* vice idem redeat typus , ac in *prima* fuit , cum causa *paroxysmi* sit eadem ? Absurdum esset , si à *lentore* , uti explicatum est , derivetur morbus , *febrem* modò hoc , modò illo intervallo exacerbecere , cum in *lentore* , qui inducit febrem , nulla prorsus fiat mutatio . Quòd si fiat , mutabitur etiam *periodus* , & morbi *typus* .

Ea-



Eadem omnino est in profluvio menstruo *periodorum* ratio ; si enim quantitas materiæ perspirabilis , per dies singulos retenta , eadem sit , eadem prorsus orietur *Plethora* , à qua ad definitum tempus continuò provocabitur fluxus uterinus . Sin intercefferit aliquid , quo minùs ad consuetum modum perveniat *Plethora* , tum etiam morem suum variabit *periodus* , uti in sequentibus dicitur.

*Periodicam* etiam in *viris* evacuationem observat *Sanctorius* <sup>a</sup> : „ Corpora nempe „ virorum sana , & moderatissimo victu „ utentia , singulis mensibus fieri solito „ ponderosiora , unius scilicet duarumve „ librarum pondere , & redire ad consuetum pondus circa finem mensis , sed facta crisi per urinam paulo copiosiore , vel turbidiora .

Hinc facillè patet , quòd in viris quolibet mense hæc , de qua loquitur *Sanctorius* , critica fiat per urinam evacuatio , quia quolibet mense augescit pondus , seu quod idem est , humorum in corpore *plenitudo* ; quæ si nulla esset , neque ulla prorsus sequeretur evacuatio : quamdiu verò data quantitas singulis mensibus ac-

D 3

cu-

cumuletur , tamdiu , exacto mense , *periodica* recurret *crisis* .

Ad hunc modum si eâdem vivendi ratione uterentur fœminæ , eandemque accumularent *Plethorâ* , redirent semper menstruorum *periodi* . Sed quia aliis alia est temperies , ætas , regio , & victus consuetudo , fieri non potest , quin in diversis fœminis longè diversa sint *periodorum* intervalla . Quodd si quis varietatis hujusce causas exploret , videbit hæc omnia fluxus reciprocantis tempora , ita inter se discrepantia , à vario *Plethoræ* statu unicè pendere , Hoc quoniam à scriptoribus parum animadversum est , in causa fuisse videtur , quodd apud illos prætermittatur omnis de *periodorum* ratione disquisitio : consilio quidem satis prudenti ; cum neque à *Luna* , neque à *fermento* , neque ab ipso , quem pro arbitrio regit *Helmon-tius* , *Archæo* , commodè deduci possit varius ille , qui in *periodorum* recursibus contingit , typus . Quippe , quia in causis istis nulla queat esse diversitas aut inconstantia , erit etiam determinatus atque unicuique agendi modus ; ita ut , si ab his omnino excitarentur menses , in omnibus æquè , perque eadem intervalla efflorescerent . Sed ea pene infinira est *periodorum*

*varietas*, quæ à nulla, nisi perquam mutabili, causa derivari potest; qualis quidem est *Plethora*, mille modis mutari facilima; quemadmodum ostendent sequentia.

In *biliosis* enim *temperamentis*, uti diximus, paulo maturius fluunt menses, citiusque periodos suas conficiunt. In hoc nimirum temperamento sanguis non uberior modò, sed fluidor tenuiorque fit; ita quò minus inter se cohæreant partes sanguinis, cum citius calorem concipiant & facilius rarefiant, majus spatium occupabunt; adeoque arterias latius distendent. Unde in *bilioso* temperamento observatur *pulsus magnus*, *corpus macilentum*, ad *iracundiam* etiam, & ad *Venerem proclivitas*; quæ omnia sanguinis abundantis signa sunt: ita ut temperamentum hoc vulgari nomine rectius dicamus *sanguineum* (sic enim temperamenti *causa* exponitur) quàm *biliosum*, cum major *bilis* secretio à sanguinis *abundantia* necessario, tanquam *effectus*, fluat. Igitur, cum hujusmodi mulier ad *Plethoram* citius perducta sit, patet, quare ei & ante consuetum tempus fluant menses, & breviori periodo recurrant. In his etiam citius terminatur fluxus, quia sanguis, tenuis cum sit & sub-

tilissimè comminutus , per vasa liberius egeritur .

Ita si *regio paulo calidior* sit , anno uno aut altero secundum septenarium antevertunt menstrua ; ratio eadem est ac in priori casu ; calore enim intensius rarefcit sanguis . Inde etiam fit ut iis , quæ propius ad *Æquatorem* sita sint , copiosius fluant menses . Contra *frigore* ad *Plethoram* tardius affurgit mulier ; itaque menses in *regionibus Borealibus* secundum septenarium sæpius excedunt ; hinc in urbibus , ad ventos *frigidos* sitis , virgines tardius pubescere scribit *Hippocrates* <sup>a</sup> . Etiam in *Scythicis* mulieribus notat profluvium uterinum , non modò *rarius* , sed & *parcius* quoque reperiri <sup>b</sup> .

Fœminis *gulæ deditis* , & genio liberius indulgentibus , fluxus sæpe ad *sextum* diem extenditur : quò enim major alimenti copia suscepta sit , eò amplior erit sanguinis redundantia : quæ cùm sit evacuationis menstruæ causa , necesse est , ut magnitudini *Plethoræ* respondeat fluxus . Quibus enim corpus plenum fuerit , his plures prodeunt menses , auctore *Hippocrate* <sup>c</sup> .

ta

<sup>a</sup> De Acr. 7.    <sup>b</sup> De Acr. 48.    <sup>c</sup> Morb. Mul. l. 19.

ta quibus major est vasorum amplitudo, uti *macilentis*, & corpus minus perspirabile, uti *otiosis*, copiosius fluunt menses <sup>a</sup>, Idem in *mollibus* mulierculis, in quibus humores abundant, observat *Galenus* <sup>b</sup>: cui etiam convenit illa *Hippocratis* sententia, *aquosis* (i. e.) perquam humidis diu durare menses <sup>c</sup>.

Contra in *obesioribus*, uti notat *Hippocrates* <sup>d</sup>, & iis, quæ aut *tenui victu*, aut *exercitio* multo utuntur, citius terminatur fluxus; in quibus quidem omnibus minor est *Pletbora*: quæ enim tenui victu utuntur sanguinem non accumulunt; quæ exercitio multo, per poros dissipant & absument. Hinc *rusticæ* mulieres, quæ laboribus affuescunt, parcius purgantur. In *obesis* verò, sanguis non intra vasa coærvatur, sed in habitum corporis diffunditur, uti *capite sexto* probatur: igitur hæ venis angustioribus præditæ sunt, & ad concipiendum ineptiores. Fluxus enim menstruus, quanquam conceptui non prorsus quidem *necessarius*, facit tamen, ut *facilius concipiant* mulieres: quippe vias uterinas ita aperit, ut liberior fiat semini in

<sup>a</sup> *Duret. in Holler. 253.* <sup>b</sup> *Morb. vulg.* <sup>c</sup> *Epid. 6. 1.* <sup>d</sup> *Morb. Mul. 1. 15.*

in sanguinem introitus . Hinc *Scythicas* mulieres ideo *infecundas* esse dicit *Hippocrates* <sup>a</sup>, quia menstruis parcius purgantur . Deficiente igitur sanguinis quantitate , brevi peragetur fluxus , ita ut apud *Hippocratem* tanquam *obesitatis* signum habeatur , si infra *triduum* consistat purgatio <sup>b</sup> . Eadem de causa *obesis* menses citius multo cessant , scilicet à tricesimo aut tricesimo quinto anno , uti auctor est *Forestus* <sup>c</sup> . Notetur etiam in his menses prorsus *supprimi* sine noxa ; uti & in iis , quæ venam frequenter secant : quod & scriptores annotârunt , & confirmat experientia ,

Pari modo in puellis *minüs sanguineis* seriùs erumpunt , & parcius fluunt menses , quia tardius crescit *Plethora* ; cujus etiã defectu fit , ut foëminas , ex *diuturniore morbo convalescentes* , tardè admodum revísant menstrua , sanguis enim , morbo *chronico* exhaustus , pristinum statum non nisi difficillimè recolligit .

Ita in diversis foëminis discrepant *periodi* ; quæ tamen in eadem non minùs variæ sunt , prout ætas & vivendi ratio est diver-

<sup>a</sup> De Aer. 48. <sup>b</sup> Morb. Mxl. 1. 15. <sup>c</sup> Lib. 28. Obsf. 3. Gal. Cur. Morb. per V. S. Forest. ib.

diversa . Quarum tamen *periodorum* ea est indoles , ut quò minùs statæ atque definitæ , eò magis rationi consentaneæ sint , & vario *Plethora* , unde oriuntur , genio respondeant , Quid enim magis naturale , quàm ut pro varietate ætatis varietur etiam *periodus* , cùm alia in *pubescentibus* , alia in *adultis* , alia demùm in *provetioribus* sit *Plethora* ? Quippe in *puellis* , menstruo sæpe longius reperitur periodi intervallum ; quia , cùm plurimum sanguinis in corporis nutrimentum cedat , in vasis lentius augetur *Plethora* . Cùm vero ad debitum incrementum pervenerit mulier , sanguis , nutritionis munere solutus , potest eam singulis mensibus accumulare *Plethoram* , quæ uterina vasa faciliè perumpat . Ætate porro in *senium* vergente , imminuuntur vires , & deficit paulatim sanguis ; ita ut tardius sit plenitudinis augmentum , & diuturnior periodi mora : hinc sæpe anno uno aut altero ante septimum septenarium , *bimestris* observatur . aut *trimestris* *periodus* ; donec gradatim imminuti menses tandem penitus intercitant . Par est à *vivendi ratione* *periodorum* discrepantia : si *labori multo* & *diætæ tenui* affuescat mulier , vel quacunque alia de causa humores minùs accumulet ,

let , longioribus intervallis celebratur fluxus ; eadem si *lautius* victitet , aut *Plethoram* quovis modo intra vasa coacervet , frequentius purgatur : uti in sequentibus clarius patebit .

Vidimus magnam in *periodis* diversitatem ; quâ tamen ita parum evertitur nostra de *Plethora* sententia , ut vix firmiori argumento stabiliri queat . *Urinæ* excretionem tardius vel citius fieri , prout *potulentorum* copia diversa est , fatentur omnes , etiam in *pratis* non æquè ingentem quotannis diluviem , sed eam , quæ *intumescenti flumini* optimè respondeat , expectabunt : quidni etiam & menstrui fluxus *periodos* , variis *Plethoræ* gradibus consentientes , expectent ?



## C A P. VIII.

*Phænomena Mensium explicantur .*

**V**Asa uterina , *menstruis instantibus* , plethorico multum *distendi* sanguine satis nos probavimus , & , qui *fœminas menstruales* secuerunt , testantur *Anatomici* \* :  
quòd

\* *Graaf. Highmor. &c.*



quòd si ab hac plenitudine ceterà proflu-  
vii hujusce Phænomena optimè deduci  
possint, nihil est quod ad theoriam hanc  
illustrandam adjici queat.

Pro nobis igitur faciunt ea, quæ instan-  
te fluxu ingruere diximus, symptomata,  
*æstus scilicet & dolor partium vicinarum,*  
*ad lumbos præsertim & coxas, aliquando et-*  
*iam inflammatio; Cephalalgia, crurum las-*  
*situdo, appetitus remissio, & languor:* quæ  
omnia à sanguinis *Plethora* commodè de-  
duci possunt. In hac enim sæpe diximus  
*momentum* sanguinis intendi; unde *calor*  
erit etiam intensior: qui à circulante san-  
guine ita pendet, ut nihil aliud sit, nisi  
partium sanguinis in se invicem impetus,  
& attritio. Motu verò aucto, uti in *Ple-*  
*thora* fit, sanguinis major est attritio;  
quia humorum tum *quantitas*, tum *veloci-*  
*tas* augetur: ita utraque de causa incre-  
scet *calor*; qui si nimius fuerit, *febriculam*,  
quam & frequenter observant *practici*, &  
*phlogosin* pariet.

Cum porro in *Plethora* canalium la-  
tera ita distendantur, ut minor sit fi-  
brarum inter se cohærentia, orietur con-  
tinui solutio, & proinde etiam *dol-*  
*or*. Hinc *menstruis ex graviditate sup-*  
*pressis abesse dolorem* scribit *Hippocra-*  
*tes* \*;

tes <sup>a</sup> ; quia scilicet in vasis maternis non redundat , sed ad fœtum deducitur sanguis plethoricus . Caput verò faciliè invadit dolor , quia cerebrum , uti est par omnium mollissima , & vasis etiam sanguineis plurimum referta , ita fibras habet , humbrum impulsui minùs renitentes , promptiusque solubiles . Igitur hos in capite dolores , circa progressum mensium , virginibus potissimum adesse notat Hippocrates <sup>b</sup> . Cum dolore capitis , vesiculas etiam pone aures intumuisse , instante fluxu , memorat Paulinus <sup>c</sup> . Memoratur etiam à Baglivio periodicus in ossibus clavicularum tumor <sup>d</sup> . Partes denique utero vicinæ præ aliis magis dolent , quia in ea potissimum regione , propter vasorum multitudinem , accumulatur Plethora : & quia lumbi & coxæ nervos habeant cum iis , qui ad uterum excurrunt , communes , eos consentire , & unà quasi pati non posse , si quis neget , idem etiam ne sentire quidem dicat . Aliquid etiam mutuo huic consensui , ligamentorum interventu , accedere potest .

Crurum lassitudo inde venit , quòd vasa  
uteri-

<sup>a</sup> Nat. Puer. 1. 6. <sup>b</sup> Prædict. 2. 39. <sup>c</sup> Med. Septentr. p. 34. <sup>d</sup> Fibr. Morr. p. 5.

uterina , cum sanguine adeo intumescant ,  
origines nervorum , qui ab *osse sacro* ad  
*crura* deferuntur , comprimant ; istiusmo-  
di autem compressio spiritus intercipit ,  
& quendam quasi *stuporem cruribus* indu-  
cit : qui ob eandem causam in *gravidis* fe-  
rè semper accidit ; uti & non rarò in iis ,  
quibus *urina* diu *supprimitur* . Igitur , ob-  
structis mensibus , *claudicationis* periculum  
esse scribit *Hippocrates* <sup>a</sup>.

*Remittitur* etiam *appetitus* : quia sanguis  
ita ultra modum rarefcit , & *ventriculi* ar-  
terias dilatat , ut nervi admodum com-  
primantur : quò fit , ut spiritus in tuni-  
cam *ventriculi* musculosam copiosè satis  
influere nequeant , adeoque debita inhi-  
beatut contractio . Contractione verò im-  
pedita , *appetitus* , sive à *laterum attritu* ,  
sive ab *humore ventriculi* proveniat , neces-  
sariò languescit : neque enim , nisi satis va-  
lidè contrahatur *ventriculus* , aut latera  
contactu possunt atteri , aut humor è tu-  
nicis educi . Ita sæpe *cardiaca* & *opiata* sto-  
machi aciem retundunt .

*Languor* verò invadit ; quia in *Plethora* ,  
& nimio pondere laborat corpus , & te-  
nera *cerebri vascula* ita turgescunt , ut  
com-

compressu suo omnes pene in *nervis* aditus præcludant ; hinc in membra minor derivatur spirituum copia .

Ita plerumque se habent , *instante fluxu* , mulieres : idem quoque in *viris* , quibus menstrua illa , de qua diximus , obtingit evacuatio , observat *Sanctorius* <sup>2</sup> : „ ante „ crisin nempe menstrualem , vel gravita- „ tem capitis , vel corporis lassitudinem „ perferri , & deinde paulo copiosiori „ urinâ evacuatâ omnia sedari . Pari „ modo in *fœminis* , simulac defluxe- „ rint *Catamenia* , pristinus reflorescit „ vigor .

Hæc omnia ferè a *Pletbora* oriri posse symptomata , idonei testes evincunt , *E- brii* .

Huc etiam illud referri potest , quòd in *puellis* , viz. menstrua nondum passis , *mammae* sæpè ante fluxum *intumescunt* & *sororiant* : etiam in nonnullis *fœminis* instante fluxu , *ventrem* ita inflatum fuisse novi , ut planè *Tympaniticæ* viderentur ; quòd unde deduci queat , nisi à *Pletbora* , non video . Neque id sanè prætereundum est , his , quæ fluxu mensium instante accidunt , symptomatis , præ ceteris obno-  
xias

xias esse eas , quæ vitam agunt otiosam , aut nunquam pepererunt ; in quibus facilius crescit *Plethora* .

Pari modo diversitas *quantitatis* emissæ *Plethoram* arguit ; ea quippe ad ætatis usque *florem* augetur : quò enim propius ad debitam molem accedat puella , eò minus sanguinis in corporis habitum ad nutriendas partes impenditur , adeoque uberius in vasis coacervatur sanguis . *Florente ætate æqualis* permanet , quia nempe , cùm augmenti terminum semel attigerit corpus , in eodem prorsus statu diu viget . *Ætate rursus declinante* , paulatim minuitur ; *senectâ* enim obrepente , tum minor indies fit humorum redundantia , tum vasorum fibræ rigidæ magis & duræ evadunt : ita ut neque ea ætate accumuletur *Plethora* , neque si accumuletur , propter vasorum *tenacitatem* depleri possit . Igitur *aniculas* sicciore , & sanguine minus abundantes rectè pronuntiat *Hippocrates* <sup>a</sup> . Hoc in loco haud alienum erit *Plethoræ* originem paulo altius investigare , causasque exponere , quare nec ante *secundum septennarium* incipiat fluxus menstruus , nec *ultra septimum* perduret : cuius rei rationem

Tom. I.

E

nem

nem primus tradidit vir in *Oeconomia Animal* scientissimus, *Cokburnus* \* . Corpore quippe tenello adhuc & pubescente, *fibræ* ita *flexiles* sunt, ut pori omnes, quemadmodum *Hippocrates* loquitur, faciliè pervii sint & perspirabiles; quod satis testatur ea, quæ in *junioribus* reperitur, in *sudorem* præclivitas. Ideo quicquid alimenti suscipitur, vel in partes nutriendas cedit, vel si quid superfluum sit, per poros promptè egeritur; unde nulla eâ ætate accumulatur, quæ menses provocet, *Plethora*. Cum verò augescente corpore *fibræ solidæ* magis & *duræ* evadant, quod circa *pubertatis* annos semper fit, necesse est, ut pori sive capillarium vasorum orificia multò quam priùs angustiora sint; ita ut, orificiis contractis, minor fiat per minima vasa secretio. Secretione igitur ad hunc modum deficiente, in sanguine redundant, qui à nutriendis partibus residui sunt, humores; à qua humorum *redundantia* excitantur menses. Pariter eâdem de causâ, & *pueris pubescentibus* frequenter accidit *narium hæmorrhagia*. Quoniam verò lentè & gradatim fiat hæc *fibrarum* *davities*, ideo pariter sensim

ſenſim augeſcit *Plethora* : ita ut , cùm primò incipiat , valde mediocris ſit , deinde cum ætate increſcens augmenti ſummam paulatim attingat . Cujus quidem rei veritatem abunde confirmat experientia ; in *puellis* enim jam pubeſcentibus copiâ ſatis *exiguâ* erumpunt menſes , qui , cùm *Plethoræ* reſpondere debeant , eadem etiam ratione uſque ad *ætatis* *florem* augeſcunt .

Menſes verò ultra *ſeptimum ſeptenarium* non perſiſtunt , eò quòd uteri vaſa *robuſtiora* ſint , quàm quæ à ſanguinis momento perfringi queant : hoc autem *vaſorum robur* inde naſcitur , quòd in *ſenectute* non modò fibræ rigidæ magis & renitentes fiant , ſed *capillarium oſcula* , ex quibus fluere conſuèrunt menſes , continuâ tandem *cicatrice* , quaſi callo , ita obducta ſunt , ( quemadmodum in *hæmorrhoidibus* ſæpius *incisus* contingit ) ut per ea nullus ultra pateat ſanguini exitus . *Capillaribus* verò occluſis , *majora* vaſa , utcunque increbrefcat , *Plethora* , fruſtra impetuntur . Quòd ſi ad hanc normam in *provehrioribus* ſubito reſtriçti eſſent menſes , ingruerent ſanè ea , quæ in *ſuppreſſione* menſium accidere ſolent , ſymptomata . Hoc igitur ut vitari poſſet incommodum , ſapienter inſtituit natura , ut quemadmodum creſcente æta-

te paulatim augescunt menses, eadem declinante lentis etiam gradibus deficient. Ita ferè semper ante annum 49. non modò copia sensim minuitur, sed variùs recur-  
runt *periodi*. Vasis igitur uterinis ad hunc modum renitentibus, supponatur primo tempore intra canales retineri menstruorum partem vicesimam, sive  $\frac{1}{20}$  quæ cùm quantitas sit admodum exigua, per alias vias commodè satis evacuari potest; h. e. potest alia evacuatio ita augeri, ut mensium defectum suppleat: præsertim cùm nihil frequentius accidat, quàm ut, una evacuatione diminuta, alteram tanquam vicariâ increseat; quemadmodum ex. gr. *poris* frigore conclusis, succedit frequentissimè *alvi fluor*. Periodo igitur secundâ supponatur effusi sanguinis quantitas non ultra  $\frac{1}{18}$  assurgere; facile certè concedi potest, ut altera illa evacuatio eâdem etiam ratione augeat. Adeo mensibus sensim deficientibus, alia *secretoria*, assuetudine continua, ita se tandem comparabunt, ut *Plethoram*, quæ mense quolibet coacervatur, excipere & deplere possint. Igitur *provehentioribus* nullum gravius symptoma accidit, quanquam defecerint menses. Huic sententiæ multùm favet *Sanctorius*, qui in *senectute* augeri perhibet  
eva-



evacuaciones *sensibiles* . Id etiam pro nobis facit , quod perpetua ferè obſervatione comprobatum eſt , pleraſque ſcilicet mulieres , ſimul ac menſibus deſtitutæ ſint , habitum *pleniorẽ* contrahere , & *pingueſcere* . Ita poſſunt deficere menſes , cùm parum interim deficiat *humorum copia* ; quodd ſi ea etiam defecerit , uti in *ſenili ætate* plerumque fit , alia erit ratio , cūr , citra ſanitatis noxam , *ſeptimo ſeptenario* ceſſent menſtrua . Notandum eſt obiter , ab hac varia fibrarum duritiẽ plurimũ pendere diverſam illam menſium , tum *erumpentium* , tum *ceſſantium* , tempeſtatem .

In *prægnantibus* penitus deficiunt menſes ; id verò unde fit , niſi quodd aliò , ad *foetum* ſcilicet , remittitur ſanguis plethoricus ? Interdum quidem in *matre* reperitur uberior <sup>a</sup> ſanguinis copia , quàm quæ in *alimentum foetus* inſumĩ poſſit , ita ut , *gravide* licet , non deficiant menſes : itaque hæ , quibus etiamſi prægnatibus fluunt , *habiliores* plerumque , & humoribus turgentes obſervantur . *Tertia* verò *periodo* elapſa ſupprimuntur penitus menſtrua ; quia , foetu tandem increſcente , ita ut *plenius*

<sup>a</sup> Hild. c. 5. Obſ. 41. Cummius Med. Sept. 37.

nus alimentum postulet , minuitur *Plethora* . Quodd si ad ultimos menses perstiterint , *fœtus* solet esse *valetudinarius* admodum & *imbecillis* : aded vera est illa *Hippocratis* observatio <sup>a</sup> , mulieri , utero *genti* si *purgationes* prodeant , (i. e) solennes aut immodicæ , impossibile esse , ut *fœtus* sit *sanus* : cuius rei rationem alibi exponit , *mensibus* nempe *fœtus* augmentum dimitti <sup>b</sup> . Ita *gravidæ* si *lac* ex *mammis* profluxerit , imbecillum est quod intus gerit , annotante *Celfo* <sup>c</sup> , quia scilicet eas sanguinis suppetias hauriunt *mammæ* , unde debuit nutriri *fœtus* .

Pari modo *lactantibus* defunt menses ; quia ad *mammæ* avertitur sanguis exuberans , ut in *lac* , quo alatur *fœtus* , abeat : quod & notat *Hippocrates* , & quomodo ad *mammæ* potissimum dirigatur , satis *mechanicè* exponit . Igitur in his , quia nulla ad vasa sit *Plethora* , sine noxa retinentur menses , ideo neque provocari debent . Quodd si etiam *lactanti* fluant , necesse est , ut illi post ea , quæ pro lacte fiunt , impendia , sanguis adhuc *redundet* : ideo præcipuè in *nutricibus* *macilentis* , utpote sanguine

<sup>a</sup> *Aph. V. 60. Morb. Mul. 1. 44.* <sup>b</sup> *Morb. Mul. 1. 40.* <sup>c</sup> *Lib. 2. cap. 7.* <sup>d</sup> *Morb. Mul. 1. 99.* <sup>e</sup> *Nat. Puer. 21. & 22.*

guine plurimum turgentibus , reperiuntur menstrua .

Adeo omnino à *Plethora* pendet fluxus menstruus , ut si *vasa uterina* paulo robustiora sint , aut vitio aliquo obstructa , sanguis alium sibi aditum patefaciat : ita frequenter profluvii uterini alia evacuatio est vicaria . Apud auctores passim memorantur fœminæ , quibus , mensuis suppressis , sanguis stato tempore per *hæmorrhoidas* <sup>a</sup> , per *nares* <sup>b</sup> , per *poros cutaneos* <sup>c</sup> , etiam per *urinam* <sup>d</sup> , & *vomitum* <sup>e</sup> rejectus salutis fuit : quod in *aphorismis* , *criseos* signum rectè ponit *Hippocrates* <sup>f</sup> . Quod si vicaria hæc reprimatur evacuatio , gravia insequuntur symptomata : uti frequens experientia satis testatur . Extra dubium est , quibuscunque è canalibus prodeat , periodicum hoc à *Plethora* excitari profluvium ( est enim *salutare* ) & *menstruorum* nomine insigniri debere ; hæc enim non tam evacuationis locus , quàm *quantitas* & *tempus* denominat & distinguit : quæ tamen magis amant per *uterum* ,

E 4

uti

<sup>a</sup> Sennert. *Prax. lib. 3. Bonet. Med. Sep. 36.* <sup>b</sup> Borrich. *Med. Sep. 37.* <sup>c</sup> Doleus 636. <sup>d</sup> Salmuth. *c. 3. Obs. 36.* <sup>e</sup> Hæchstetter. *Dec. 2. Cas. 6.* <sup>f</sup> *Apb. V. 32. & 33.*

uti diximus , expurgari , nisi aliquod in uterinis vasis sit vitium ; quod semper accidit , cùm aliæ sanguine aperiantur viæ . Ita in hoc casu natura ipsa per *hæmorrhagiam* , quæcunque ea sit , fœminas *Plethoræ* laborantes levat : idem fit , si per venæ-sectionem arte fiat depletio , ubi in sano corpore tantum peccat *Plethora* . Quin in iis , quæ per *uterum* rite purgantur , menses semper imminuit , non raro etiam sistit , missus è brachio sanguis . Eodem modo si plethorica sit mulier , *abortum* præcavet *phlebotomia* . Mira quidem est & ad hanc rem maximè apposita , quam de muliere quadam *Platerus* <sup>a</sup> narrat , historia ; „ cui post ablatum exectumque uterum „ menses deinceps , cùm purgationis tempus instaret , per vicinam anum , statotempore , & colore convenienti , effluxere . Sanitati restituta diu postea vixit , non aliis usa remediis , quàm quòd , cùm menstrua per podicem segniùs fluerent ; venam juxta malleolum quandoque aperiret . Satis manifestum est , muliere hac eandem , ac ante uterum exectum , accumulata esse *Plethoram* , & menstrua solenniter fluxisse : quæ quomodo ,

<sup>a</sup> *Observ. Med. lib. 3.*

do , cùm paulò segniùs fluerent ; à *venæ-  
sectione* cieri & promoveri possent , in se-  
quentibus ostendetur . Memorantur apud  
*Zacutum* <sup>a</sup> , menstrua per *pollicem* periodicè  
erumpentia , quæ si fortè parciùs fluerent ,  
accessit *capitis dolor* , & *febris* .

Neque sanè adeo mira res est , menses  
per *pollicem* excerni , siquidem apud au-  
ctores non infrequens sit *sanguinis per digi-  
tos* <sup>b</sup> *evacuati* mentio . Cuidam , ab infan-  
tia usque ad annum ætatis 24 , efluxit ,  
unoquoque *plenilunio* , ex *pollice* <sup>c</sup> sanguis  
primo quidem ad 3 4 , deinde post annum  
16. ad Ib. ̄. Quo fluxu temere demùm  
inhibito , in *hæmoptoen* conjectus est . Al-  
teri ex *indice* <sup>d</sup> singulis ferè mensibus ,  
per annos 12. usque ad lib. 4. prorupit  
sanguis : in qua quidem historia hæc im-  
primis notatu digna videntur , 1. Quòd  
si *restricta* fuerit evacuatio , circa brachia  
exortus est *dolor* acerrimus . 2. Quòd quò  
*rariùs* rediret *periodus* , eò *copiosius* efflu-  
xit sanguis . 3. Quòd à *potatione* semper  
*increscibat* fluxus . Quæ omnia cum *men-  
sium phænomenis* optimè consentiunt .

Hoc

<sup>a</sup> *Prax. Hist.* 1. 3. <sup>b</sup> *Mercat. Morb. Mul.* 469  
<sup>c</sup> *Philos. Transf.* numero 272. <sup>d</sup> *Ibid.* 171.

Hoc loco non alienum erit periodicum illud memorare, quod in viris etiam interdum reperitur, sanguinis profluvium. Sunt quibus statuta fit per hæmorrhoidas <sup>a</sup> evacuatio, in aliis periodica hæmoptoe <sup>b</sup>, in nonnullis etiam mictus sanguineus <sup>c</sup>, certis temporibus recurrens, observatur. Huiusmodi enim fluxus, pari modo atque in scæminis, à Pletthora oritur, & sanitati plurimum prodest; quòd si in iis supprimatur solennis hæc purgatio, succedit morbus; uti quidam, cujus meminit d Salmuthus, "prohibito mictu sanguinis, "periodico, in summam pectoris angustiam & compressionem, maximam, "que spirandi difficultatem incidit, eam, "que paucos intra dies extinctus est." Pari modo ac ulcera & fongiculi. quibus diu evacuari consueverint humores, si subito siccantur, periculo raro vacant.

Illud etiam observatu dignum est, periodica evacuatione in huiusmodi viris suppressa, non modò sanitatem extinguere, sed eadem prorsus, ac quæ scæminis, menstruo levamine destitutis, accidere solent, oriri

<sup>a</sup> Amat. Lusit. l. 5. 3. Barthol. c. 5. 53. <sup>b</sup> Salmuth. c. 2, 3, & 19. <sup>c</sup> Id. c. 3. 47. <sup>d</sup> Ibid.

oriri symptomata ; ita ut , si suppressio diuturnior sit , evadant planè *hysterici* . In quem etiam morbum faciliè incidunt , qui vitam agunt nimis *otiosam* : à qua quidem *Plethora* origo in præcedentibus deducta est .

Quodd si in *viris* hujusmodi crescat *Plethora* , quæ fluxum perïodicum concitat ; si porrò , deficiente fluxu , eadem , quæ in *scæminis* ob menses inhibitos , oriantur symptomata , quidni etiam in *muliere* menses moveat *Plethora* , & morbos , qui à suppressis mensibus proveniunt , inducat ?



## C A P. IX.

*De iis , quæ aut citiùs cient , aut diutiùs retardans Menses .*

**E**Xplicatis igitur fluxûs menstrui phænomenis , erit forsan non inutilis opera rerum earum vires paulum expendere , quarum interventu aut *maturiùs* , aut *tardiùs* moventur menses : his enim rite intellectis , quando vitiatum fuerit hoc profluvium , istius mali non modò *causam* meli-

Hoc loco non alienum erit periodicum illud memorare , quod in viris etiam interdum reperitur , sanguinis profluvium . Sunt quibus statâ fit per hæmorrhoidas <sup>a</sup> evacuatio , in aliis periodica hæmoptoe <sup>b</sup> , in nonnullis etiam mictus sanguineus <sup>c</sup> , certis temporibus recurrens , observatur . Hujusmodi enim fluxus , pari modo atque in fœminis , à Plethora oritur , & sanitati plurimum prodest ; quod si in iis supprimatur solennis hæc purgatio , succedit morbus ; uti quidam , cujus meminit <sup>d</sup> Salmuthus , " prohibito mictu sanguinis , " periodico , in summam pectoris angustiam & compressionem , maximam , que spirandi difficultatem incidit , eâ , que paucos intra dies extinctus est . " Pari modo ac ulcera & fonticuli . quibus diu evacuari consueverint humores , si subito siccantur , periculo raro vacant .

Illud etiam observatu dignum est , periodica evacuatione in hujusmodi viris suppressa , non modò sanitatem extinguï , sed eadem prorsus , ac quæ fœminis , menstruo levamine destitutis , accidere solent ,  
oriri

<sup>a</sup> Amat. Lusit. l. 5. 3. Barthol. c. 5. 53. <sup>b</sup> Salmuth. c. 2, 3, & 19. <sup>c</sup> Id. c. 3. 47. <sup>d</sup> Ibid.



oriri symptomata ; ita ut , si suppressio diuturnior sit , evadant planè *hysterici*. In quem etiam morbum faciliè incidunt , qui vitam agunt nimis *otiosam* : à qua quidem *Plethora* origo in præcedentibus deducta est .

Quòd si in *viris* hujusmodi crescat *Plethora* , quæ fluxum periodicum concitat ; si porro , deficiente fluxu , eadem , quæ in *fœminis* ob menses inhibitos , oriantur symptomata , quidni etiam in *muliere* menses moveat *Plethora* , & morbos , qui à suppressis mensibus proveniunt , inducat ?



## C A P. IX.

*De iis , quæ aut citius cient , aut diutius retardans Menses.*

**E**Xplicatis igitur fluxûs menstrui phænomenis , erit forsan non inutilis opera rerum earum vires paulum expendere , quarum interventu aut *maturius* , aut *tardius* moventur menses : his enim rite intellectis , quando viciatum fuerit hoc profluvium , istius mali non modò *causam* meli-

melius assequemur , sed & *curationem* feliciter auspicabimur .

Ex iis , quæ *maturius* cient menses , præcipua sunt , *febris* , *coitus* , *potatio largior* , *motus violentus* , *vomit* , *sternutatio* , *iracundia* , *passio hysterica* , *solennis evacuatio inhibita* , *Plantæ Emmenagoge* dictæ : quæ omnia aut sanguini *Plethoram* introducunt , aut *stimulo* quodam vasa irritant .

In *febre* enim , cùm semper augeatur sanguinis *velocitas* , immo frequenter & *copia* , etiam intensius erit , quo canalium latera feriat & distendat , *momentum* : ita in hunc motum excitatus sanguis , tenera uteri vascula , modo a nobis antea exposito , facile perrumpet . Quæ etiam cùm ætate longa induruerint , sanguini , *febriliter* æstuanti , non semper resistunt ; uti in muliere quadam , cujus meminit *Bohnus* <sup>a</sup> , evenit , quæ , ingruente *febre* , octogenaria mensibus purgata est ,

Eodem modo in *variolis* haud raro provocatur sæpius fluxus menstruus , nempe à *febre* ; qui cùm proximo ante *crisin* die invadere solet , uti observant *præctici* , peccantis fortè materiæ aliquid abducit , & morbum judicat . Igitur menses ,  
fi

*Aut diutius retardant Menses. 77.*

si *variolis* supervenerit? raro cohibuit, sed suo more uti permisit, practicus idem & scriptor integerrimus, *Sydenhamus* <sup>a</sup>. Hinc *febres acutas* menstruis erumpentibus solvi docet *Hippocrates* <sup>b</sup>. Pari modo in *scœmina plethorica febrem synochum* mensibus, ad septem dies fluentibus, terminari scribit *Forestus* <sup>c</sup>. Quod si hujusmodi fluxus *criticus* turbetur, gravissima sæpe insequuntur *pectoris* aut *capitis* mala; uti in tribus puellis observat *Borrichius* <sup>d</sup>.

A *coitu*, præter motum illum, quo uterina vasa ceteræque corporis partes turgent atque incalescunt. admissio semine intensius rarefcit sanguis, & velocius per canales circulator, ita ut impedimenta quævis facilius perfringat. Igitur apud *Hippocratem*, sanguinem attenuare & calefacere perhibetur *coitus* <sup>e</sup>, & mensibus faciliorem exitum præsternere <sup>f</sup>. Hunc à virili semine sanguinis motum cieri satis ostendunt ea, quæ *fœminis* sub *conceptionis* tempus ingruunt, symptomata. Inde est, quod ultimum suppressionis menstruæ remedium vulgò habeatur *coitus*: quem ideo  
fœ-

<sup>a</sup> *Morb. Acut. Hist.* 280. <sup>b</sup> *Coac. Præn. f.* 226.

<sup>c</sup> *Lib. I. Obs.* 20. <sup>d</sup> *Act. Hafn. vol. 2.* 195. <sup>e</sup> *Diet. 2.* 36. <sup>f</sup> *Genitur. f.* 7.

78 *De iis, quæ aut citius cient,*

foeminis passim commendat *Hippocrates*. Qui tamen si *immodicus* fuerit, *immodicum* etiam fluxum excitabit: uti experiuntur *pregnantes*, quæ ea sæpe de causa *aboriunt*.

A *potu largiori* quomodo sanguini inferatur *Pletthora*, & proinde rapidior circuitus, ex re ipsa satis apparet.

*Motu violento* non tantum sanguinis calor increfcit, sed particulae etiam magis fluidæ, & tenues fiunt. Contractio enim musculorum, quæ in *motu violento* fit, non modò serosiorẽ sanguinis partem per poros abducit, sed id, quod intra canales circulatur, comprimendo attenuat & comminuit; ita ut aucta velocitate fortius increbrescat fluidi *momentum*, & major vasorum *distensio*: unde facilior sanguini aperiatur exitus. Ita *saltantibus* improvise sæpe erumpunt menses.

Ad *motum violentum* referri possunt *vomit*us, & *sternutatio* <sup>a</sup>: in quibus quidem non modò validissimè movetur ventriculus & diaphragma, sed vicinus etiam *uterus* ita agitur & concutitur, ut vasa, collisu hoc disrupta, sanguini locum cedant. Idem efficit corporis in *passione hysterica*  
con-

<sup>a</sup> *Hildan. c. 3. Obs. 58.*

*convulsio* ; quod in virgine quadam observat *Platerus* <sup>a</sup>.

*Affectus animi* quomodo *sanguini* novos motus introducant , fortasse arduum est explicare ; quòd verò introducant , certissimum . In *iracundia* præsertim validius contrahitur cor , increbrescit pulsus , scintillant oculi , inardescunt genæ ; quæ omnia sanguinem *motu concitatore* ferri arguunt , adeoque majore impetu in canalium latera impingere : qui si violentius impingat , facilè diffiliunt vasa uterina .

Ab *evacuatione solenni inhibita* provocantur menses , quia major in sanguine accumulatur *Plethora* , uti contrà , si præcesserit evacuatio nimia , supprimuntur , quia tum deficit *Plethora* .

*Plantæ Emmenagogæ* , cum *sale volatili* ut plurimum refertæ sint , sanguinis particulas incidunt atque attenuant , & in motum vividiores exsuscitant . De harum viribus , & operandi modo in sequentibus dicetur , sufficiat hoc in loco id solum annotare , nulla dari *Emmenagoga* , quæ non aliquo modo *momentum* sanguinis intendant : aucto verò sanguinis momento , erumpunt menses .

Huc

<sup>a</sup> *Obs. Med.* p. 191.

Huc etiam referatur *victus acris*, *tennis*, & *copiosus*: cujus exempla passim in *auctoribus* legenda.

Alia sunt, quæ menses *maturius* cient; sed ea omnia ad has, quas jam percurrimus, classes reduci possunt: aut enim *vim* aliquam vasis imprimunt, aut sanguini inducunt *Plethoram*, uti & faciunt ea, quæ jam explicuimus: quòd si hoc modo semper agant, & hujusmodi effectus producant, verisimile est, eadem esse in movendis mensibus etiam *naturæ* instrumenta.

Si quis dicat in *febre*, *motu violento* &c. sanguinem *rarefcere* tantùm, & cursu velociore circumagi, *Plethora* verò minimè laborare, meminerit ab hac ipsa *variore* sanguinis texturâ, respectu *vasorum*, veram exsurgere *Plethoram*. Si enim sanguinis particulæ, sive comminutæ, sive quocunque modo divisæ, majus spatium occupent, latera canalium æquè distendent, ac si aucta esset humorum *copia*. Ita sanguine rarefacto, erit quæ *ad vasa* dicitur *Plethora*. Id etiam reponi potest, plerasque *febres*, non secus ac menses, à *Plethora* ortum ducere.

Contrà, ea quibus menses retardantur; sunt *frigus immodicum*, *mœstitia*, *repentina*

*tina exanimatio , evacuatio nimia , victus incrassans , humorum cruditas : pharmaca astringentia : & hæc quidem omnia aut sanguinis lentorem augent , aut momentum imminuunt .*

Uti enim calore rarefcit fanguis & relaxantur fibræ ; ita frigore nimio constringuntur arctius vasa , & rigescunt . In muliebri igitur *Pletbora* , cum fluidi quantitas redundet , vasa frigore constricta exitum negant ; nec tamen ita sunt capacia , ut per ea liberè satis moveatur sanguis : unde necesse est , ut aliqua sanguinis pars tandem in minimis canalibus stagnet ; *stagnando* autem paulatim imminuetur motus sanguinis , & orietur *visciditas* . Ita utroque nomine menstrua retardat frigus , quia tum vasa constringit & roborat , tum ipsi sanguini lentorem tarditatemque inducit : hinc minor vis fluidi ad latera rumpenda . Igitur aëri frigido paucitatem suppressionemque mensum tribuit *Hippocrates* , quam & in *Septentrionalibus* esse popularem refert <sup>a</sup> . Quod si frigus , illaeso utero , ceteras corporis partes repentè corripiat , fluxum , si jam adsit , promovet : impedita enim perspiratione , major suppetit humo-

Tom. I.

F

rum

## 82 De iis, quæ aut citius ciente,

rum copia per *uterum*, frigore *intatum*, evacuanda. Ita sæpe sub fine profluvii, foeminis, quæ *subuculas* paulo *humidiores* induunt, uberius prorumpit sanguis. In his quippe protinus recrudescunt menses, etiam si cessasse videantur.

Cum *mœstitia* semper conjungitur motus sanguinis *tardior*: igitur si *timor* & *tristitia* diutius perseverant, *melancholiam* adesse pronuntiat *Hippocrates*<sup>a</sup>: in *melancholicis* potro observatur *pulsus varius*, & *facies pallida*, ob impetum scilicet sanguinis *minorem*. Ex motu enim imminuto fit, ut tardius ad *cerebrum* perveniat sanguis, à cerebro item ut *segniùs* in *cor* deriventur spiritus: momento igitur languente, vasa non ita facile perumpet sanguis. Par est ratio *exanimationis repentinæ*: in ea enim dissipantur prorsus spiritus, ita ut cor, viribus destitutum, laboret admodum, & sanguinem vix queat protrudere: unde tardior sanguinis cursus, & debilius momentum. Ita *narium hæmorrhagia* subito *terrore* sæpe restinguitur.

Menses, si præcesserit *evacuatio nimia*, sisti, aut saltem retardari debere, satis ma-

<sup>a</sup> *Aph.* 6. 23.



manifestum est : deficit enim , qui fluxum provocet sanguis . Ita post partum multæ duas vel tres periodos intermittunt ; quia nempe lochiorum fluxu pene exhausti sint humores . Pariter à diuturniore morbo imminuuntur menstrua , quia aut non suppetit sanguis , aut in partium nutritionem impenditur . Balnea & æstuaria sudorem nimium promovendo , Plethoram ideo & menses imminuunt , & tardant . Idem de ulceribus , & fonticulis diuturnis annotandum est . Novi etiam mulierem , cui ex Theæ potu urina nimia profluxerat , mensibus vice proxima immunem : alia à vena liberius secta ad spatium trimestre non purgata est . Etiam inter salivandum foemina defecisse menstrua compertum habeo : in qua quidem hoc singulare & notatu dignum evenit , quod die proximo ante salivæ fluxum ab utero eruperunt menses , prorupte verò à glandulis saliva intercepti sunt . Ita , itinere per inferiora præcluso , statim per naves effluxit sanguis , & eâ quidem copiâ , ac ab utero remitti consueverat : deinde , bimestris salivationis decursu , intra vasa quietus substitit . Pari modo se habent mulieres , si aliò traducitur humorum copia : igitur in hydrope menses sisti monet Hippocrates<sup>a</sup> ;

#### 84 De iis, quæ aut citius cient,

tes <sup>a</sup>; paucioresque fieri, & tandem deficere, si in utero crescat aqua intercus <sup>b</sup>.

Mensibus etiam officiunt victus incrasans, & humorum cruditas: quia, cum chylus viscidior sit, sanguis ferè semper in capillaribus stagnat, difficilius certè & parcius à sanguine separantur spiritus; unde imbecillior circulatio, & vis minor. Ita in iis sæpe supprimuntur menses, quæ lactis usui nimium indulgent; aut cretacea comedunt, uti pravissimum est virginei morbi ingenium. Idem efficit vita otiosa, & nimia frigida potatio; unde ab aquis crudis & frigidis menses vitari admodum & imminui, uti etiam & lac, testatur Hippocrates <sup>c</sup>. A quibus etiam imprudenter potis non tantum mensium suppressionem, sed & mortem aliquando sequi narrat Forestus <sup>d</sup>.

Pharmaca denique Astringentia in causa sunt, cur tardius fluant menses, quia & uterina vasa corroborant, & sanguinem magis viscidum & cohærentem efficiunt: ortæ ab his suppressionis menstruæ historiam satis notabilem refert Actuarius <sup>e</sup>. Quo-

<sup>a</sup> Morb. Mul. 1. 2. <sup>b</sup> Morb. Mul. 1. 85. <sup>c</sup> De Aq. s. 7. <sup>d</sup> Lib. 23. & 28. Ob. 3. <sup>e</sup> De Prævid. Urin. 2. 12.

*Auf diutius retardant Menses: 85*

Quomodo verò ab *astringentibus* hujusmodi oriatur effectus, dicetur postea, cum de menstrui fluxûs vitiis, eorumque remediis, tractaturi sumus doctrinam.

Hoc etiam de iis, quæ menses aut *ma-  
turius* aut *tardius* cient, annotari debet, quòd si paulo diutius aut violentius increbuerit eorum usus, *causæ* fiunt, quas auctores vocant, *evidentes* purgationis menstruæ tum *penitus suppressæ*, tum *immodicè profluentis*.



C A P. X.

*De Symptomatis, quæ à suppressis Mensibus oriuntur.*

CUM non minùs atrocia quàm contraria mensium occurrant vitia, fluxus nempe *immodicus*, nimiaque *retentio*, cum porrò ab horum alterutro ferè semper derivetur omnis illa muliebrium morborum *Ilias*, (eos enim enasci, cum aut plura aut pauciora sint menstrua, docet Hippocrates <sup>a</sup>) non abs re erit rationem exponere, qua fit, ut à *mensibus vitiatis* tot

F 3

<sup>a</sup> *Aph.* 5. 57.

tantaque oriantur symptomata , Quia verò longè frequentissimum est malum , & inter *virgines* pene *epidemicum* , *mensium imminutio* , ab ea dilquisitionem ordiamur : si quidem nullus serè in *puellis* reperitur morbus , qui non hanc aut comitem , aut causam agnoscat .

*Imminutionis* varii sunt gradus ; aut enim *parcius* , aut *tardius* , aut etiam *difficilius* , aut , quod frequenter fit , non omnino fluunt menses : *suppressos* verò atrocissima omnium sequuntur symptomata : quos quæ provocare denuo possunt *pharmaca* , eadem etiam quocunque modo imminutis profunt : ita ut si *suppressio* mensium plenius explicetur , ceteræ *imminutionis* species facillimè & intelligi , & curari queant .

*Obstructis* igitur mensibus , non tam certa aliqua & *diagnostica* ; uti ceteris affectibus , superveniunt symptomata , quàm universi serè , quibus humanum corpus laborat , morbi . Et primò quidem , *suppressione* adhuc *recente* , ingravescent præcipuè ea , quæ *instante fluxu* sæpius *ingruere* diximus , symptomata , *dolor* & *æstus partium vicinarum* , *cephalalgia* , *appetitus remissio* , & *languor* : quæ quomodo *Plethoræ* respondeant , supra ostensum est .

Hæc

Hæc deinde longum malorum agmen subsequitur , uteri inflammatio , aliquando etiam gangrena , arteriarum pulsatio , dorsi & articularum dolor , frigoris calorisque vicissitudo , venarum varices , tumores in cruribus præsertim , & pedibus , & hypochondriis ; totius corporis gravitas & imbecillitas , tormina inflationesque ventris , colicæ haud absimiles , flatus etiam & murmura , vomitus , ad præcordia anxietas , suffis dyspnœa , asthma , tabes , cordis palpitatio , & syncope ; in capite dolor acerrimus , ad sinciput præsertim & occiput , oculorum gravitas , vertigo , nonnunquam apoplexia & insania , pallor , fluor albus , passiones hystericæ , globus præsertim quasi in gutture sursum reptans ; urina aliquando stillans , aliquando suppressa , alvus dura , sanguinis per aliena loca eruptio . Hæc ferè a suppressione menstrua oriuntur symptomata , in aliis alia : quæ tamen omnia non inconcinne à *Plethora* deduci possunt .

Cum verò horum alia à sola sanguinis quantitate aucta , alia rursus à qualitate etiam vitata oriantur , videndum est , quales potissimum affectus inferat aucta quantitas , sive *Plethora* . Quoniam autem *Plethora* per se spectata mentes , uti capite sexto ostensum est , nequeat suppri-

mere, sequitur, ut in *vasis* quærenda sit suppressio-  
 nis causa: omnis quippe suppressio, *morbosa* saltem, vel à *vasorum*,  
 vel à *sanguinis* vitio derivatur. *Vasis* igitur *uterinis* ita constrictis, ut nullus sanguini pateat egressus, propter eam, quam explicuimus humorum *redundantiam*, *momentum* sanguinis intenditur, quia nempe non augetur modò *quantitas*, sed & *velocitas*; quæ semper, nisi adsit *lentor*, est in *ratione copiae*. Quò enim uberior sit sanguinis *quantitas*, eò major erit spirituum sectetio: ab his verò cum pendeat cordis ad sanguinem circulandum vis, validior frequentiorque fiet contractio; unde *velocior* etiam per *vasa* sanguinis circuitus. Cum itaque tum *moles*, tum *momentum* sanguinis increseat, orietur etiam calor humorum intensior, & canalium validior *distensio*, & proinde quicquid à *nimia distensione* proficiscitur: cujusmodi sunt ea, quæ *instante fluxu* sæpius ingruere solent, symptomata; quibus adjici possunt *vasorum tumor*, & *pulsatio*: & hæc quidem præ ceteris patiuntur eæ, quibus suppressio-  
 nis causa fuerit *vasorum tenacitas*. Ideo signum *diagnosticon* habetur, à *vasorum* vitio suppressionem provenisse, si adsit dolor circa *uterum tensivus*, *venarum tumor*,

*mor*, faciei color floridus, quod etiam certius erit, si fortius increbrescat *pulsus*. Erit enim in *Plethora*, quæ qualitatem sanguinis nondum vitiat, *pulsus validus, plenus, creber*: *validus* quidem, quia cum uberior sit sanguinis copia, largior etiam erit spirituum secretio: ita cor, spiritibus magis instructum, fortiusque se contrahens, majori impetu sanguinem in arterias protrudet; qui ideo vehementi ictu in arteriarum latera impinget, & *pulsum validiorem* excitabit. Cum porro in *Plethora* amplior sanguinis moles in canalibus continetur, amplius etiam spatium occupabit, & arteriarum tunicas magis extrorsum trudet, sive *pulsus* ad digitum sentietur *plenior*. *Crebriorem* etiam *pulsum* inferet *Plethora*, quia tum copiosius in cordis ventriculos influit sanguis, ita ut cor stimulo quodam in contractionem citius suscitetur; tum uberius etiam in fibras cordis musculares derivantur spiritus; ita ut cor motum suum exercere possit frequentius. Unde in arteriis *pulsus crebrior*.

Ad hunc modum, tum ictu tum tempore, incitator fiet *pulsus*, donec ad augmenti summam pervenerit *Plethora*: est enim certus quidam plenitudinis gradus, ultra quem,

quem, illæsa qualitate sanguinis, augeri nequeat *quantitas*. Hoc à plenitudine periculum optimè intellexit Hippocrates: *Athletas* enim, quorum habitus ad summum bonæ valetudinis gradum pervenit, in eo diu manere & consistere non posse asserit; quippe si quid ulteriùs adjicitur, periculo non vacat<sup>a</sup>. Itaque hanc bonam *habitudinem* cito solvendam esse monet. *Pletthora* enim diu nequit incrementum, quin comitem sibi adsciscat sanguinis lentorem. Quippe cum, instante fluxu menstruo, ea, quam prius exposuimus, sit vasorum *dilatensio*, quia scilicet *quantitas*, & proinde etiam *momentum* sanguinis decima ferè parte augetur; si menses ad duas periodos subsisterint, moles sanguinea quinta ferè parte solito uberior erit, nisi aliæ evacuationes auctæ fuerint; adeoque eadem ratione incrementum ea, quæ latera vasorum à fluido circulante urgentur, *pressio*: quam à *vasis*, citra virium noxam, sustineri posse nemo credet, qui, quàm graviter ea sub *primæ periodi* incursum laborent, meminerit. Et hic quidem à *Pletthora* lentor tribus modis deducitur. 1. Enim ab ipsa copia priri potest, quæ ita supra modum intra vasa

<sup>a</sup> Aph. 1. 3.



vasa turgescit, ut ea, utcumque distenta, satis amplum sanguini circulando spatium præbere nequeant, nisi penitus dissiliant fibræ; ita ut, cum uberior sit; quàm pro vasorum capacitate, fluidi moles, majorem patiatu renitentiam sanguis redundans, Quò fit ut particulæ ipsius, tum à canalium tunicis, tum à præcedenti liquido, cui continuo affricantur, quasi retropulsæ & retardatæ, in angustius spatium coëant, seu *tenacius* inter se coalescant: quæ etiam, quia mole nimiam excrescunt, in *capillaribus* sensim stagnabunt; unde iterum, circuitu per hæc minima vasa aliquatenus impedito, major erit in ceteris canalibus globulorum inter se invicem renitentia, & proinde strictior cohærentia, sive *lentor*. 2.

*Lentorem* inducet *motus cordis* in *Plethora* tandem *imminutus*. Cum enim ultra determinatarum quendam gradum intumescant vasa sanguinea, nervos circumpositos non in cerebro modò, sed & in ipso corde, ita fortiter constringent, ut parciore fluat in fibras cordis spirituum copia, unde *motus cordis debilior*. Itaque sanguis, quò minore cum impetu protruditur, eò facilius à quacunque renitentia retardatur, adeoque promptius ad *lentorem* perducitur.

3. San-

3. Sanguinis etiam *lentorem* promover *partium tenuiorum absumptio*. Cum enim vasa distendat admodum sanguis plethoricus, ea contra reciproca quadam actione in sanguinem nituntur; ita ut ipsius particulæ, à tunicis vasorum reperiussæ, à pressione recedere conentur: quod fit, ut cum per vasorum *poros*, tum per ductus *secretorios* exprimatur quicquid fuerit sanguinis *tenuis & aquosum*: ita particulis fluidioribus continuò extrusis, necesse est, ut sanguinis reliqui *compages* sit *arctior* multò, & *constrictior*. Igitur si non omnino prodeant menses, eos præ morbo aut *crassos*, aut *viscosos*, aut *glutinosos* fieri docet Hippocrates <sup>a</sup>. Adeo ut, licet hæc, quæ sequuntur, symptomata à *Plethora* proficisci queant, magna tamen ex parte *Plethoræ*, cum *lentore conjunctæ*, ortum debent, accedente saltem *lentore* in deterius eunt: qui tamen *lentor*, cum à *Plethora* proveniat, minimè obstat, quod minus symptomatum, quæ *suppressis* à *vasorum vitio* mensibus superveniunt, causa agnoscat *Plethora*. Atque hoc animo tenebit lector, ut eadem sæpius iterandi tædio parcatur.

Cum

<sup>a</sup> Morb. Mul. I. 10.

Cùm autem *Plethora* accesserit *lentos*, evanescit illa, quæ suppressioni à *vasis* ortæ propria est, *pulsus* *vehementia*: quippe ita vim pristinam remittit *pulsus*, ut jam tandem *imbecillis* *rarus*. atque *inequalis* fiat. *Lentore* enim inducto, propter compagem sanguinis strictiorem parior fit spirituum secretio: spiritibus verò minùs copiosè influentibus, & corde adeo debilius contracto, *imbecillior* erit sanguinis in arterias projectio. Unde etiam *pulsus imbecillis*. Ad hoc illud etiam accedit, *pondus* nempe sanguinis in *Plethora* auctum: ita, cùm major moles movenda sit, impetu debiliore sanguinem extrudet cor. Increscet adhuc *pulsus imbecillitas*, eò quòd, cùm major sit sanguinis viscosi quantitas, major erit particularum inter se nifus & affrictus, earumque difficilior à se invicem divulsio: unde minor sanguinis, propter majorem resistantiam, *velocitas*, & *pulsus* proinde *imbecillior*. *Velocitate* porro *imminuta*, ad nervorum origines *tardius* deducitur, qui in spiritus abire debet, sanguis: itaque ii, qui jam in nervis hospitantur, spiritus minùs protrusi, segniùs in cordis fibras influunt; unde longioribus interval-  
lis iteratur cordis contractio, & *varior* fit  
pul-

*pulsus*. Etiam *inaequalis* erit *pulsus*, tum *ictus* tum *intervalli* respectu, quia, cum novus continuò ferè in sanguinem *lentescentem* traducatur *chylus*, fieri nequit, ut *æqualis* sit sanguinis totius temperatio, eademque particularum omnium coherencia: molis igitur sanguineæ cum pars alia sit tenuior, alia rursus viscidior, pro varietate texturæ, quâ gaudet sanguis ad nervorum oscula allabens, varia erit spirituum secretorum copia, à sanguine scilicet laxiore major, à constrictiore minor: ita spiritibus *inaequaliter* ad cor derivatis, *inaequalis* etiam erit cordis contractio, non quoad *tempus* modò, sed & *impetum*. itidem *pulsus* *inaequalis* efficiet sanguinis, qui in cordis ventriculos influit, *crasis* *inaequalis*: *lentum* enim sanguinem, utpote compactum magis & remitentem, tardius & debilius projicit cordis *systole*; *tenuem* verò, minore resistentia præditum, eadem vis citius & validius extrudit.

Eodem modo se habet *pulsus*, si suppreffionis origo ab altera, quam attulimus, causa provenierit, sanguinis scilicet *qualitate* vitiata; ea enim, quanquam variis modis inquinari potest, nullis tamen ita vitiosa fiet, ut menses valeat restringere, nisi

nisi simul adsit *lentor*. Igitur in hoc casu, tanquam unicum sanguinis vitium, habendus est *lentor*: à quo *suppressionem* inferri posse superiora satis evincunt. Ita quemadmodum *Plethora* sanguini tandem *lentorem* inducit, sic etiam *lentor Plethoram* parit: obstructis quippe crasso sanguine arteriis *capillaribus*, intra reliqua vasa coacervatur ea, quæ singulis mensibus effundi debuit, sanguinis portio. Ita quacunque de causa supprimantur menses, exurget tandem *Plethora*, quæ quomodo inferat ea, quæ à suppressis mensibus sequi solent, symptomata, paulo jam distinctius explicandum est.

Redundante igitur in *uteri vasis* sanguinis copia, cum aliqua ejus pars firmius hæreat, & abripi per tenuia capillaria non possit: *arteriolaræ*, in quibus hæc inchoatur obstructio, magis magisque sensim extrossam trudentur ab eo, qui continuo allabatur, sanguine: qui, succedente ob partium nisum calore, calorem pariter concipiet, & *inflammationem* pariet: quæ frequentius fit, quando in ipso fluxu subito restricti sunt menses. Perdurante *inflammatione*, si partes solidæ ab humoribus corrosæ & laceratæ fuerint, insequitur *ulcus*: nonnunquam etiam, si accesserit

cor-

corruptio, *gangrena*: exempla suppedi-  
tabit *Hildanus* <sup>a</sup>.

*Arteriae* vehementius *pulsant*, quia sup-  
pressis menibus ita redundat sanguis, ut  
tum ob *copiam* quidem canalium *tunicas*  
latius *distendat*, tum verò ob auctum *mo-*  
*mentum* feriat validius. Igitur hæc *arte-*  
*riarum pulsatio* in iis præcipuè observatur,  
quibus, *vasorum vitio*, recenter suppressi  
sunt *menes*. Cum enim semel *lentorem*  
contraxerit sanguis, ita ut minùs veloci-  
ter *circuletur*, cessat ea in *arteriis pulsa-*  
*tio*, ob momentum sanguinis debilius,  
quoniam minimè interim deficiat *pleni-*  
*tudo*. *Lentescente* quippe sanguine, par-  
cius separantur spiritus; unde, corde mo-  
tum suum admodum debiliter peragente,  
fluidum impetu languidiore in arteriarum  
tunicas defertur: ideo ea sensim labascit  
*pulsatio*.

*Spina dorsi* frequenter *dolet*, quoniam  
*medulla spinalis*, uti est sensu acutissimo  
prædita, ita *pressione* ea, quæ ab arteriis  
distentis oritur, facile affici solet. Ideo  
*Variolarum* imminentium signum *diagnosti-*  
*con* habetur *Spinae dolor*: quem quidem  
in *variolis* non secus, ac in suppressis men-  
sibus,

sibus, excitat nimia vasorum plenitudo. Orietur etiam inveterascente morbo ad *Articulos* dolor, propter exquisitum *Perioste*i sensum: quo fit, ut, cum sanguis copia & lentore simul peccans, vasa, quæ *Perioste*o intercedente ossibus inseruntur, supra modum distendat, tenuis illa membrana multum distrahatur, quæ tamen ad *Articulos* potissimum distrahetur, quia circa ossium extremitates vasorum longè uberior copia *Periosteum* pertransit.

*Frigoris* calorisque vicissitudo ex iis, quæ de *Febre intermittente*, capite octavo, diximus, satis commodè deduci potest: hæc enim vicissitudo nihil aliud est, quam *Febricula*, gradu licet multò remissiore, intermittens. Hinc suppressis mensibus *Quartanam* accessisse narrat *Forestus* <sup>a</sup>. Atque hæc quidem frigoris calorisque per vices accessio haud futile signum est, quod sanguis in iis, quibus supprimuntur menses, jam tum incipiat lentescere. Itaque in *tertiis* mensibus si mulieri non prodierint, *febrem erraticam*, & *horrorem* accedere scribit *Hippocrates* <sup>b</sup>.

*Venarum* in *pedibus* *cruribusque* *Varices* non tantum à sanguinis exuberantia, sed

Tom. I. G re-

<sup>a</sup> 3. 34. <sup>b</sup> *Morb. Mul.* 1. 4.

regressu in *Venam Cavam* aliquatenus tardato oriuntur. Accumulatâ enim *Plethora*, distenditur adeo atque intumescit *uterus*, ut necessario *ramos Iliacos* multum comprimat; comprimendo verò sanguinis per eos refluxum moretur. Ita circuitu in *cruribus* admodum languente, intumescunt *venæ*; in quibus quoniam sint, *valvularum* interjectu, distinctæ quasi *cellule*, non *equaliter* turgescunt latera, sed tumores quosdam, ut ita dicam, *geniculatos*, quos *varices* appellant, efformabunt; in iis scilicet, quæ à duabus *valvulis* comprehensa sunt, *intervallis*. Quod autem magis à corde distitæ sint *venæ*, eò turgidiùs eminent *varices*: quia, cum major sit fluidi incumbentis *altitudo*, major etiam erit ad *extremitates* canalium *pressio*. Accedente *lentore* intensius adhuc intumescunt *varices*: quia, languente sanguinis *velocitate*, tardior multò sit per *venas Iliacas* recursus.

Quod si paulo diutiùs fiat ista à *Plethora* distensio, laterum fibræ, sanguinis impetu dimotæ & sejunctæ, ita fatiscunt, ut per ipsarum rimas humores faciliè exudent; ita aditu in vasorum interstitia semel patefacto, perenne fiet stillicidium; unde sensim increfcet *tumor*. Qui ad *inferiora*



*seniora* potissimum , uti *pedes* , *crura* & *hypochondria* , nascetur ; quia cū difficilior & tardior sit in his *infimis* canalibus sanguinis ad cor recursus , & gravior incumbētis fluidi moles , uti jam ostensum est , ibi major erit in latera vasorum nissus , & proinde facilior in interstitia illa fluidi eruptio. Hinc paucis , quibus supprimuntur menstrua , huiusmodi tumores absunt : in quibusdam etiam *rheumatismi* , & *podagræ* speciem præ se ferunt , quā quidem mulieres prorsus immunes esse scribit *Hippocrates* <sup>a</sup> , nisi defecerint menses . Hos à *Plethoræ* tumores proficisci ideo quoque haud absurdè contendas , quod *humidi temperamenti* mulieres , quibus diutius durant menstrua , suppresso profluvio , citius intumescunt : quale *Hippocrates* temperamentum *occidentalium* <sup>b</sup> , quas vocat , foeminarum esse proprium observat ; siquidem illi ista plaga ita frigida & aquosa videatur , ut incolis & *suppressionem mensium* ; & proinde tumores inducat . Atque hi quidem tumores , ut plurimum *laxi* sunt , non rarè tamen in abdomine *duri* , instar *nodi* aut *tuberculi* cuiusdam , observantur ; in quibus id satis singulare

G 2

est ,

<sup>a</sup> *Apb.* 6. 29.    <sup>b</sup> *De Aer.* 12.

est, quod non jugiter excreſcant, ſed modò turgeant, modò penitus ſubſidant, ita ut hi ad *hysterica ſymptomata* reducendi ſint *tumores*, de quibus in ſequentibus dicetur. Talia circa inguen *tubercula*, recentis menſibus, obſervat *Hippocrates* <sup>a</sup>. Quod ſi longiùs perſeſverarit ſuppreſſio, *lentore* accedente, ita ſenſim languescit circuitus, ut, motu per vaſa minima imminuto, ſanguinis particulæ, tenaciùs inter ſe cohærentes, *obſtructiones* in ceteris canalibus, *lymphaticis* præſertim, qui omnium ſunt tenerrimi, facile pariant. Ita humorum *viſciditas*, fibrarum *laxitati* conjuncta, *hydropem* inferet, qualem in ſuppreſſis menſibus deſcribit *Foreſtus* <sup>b</sup>. Frequenter etiam in ipſo *utero* ſuccreſcit *Aqua intercuſ*, quam & ſæpe notat *Hippocrates* <sup>c</sup>: qui quidem morbus *virgines* poſſimùm afficit, eodem annotante *Hippocrate* <sup>d</sup>, quia in iis faciliùs ſupprimuntur menſes, uti poſtea dicetur. Pariter ſi aliæ evacuationes, uti *hæmorrhoidum*, *urine*, *diaphoreſeos*, &c. ſuppreſſæ fuerint, propter *Plethoram* in corpore coacervatam, frequentiffimè ſuccedit *hydrops*: etiam noſtræ de

<sup>a</sup> *Nat. Puer.* 7. <sup>b</sup> 19. 34. <sup>c</sup> *Morb. Mul.* 1. 2.  
<sup>d</sup> *Morb. Mul.* 1. 87.

de *Plethora* sententiæ ulterius adhuc faret quotidiana illa de *gulosis* & *bibacibus* observatio; quod in *hydropem* præ ceteris multo procliviores sint.

Hæc quæ à canalibus nimium oppletis oriuntur mala, *Ventriculo* imprimis & *Intestinis* nocitura facile sentiet, quisquis vasorum, ad eas partes reptantium, multitudinem penè infinitam perpendat. Quippe, ob humores plethoricos, in ipsis vasorum tunicis quædam quasi *Inflatio* sentitur: quæ cum spirituum per *nervos* influxum, uti dictum est, intercipiat, languescit admodum *motus* ille ventriculi & intestinorum *Peristalticus*, quo in tenuem *chylum* rediguntur alimenta. Ita ut his *chylosois* instrumentis, ob spirituum inopiam minus vivide se moventibus, non tantum tardius, sed imperfectius etiam comminatur *chylus*: unde etiam majore copia intra *primas vias* accumulatur, & quendam plenitudinis sensum inducit. Adhuc crudior erit & viscidior *chylus*, si adsit lentor sanguinis; cum enim in lentore motus sanguinis sit imbecillior, & coherentia multo tenacior, non modò minor spirituum in *musculos* derivatio, sed minor etiam erit in *glandulis ventriculi*, & *intestinorum* liquidi secretio: ita ut alimenta,

liquido eo, quo humescere & molliri solebant, defraudata, minus rite dissolvi queant; inde longior in intestinis *chylis* mora, & compages crassior. Igitur ferè semper mensium suppressorum comes esse solet *alvi pigrities*: tum quia, *motu* intestinorum *imminuto*, minus detrusæ sint *feces*, tum quia præ *siccitate* per se tardius exire queant. Hinc alia elucet ratio, cur plethorico sanguini necessario tandem accedat *lentor*; quia scilicet *chylus*, ob motum stomachi & intestinorum in *Plethora* imminutum, minus comminuitur, adeoque magis crassescens cum sanguine circulatur. Vera quippe est *veterum* sententia, id quod in *prima* concoctione crudum est, in *secunda* aut *tertia* nunquam digeri. Et hunc quidem *chylis lentorem* suppressioni menstruæ brevi succedere satis manifestum est, quod mulierum, quibus suppressi sunt menses, prima ferè semper sit de *Ventriculo læso* querimonia. Hinc sanguis crassior factus minutissima, quæ per *faciem* excurrunt, vasa nequit pervadere; unde *genæ pallidæ* & *decolores*.

*Chylus* autem, si diutius æquo in his pomæriis moretur, ea vitia contrahet, quæ liquoribus *stagnantibus* ferè semper ad-  
sunt,

sunt, cujusmodi sunt *Putredo*, & *Acor*: cum verò sine quodam partium motu putrescere nequeat *chylus*, quicquid aëris in eo continetur, fortius quoque agitabitur: qui, si intus sit conclusus, *flatus* & *murmura* excitabit: si foras eliminatus, *ruhum*. Multifariam autem oriuntur ventriculi & intestinorum tormina, tum quia canalium fibras intus vehementer admodum distrahit sanguis plethoricus, tum quia extra *chylus* jam in *Acidum* mutatus pungit, vellicatque: utraque enim de causa inferetur *Dolor*: qui si intensior sit, stimulo suo musculosam ventriculi tunicam latèffet, eaque aded violentius contracta, *Vomitum* provocabit.

In corpore sentitur *gravitas*, quia, solenni mensum evacuatione inhibita, tum revera crescit corporis pondus, tum immi- nuuntur etiam vires: quæ quodocunque deficiunt, corpus, etiamsi revera levius sit, sentienti tamen gravius videtur. Si enim dimidias ei, qui pondus sustinere debet, vires detraxeris, idem est ac si duplum inposueris. Suppressis verò mensibus sequitur virium imbecillitas, quia vasa sanguinea, & in cerebro & in ceteris quibuscunque corporis partibus, ita supra modum intumescunt, ut nervos, quibus

adjacent , premant admodum & constringant , adeo ut tum minor liquidi nervosi fiat secretio ; tum minor etiam , pro ratione liquidi secreti , in membra derivatio. Itaque spiritibus ad hunc modum interceptis , oriuntur *vires imbecillæ* . Ita suppressis mensibus sequuntur *duo illa* , quæ apud *Auctores* statuuntur *Pletboræ genera* ; *increscente enim indies ad vasa Pletboræ* , tandem succedit etiam , quæ *ad vires* dicitur .

Cum ad hunc modum canales inferciat sanguis redundans , *glandulæ* , utpote ex *vasculis tenuissimis convolutæ* , & carne parum suffultæ , si quæ alie corporis partes , labem satis promptè excipient , inter quas nullæ quidem promptius , quàm *ear* , quæ ad internam *trachea tunicam* inferuntur ; quod ex *perspiratione impedita* , sive ut vulgò loquimur , *suscepto frigore* , quotidie experimur . Perspiratione quippe impedita , *glandulæ tracheales* ideo tument , quia , obstructis poris cutaneis , major ad ceteras glandulas derivatur sanguinis copia ; unde major quantitas materie per ipsas secernitur ; ita *tracheales* , hac majori humorum copiâ opplentur , turgescunt , atque infarciuntur . Viscidus igitur humor cum *trachea glandulis* semel inhæsit ,

sit, nerveas propagines, quibus circum undique vestiuntur *glandulae*, ita premit & vellicat, ut necessario *musculi*, quibus *nervi* inserviunt, in contractionem excitentur: musculis verò *trachea* contractis, per *os* exprimitur *aër*, seu quod idem est, fit *tussis*. Quam quidem, cum *dyspnœam* comitem non habeat, ab his *glandulis* potius, quàm à *pulmonibus* proficisci credimus; quippe, si in *pulmones* inciderit materia redundans, *tussim* excitare posse vix videtur, nisi & simul inferat *spirandi molestiam*: quæ sanè in suppressis mensibus perquam familiaris est. Sanguine enim in vasis *pulmonum* capillaribus restitante, *vesiculae bronchiales*, quæ arteriis ubique interjectæ sunt, tum pondere nimio laborant, & quendam *gravitatis* seu *anxietatis* sensum excitant, tum in spatium angustius compressæ, ad *aërem* per vias intromittendum expellendumque, ineptiores fiunt: ita ut, sanguine magis indies stagnante, non nisi difficulter admodum peragatur *respiratio*. Ita à potu largiori *dyspnœam* inferri scribit *Hippocrates*<sup>a</sup>. Quin gravius adhuc lædetur *respiratio*, si *thoracis musculi*, uti plerumque fit, vel ita

pec

<sup>a</sup> *Prædict.* 2. 5.

peccante materia oppleti sint, vel spiritibus, sive ob *Plethoram* nimiam sanguinis, sive *lentorem*, destituti, ut munere suo minùs rite defungi queant, & *costas* nec valide satis sursum *elevant*, nec deorsum *premunt*: unde parcior aëris ex *vesiculis* expressio, & gravior in spirando *pulmonum* labor. Etiam aliquando ab inflatis *utero* & *hypochondriis* oritur, aut saltem augetur *dyspnœa*; quia, *diaphragmate* sursum intra *thoracem* protruso, ita coarctatur *pectoris* cavitas, ut debitæ *pulmonum* expansioni desit spatium; unde spirandi difficultas: cui malo maximè obnoxii sunt ii, quibus *thorax* angustior est, uti experiuntur *gibbosi*. Quod si hoc *pulmonibus* diutius incumbat malum, succrescet, quod gradu tantum à *dyspnœa* discriminatur, *asthma*.

Et hæc quidem in *pulmonibus* orientur symptomata, etiamsi adhuc *intra* canales sanguineos coërceantur humores *plethorici*, qui si tandem *extra* vasa profluant, & in *folliculis bronchialibus*, sive potius in *interstitiis* eorum, sedem figant, eos multum undique distendent; unde paulatim increscet *vomica*: quod quidem vocabulum, si *vomicam* à *phthisi pulmonari* distinctam esse volumus, humoribus *intra*  
pul-



*pulmones* quidem effusis convenit, *vesiculæ* tamen sive *cysti* propriâ adhuc contentis; ita, quia nullum cum *bronchiis* commercium habeat, aut profundius saltem delitescat *omica*, nulla etiam per *tussim* fiet *puris* excretio. Nec in *interstitiis* solum, sed & in *glandulis*, quibus plurimum scater interna *bronchiorum* tunica, accrescere potest *omica*: ex quippe *glandula*, quanquam in sano corpore oculis vix percipi queant, accedente morbo distendi admodum possunt, & *grandescere*: quod in reliquis *glandulis*, *pericardii* puta, *pleurae*, *peritonei*, &c. quæ extra morbum aciem oculorum fugiunt, frequenter observamus. Hujusmodi sanè *vesiculas* non semel vidi, nunquam tamen æquè conspicuas reperi, ac in *scœmina* quadam, quæ *tabe*, menses suppressos insecuta, interiit. Hujus in sinistro latere universus *pulmo* materia purulenta ita differtus est, ut ad *scirrhum* pene accederet: immisso cultro exiit *pus*, non circumquaque diffuens, sed *distinctis vesiculis*, plurimum quidem *turgentibus*, non *ruptis* tamen, inclusum: qua de re ut certior fierem, *vesiculas* quasdam aqua tepida ita elui, ut, omni tandem *pure* exhausto, oculis integræ atque indivulsæ exhiberentur. Quod si de-

demum hæ *vesiculæ* inflammatae & disruptæ fuerint , facto *ulcere* , succedit *tabes* . Cujus quidem causa frequentissima apud auctores statuitur , aut evacuationis solennis suppressio <sup>a</sup> , aut plenior alimenti ingurgitatio : utrinque scilicet ea , quam volumus , inducitur *Plethora* . *Muliebrum* verò *phthisis* <sup>n</sup> usitatissimam originem agnoscit *Mortonus* <sup>b</sup> , menses obstrictos ; quos quidem , quando ab hoc fonte derivantur , *lethales* pronunciat *Hippocrates* <sup>c</sup> .

Nec sua melius *cordi* constat , suppressis mensibus , *contractionis remissionisque* norma , accumulatis enim intra vasa pene ad rupturam usque humoribus , sanguis ; qui universum ferè *aortæ* truncum obidet , liquido , quod à *corde* protruditur , validius multò renititur , quàm cùm minor esset in canalibus plenitudo , sanguinis enim *renitentia* est , ut *particularum copia* . Ita liquidum , hoc impeditum obstaculo , quò minùs liberè foras profluat , majore , quàm consueverat , copia intra *cordis ventriculos* turgescit , & cor adeo nimio *pondere* laborat admodum , & pene *suffocatur* : spiritus interim in *fibris* *motrici-*

<sup>a</sup> *Willis Pharm. Rat.* 82.

<sup>b</sup> *Phthisiol.* 3. 9.

<sup>c</sup> *Præd.* 2. 13. *Morb. Mul.* 1. 6.

tricibus compressi, & quasi *stimulo* quodam excitati, vires suas vividius exercent, ut sanguinem forti satis impetu foras protrudant. Corde autem vehementius contracto, ad *sternum* altius insurgit *conus*, & in *costas* ictu quodam impingit, qui proinde dicitur *palpitatio*. Ob hanc sanguinis in arteriis *renitentiam*, necesse est, ut vehementiore impetu contrahatur *cor*, quia vis ea, quâ sanguinem projicere conatur, percussa quali & reverberata, in ipsum denuo recidit; ita ut impetus, qui in sanguinem per *arterias* propellendum fieri consuevit, in *cordis fibras* exerceatur: unde cordis violentior concussio, & altior ad *costas* insultus. Ad hunc modum si uberius increverit *Pletboræ*, singulis arteriarum pulsibus *palpitabit* etiam *cor*. Adhuc molestior fiet *palpitatio*, si *Pletboræ* sanguinis *lentor* accesserit; quia globulis sanguineis arctius inter se cohererentibus, major erit ea, quam in *aortæ* trunco fieri diximus, *renitentia*. Igitur morbis iis, in quibus *lentior* reperitur sanguis, ut *rheumatismo*, *passioni hysterica*, *chlorosi*, etiam & *cachexia*<sup>a</sup>, comes ferè assidua adest *palpitatio*.

Ulte-

<sup>a</sup> *Willis Phar. Rat.* 263.

Ulteriùs porro indies crescente *Plethora*, cor nimiz sanguinis copiz succumbit; deficiunt quippe, quz tanto ponderi movendo pares sint, vires. Motu adeo cordis suspenso, *intermittit pulsus*; & quia cursus sanguinis in præsens sistitur, nulla fit in cerebro spirituum secretio, unde *animi deliquium*, sive *syncope*. Potest etiam prohiberi contractio cordis à *pressione*, quz in cerebro à vasis plethoricis oritur, quzque spirituum iter per *nervos* intercipit. Ad hoc vasa cordis *coronaria*, cùm plurimùm distenta sint, nervos etiam vicinos comprimunt: unde influxu spirituum præcluso, otiantur fibræ, & nulla fit è corde sanguinis projectio.

*Capitis dolorem* quomodo inferat *Plethora*, alibi ostendimus; ideo suppressis meritis necessarium esse dicit *Celsus*<sup>a</sup>, ut in capite fiant dolores *acerbissimi*. Hi quidem *gravedinosi* erunt, propter solam, quâ canales quaquaversum urget *Plethora*, *pressionem*, præcipuè si affuerit *lenter*; *pulsantes* etiam, quia cùm in *arteriis* uberiùs coacervatur sanguis, & impetu vehementiore propellitur, *validior* erit in latera humorum *ictus*, & major fibrarum *distrac-*

*distractio* : unde *dolor* cum *pulsu* excitabitur. Ad *sinciput* tamen & *occiput* sentiri solent *dolores*, quia *dura mater*, in qua præcipua est *doloris* sedes, *sutura parietali* & *lamdoidali* firmè connectitur; ita vasa, quæ per eam disseminantur, & *intus* plurimum *distracta* sunt, & *extra* ossibus compressa: in his igitur canalibus, plenitudine admodum turgentibus, & ad solidum impactis, acrior erit *doloris sensus*. Multa etiam *dura matris* vasa, per tenues utriusque *suturæ* rimas, in *integumenta capitis* funduntur: adeo ut ab his fortè, propter *tunicas* exuberante sanguine dimotas, & *foramina*, quæ pertranseunt, angustiora, haud exigua *doloris* pars oriatur. Itaque ii, quibus *suturarum* juncturæ arctè nimis inter se coaluerint, *cephalagia* ut plurimum graviter laborant. Ab hujusmodi *dolore*, si vehementior fuerit, satis patet, quomodo contumaces inferantur *vigilie*.

Hic quidem *capitis* in suppressione mensium *dolor*, utcunque familiaris sit, non ab occulta aliqua cum *utero sympathia*, sed ab ipsius *cerebri structura* oritur: quod cum sit viscus omnium *tenerriimum*, injurijs minùs, quàm reliquæ partes, sustinere potest. Hoc etiam de *capite* & *pul-*  
*mone*

*mone* annotari debet , quòd in iis multò faciliùs atque altiùs , quàm in reliquo corpore , suscipitur ea , quæ a *mensibus suppressis* oritur , labes ; hæ quippe partes omnium sunt mollissimæ , & humorum incurfui minimè renituntur . Itaque in omni ferè morbo graviùs plectuntur . Præcipuè verò , si in *ipso fluxu* restricti sunt menses , sequi frequenter solet *capitis dolor* ; & *hemoptoë* ,

Cerebro autem semel affecto , in mali consortium ob viciniam facilè trahuntur *oculi* , & simili pondere , ob canales nimium refertos , *laborant* , nonnunquam etiam *intumescunt* : quemadmodum & eos *gravari* cernimus , simul ac in cerebro languescant spiritus , seu quod idem est , obrepas *somnus* . Ulterius adhuc serpente malo , *oculi* ita affecti sunt , ut *vertiginem* inducant : cujus quidem morbi rationem primus exposuit *Bellini* . In eâ enim quæcunque oculis obversantur , utcunque quiescentia & immota sint , *rotati* tamen , & *circumagi* videntur . Quippe cum motus rerum externarum non alia ratione ab oculis percipi soleat , quàm per mutationem loci , in quem veniunt *species* intra oculum perductæ , sive imagines in *retina* depictæ ; quocunque modo *specierum* di-

*stan.*

*stantia* mutetur, *objectum* moveri videbitur. Mutari autem potest *distantia*, vel quia *objectum* revera moveatur, vel quia oculus moveatur immoto *objecto*, vel denique, quia *nervi optici* filamenta loco suo dimota sint. *Nervo* enim *optico*, siue *retinâ* dimotâ, *radii*, ab *objectis* emissi, non in easdem oculi partes incidunt, sed pro vario *retine* motu diversas; ita ut dum *imagines* in *retinâ* locum mutant, *objecta* tanquam locum perpetuo mutantia videantur. Cum itaque *arterie*, ad oculi fundum disseminatæ, sanguine plethorico supra modum turgescant, *retina* seu *nervi optici* expansio, *pulsantibus*, quibus contigua est, *arteriis*, loco suo immovebitur, adeoque imago *radiantis*, in ipsam incidens, locum quoque immutabit: unde ipsam quoque moveri videbitur *objectum*, seu, quod idem est, ingruet *vertigo*.

*Distentis* ad hunc modum *cerebri vasis*, facile concipitur, quomodo tandem succedat *apoplexia*, morbus *vertigini* multum affinis. Hujus quidem plurimæ causæ apud auctores statuuntur; quas tamen accuratissimus de hoc morbo scriptor *Wepferus* ad duas classes redigit, eas scilicet,

*Tonn. I.* *H.* *quæ*

a *Apopl.* p. 173.

que, vel arteriolas obstruere possunt, vel spirituum per nervos effluxum interciperè. Suppressis igitur menibus ita paulatim increfcit *Plethora*, ut lentorem, qualem modò descripsimus, inducat: qui si tenax nimium & compactus fuerit, ad minima cerebri vasa adhærescit sanguis. Canaliculis igitur semel oppleris, augescit indies allabente lento sanguine obstructio, donec in eam tandem molem excreverit, ut arteriolarum orificia penitus occludat: unde nulla ex arteriis fiet in nervos liquidi tractio, adeoque nullus in corpore relinquetur sensus. Ita brevi succedet mors. Si tamen haud ita invaluerit obstructio, ut omnes in nervis aditus præcludat, sed aliquid adhuc liquidi nervosi per tubulos derivari sinat, liquidum illud, utcumque imbecillius sit, quàm ut ceteris musculis movendis sufficiat, cor tamen & pectus satis vivacè movebit: cor enim, uti & ex his plurimi, qui *respirationis* muneri inserviunt, musculi, *antagonistis* destitutum est, ideoque minore multo spirituum copiâ in contractiones cietur, quia tollitur illa, quæ ab *antagonistis* oritur, *contranitentia*. Ita, arteriis obstructis, potest sensus omnis extinguì, etiam fibrarum omnium, nisi in corde & thorace, motus, in quo quidem



dem consistit *apoplexia* natura. . . Potest etiam inferri *apoplexia*, etiamsi absit sanguinis tensor, ob interceptum nempe spirituum per nervos effluxum: qui quomodo ab arteriis, ultra modum dilatatis, impediri potest, antea jam ostensum est. . . Eodem modo nervos comprimet, spiritusque intercludet, sanguis extra vasa in cerebro effusus; quod non raro in plethoricis accidere solet. Igitur sanguineo temperamento praeditos, & poculis liberius usos, *apoplexia* frequentius corripitur observamus.

Cum *insania* sit *delirium* sine febre, quicquid poterit inferre *delirium*, excitabit etiam *insaniam*. *Delirium* vero à motu spirituum vario & perturbato oritur, unde species in cerebro, nulla ordine coherentes, suscitantur. Spirituum vero perturbatio succedet, cum motus ipsorum nimium rapidus sit, quod in Plethora facile accidit, quia augetur moles sanguinis, & cordis impetus; unde vehementior globulorum in canalibus attritio: quam cum in cerebro etiam fiat, & nervos nimis violenter premat, tremores nervorum confusi erunt, adeoque & species minus distinctae, Ita ab evacuatione quacunque solenni inhibita saepe sequitur *insania*,

H 2

pu-

preſertim ſi *aſtas* fuerit, *ficca*, aut preceſſerit *potus calidior*, à quibus omnibus inducitur *Plethora*; itaque etiam *evacuanti- bus* curatur. Exemplum ad hanc rem ſatis oppoſitum præbet *Foreſtus*, qui *vena-ſe- ctione* mulierem, à ſuppreſſis menſibus *inſanientem*, ſaluti reſtituit<sup>a</sup>. Ita certum eſt illud *Hippocratis* effatum, *inſanis ſi varices vel hæmorrhoides ſupervenerint, inſan- nie criſin fieri*<sup>b</sup>; idem etiam de menſibus erumpentibus dicendum.

*Fluor albus*, cum ex uterinis glandulis feratur, facile erumpit, ſi glandularum oriſicia paulo laxius dehifcant: quæ qui- dem nihil promptius poſſit diducere, quam humorum plenitudo. Igitur quoties men- ſes denuo dimanent, ſemper ſubſiſtit *fluor* quia minuitur ad glandulas *Plethora*: qui- bus quidem induciis dignoſcitur, utrùm morbus hic *idiopàthicus* ſit, an *ſymptoma- ticus*. Ita, reſtriſtis menſibus, à ſanguinis redundantia oritur *fluor albus*; quod non modò evincit ratio, ſed & experientia confirmat: eæ quippe, quæ in ſuppreſſio- ne menſtrua huic malo maxime obnoxie reperiuntur, habitus ſunt admodum *pletbo- rici*. Id etiam advertendum eſt, mulie- res, quibus copia majore manaverit *fluor*

7.

c. 16.

al.

a Lib. 10. ſeſ. 24. b Aph. 6. 53.

*albus*, ceteris symptomatis, quæ à mensibus inhibitis sequi solent, minus confictari. In nonnullis etiam mensium prodromus, & quasi vicarius reperitur: *fluor albus*.

*Passionis hysterica* pleraque symptomata cum sint *spasmodica*, uti accuratissime demonstravit Cl. *Willisius*, quale illud certè est, quod à suppressis mensibus oriri diximus, *globi* scilicet in gutture, quasi *ascensus*, videamus quomodo à *Plethora* deduci queat convulsio. Hujus quidem duas causas agnoscit *Hippocrates*; *repletionem* nempe, & *inanitionem*; quas si attentius scrutemur, morbi istius rationem melius explicabimus, quàm si subtiles recentiorum *hypotheses* consulamus. Quippe ad hunc modum illustrari potest ea, quæ hujus loci est, ex repletionem convulsio: quæ cum sit contractio inflatioque musculi *involuntaria*, orietur, quoties in musculum derivatur major liquidi copia quàm quæ imperante voluntate impediri possit: ita duobus *antagonistis* ad *equilibrium* perductis, si alteri plus liquidi adjeceris, is in statu contractionis continuo permanebit, donec in istum, qui in opposito latere

tere est; æqualem liquidæ copiam deduxeris. Hujusmodi quidem major solito in *musculum* liquidæ influxus fiet, cum sanguinis crasis ita inæqualis sit, ut *antagonistæ* vasa lentis humoribus quodammodo obstruantur: quo fit, ut in fibras alterius hujusce musculi major influat liquidæ copia. Liquido igitur in vasis supra modum redundante, potest esse ita valida musculi contractio, quæ ab imperio voluntatis tolli nequeat; quoddam *lensor* adfit, adhuc magis intra fibras motrices detinebitur liquidum, adeoque fortior fiet contractio. Ita si ad hunc modum inflectur *trachea* & *œsophagi* tunica musculosa, inferetur sensus quasi *globi* cuiusdam, ad *fauces* ascendentis: simul etiam ingruet *suffocationis* metus, quoddam *laryngis* musculi, eodem modo intumescens, aëri introitum minus liberum concedant. Atque huic malo maxime sunt obnoxia, quibus aut *incertis* *periodis* redeunt, aut *guttatim* fluunt menses. Pariter à *Plethora* deduci possunt cetera *passionis hysterice* symptomata; quæ non modò à *suppressis* *mensibus* sequi solent, sed etiam à *fontanellis* & *ulceribus* occlusis sæpe excitantur: idem quoque in *viris*, quibus periodica aliqua evacuatio restricta est, cap. 8. annotavimus.

à *Acia* *Urinæ*

*Urinae stillicidium*, quod in suppressione menstrua sæpe fieri notat *Hippocrates*\*, à *Pletbora* facile deducitur. Vasa enim sanguinea, quæ *vesica* inferuntur, cum plurimum distenta sint, nervos ita comprimunt, ut parcius & difficilior multò fiat in fibras motrices spirituum derivatio: unde muscoli ad *urinam* foras trudendam minor vis. Post aliquam verò moram spiritibus copiâ satis ubere congestis, eo momento in *urinam* nitetur *musculus*, ut parvulam quandam illius portiunculam necessario propellat: hoc verò imperu exhaustis iterum spiritibus motum suum suspendere cogetur, donec novæ influant spirituum suppetiæ: ita, superato sensim per *vices* obice, *urinam* guttatim demittit *vesica*. Quod si vasa intensius inrumuerint, ita ut spiritus prorsus intercipiant, etiam prorsus *supprimetur urina*; quia non suppetit aliqua idonea vis, quæ eam ex *vesica* protrudat. Fiet etiam *urinae suppressio*, si *vesicae sphincter*, *spasmo* correptus, exitum præcludat: vel si adeo lentus fuerit sanguis, ut nulla inde fieri possit in subtilissimis *renum* canalibus feri secretio.

Suppressis mensibus sanguis, per aliena loca erumpens, satis ostendit eruptionem à Pletbora suscitari. Intra vasa enim quietus subsisteret, nisi copiâ ita redundaret, ut amplius sibi spatium posceret, quàm quod largiri possit vasorum capacitas. Aucto igitur momento, ita ut canalium impedimenta superet, effluit sanguis. Hæc per aliena loca eruptio in virginibus magis, quàm in iis, quæ pepererunt, familiaris est, uti observat Hippocrates <sup>a</sup>; in virginibus enim angusta admodum & constricta sunt uteri vasa, ita ut citiùs per ea inhibeatur solennis mensium purgatio: adeoque ex aliis canalibus, quâ data est porta, effluat sanguis redundans. In iis verò quæ pepererunt, os uteri <sup>b</sup>, uti loquitur Hippocrates, sanguini exeunti magis patet, h. e. ipso interprete, vasa, quia locbiorum fluxu multùm ampliari & debescere soleant, mensibus, quandocunque erupturi sunt, liberiores præbent exitum: itaque id etiã adjicit, eas minùs frequenter suppressione menstrua laborare; suppressionem verò, si quando inciderit, faciliùs ferre, tum quia partus doloribus affueverint, tum quia vasa uteri multò ampliora habeant, quàm

<sup>a</sup> Morb. Mul. 1. 9. <sup>b</sup> Ibid. 1. 1.

quàm *virgines* <sup>a</sup>. Quod si in *virginibus* per alia etiam loca sanguinis exitus præclutus sit, oritur *febris alba*, sive *chlorosis*; quæ nihil aliud est, quàm symptomatum, quæ jam descripsimus, *congeries*.

Ex his pleraque symptomata ab aliis rebus, quæ *Plethoram* ad vasa inferunt, sæpe oriuntur, uti exercitio nimis violento, potu aut calore immodico, præsertim verò evacuatione aliqua inhibita: quidni eadem etiam, *suppressis mensibus*, *Plethoræ* tribuantur.

Plurima ex his, quæ exposuimus symptomata, à suppressis mensibus ingruere notat accuratissimus *historiæ medicæ* scriptor, *Hippocrates*; quæ etiam à plenitudine oriri passim docet <sup>c</sup>, uti & ipsum menses profluvium. Satis singularis est ea, quam de *Phæthusa* & *Nymasia* narrat, *historia*; quibus, post diuturnam mensium suppressionem, corpus tandem virile factum est, ita ut *hirsutæ* admodum, & *hæbæ* evaderent <sup>d</sup>. Ea enim, mensibus inhibitis, succrevit sanguinis redundantia, quæ in vasis minimè contineri potuit; poris igitur cutaneis humorum impe-

<sup>a</sup> *Morb. Mul.* 1. 1. <sup>b</sup> *Willis Bellin passim.* <sup>c</sup> *Nat. Puer.* f. 7. *Morb. Virg.* 2. *Morb. Mul.* 1. 2. <sup>d</sup> *Epid. lib.* 6.

impetu sensim patefactis, in *capillos* migravit, quod erat *liquidi* superfluum. Nonnunquam etiam in *lac* convertitur, quod in *virgine* suppressionis menstruæ signum statuit *Hippocrates* 2.

His symptomatis scēminæ omnes haud æquē sunt obnoxia; in his *caput*, in illis *pulmo*, in aliis denique *venter* potissimum afficitur: quippe ea est *fluidorum* omnium indoles, ut ad eas partes decumbat humor redundans, quibus minor suppetit ad renitendum vis: unde in iis liberius materiz affluenti hospitium. Hæc quidem partium imbecillitas in diversis scēminis perinde varia est, ac sunt animis mores: nec duas fortē reperiās, quibus, in suppressione menstrua, sibi invicem accuratē respondent symptomata. Quæ tamen symptomatum varietas huic morbo ita parum propria & peculiaris est, ut ei cum ceteris ferē omnibus, *febre* præsertim, sit communis.

à *Apb.* 5. 39.





## C A P. XI.

De Methodo in suppressis Mensibus  
Therapeutica.

**P**ercursis jam suppressorum mensium symptomatis, & ad theoriæ nostræ normam explicatis, non alienum erit rem paulo ulterius persequi, *medendique rationem* expendere, ne quid desit, quod ad *Pietatē* illustrandam afferri queat. Ea quippe *medendi* unica est *intentio*, ut *instauretur* denuo, quæ *mensēs* resuscitet, *Plethora*.

Antequam verò *methodum therapeutico* aggrediar, notandum est, non semper esse in suppressis mensibus *medicina* locum, cum omnis suppressio non sit *morbosa*; ideo neque provocandi sunt, quia fluere non debent, *mensēs*. Ita in *gravidis* & *lactantibus* citra sanitatis noxam deficiunt: aliquando etiam in *obesis* & *athleticis*; in his enim per *poros* egeritur, in iis in *pinguedinem* migrat *humidi* redundantia. Pariter, si per *aliena loca* erumpat *sanguis*, *saluti* esse solet *fluxus vicarius*; qui ideo,

si nullo gravi symptomate comitatus fuerit, vix temperari, nedum restringi debet. Denique si sanguis deficiat, si evacuationo nimia, si morbus chronicus, aut inedia longa præcesserit, neutiquam sciendi sunt menses, donec resectæ fuerint vires. Hujusmodi quippe fœminis ita parum nocet suppressio, ut morbum potius accerferet, si intempestivè excitaretur fluxus.

Cum itaque omnis suppressio morbosa vel à canalium vel à sanguinis vicio derivetur, duplex etiam erit curandi intentio; altera ad canales recludendos, altera ad emendandum sanguinem dirigenda.

I. Suppressionis, quæ à canalium vicio oritur, signa in prioribus ostensa sunt: quod quidem virium facile in canalibus succrescit, si aut præ siccitate naturali nimis indurescant, aut frigore subito sint contracti, ita ut fibræ, ætius jam inter se cohærentes, renitentia sua sanguinis momentum exsuperent. Si igitur, qualitate sanguinis illæsa, obfirmati sint canales, curatione adhibita, oportet aut impedimentum vasorum imminui, aut vim sanguinis intendi.

1. Igitur ut vasorum impedimentum tollatur, relaxandæ sunt fibræ. Ad hunc finem

## *Suppressis Menstruis Therapeutica. 125*

finem tepide adhibentur externa remedia, qualia sunt suffitus, balnea, fomenta, ex herbis emollientibus & penetrantibus conflata. Particulæ ex plaptis, sive aqua sive igne elicitæ, & intra uterum susceptæ, calore adjuvante & quasi urgente, ita in vasorum poros se insinuant, ut fibras à se invicem separent & diducant; contactu autem fibrarum inhibito; vasorum latera laxius explicantur, & fluido impingenti debilius resistunt: ita vi impedimenti debilitata, iter suum per vasa expugnat sanguis. Externis hisce remediis plurimum usus est Hippocrates: quæ certè locum habent, non modò cum à vasis, supra modum rigentibus, sed etiam cum ab ipsa sanguine inducta fit suppressio: quippe, si relaxatis canalibus impedimentum minuitur, idem est, ac si auctum fuerit sanguinis momentum. Igitur, suppressis menstruis, fomenta purgationi esse præmittenda monet Hippocrates. 2. Ne à canalibus constrictis inhibeantur menses, vis sanguinis augenda est. Huic verò intentioni cum eadem satisfaciat mendi norma, ac quæ in altero suppressionis genere adhibetur, methodum Therapeut.

*rapenticam* lector ex sequentibus dedu-  
cat.

Suppressio hæc, quæ à vasorum vitio oritur, mentis quidem frequenter accidit, curatu tamen est facillima: ea quippe, dum recens adhuc fuerit suppressio, externis remediis, plerumque cedunt: nonnunquam etiam, æstivo præsertim tempore, perspersa aperiuntur. Quod si diutius perstiterit vasorum durities, Plethora indies accrescens sanguini tandem vitium inducit; unde altera, eaque multò frequentior, suppressorum mensium causa in prioribus deducta est.

II. Cum igitur à sanguinis vicio, five lentore, ortum ducat suppressio, ed dirigenda est: omnis medendi intentio, ut, sublata partium coherencia, is iterum sanguini concilietur impetus, qui uterina vasa perfringat. Quod ut assequerentur medici, his potissimum usi sunt instrumentis, venæ-sectione, adhibitis ad crura cucurbitis & frictionibus, catharsi, vomitu, remediis denique, quæ, tanquam essent ad movendos menses specifica, appellantur *Emmenagoga*.

r. Itaque ad tollendam suppressionem,  
veniam, si nihil impediat, secari suadet

**Hip-**

*Hippocrates* <sup>a</sup> : quod etiam una ferè voce præcipiunt, qui eum infecuti sunt, scriptores; dissentientes interim, quo potissimum tempore, & quo loco emitti debeat sanguis. Alii quippe venæ-sectionem præmittunt, alii contra non nisi post purgantia & emmenagoga, tribus vel quatuor ante periodum diebus, administrant; atque hi quidem in *brachio*, illi autem in *talo* instituendam esse censent. Utra potior sit sententia, ut melius intelligi queat, querendum est, quomodo intentioni *therapeutica* respondeat *venæ-sectio*, seu quod idem est, momentum sanguinis instauret. Momentum igitur sanguinis, cum consistat in ratione *copie* & *velocitatis* composita, *venæ-sectio* fit imbecillius, nisi eadem proportionem increseat *velocitas*, quâ diminitur *copia*: quod si major sit *velocitatis* aucta, quàm *diminutæ* *copie* ratio, momentum increbrescit, validius. Perforatâ venâ, sanguinis *velocitatem* augeri probat, qui primis *phlebotomiam* cum iudicio aliquo illustravit, *Bellini* <sup>b</sup>; quia scilicet portione sanguinis evacuatâ, imminuitur multum illius *impedimenti*, quo præcedens sanguis, sanguini continuo effluenti resistens,

<sup>a</sup> *Morb. Virg.* 2. <sup>b</sup> *Sing. Miss.* p. 89. 94.

stens ; moram inficit : remoto itaque obstaculo , ita ut minor sit particularum inter se cohesio , & citius per vasa deferretur sanguis . Ad quem vero gradum velocitatem perducatur *vena sectio* , seu utrum sanguinis momentum incendat an imminuat , ex varia partium coherencia colligendum esse monet scriptor idem accuratissimus . Quandoque enim a vena secta sequitur intima sanguinis *dimotio* , seu quando ita rarefcit sanguinis compages , ut a contactu mutuo divellantur particule , ea increfcit *velocitas* , quæ sanguinis momentum possit intendere ; quia tum minor sit in ipso sanguine partium resistentia , tum uberius in eos tradueantur spiritus : ita sanguinis *crassi dimota* , & arterias extrorsum magis trudente , excitabitur *pulsus* . At si nulla fuerit sanguinis *dimotio* , imminuta copiâ languescet sanguinis momentum , & quia non ita amplum spatium , ac prius , occupet sanguis , minor erit etiam in arteriis *pulsus* . Hæc ferè de varia momenti post *vena sectionem* immutandi ratione differit vir scientissimus ; in eo unice lectori minus satisfaciens , quod id argumentum citius , quam par erat , dimiserit , nihil.

nihilque planè suggesserit , quod tanquam signum haberi possit , qualis demum sit illa sanguinis *crasis* , quæ à *vena secta* facile distrahitur , qualis iterum ea , quæ di- moveri nequit . Hoc enim minùs per- spectro , medenti parum constat , quonam modo sanguinis impetum immutatura sit *venæ-sectio* , cujus remedii quodocunque anceps sit fortuna , ab eo prorsus in sup- pressis mensibus abstinendum est , nisi for- te ad *symptomatum* vehementiam levan- dam institutum sit . Si enim copiâ de- tractâ *lentior* fuerit sanguinis compages , non modò minor erit spirituum secretio , adeoque cordis impetus imbecillior , sed & increscet etiam ea , quæ *capillaria* jam- dudum obsidet , *obstructio* . Itaque princi- pio morbi cum sanguis admodum *lentescat* , non videtur in usum trahenda *venæ-sectio* , nisi id etiam certo aliquo indicio innote- scat , tolli posse sanguinis cohærentiam , seu intendi impetum : quòd si hoc inno- tuerit , ne tum quidem ad menses ciendos peritè satis adhibetur *venæ-sectio* , si alia quavis medendi methodo augeri queat *velocitas* , etiamsi nihil de *quantitate* detra- hatur ; diminuitur enim , quæ *momentum* faciliùs adhuc excitare posset , *Plethora* . Ad hoc id etiam accedit , quòd tam *subi-*

te evacuationis nulla videatur necessitas , quia medicinæ moram concedat morbus . Neque hoc sanè prætermitti debet , quoddam in iis , quibus suppressi sunt menses , ita ferè vires imminutæ sint , ut sanguinis missionem , à qua adeo expedita inducitur humorum mutatio , minùs sustinere queant . Neque etiam scæminis remedium hoc facilè persuadeas , quibus , dum sanæ sunt , *venam* circa mensium tempus aperire religio est ; est enim apud eas certum quoddam in medicina *axioma* , & ab omni retro antiquitate derivatum , mensibus , si jam erupturi sint , officere *phlebotomiam* . Quanquam verò à *vene-sectione* , si remediis præmissa fuerit , tam incertum plerumque sit levamen , quia non certò secuturum est impetùs incrementum : nonnunquam tamen sanguis ea de se præbet indicia , quibus si quis diligentius studuerit , *venam* haud inauspicatò poterit secare . Talis indicii exemplum sit , *pulsus plenus* , & *imbecillis* : qui , morbo nondum inveterato , aliquando observatur . Itaque ad hunc modum constituto *pulsu* , *vene-sectio* , si adhibita sit , sanguinis *momentum* intender . Quippe cum ea sit arteriarum *plenitudo* , ut in spatium amplius excurrant *tunica* , signum est , non ita



## Suppressis Menſibus Therapeutica . 131

ita validam eſſe humorum *coherentiam* ; ſi enim denſa admodum & conſtricta fuerit compages , in molem anguſtiorẽ coirent particulæ , nec arteriarum latera ita extenderent . Ita cùm fluida ſatis ſit ſanguinis compages , turgent ob *Plethoram* arteriæ : at quia ſanguinis *copia* ſeu quantitas materiæ movendæ augetur , vis autem cordis *contractilis* , ſive *propellens* , non augetur , ſed fortè diminuitur , ob *Plethoram* , neceſſe eſt , ut , cùm major quantitas materiæ æquali vel minore vi ſit movenda , minor ſit ſanguinis *velocitas* ; adeoque ſi imminuatur quantitas movenda , eadem adhibita vi , vel etiam aucta , (quod poſt *venæ-ſectionem* , ſi inſignis fuerit *Plethoræ* gradus , fieri neceſſe eſt ) augebitur *velocitas* : unde vehementior cordis impetus , & *pulſus fortior* . Ita in hoc caſu ſanguis miſſus *pulſus imbecillitatem* tollit : ad quam quidem multum facit *tonus* arteriarum remiſſior ; unde , tunicis ſanguini affluenti minùs reſiſtentibus , deficit *ictus magnitudo* . Detumeſcente verò in vaſis poſt ſanguinis miſſionem *Plethorâ* , imminuitur ea , qua nervi , ob arterias nimis turgentes , coarctati ſunt , *preſſio* : ita , ſpiritibus copioſius ad cor deductis , reviviscit

viscit sanguinis impetus , & vasorum tonus ; unde digitum *fortius* ferit *pulsus* .

Vidimus jam , quid de hac methodo sentiendum sit , quæ suppressorum mensium curationem à *phlebotomia* auspicatur : melius fortè arridebit ea , quæ non nisi post *purgantia* & *emmenagoga* venam aperit . Ex iis quippe , quæ de augendi in *missione sanguinis* momenti causa differuimus , satis patet , præmissis *purgantibus* & *emmenagogis* , venæ-sectionem felicius esse cessuram : in his enim cum ea sit operandi ratio , ut humores viscidos dissolvent & attenuent ; uti ex sequentibus patebit , sanguis jam ante comminutus , laxiusque coherescens , copiâ detractâ facilius dimovetur , & fortius momentum concipit . Igitur *triduo* ante consuetum periodi tempus secatur *vena* , ut tum præcipuè novus sanguini accrescat impetus , cum augmenti summam attigerit *Plethora* .

Quo verò in loco instituenda sit *venæsectio* , magna est inter auctores controversia ; potior tamen videtur *Galen*i<sup>a</sup> sententia , qui venam in *talo* incidi jubet . Facto enim orificio , non modò in incisam venam , sed in alias omnes , quæ ab

co-

a *Curat. per V. S. cap. II. 19.*

eodem *trunco* proveniunt , uberior sanguinis copia derivatur , uti fusè satis demonstravit *Bellini* ; quia nempe ad eas partes , ubi aperitur vena , minor quàm in reliquo corpore sit resistentia . Igitur si è *talo* mittatur sanguis , copiosior erit in vasa *uterina* , quæ à *vena cava* ; pariter ac *Saphæna* , ducunt originem , sanguinis derivatio : adeoque cum , fluido largiùs influente , major sit vasorum distensio , facilius aperietur sanguini menstruo egressus . Ita *hirudinibus* ad *hemorrhoidas* adhibitis , mirum & promptum effectum se vidisse testatur *Mayerus* <sup>a</sup> . Pariter cum citra *lentorem* sanguis exuberans , vasorum vitio , restrictus fuerit , sectâ *Saphæna* tum intensiùs rarefcent humores , tum ad uterum copiosiùs confluent : ita utraque de causa increfcat sanguinis ad *uterina* vasa momentum , perque ea *mensès* demittet . Hinc haud difficulter colligi potest , quid de *Lindani* doctrina , apud *Etmullerum* <sup>b</sup> ita decantata , sentiendum sit „ qui tem-  
„ pora distinguit , in quibus vena secan-  
„ da sit : ubi scilicet *mensès instant* ,  
„ nondum tamen fluunt , venam secan-  
„ dam suadet in *brachio* ; ubi verò jam  
I 3 „ fluunt

<sup>a</sup> *Morb. Intern. cap. 22.* <sup>b</sup> *Tom. I. 544.*

„ fluunt aut casu subito restringuntur ;  
 „ tunc *Saphenam* aperiendam monet . In  
 „ *pede* verò nunquam secandam esse ve-  
 „ nam censet , nisi menstruatio actu fluat ,  
 „ aut ipse fluxus suppressus fuerit . „ Hu-  
 „ jusce doctrinæ rationem ita explicat *Et-*  
 „ *mullerus* . „ Quod nempe instantibus men-  
 „ sibus , dum turgescit & rarescit san-  
 „ guis , tum in eo omnis est naturæ cona-  
 „ tus , ut deorsum versùs deducat sangui-  
 „ nem : itaque viæ si sint exiles , non  
 „ statim aperiri possunt , quia potius di-  
 „ stentæ sanguinis fluxum quodammodo  
 „ sistant . Quando itaque per *Saphenam*  
 „ apertam inferiùs sanguinis promovetur  
 „ impetus , plus ad uterum ducis , & ita  
 „ malum auge ; sin aperta *brachii* vena ,  
 „ sursum nonnihil revellitur , liberantur  
 „ viæ ab oppressione , & sanguis faciliùs  
 „ fluit , Nunquam certè *Saphenæ* sectio  
 „ menses provocabit , nisi aut actu fluen-  
 „ tes ex frigore , aut pavore fuerint re-  
 „ stricti . „ Quale sit hoc argumentan-  
 „ di genus , per se satis patet ; supponitur  
 „ quippe sanguinem ita *turgidum & rarum*  
 „ esse , ut per vasa satis expedite effluere  
 „ posset , nisi *deorsum versus ducto sanguine*  
 „ ipsa obesset plenitudo : quod certè ita pa-  
 „ rum medicæ philosophiæ congruit , ut  
 „ ne

ne communis quidem sensus ferrer, vasa, quò magis sanguine *distenta* sint, eò minus esse ad cedendum facilia. Quòd si menses & jam *fluentes* promoveat, & in fluxu *suppressos* revocet *Saphenæ* sectio, quidni etiam & *extra* fluxum restrictos queat deducere? unde fit, ut in altero casu *momentum* sanguinis *instauret*, in altero cum æquè fortiter sanguinem ad uterum ducat, *imminuat*? Sectâ *brachii* venâ cum nonnihil sursum *revellitur*, *liberantur* quidem ab *oppressione* *viæ* uterinæ, sed impetu, ob *Plethoram* imminutam, languente, haud ita faciliè diffiliunt vasa, quia minus sunt *distenta*. Sed huic ipsius de *plenitudine* sententiæ *Riverii* <sup>2</sup> observationem multùm favere ait *Etmullerus*: „ In muliere quadam, quoties secabatur vena „ malleoli, menstrua cohibita sunt; dum „ verò ex vena brachii missus est sanguis, ea largiùs profluebant. „ Cujus rei ratio, quia vulgaribus medicorum placitis advertari videbatur, ita à medicis *Monspeliensibus* explicata est, „ nempe „ cum mulier illa plethorica esset, & „ suppressionem mensium pateretur, à nimia sanguinis copia uteri vasa ita dis-

I 4

„ ten-

„ tendente , ut comprimi sufficienter  
 „ non valerent , attractio sanguine ad ea  
 „ vasa per venarum inferiorum apertio-  
 „ nem augebatur obstructio . Quando  
 „ verò , misso sanguine à venis superiori-  
 „ bus , retractio fiebat à vasis uteri , eo-  
 „ rumque plenitudo & distensio minue-  
 „ batur , tunc illa faciliùs sese contrahe-  
 „ bant ad expulsionem naturalem & ordi-  
 „ nariam , quæ per uterum solet fieri . „  
 Jamdudum credo lectori suboluit , minùs  
 adverti solerè discrimen illud inter *Ple-*  
*thoram solitariam* , & eam , quæ cum *lentore*  
 sanguinis conjungitur : ab *ea* quippe  
 menses supprimi non posse ostensum est ,  
 adeoque nec *Saphenæ* sectionem , quæ ad  
*uterina* vasa *Plethoram* auget , mensium  
 eruptioni officere ; in *hac* verò , quia fit  
 ad uterum *obstructio* , h. e. quia in vasis  
 capillaribus lentus sanguis subsistit , de-  
 ductis uberius per *Saphenæ* apertionem  
 ad *uterum* humoribus , & effluente paulo  
 impetuosius sanguine , major fit ad vaso-  
 rum oscula viscida adhæsiō ; quod tamen  
 à secta *Saphenæ* periculum non *Plethora* ,  
 sed *lentori* potiùstribuendum est . Igitur  
 in hac solum *Plethora* , quæ cum *lentore*  
 conjuncta est , locum habet *Lindani* cau-  
 tio . Hujusmodi *Plethora* laborabat mu-  
 lier

lier illa , cujus jam ex *Riverio* deprompta est historia . Itaque ea medicis rectè visa est *indicatio* , „ ut largâ phlebotomiâ , „ in brachio celebratâ , imminueretur „ *Plethora* ) seu si magis propriè loquî volumus , ut *detractâ copiâ sanguinis velocitas & momentum* auferceret ) „ postea „ verò apertis venis inferioribus sanguis „ ad inferiora retraheretur , præcipuè „ circa tempus , quo priùs laborans „ purgari consueverat : ita quippe sanguis tum prima *vene-sectione* , tum *Emmenagogis* <sup>a</sup> , quæ adhibita sunt , comminutus magis & divisus , per vasa capillaria faciliè excerni poterat , si sub eruptionis tempus novum impetum à *Saphenâ* secta acceperit . Ratio verò , cur præstet venam in *brachio* priùs , & deinde in *malleolis* aperire , hæc esse videtur : diminutâ quippe per venam in *brachio* sectam sanguinis copiâ , augetur *velocitas* ; postea verò apertâ *Saphenâ* , sanguis ad inferiora se præcipitat , & auget eam , quæ ad vasa uterina continuò increfcit , *Plethoram* ; unde aucta *Plethora* & *velocitate* , augetur etiam ad ipsorum latera sanguinis *momentum* .

Huic

<sup>a</sup> *Ibid.*

Huic argumento longius immoratus sum, ut legenti innotescat, quàm lubrica & dubii plena sint præcepta in medicina generalia; nisi fluidorum indolem, & varietates eas, in quas sanguinis temperies improvisâ sæpe transit, accuratè perspexerit practicus.

2. *Frictionum & cucurbitarum*, quæ ad *crura* adhibentur, eadem est ratio, ac institutæ in talo *phlebotomie*. Hæ quippe humores partim intra vasa atterendo, partim per poros cutaneos educendo; ut *velocius* circuletur sanguis; derivando autem deorsum versus, ut in uterina vasa *validius* impingat, efficiunt. Itaque mensibus jam erupturis, in usum vocari solent. De *scarificatione* nihil dico, cum ea, quantum ad hanc rem attinet, tanquam *venæ-sectionis* species habenda sit. Etiam menses deducunt *cruribus* inusta *cautera*: propter *stimulum* enim & *dolorem*, majorem sanguinis affluxum versus inferiora trahunt.

3. Quo melius redintegretur sanguinis impetus, instituenda est *purgatio*; quam ideo in suppressis mensibus necessariam esse scribit Hippocrates <sup>a</sup>. Cum verò purgan-

<sup>a</sup> Aph. V. 36. Nat. Mul. 20.



*Purgantium* alia in *primis viis*, alia etiam in ipso *sanguine* vires suas exercent, videntur est, quid commodi ad sanguinem corrigendum alterutrinque redundare queat. Ea quidem, quorum actio intra *primas vias* circumscripta est, sola *stimuli* virtute alvum subducunt; *stimulo* enim intestina ita vellicant, & in contractiones cient, ut uberius, quicquid in *Peyerii glandulis* hæret, exprimatur; unde *fæcibus* effluente muco solutis, descendit alvus. Ita *catartici stimulus*, cum *lympham* ex glandulis copiosius evocet, facit, ut sanguis majore paulo copia ad intestina confluat: *Lymphâ* quippe per glandulas liberius effusâ, minor est ad eas partes renitentia. Sanguinis adeo renitentia imminuta, interescit aliquatenus *velocitas*. Ex hac *purgantium* classe sunt *manna*, *castia*, *electuarium lenitivum*; ceteraque, quæ alvum *leniter* movent. Quorum tamen ferè omnis virtus in eo consistit, ut *primas vias* excrementorum onere liberent; ea quippe, quam *derivatione* ista sanguini inducunt, mutatio ita perpufilla est, ut sensum omnem pene effugiat.

Ut igitur humorum vitio succurratur, adhibenda sunt *purgantia*, quæ non modò  
*stimu-*

*stimulo* pollent, sed intra circulationis ambitum sese ingerunt, sanguinisque *crasin* immutant. Et hanc quidem fortioribus *catharticis* inesse vim satis manifestum est. Quippe cum in *salibus* potissimum consistere videatur medicamentorum omnium energia, *purgantia* certè; quæ *sale acri* imprimis & vivido abundant, humores vehementius agitabunt. Eorum igitur *sales*, in canales deducti, sanguinem lentum ita solvunt & distrahunt, ut minor sit particularum inter se contactus: unde uberior spirituum secretio. Ideo post fortiora *purgantia* *pulsus* semper increbrescit. Ita duplici de causa ad menses ciendos prodest *purgatio*, tum quia *velocitatis* impetum intendit, tum quia sanguinis *compagem* ita attenuat, ut uterina vasa latius distendat. Hujusce familiæ sunt *cathartica* ex *aloe jalappa*, *scammonio*, *elaterio*, &c. conflata. Quibus si adjecta sit aliqua *Mercurii* præparatio, fortius adhuc excitabitur sanguinis impetus: nihil enim aut *lentorem* efficacius tollit, aut *vasa obstructa* citius recludit, quàm *Mercurius*; uti, cum de remedium viribus dicturi sumus, plenius explicabitur. Ne qua verò sit *purgantium* suspicio, id obiter notandum est, mulieres,

## *Suppressis Mensibus Therapeutica. 141*

res , quibus suppressa sunt menstrua , ut-  
cunque imbecilles fuerint , *catharsin* satis  
validam sustinere posse : præsertim si ,  
operatione peracta , exhibeatur *pavego-  
ricum* .

4. Alii *vomitum* in suppressis mensibus  
suadent : qui quidem , si *ventriculi* gra-  
tia instituat , plurimum prodest ; *chylo-  
sin* enim restituit , & *lentori* , si non vim  
ejus imminuit , suppetias certè præcidit :  
sin ad morbi *causam* dirigatur , huic in-  
tentioni rariùs respondet . Utcunque enim  
inter operandum sanguinis *momentum* au-  
geat , & viscera omnia vehementiùs suc-  
cutiat *emeticum* , crassâ materiâ ita opple-  
ti sunt *capillares uterini* , ut quocunque  
impetu instructus sit sanguis , per eos ne-  
queat sibi viam aperire , donec , attenua-  
tis humoribus , tollatur *arteriolarum* ob-  
structio . Ita si ad expellendos menses  
uti volumus *emeticiis* , tum præcipuè ad-  
hibenda sunt , cùm sanguis , vitio licet  
omni immunis , præ *vasorum duritie* ne-  
queat excerni : in hoc enim casu , san-  
guinis impetus , *emeticiis* excitatus , vasorum  
renitentiam faciliùs pervincet .

5. Ut ad medendi scopum feliciùs per-  
veniri queat , perpetuo in usu sunt *emme-  
nagoga* , quæ quibus viribus sanguinis im-  
petum

perum instaurent , mox paulo distinctius erit differendi locus.

Investigatâ ad hunc modum tum *symptomatum* , tum *remediorum* naturâ , & ad rationem aliqualem exactâ , non fortè alienum erit suppressorum mensium *historias* quasdam adjicere : quo plenius innotescat , hanc de mensibus *theoriam* non domi esse fictam & concinnatam , sed *experientia* , unde deducta est , consentire . In quibus etsi multa fortè desiderari possint , id lectori spondeo , in meque recipio , nusquam iis deesse , quæ *historiam* imprimis commendare debet , *fidem* .



### *Historia I.*

*Oct. 26. 1700.*

**P**Uella quædam , octodecim annos nata , & mensium adhuc experta , de acris circa lumbos , genua , & malleolos dolore querebatur . Laborabat etiam dyspnœa , nausea , & torminibus ventriculi . Deambulatione , quamvis lenissimâ palpitabat cor . Color faciei floridus . Pulsus debilis , & tardus . Hæc ferè à sex mensibus

bus graviter invaluerant symptomata ; quoniam à sanguine *lentescente* , uti *pulsus* admonuit , proficisci existimabam , hanc morbi *indicationem* esse arbitratus sum , ut *attenuaretur sanguinis compages* : ita enim velocitate aucta , momento satis valido instrui posse videbatur sanguis , quo uterina vasa perrumperet . Hoc igitur ut efficerem , methodo sequenti usus sum . Et primo quidem *catbarticum* adhibui , quod humorum cohzrentiam tolleret , & faciliorem per *vasa capillaria* transitum sanguini conciliaret .

*R. Calomelan. ʒ 1.*

*Resin. Jalap. gr. 5.*

*Tantar. Vitr. gr. 4. M. F. Pulv. Cap.*  
mane in *Conserv. Ros.* unde *dejectiones* tantum binæ : à quibus tamen aliquod doloris levamen sensit .

Neque ideo de hac *pulveris* , quem præscripsimus , efficacia dubitet quispiam , quod parcius mota fuerit *alvus* : quippe ex *dejectionum* numero malè judicantur *catbarticorum* vires , uti in *mercurialibus* præsertim sæpius comperi : quæ utunque alvum aliquando minùs subducant , non tamen medici consilium fallunt . Ea enim præcipua est , in hujusmodi saltem casu ,

casu , *purgandi intentio* , ut sanguinis particulæ arctè minùs inter se cohæreant : id verò a purgantibus effici posse superiora satis evincunt , licet haud ita copiosa fiat per *alvum* evacuatio . Cùm autem alvus à *catharticiis* subducitur , non modò , quia *velocitate* aucta major sit in glandulis humorum secretio , sed etiam , quia *stimulo* irritantur intestinorum tuniçæ ; si stimulus iste quovis modo imminuatur , *alvus* minùs solvetur . Stimulus verò potest deficere , cùm *catharticum* omne intra *vasa lactea* traducitur : ita , cùm in ipso sanguine vires suas exerceant *purgantia* , propter auctam velocitatem , copiosior solito erit in glandulis quibuscunque secretio ; in *intestinalibus* tamen , quàm in ceteris , ob defectum stimuli , nequaquam uberior . Quod si pauculæ *cathartici* particulæ in intestinis restitent , ex stimulo suo vasa irritabunt , ut largior fiat ex glandulis intestinalibus , quàm ex reliquis , liquidus profusio : quod tamen eadem ratione per intestina minùs profluet , quàm imminuitur *stimulus* . Si verò parcius purgatur alvus , reliquas secretionnes auget *catharticum* : quod cùm faciat , sanguinem æquè attenuat & expurgat , ac si secessum crebriùs moveret . Cujus rei  
argu-

argumentum esse potest , quòd ab his purgantibus , si alvum minus subduxerint , rarissimè sequitur noxa . Atque hinc fortè haud ineptè deduci potest varia illa in diversis corporibus cathartorum efficacia , quæ hos uberius , illos rursus parcius , per inferiora purgant : in iis scilicet , quibus patentiora sunt lacteorum oscula , sive id à natura sive vitio aliquo provenerit , ita ut medicamentum omne in sanguinem facilè transmittant , alvus minùs movetur : in iis verò , quibus arctius coalescunt aut obstruuntur lactea , ita ut pars cathartici maxima in intestinis subsistat , stimulus ad tunicas validior est , & proinde crebrior alvi dejectio .

Ut verò efficacius tolleretur sanguinis lentor , atque invalesceret momentum , hæc , quæ viribus idoneis pollere docet experientia , præscripta sunt remedia .

℞ Conserv. Absynth. Rom. ʒ 3.

Æthiop. Min. ʒ 1.

Chalyb. cum Sulph. pp. ʒ ʒ.

Rad. Gentian. )

Curcum. ) pulver. a a ʒ 2.

Syr. Garyoph. q. s. M. F. Elect. Cap. q. n. m. ter in die hor. Med. Superb. Coch. ʒ. infusi seq.

Tom. I.

K

℞. Li.

*Rx. Limatur. Chalyb. ʒiʒs. Infund. in cerevisiæ tenuis lib. 3. per triduum. Deinde add.*

*Rad. Gentian. incif. ʒʒs.*

*Rub. Tinctur.*

*Curcum. ā ā ʒ 2.*

*Summitat. Absinth. Vulg.*

*Centaur. min. ā ā M. 1.*

*Bacc. Junip. ʒʒs.*

*Sem. Cardamom. min.*

*Cubeb. ā ā ʒ 1. M. Fiat infus. per diem. In colaturæ quolibet hauſtu cap. gt. 20. mixtur. seq.*

*Rx. Spir. Sal. Armon.*

*Elix. pp. ā ā ʒ 2.*

*Venæ-sectionem* consultò omisi, tum quia evacuationem ita celerem puella, cùm esset imbecilla, ægrè pati poterat, tum quia *venâ sectâ* sanguinis impetum diminutum potius, quàm auctum iri verebar.

*Oct. 28. Temp. Pom.* De ventriculo minùs quæſta est. Pulsus fortior. Vires etiam multùm instauratæ.

*Oct. 39.* Eruperunt menses, coloris optimi. Dolor ad lumbos, & malleolos statim evanuit. Ad octo dies perſtitit fluxus: eo durante, præscriptis interdictum est: quibus tamen post alteram hebdo-



hebdomadam repetitis , proxima periodo rite denuo fluxerunt menses\*, & puella sanitati restituta est;



Historia II.

Obob. 31. 1700.

**M**Ulieri , annos ferè triginta natæ , menses à *biennio* defecerant . Quibus restrictis , ingruerat tussis arida , dyspnœa vehemens , cordis palpitatio , capitis dolor , vertigo , appetitus remissio , ventriculi cruditas & inflatio , aliquando vomitus , virium imbecillitas , sudores nocturni , frigoris calorisque vicissitudo , tremor ; nonnunquam per Nares erupit sanguis . Pulsus admodum imbecillis.

*Indicationes curatorie videbantur tres.*

1. *Ut restitueretur ventriculi concoctio .*
2. *Ut sanguinis impetus fieret intensior .*
3. *Ut vasa uterina relaxarentur .* In iis enim , æquè ac in sanguine , vitium esse indicabat *narium hæmorrhagia* .

*Ut doloribus & virium imbecillitati occurrerem , usus sum sequenti cardiaco .*

*R. Spir. Sal. Armon.*

K 2

*Tinct.*

*Tinct. Croc.*

*Laud. Liq. a 3 1. M. Cap. gr. 30.*

sæpius in quovis vehiculo.

His dolor plurimum sedatus est, & re-  
fectæ vires.

*Nov. 2.* Cepit *catharticum*, in *priori hi-*  
*storia* præscriptum; unde *sexies* descendit  
alvus, & remisit *dyspœa*.

*Nov. 3.* Usa est *electuario* & infusione,  
in *hist. 1.* descriptis: non neglectâ inte-  
rim mixturâ *cardiacâ*, quæ non modò  
*dolori* profuit, sed sanguinis etiam impe-  
tum instauravit. Ignorant certè, quid  
efficere possint *opiata*, qui ea *horâ decubi-*  
*tis* pro *somno* tantum conciliando adhi-  
bent, quasi nihil emolumenti præstaret,  
nisi *stuporem* induceret, *papaver*. Quod  
si dosibus minoribus, & pro morbi ratio-  
ne sæpius iteratis, exhiberetur *opium*, re-  
medio ita leni atque efficaci adjutus san-  
guis, iis sensim instrueretur viribus, quæ  
ab aliis fortè *attenuantibus* frustra pote-  
rant sperari: quam quidem methodum  
non modò periculo omni vacare, sed ra-  
rò infeliciter adhiberi expertus sum. *Opio*  
enim assumpto sanguinem comminui ad-  
modum, & rarefcere ostendens sequen-  
tia.

Ut

Ut verò vasa faciliùs dehiscerent , fo-  
mento emollita est regio uterina .

*R. Rad. Althæ. Lil. Alb. a a 3 ii.*

*Sem. Lin. Fœnugræc. a a 3 iii.*

*Fl. Chamemel. Aneth. a a P. I. Majoran.*

*M. i.*

*Bulliant. ex Vin. & Aq. part. æq.*

Liquor sit pro fomentatione , bis in die  
tepidè applicanda .

*Nov. 8. Pulsus paulo validior ; in sym-*  
*ptomatis nulla ferè mutatio .*

*Nov. 15. Nihil novi , nisi quòd redire*  
*videretur appetitus , & evanesceret noctur-*  
*nus sudor .*

*Nov. 22. Profluxit ex utero humor*  
*subalbidus , qui post quinque dies tandem*  
*substitit . Humorem hunc , utcumque*  
*albescentem , mensium nomine insigniri*  
*debere arbitror , tum quia ad solenne ferè*  
*tempus duravit , nullisque adhibitis reme-*  
*diis sponte desit fluxus , tum quia facta*  
*hac evacuatione , omnia in melius mutata*  
*sunt symptomata : quæ , si fluor Albus*  
*fuiſſet , potiùs exacerbescerent . De men-*  
*sibus etiam pallidis frequens est apud Au-*  
*ctores mentio .*

*Dec. 1. Symptomata , etsi multò mitio-*  
*ra , nondum tamen sublata sunt . Præscri-*  
*ptum est Catharticum , quod erat hujusmo-*  
*di ,*

*K 3*

*R. Pil.*

R. Pil. Ruff. ʒ℔.

Refin. Jalap. gr. 3.

Ol. Sassafr. gt. 1.

Bals. Peruv. q. s. M. F. Pil. Mediocr.

Rediit etiam ad *Electuarii*, *infusi*, & *mixture* usum; quibus rite assumptis, *pulsus* fortius increbuit, & *refocillatæ* sunt *vires*.

Dec. 19. Deducti sunt *menfes* colore satis *rubicundo*, cui ad *triduum* fluxerunt. His *crumpentibus* ita *sublevata* sunt *symptomata*, ut solum de *exigua* quadam *spirandi molestia*, & *capitis dolore* quereretur. *Infusione* verò *repetita*, post *exactum mensem*, rediit cum *Catamenii* *sanitas*.



### Historia III.

**V**irgo quædam Lotrix temperamenti sanguinei, annos 24. nata, dum *Menfes* fluerent, inter lavandum, frigus suscepit: crura etiam frigidâ perluebat. Ita ante tempus consuetum subito restricti *menfes*, anni integri decursu penitus substiterunt, citra tamen insigne aliquod *sanitatis dispendium*: quod inde proficisci puto, quoniam laboribus & exercitiis

tiis multum assueverit, Anno autem elapso, hæc tandem ingruiebant symptomata, corporis gravitas & imbecillitas, ventriculi concoctio læsa, membrorum pene omnium dolor, tussis, dyspnœa, pallor: intumesciebant etiam crura; in tibia adeo durus excrevit tumor, ut nullis *cataplasmatis* & *emplastris* molliri, aut suppurari potuerit. Pulsus languidus, & segnis.

*Indicationes curatorie* eadem prorsus, ac in *historia secunda*.

Ad tumorem autem leniendum, instituta est *Oct. 20. 1702.* in brachio *venæsectio*: quæ tamen voto parum respondit. Igitur ut tumori, & mensium suppressioni simul prospicerem, *Oct. 22.* adhibui *pilulas purgantes*.

*R. Pil. Coch. maj. 3℔.*

*Calomel. ʒ i.*

*Resin. Jalap. gr. 6.*

*Syr. è Chalyb. q. s. M. F. Pil.*

Eo die alvus ne semel quidem mora est; mane autem postero, *bis* largâ satis copiâ dejecit.

*Oct. 23.* Adhuc parum levaminis persensit, Itaque ut sanguinis momentum excitaretur, data est sequens *infusio*.

*R. Limatur. Chalyb. ʒ i℔.*

K 4

*Rad.*

Rad. Zedoar. ʒi.

Fol. Absinth.

Gentaur. Min.  $\overline{a}$   $\overline{a}$  M. i. Infund. tepide in cerevisiæ tenuis lib. 3. per bidum. Colaturæ add.

Tinct. Croc. ʒ2. Cap. haustum ter in die.

Usa est etiam *fomento*, in *hyst.* 2. descripto.

Oct. 28. Levata est paululum virium imbecillitas : cetera nihil remissere symptomata. Repetito autem *Cathartico*, mi-tescebat *tumor*.

Nov. 6. Cum viribus increvit pulsus. Itaque sanguine ad hunc modum vividius circumactō, ut in vasa uterina impetu fortiore impingeret, adeoque menses provocaret, secta est *Saphena*.

Nov. 11. Menses, quamvis haud ita ubere copiâ, fluxere. Rediit virgini color floridus, evanuitque cum ceteris symptomatis *tumor*.



#### Historia IV.

Dec. 2.

**M**ulier boni habitûs, cui, per annos quatuor aut ultra, *bimestri periodo* re-

redierant menses , de sanitate amissa graviter querebatur . Eam quippe vexabat sitis continua , frequens oscitatio , dyspnœa , ad interiora frigoris sensus , ventriculi aliquando & intestinorum tormina , capitis dolor acerrimus , lassitudo & languor , ad dorsum , genua , & brachia dolor satis vehemens , tumor verò nullus ; cordis palpitatio , quæ cum isto circa articulos dolore à *sex mensibus* increverat . Pulsus tardus , debilis & inæqualis . Venâ secta exiit sanguis pallidus admodum & aquosus .

Intentio igitur medendi præcipua ea esse visa est , ut canalibus reclusis & expurgatis , sua sanguini restitueretur crassitas , & usitatis periodis excitaretur fluxus menstruus . Deinde etiam *symptomatis levandis* aliqua impendi debuit cura .

Ut canales à lentis humoribus liberarentur , adhibita est purgatio ,

*R. Pil. Stomach. cum Gum.*

*Succin.  $\overline{a\ a}$  3 i.*

*Calomelan. gr. 16,*

*Resin. Jalap. gr. 5.*

*Castor. gr. 2.*

*Syr. è. Spin. Cerv. q. s. M. F. Pil. 5.*

intra quadriduum ad quatuor vices repetend.

Ad

Ad sanguinem porro excitandum, ita ut velocius circulari, rectiusque commisceri posset, præscripti sequentia,

*R. Conserv. Fumar. ʒ 2.*

*Æthiop. Miner. ʒ 1.*

*Syr. è Bacc. Samb. q. s. M. F. Elect.*  
de quo cap. q. n. c. bis in die superbib.  
*Cochl. 5. Tinct. seq.*

*R. Tinctur. Chalyb. Lower. lib. 2. cui add.*

*Tinctur. Castor. ʒ 1.*

Symptomarum relevandis sic prospexi.  
Ad dolores scilicet sedandos dedi *Paregoricum*.

*R. Aq. Paralyf.*

*Cinnamom. Hordeat, aa ʒ 3.*

*Diacodii. ʒ 4.*

*Laud. Liq. gt. 100. Cap. Coch. 6.*  
hor. decub. etiam & interdiu, quoties  
atrocius sævierit dolor

Pro viribus reficiendis cap. sæpius *Sal.*  
*Volat. Oleos. gt. 30. in Vin. Canarin. & Aq.*  
*part. equal.*

Ingruente *Oscitatione* cap. 40. vel 50. *Tinct.*  
*Castor.*

Ut pacaretur denique capitis dolor, *vesicatorium* largum *nuchæ* applicatum est.

Cum *Ventriculi* tormina gravius invalescerent, hujusmodi potum usurpavit.

*R. Rad. Gentian. incis. ʒ 1.*

*Fl.*



*Fl. Chamemel.*

*Summit. Marrhub.*

*Absinth. Vulg. a a M. i.*

*Sabin. M. ss. Coq. in Aq. Font.*

lib. 4. ad consumpt. lib. 1. colatura sit pro potu communi.

Morbi historiam, quia rure vixit mulier; per singulos dies haud ita accuratè persecutus sum. His tamen usa remediis, plurimum sublevata est; & vires ita recuperavit, ut post dierum 45. intervallum redirent menses; quibus rite fluentibus, remiserunt symptomata. Iteratis denuo *electuario* & *infusione*, fluxus intra dies triginta quinque redintegratus est. qui quidem ægrotae multum profuit. Eadem medendi methodo adhibita, idem fuit proximæ periodi intervallum. Deinde ut integra valetudine frueretur, ad *aquas Astropenses* amandata est: quorum usu tandem ad consuetas periodos redu. Et menses, mulierem ægritudine omni liberabant.

*Histo.*



## Historia V.

Feb. 28. 1702.

**M**ulier quadragenaria , & paulo quàm par erat habitior , novem abhinc mensibus , tussi fortè laborans , venam secuit : *Sectâ venâ* menses , quibus ea semper parcius purgata est , ad *duas* , quæ insecutæ sunt , *periodos* penitus substituerunt . Postea verò statis temporibus regressi , imminutâ admodum copia , effluerunt . Ita cum minor solito esset evacuatio menstrua , adversa valetudine usa est , præsertim à *tribus* proximè elapsis mensibus . Symptomata , cum curæ meæ se commisit , ita se habebant . Sæviit in universo corpore dolor acerrimus , tumore quodam comitatus : remittente dolore , ita tenera erat cutis , ut tactum refigeret . Maximè verò quæsta est de abdomine : in intestinis quippe sensit tormina quasi colica , in ventriculo gravitatem , inflationem , & nauseam ; ita ut pituitosa sæpius evomeret . Ad coxendicem fixus quidam decubuit dolor . Virium ea fuit imbecillitas , ut à motu quamvis lenissimo abhorreret . In hypochondriis

driis sæpius exorta sunt tubercula , per vices rursus evanescencia . Urinæ , uti & coloris , nullum vitium . Pulsus piger , & debilis . Hebdomade proximè prægressa , accessit menstrua periodus ; guttis verò pauculis demissis , substitit fluxus .

Hujusce morbi *duplex* potissimum fuit *indicatio* .

I. Nempe , ut sedarentur , quibus graviter conflictata est mulier , symptomata .

II. Ut , pacatâ quodammodo symptomatum ferociâ , ad legitimam normam redigeretur fluxus menstruus .

Primæ igitur intentioni ut satisfacerem , quia præcipuè affecta est regio *epigastrica* , *emplastrum* suasi , quod humores resolveret , & doloris vehementiam sopiret .

*R. Emplastr. Hyster.*

*de Galban. a a q. j.*

*Opis , Campboræ a a ʒ 2. M. F. Emplastr.*  
largum abdomini applicand.

Adjeci *opium* & *campboram* , ut in vasa abdominis penitus se ingereret *emplastri* virtus : horum quippe particulæ , cum tenues admodum & subtiles sint , penetrandi vi maxima pollent . Hæc *emplastris* suis admiscuit , vir in *pharmacis concinnandis* non felix minùs quàm elegans  
*Ba-*

*Batèus* , cum humores vellet discutere \* :  
cujus quidem methodi , uti eo primùm  
auctore usum aggressus sum , ita miram  
sæpius comperi efficaciam .

Hoc igitur *emplastro* , sub noctem adhi-  
bito , post aliquot horas vehementer in-  
calescebat mulier , & humorum quandam  
quasi inter se luctam sibi visa est sentire :  
postero verò mane , prorsus evanuit in  
abdomine dolor , & dissipata sunt tuber-  
cula . Cujus rei ratio explicatu parum  
difficilis est . *Ingredientium* quippe , *cam-  
phoræ* præsertim & *opii* , particulæ , re-  
nuitate sua intra valorum poros se insi-  
nuant ; ibique lentis humoribus ; quorum  
vitio oriuntur dolores & tubercula , com-  
mixtæ , eos ita incidunt & exagitant , ut  
sanguinis globuli non ultra ad oscula ar-  
teriolarum hæreant , sed jam in minima  
divisi , vel in *venas* trajici queant , vel  
*perspiratione* foras extrudi . Ita penetrans  
reperitur *opii* & *camphoræ* vis , ut nullum  
ferè sit ( si *cantharidas* excipias ) reme-  
dium , quod , *externè* adhibitum , *cutim*  
promptiùs pertransit , & viam sibi in  
sanguinem aperit : adeo parum se osten-  
dit

\* Vide *Emplastr. Camphor. & Podag.*

dit ignava illa & frigida qualitas, quam  
iis plerique solent affingere.

*Mart.* 1. Ut ventriculi & intestinorum aliqua haberetur cura, data est in *Aq. Bathon.* lib. 2. *Sal. Epsom.* ʒ 1. quæ saburram, in primis viis hærescentem, per alvum abduxit. Noctu somnus longior solito, & pacatior.

*Mart.* 2. Vifa est sibi aliquanto vividior ; & de membrorum doloribus minus querebatur .

1 Igitur cum *secundæ*, quam retulimus, *intentioni* locus esse videretur, præscripta sunt ea, quæ sanguinis imperum ita suscitare poterant, ut usitata per *uterum* efflueret sanguinis mensura.

R. *Æthiop. Min.* 31. Cap. 2. in *Syr.*  
*Viol.* bis in die superb. *Coch.* 6. *Decoct.*  
*freq.*

℞ Cortic. Peruv.

Rad: Gentian.  $\overline{a} \overline{a} \overline{3} \beta$ .

*Sem. Cardamom.*

Cubeb.  $\overline{a} a 3 2$ .

*Bacc. Juniper.*  $\frac{3}{4}$  i. Coq. in Aq.  
Font. lib. 3. ad consumpt. lib. 1. add. sub  
finem decoctionis *Vin. Alb.* lib. 1. Cola-  
tura add.

*Tinct. Castor.*

Mart. Mynsichtb.  $\overline{a} \overline{a} \overline{3} \text{ I.}$

Mart.

*Mart. 4.* Melius se habuit , quanquam aliquando ad breve tempus recrudesceret dolor. Horâ decubitus , quoniam somnus ultimis noctibus parcius fuerat , assumptum est *hypnoticum*.

*R. Tinct. Croc.*

*Laud. Liq. Sydenh. a a.* 1. Cepit. gt. 40. ex *Ther. Venet.* quas & singulis noctibus repetit . Unde semper placidus successit somnus , & mane virium refectio.

*Mart. 6.* Pulsus multò validior . Adhuc subinde rediit ventriculi nausea , interdum etiam & vomitus . Igitur ad humores , ex *primis viis* educendos , iterum adhibitæ sunt *aquæ purgantes*.

*Mart. 7.* Indies auctæ sunt vires & pulsus fortior increbuit . Hausto *decocto* multum incaluit . Doloris nulla vestigia . Ventriculi inflatio nulla : quanquam sæpe adhuc per vices rediret *nausea* . Ab ambulatione vix ulla ferè lassitudo.

*Mart. 8.* Repetitæ sunt *aquæ purgantes* , non modò ut *sordibus* liberentur *primæ viæ* sed ut *tenuior* fiat sanguinis compages . His tamen cum nausea & vomitus parum cesserint , *Mart. 9.* ad *emetica* confugi ; quibus antea , dum vires admodum languescerent , abstinendum duxi.

Ad-

Adhibitis igitur *Sal. Vitriol.* 3 2. multum crassæ & viscidæ materiæ excrevit ventriculus; quâ ita foras ejectionem nullam fere molestiam sensit.

*Mart. 11.* Igitur ut *utrique indicationi* ulterius prospectum sit, præscripsi, uti in *historia 3. catharticum*, quod & *primas vias*, & ipsum *sanguinem* purgaret, Unde *sexies* descendit alvus, & ventriculus ita deterfus est, ut, quicquid alimenti susceperit, retinere posset.

*Mart. 13.* Vires ferè in totum instauratæ sunt. Pulsus quotidie validior. Ad *coxas* aliquando accessit subitus quidam doloris insultus, qui tamen brevi evanuit.

*Mart. 15.* Repetitum est *catharticum*, deinde etiam *pueris*, & *decoctum*.

*Apr. 2.* Nulla, nisi de gravitate quadam circa ventriculum, querimonia.

*Apr. 10.* Menses majore copia, quàm ab annis quatuor aut quinque consueverant, fluxerunt: quibus ad *quatrimum* demissis, subsedit omnis illa ventriculi gravitas.



## Historia VI.

Ost. 20. 1702.

**M**Ulieri, annos 25. natæ & viro nuptæ, menses per annum ferè minore copia fluxerant; à tribus verò, quæ proximè antegressæ sunt, periodis penitus substituerant: unde venarum omnium tumor, dorsi & capitis dolor acerrimus, ventriculi nausea, & appetitûs languor, globi quasi in gutture ascensus, virium maxima debilitas, dispnoea vehemens; de quo quidem symptomate acerbius, quàm de ceteris, quæsta est. Color haud multùm vitiat; erat enim mulier temperamenti sanguinei. Pulsus plenus, & debilis. Aniculæ, quæ juxta habitabant, omnes uno ore clàmabant, eam uterò gestare: quod ut minùs crederem, his potissimùm argumentis inductus sum.

1. Quia *cibi fastidium* perpetuò ad tertium mensem & ultra indies increbuit; quod tamen gravidæ sub *initium* magis infestare solet, *tertio* verò mense paulatim evanescere.

2. Quia



2. Quia *capitis dolor* continuus , & *gravis spirandi molestia* , in deterius ibant ; quæ quidem symptomata , cum ultra modum exacerbescant , *menstruæ suppressioni* potius , quàm *graviditati* congruere videntur .

3. Quia in ventre nec *motum* ullum , nec *tumorem* persensit ; quorum tamen alteruter saltem , si in utero sit infans , clappo *tertio* mense percipi solet .

Igitur in curandis symptomatis , quæ à *morbosa* mensium suppressione oriri arbitratus sum ; id unicè agendum videbatur , ut suus sanguini restitueretur *impetus* .

Quoniam verò *venesectionem* indicabat *pulsus plenitudo* , sanguis ad 3 12. missus est.

Febr. 21. 24. *Mercur. dulc.* ʒi.

*Resin. Scammon. gr. 6.M.*

Unde *decies* subducta est alvus , & *nausâ* minùs laborabat ventriculus .

Diebus à purgatione liberis , usa est pilulis sequentibus .

Rx. *Chalyb. cum Sulph. pp.* 3 2.

*Rad. Gentian.*

*Aristoloch. Rotund. a a ʒiſs.*

L 2

Ca.



## Historia VI.

Oct. 20. 1702.

**M**ulieri, annos 25. natæ & viro nuptæ, menses per annum ferè minor copia fluxerant; à tribus verò, quæ proximè antegressæ sunt, periodis penitus substitierant: unde venarum omnium tumor, dorsî & capitis dolor acerrimus, ventriculi nausea, & appetitus languor, globi quasi in gutture ascensus, virium maxima debilitas, dyspnœa vehemens; de quo quidem symptomate acerbius, quàm de ceteris, quæsta est. Color haud multum vitiat; erat enim mulier temperamenti sanguinei. Pulsus plenus, & debilis. Aniculæ, quæ juxta habitabant, omnes uno ore clàmabant, eam utero gestare: quod ut minùs crederem, his potissimum argumentis inductus sum.

1. Quia *cibi fastidium* perpetuò ad tertium mensem & ultra indies increbuit; quod tamen gravidæ sub *initium* magis infestare solet, *tertio* verò mense paulatim evanescere.

2. Quia

2. Quia *capitis dolor* continuus , & *gravis spirandi molestia* , in deterius ibant ; quæ quidem symptomata , cum ultra modum exacerbescant , *menstruæ suppressioni* potius , quàm *graviditati* congruere videntur .

3. Quia in ventre nec *motum* ullum , nec *tumorem* persensit ; quorum tamen alteruter saltem , si in utero sit infans , elapso *tertio* mense percipi solet .

Igitur in curandis symptomatis , quæ à *morbosa* mensium suppressione oriri arbitratus sum ; id unice agendum videbatur , ut *suus sanguini* restitueretur *impetus* .

Quoniam verò *venesectionem* indicabat *pulsus plenitudo* , sanguis ad 3 12. missus est .

Febr. 21. 24. *Mercur. dulc.* ʒi.

*Resin. Scammon.* gr. 6.M.

Unde *decies* subducta est alvus , & *nausâ* minùs laborabat *ventriculus* .

Diebus à purgatione liberis , usa est *pilulis* sequentibus .

Rx. *Chalyb. cum Sulph.* pp. 3 2.

*Rad Gentian.*

*Aristoloch.* Rotund. aa ʒiſs.

L 2

Ca.

*Castor.*

*Pulv. Ari. comp. a a 3 1.*

*Extract. Absinth. q. s. M. F. Pil. me-  
diocr. cap. 4. bis in die, superb. hau-  
stum cerevisiæ tenuis, in cujus lib. 3.  
incoq.*

*Limatur. Chalyb 3 1*

*Rad. Rub. Tinctur.*

*Curcum. a a 3 3.*

*Bacc. Juniper. 3 c.*

*Sabin. M. 1. In quolibet haustu cap.  
Tinctur. Croc. gt. 15.*

*Febr. 28.* Nulla ferè in symptomatis  
mutatio. Pulsus tamen multo fortior.  
Repetitum est itaque *catbarticum*, unde  
ad duos aut tres dies plurimum levata est.

*Mart. 6.* Cum vix quicquam levaminis  
sentiret, *tertio* adhibita est *purgatio*.

*Mart. 12.* Mitescebat aliquantulum *cap-  
itis dolor*, & *dyspnœa*.

Post *infusionem* repetitam. *Apr. 8.* men-  
ses, quanquam exigua nimis copia, flu-  
xerunt: quibus erumpentibus, evanuit  
ea, quam hætenus secum tacite foverat,  
graviditatis suspicio.

Restitutis mensibus rediit simul vale-  
tudo; nisi quod ad motum & laborem,  
si paulò diuturnior fuerit, rediret subinde  
*dispnœa*.

GAP.

## C A P. XII.

*De Symptomatis , quæ à mensium fluxu  
immodico oriuntur .*

**A**lterum uterini fluxus vitium est ,  
*nimia sanguinis profusio* ; quæ duobus  
modis accidere solet , cum vel statis pe-  
riodis nimis copiosè erumpat sanguis , vel  
periodi frequenter nimis recurrant . Hic  
quidem morbus inter mulieres haud æquè  
familiaris est , ac *suppressio* ; paucioribus  
etiam stipatur *symptomatis* : quæ tamen  
uti numero deficiunt , ita vehementiâ suâ  
invalescunt , ut gravius multò sit à men-  
sibus ultra modum *fluentibus* , quàm re-  
*tentis* periculum . Sanguinis enim *defectus*  
difficiliùs refarcitur , quàm detrahitur  
*copia* ; uti & *obesis* corporis habitudo fa-  
ciliùs deteri solet , quàm apponi *macilen-  
tis* . *Solidæ* quippe partes , si paulò la-  
xius distendantur , diminutâ fluidi copiâ ,  
tonum satis promptè recolligunt : sin  
præ fluidi inopiâ arctius semel coalescant ,  
quomodocunque humida & mollientia  
adhibueris , meatus obturati non nisi  
ægrè admodum recluduntur .

Mensibus adeo immodicè profluentibus, insequi solent *virium imbecillitas, cordis anxietas, syncope, extremorum frigus, pallor, convulsio, suffocatio*; quæ quidem, *recente* adhuc morbo, sese exerunt symptomata: *inveterascente* profluvio etiam hæc tandem accrescunt, *tumores, cachexia, hydrops, fluor albus, febris hectica, atrophia*. Atque hic quidem morbus uti suppressioni menstruæ est contrarius, ita ea, quæ *fœminis* infert, symptomata contrariam prorsus agnoscunt causam, sanguinis scilicet *inopiam*.

Sanguine enim liberè nimis profuso, multum istius liquidi una effluit, quod in spirituum animalium suppetias cedere debuit: unde promptuario exhausto, parcius in nervos traducuntur spiritus; quibus adeo imminutis, languescunt, quæ à spirituum copia derivantur, *vires*. Atque hæc quidem decrescunt in *ratione* sanguinis diminuti *triplicatâ*: cum enim ad motum muscularem requiratur *liquidi nervosi; fibrarum muscularium*, & ipsius demum *sanguinis* unita actio, satis patet, musculorum vires, sive animalis *robur*, esse in *proportionem* horum trium *compositâ*: quæ cum à massa sanguinea ita pendeant, ut ei semper *proportionalis* sit ipsorum quan-

quantitas, erunt vires in ratione sanguinis triplicata; uti demonstravit D. Cheynéus <sup>a</sup>, Si igitur mensum fluxu immodico profundatur pars sanguinis dimidia, virium  $\frac{2}{3}$  deperdet mulier. Hinc & ratio elucet diversi istius effectus, qui dissimiles inter se evacuationes sequi solet: ab *ingentibus* scilicet & *subitis*, propter sanguinem exhaustum, labefactantur admodum vires; eadem satis constant, si *leotè* & *gradatim* peragatur evacuatio, uti in *Diaphoresi*, *Diuresi* &c. fit.

Deficiente ad hunc modum satis ubere spirituum copia, cor, si qua alia corporis pars, propter assidua in propellendo sanguine virium dispendia, brevi deficiet: spiritibus enim destitutum, minorem multò sanguinis molem foras pellit; qui ideo in *ventriculis* ejus diutius subsistens, laboris quendam & *anxietatis* sensum ad *præcordia* inducit. Quodd si exhaustis spiritibus ita tandem deficiat *cordis* robur, ut sanguinis ponderi prorsus impar sit, suspendetur contractio, & cessante sanguinis motu succedet *animi deliquium*; donec cor iis spirituum supplementis instructum fuerit,

L 4

ut

<sup>a</sup> De Hætica.

*Batæus* , cum humores vellet discutere <sup>a</sup> :  
cujus quidem methodi , uti eo primùm  
auctore usum aggressus sum , ita miram  
sæpius comperi efficaciam .

Hoc igitur *emplastro* , sub noctem adhi-  
bito , post aliquot horas vehementer in-  
calescebat mulier , & humorum quandam  
quasi inter se luctam sibi visa est sentire :  
postero verò mane , prorsus evanuit in  
abdomine dolor , & dissipata sunt tuber-  
cula . Cujus rei ratio explicatu parum  
difficilis est . *Ingredientium* quippe , *cam-  
phoræ* præsertim & *opii* , particulæ , re-  
nuitate sua intra valorum poros se insi-  
nuant ; ibique lentis humoribus ; quorum  
vitio oriuntur dolores & tubercula , com-  
mixtæ , eos ita incidunt & exagitant , ut  
sanguinis globuli non ultra ad oscula ar-  
teriolarum hæreant , sed jam in minima  
divisi , vel in *venas* trajici queant , vel  
*perspiratione* foras extrudi . Ita penetrans  
reperitur *opii* & *camphoræ* vis , ut nullum  
ferè sit ( si *cantharidas* excipias ) reme-  
dium , quod , *externè* adhibitum , *cutim*  
promptiùs pertransit , & viam sibi in  
sanguinem aperit : adeo parum se ostendit

<sup>a</sup> Vide *Emplastr. Camphor. & Podag.*



dit ignava illa & frigida qualitas, quam iis plerique solent affingere.

*Mart.* 1. Ut ventriculi & intestinorum aliqua haberetur cura, data est in *Aq. Bathon.* lib. 2. *Sal. Epsom.*  $\frac{3}{4}$  1. quæ saburram, in primis viis hærescentem, per alvum abduxit. Noctu somnus longior solito, & pacatior.

*Mart.* 2. Visa est sibi aliquanto vividior; & de membrorum doloribus minus querebatur.

Igirur cum secundæ, quam retulimus, intentioni locus esse videretur, præscripta sunt ea, quæ sanguinis impetum ita fuscitare poterant, ut usitata per uterum efflueret sanguinis mensura.

*R.* *Æthiop. Min.*  $\frac{3}{4}$  1. *Cap.*  $\frac{3}{4}$  2. in *Syr. Viol.* bis in die superb. *Coch.* 6. *Decoct.* seq.

*R.* *Cortic. Peruv.*

*Rad: Gentian.*  $\frac{a}{a} \frac{3}{4}$   $\frac{1}{2}$ .

*Sem. Cardamom.*

*Cubeb.*  $\frac{a}{a} \frac{3}{4}$  2.

*Bacc. Juniper.*  $\frac{3}{4}$  1. *Coq.* in *Aq. Font.* lib. 3. ad consumpt. lib. 1. add. sub finem decoctionis *Vin. Alb.* lib. 1. Colaturæ add.

*Tinct.* *Castor.*

*Mart. Mynsichtb.*  $\frac{a}{a} \frac{3}{4}$  1.

*Mart.*

*Mart. 4.* Melius se habuit , quanquam aliquando ad breve tempus recrudesceret *dolor*. Horâ decubitûs , quoniam somnus ultimis noctibus parcius fuerat , assumptum est *hypnoticum*.

*R. Tinct. Croc.*

*Laud. Liq. Sydenh.*  $\overline{a} \overline{a}^7$  1. *Cepit. gt. 40.* ex *Ther. Venet.* quas & singulis noctibus repetit . Unde semper placidus successit somnus , & mane virium refectio.

*Mart. 6.* Pulsus multò validior . Adhuc subinde rediit ventriculi nausea , interdum etiam & vomitus . Igitur ad humores , ex *primis viis* educendos , iterum adhibitæ sunt *aque purgantes*.

*Mart. 7.* Indies auctæ sunt vires & pulsus fortior increbuit . Hausto *decasto* multum incaluit . Doloris nulla vestigia . Ventriculi inflatio nulla : quanquam sæpe adhuc per vices rediret *nausea* . Ab ambulatione vix ulla ferè lassitudo.

*Mart. 8.* Repetitæ sunt *aque purgantes* , non modò ut *sordibus* liberentur *primæ viæ* sed ut *tenuior* fiat sanguinis compages . His tamen cùm nausea & vomitus parum cesserint , *Mart. 9.* ad *emetica* confugi ; quibus antea , dum vires admodum languescerent , abstinendum duxi.

Ad.

Adhibitis igitur *Sal. Vitriol.* 3 2. multum crassæ & vilcidæ materiæ excrevit ventriculus ; quâ ita foras ejectâ nullam fere molestiam sensit .

*Mart.* 11. Igitur ut *utrique indicationi* ulterius prospectum sit , præscripsi , uti in *historia* 3. *catbarticum* , quod & *primas vias* , & ipsum *sanguinem* purgaret , Unde *sexies* descendit alvus , & ventriculus ita deterfus est , ut , quicquid alimenti susceperit , retinere posset .

*Mart.* 13. Vires ferè in totum instauratæ sunt . Pulsus quotidie validior . Ad *coxas* aliquando accessit subitus quidam doloris insultus , qui tamem brevi evanuit .

*Mart.* 15. Repetitum est *catbarticum* , deinde etiam *puvis* , & *decoctum* .

*Apr.* 2. Nulla , nisi de gravitate quadam circa ventriculum , querimonia .

*Apr.* 10. Menses majore copia , quàm ab annis quatuor aut quinque consueverant , fluxerunt : quibus ad *quatriduum* demissis , subsedit omnis illa ventriculi gravitas .



## Historia VI.

Ost. 20. 1702.

**M**Ulieri, annos 25. natæ & viro nuptæ, menses per annum ferè minor copia fluxerant; à tribus verò, quæ proximè antegressæ sunt, periodis penitus substiterant: unde venarum omnium tumor, dorsî & capitis dolor acerrimus, ventriculi nausea, & appetitus languor, globi quasi in gutture ascensus, virium maxima debilitas, dyspnœa vehemens; de quo quidem symptomate acerbius, quàm de ceteris, quæsta est. Color haud multum vitiat; erat enim mulier temperamenti sanguinei. Pulsus plenus, & debilis. Aniculæ, quæ juxta habitabant, omnes uno ore clāmitabant, eam *utero* gestare: quod ut minùs crederem, his potissimum argumentis inductus sum.

1. Quia *cibi fastidium* perpetuò ad tertium mensem & ultra indies increbuit; quod tamen gravidæ sub *initium* magis infestare solet, *tertio* verò mense paulatim evanescere.

2. Quia

2. Quia *capitis dolor* continuus , & *gravis spirandi molestia* , in deterius ibant ; quæ quidem symptomata , cum ultra modum exacerbescant , *menstruæ suppressioni* potius , quàm *graviditati* congruere videntur .

3. Quia in ventre nec *motum* ullum , nec *tumorem* persensit ; quorum tamen alteruter saltem , si in utero sit infans , elapso *tertio* mense percipi solet .

Igitur in curandis symptomatis , quæ à *morbosa* mensium suppressione oriri arbitratus sum ; id unicè agendum videbatur , ut suus sanguini restitueretur *impetus* .

Quoniam verò *venesectionem* indicabat *pulsus plenitudo* , sanguis ad 3 12. missus est .

Febr. 21. 24. Mercur. dulc. ʒi.

Resin. Scammon. gr. 6. M.

Unde *decies* subducta est alvus , & *nausâ* minùs laborabat ventriculus .

Diebus à purgatione liberis , usa est pilulis sequentibus .

Rx. Chalyb. cum Sulph. pp. ʒ 2.

Rad. Gentian.

Aristoloch. Rotund. aa ʒiſs.

L 2

Ca.

*Castor.*

*Pulv. Ari. comp. a a 3 1.*

*Extract. Absinth. q. s. M. F. Pil. me-  
diocr. cap. 4. bis in die, superb. hau-  
stum cerevisiæ tenuis, in cujus lib. 3.  
incoq.*

*Limatur. Chalyb 3 1*

*Rad. Rub. Tinctur.*

*Curcum. a a 3 3.*

*Bacc. Juniper. 3 1.*

*Sabin. M. 1. In quolibet hauſtu cap.  
Tinctur. Croc. gt. 15.*

*Febr. 28.* Nulla ferè in ſymptomatis  
mutatio. Pulsus tamen multo fortior.  
Repetitum eſt itaque *catbarticum*, unde  
ad duos aut tres dies plurimum levata eſt.

*Mart. 6.* Cum vix quicquam levaminis  
ſentiret, *tertio* adhibita eſt *purgatio*.

*Mart. 12.* Miteſcebat aliquantulum capi-  
tis dolor, & *dyspnœa*.

Post *infuſionem* repetitam. *Apr. 8.* men-  
ſes, quanquam exigua nimis copia, flu-  
xerunt: quibus erumpentibus, evanuit  
ea, quam hætenus ſecum tacite foverat,  
graviditatis ſuſpicio.

Reſtitutis menſibus rediit ſimul vale-  
tudo; niſi quod ad motum & laborem,  
ſi paulò diuturnior fuerit, rediret ſubinde  
*dyspnœa*.

CAP.



## C A P. XII.

*De Symptomatis , quæ à mensium fluxu  
immodico oriuntur .*

**A**lterum uterini fluxus vitium est ,  
*nimia sanguinis profusio* ; quæ duobus  
modis accidere solet , cum vel statis pe-  
riodis nimis copiosè erumpat sanguis , vel  
periodi frequenter nimis recurrant . Hic  
quidem morbus inter mulieres haud æquè  
familiaris est , ac *suppressio* ; paucioribus  
etiam stipatur *symptomatis* : quæ tamen  
uti numero deficiunt , ita vehementiâ suâ  
invalescunt , ut gravius multò sit à men-  
sibus ultra modum *fluentibus* , quàm *re-  
tentis* periculum . Sanguinis enim *defectus*  
difficiliùs resarcitur , quàm detrahitur  
*copia* ; uti & *obesis* corporis habitudo fa-  
ciliùs deteri solet , quàm apponi *macilen-  
tis* . *Solidæ* quippe partes , si paulò la-  
xiùs distendantur , diminutâ fluidi copiâ ,  
tonum satis promptè recolligunt : sin  
præ fluidi inopiâ arctiùs semel coalescant ,  
quomodocunque humida & mollientia  
adhibueris , meatus obturati non nisi  
agrè admodum recluduntur .

L 3

Men.

Mensibus adeo immodicè profluentibus, insequi solent *virium imbecillitas, cordis anxietas, syncope, extremorum frigus, pallor, convulsio, suffocatio*; quæ quidem, *recente* adhuc morbo, sese exerunt symptomata: *inveterascente* profluvio etiam hæc tandem accrescunt, *tumores, cachexia, hydrops, fluor albus, febris hectica, atrophia*. Atque hic quidem morbus uti suppressioni menstruæ est contrarius, ita ea, quæ *scæminis* infert, symptomata contrariam prorsus agnoscunt causam, sanguinis scilicet *inopiam*.

Sanguine enim liberè nimis profuso, multum istius liquidi una effluit, quod in spirituum animalium suppetias cedere debuit: unde promptuario exhausto, parcius in nervos traducuntur spiritus; quibus adeo imminutis, languescunt, quæ à spirituum copia derivantur, *vires*. Atque hæc quidem decrescunt in *ratione* sanguinis diminuti *triplicatâ*: cum enim ad motum muscularem requiratur *liquidi nervosi; fibrarum muscularium*, & ipsius demum *sanguinis* unita actio, satis pater, musculorum vires, sive animalis *robur*, esse in *proportionem* horum trium *compositâ*: quæ cum à massa sanguinea ita pendeant, ut ei semper *proportionalis* sit ipsorum quan-



quantitas, erunt *vires* in ratione sanguinis triplicata; uti demonstravit *D. Cheyneus* <sup>a</sup>, Si igitur mensium fluxu immodico profundatur pars sanguinis *dimidia*, virium  $\frac{2}{3}$  deperdet mulier. Hinc & ratio elucet diversi istius effectus, qui dissimiles inter se evacuationes sequi solet: ab *ingentibus* scilicet & subitis, propter sanguinem exhaustum, labefactantur admodum *vires*; eadem satis constant, si *leotè* & *gradatim* peragatur evacuatio, uti in *Diaphoresi*, *Diuresi* &c. fit.

Deficiente ad hunc modum satis ubere spirituum copia, *cor*, si qua alia corporis pars, propter assidua in propellendo sanguine virium dispendia, brevi deficiet: spiritibus enim destitutum, minorem multò sanguinis molem foras pellit; qui ideo in *ventriculis* ejus diutius subsistens, laboris quendam & *anxietatis* sensum ad *præcordia* inducit. Quodd si exhaustis spiritibus ita tandem deficiat *cordis* robur, ut sanguinis ponderi prorsus impar sit, suspendetur contractio, & cessante sanguinis motu succedet *animi deliquium*; donec *cor* iis spirituum supplementis instructum fuerit,

L 4

ut

<sup>a</sup> *De Hælica.*

ut , sanguinis momento præpollens , circuitum denuo integrare valeat .

Vacillante porro *cordis* motu , debilius erit sanguinis *momentum* : tum quia , men-  
sibus profluentibus , detrahitur *copia* , tum  
quia , corde vim suam imbecillius exerente ,  
minuitur etiam *velocitas* . Igitur cum  
languescat admodum sanguinis , jam in ar-  
terias protrusi , *momentum* , haud ita facile  
pervincet eam , quæ ab arteriarum tuni-  
cis , & præcedente sanguine continuo  
oritur , renitentiam . Saltem cum ad  
minutiora vasa devenerit sanguis , motu  
adeo languido feretur , ut tenacius inter  
se cohæreant particulæ : quàm quæ per  
*capillarium* orificia satis expedite traduci  
queant : ita ad *extremitates* vasorum aut  
subsistet penitus , aut segniter admodum  
perlabetur sanguis , cujus impetu ad hunc  
modum fracto & debilitato , in *extremis*  
orietur *frigus* , in *facie pallor* . Potest  
etiam non à *lentore* modò , sed ex ipso  
sanguinis *defectu* derivari *extremorum fri-*  
*gus* ; *calor* quippe partis cujuscunque , est  
ut *causa* , quæ ipsum producit : ea verò  
*causa* nihil aliud est , nisi ipse sanguis ca-  
lidus ad partes perveniens : ideoque , si  
ex defectu sanguinis *extrema* corporis aut  
parcius aut non omnino irrigantur . ne-  
cesse

ceffe est , ut in iis sentiatur *frigus* . Eodem modo & *pallor*, in facie , ob copiam sanguinis deficientem , orietur ; certum enim est *puellas* , quò magis sanguine rite circumactò abundant , eò intensius *rubescere* .

*Convulsio* , uti mensibus suppressis à repletionem proficiscitur , ita iisdem immodicè profluentibus , ab inanitione , quæ apud *Hippocratem* est altera *convulsionis* causa , deduci potest . Si enim in musculum quemvis derivetur liquidi copia minor , quàm in oppositum , orietur musculi oppositi contractio , uti ex iis , quæ de *convulsione* paulo ante diximus , patebit . Ita si musculos *laryngis* & *æsophiagi* corripit *spasmus* . *suffocationem* quandam patietur scæmina : quam tum maximè in mulieribus reperiri scribit *Hippocrates* <sup>a</sup> , cum menses supra modum profluxerint . Idem quoque hanc , quæ immodicis <sup>b</sup> mensibus supervenit , *convulsionem periculosam* pronuntiat : quia , cum hoc semel accesserit symptoma , signum est , plus sanguinis effluxisse , quàm quod vires corporis citra noxam pati queant ; ita ut , solidarum partium tono vehementer labefactato , vix ulla salutis spes superfit .

Hæc

<sup>a</sup> *Morb. Mul.* 1, 16. <sup>b</sup> *Aph.* 5. 56.

Hæc quidem , quibus hætenus immorati sumus , symptomata , non tantum à mensibus immodicis sequi solent , sed à quocunque ferè *nimio* sanguinis <sup>a</sup> , sive id naturâ , sive arte fiat , profluvio .

Imminuta verò evacuatione nimia sanguinis copia *qualitatem* etiam vitiabit , inferetque *cachexiam* . Quippe cum demum rite temperatur sanguis , & sua corpori constat *sanitas* , cum legitima fiat humorum omnium , qui secerni debent , *secretio* : ea verò debite peragi non potest , nisi intra certos limites constiterit *velocitas* , Datis quippe vasorum *orificiis* , in ratione *velocitatis* est *secretio* . Cum itaque profusis mensibus , propter spirituum inopiam , cordis contractio , adeoque fluidi circulantis *velocitas* , remittatur admodum & languescat , minus debita erit particularum *secretio* ; ita multi intra vasa retinentur , quos eliminari oportuit , humores ; *crasique* naturalem amittit sanguis . Hanc sanguinis *cachexiam* multum promovet *chylus* , in *primis viis* minus rite elaboratus : spiritibus enim imminutis , defunt *ventriculo* & *intestinis* vires , ita ut alimentum non satis valide comminuere

<sup>a</sup> Vid. Willis. & Pellin. passim.

nuere queant : quodd cum imperfectius conteritur , in sanguinis naturam difficilius migrat.

Nec *cachexia* solum à *chylo* minus comminuto , sed *lentor* etiam succedet : qui tamen , quamvis nullum in *chylo* fuerit vitium , à velocitate sanguinis imminuta orietur . Cum enim segnius moveatur sanguis , deficit illa particularum attritio , quæ coherentiam prohibet : ita , cum minor sit globulorum in se invicem actio , facilius erit unio , & compages densior . Sanguine adeo ad *lentorem* perducto , & canalium fibris , propter spirituum defectum , debilitatis & pere flaccescentibus , orientur *tumores* simili prorsus modo , ac in *suppressione menstrua* explicatum est : quia , cum eadem utrobique sit causa , eundem etiam effectum potest producere : aliquando etiam succedet *hydrops* . Quanquam *hydrops* quidem mensium suppressorum comes frequentior sit , redundantium verò *hæctica* .

*Hæctica* rationem nuper exposuit vir<sup>a</sup> in *theoria medica* versatissimus , ejusque symptomata à canalibus *secretoris* , supra modum dilatatis , haud absurde , deduxit : hanc  
igi-

igitur *hæctica* causam nos non discutiemus denuo, sed pro certa atque concessa habebimus; ostensuri tantum, quomodo à mensibus immodicis hujusmodi succedat *canalium distensio*. Et ea quidem duobus potissimum modis efficitur. 1. Mensibus nimium profluentibus, uri deficit quod in corpore detineri debet *fluidum*, ita *solide* etiam partes sensim abolescunt: pabulo enim suo defraudatæ, à mole pristina multum recedunt, contractioresque fiunt, ita ut canales, quos undiqueque ambiunt, minus jam premere & constringere queant: remoto igitur hoc ad latera canalium obstaculo, sanguis intus decurrens fortiore impetu in fibras arietat, quas proinde facilius distrahit; unde major *vasorum amplitudo*. 2. Vasa laxius explicari patitur *tonus* fibrarum *labefactus*. Sanguis enim evacuatione nimia exhausto, deficiunt tandem spiritus, qui fibras canalium *contractiles* vividè satis animant, ut motum *tonicum* exercent, debita vi in sanguinem circumstantem reciprocè nitantur: viribus adeo fibrarum imminutis, sanguini impingenti cum imbecillius resistent canales, ipsius momento cedunt, & spatium *amplius* largiuntur. Sequetur etiam *hæctica*,  
 si,

fi , immutata *canalium* amplitudine , minuatur certa ratione sanguinis *copia* ; *humorum* enim respectu nimis *spatiosi* sunt *canales* : unde eadem oriuntur symptomata , ac si , cum nulla esset in *sanguine* molis mutatio , revera ampliaretur *vasorum* capacitas . Quippe si , sanguinis quantitate dimidio imminuta , eadem ac olim fuerint vasorum orificia , idem est , ac si consueta sanguinis quantitas in vasis circuletur , vasa verò dimidio ampliora fiant . Cum verò spiritus , quibus fibrarum *tonus* conservatur , eadem proportionem ac sanguis deficient , erit *toni diminutio* in ratione fluidi imminuti *dupplicata* . Ita , cum utraque concurrat causa , *canalium* nempe *laxitas sanitatisque imminutio* , gravius invalescet , in eadem scilicet ratione , *febris hectica* .

• Ad hunc modum nascetur *hectica* , si *canalium* omnium , *cutaneorum* præsertim , labascat *tonus* ; si vasa *secretoria* in particulari aliquo viscere *tonum* amiserint , *hectica* producenda licet impar sit ista meatuum ampliatio , id efficiet tamen , ut per eos fiat uberior liquidum secretio : quæ data sanguinis *velocitate* , est in ratione *orificii* . Ita si *uteri tonus* vacillet , *glandularum* , quæ internæ i-  
pſius

plius tunicæ interferuntur , adeo dehiscunt oscula , ut lympham suam in *utero* copiosius effundant ; eâ verò continuò foras stillante , orietur morbus ille , qui appellatur *fluor albus* : quo semper ferè laborant eæ , quas mensium fluxus nimius exhaust.

Succedit tandem *atrophia* ; quia tum deficit , qui in corporis nutrimentum cedit , *sanguis* , tum *chylus* propter ventriculi imbecillitatem minùs rite comminutus est , tum denique , quia ita debilitatur sanguinis *momentum* , ut non ictu satis valido succum *nutritium* in solidarum partium poros impellere atque adigere queat : ita impetu sanguinis infracto , coalescunt penitus & occluduntur , qui nutrimentum excipere solent , *meatus* . *Nutritio* quippe nihil aliud est , quàm succi alicujus *appositio* , sive *perpetua* in *fibrarum* poros alimenti *successio* .

Hoc nimio mensium profluvio non æquè laborant omnes : *Virginibus* enim , uti frequentius multò restricti sunt , ita rariùs immodicè fluunt menses : in iis nempe , propter *vasa constrictiora* , non ita facilis sanguini patet exitus , ac in *puerperium* expertis .





## CAP. XIII.

De Methodo in fluxu mensium immodico  
Therapeutica.

**H**ujusce morbi curatio pro ratione causarum diversa est; duplici enim modo provocatur fluxus immodicus, nempe vel *vasorum*, vel *sanguinis* vitio. *Vasa* quippe in vitio sunt, cum flaccescunt nimium, & dehiscunt, h. e. cum ipsorum *fibræ* ita laxè inter se cohærent, ut sanguinis momento cedant: sanguis verò, cum ita *redundans*, aut *tenuis* sit, aut rapidè circumactus, ut intra vasa uberius feratur.

Id verò semper advertendum est, fluxûs immodici *judicium* fieri debere, collatione habita ad priores circuitus, ad incommoda, ad victum præcedentem, ad sanguinis statum: *nimios* verò esse menses præ ceteris signis indicat *virium imbecillitas*, ita ut virium regulâ unicè metienda sit fluxûs redundantia. Quippe, quibus diu *subsisterint*, vel ipsi *menses*, vel *evacuationes* aliæ solennes, in iis longius  
citra

citra noxam durat fluxus ; ideo *critica eruptio* , quamvis diuturnior sit , nunquam subito sistenda est . Pariter *mollibus foeminis & aquosis* , *otiosis* etiam & *victui indulgentibus* , diutius fluunt menstrua ; quia in his omnibus uberior sit , quæ fluxum temperat , *Plethora* . Igitur eas , quibus *sanguis aquosus* , & *habitus succulentus* fuerit , fluxui nimio magis obnoxias esse rectè pronuntiat *Etmtullerus* \* .

I. Itaque *vasis flaccescentibus* , in eo præcipuè enitendum esse videtur , ut redintegretur , quocunque modo labefactus fuerit , *tonus* : qui quidem faciliè restitui solet , si *externè* adhibeantur remedia , quæ fibras roborant , & constringunt . Hæc faciliè ex *astringentium* familia depromi possunt , quorum sanè ratio , si operandi modum spectes , ita videtur explicanda . Scilicet cum *astringentium* ea sit vis , ut humoribus *coagulum* quoddam inducant , quemadmodum mox probaturi sumus , particulæ *stypticæ* , sanguini effluenti commixtæ intimiusque unitæ , quasi *gluten* effingunt , quo coalescant , & compingantur valorum *lacunæ* . Præter hanc *coagulandi* vim , alia etiam

in

## *Mensuum immodico Therapeutica. 177*

in *externis* remediis virtus concipi potest, quæ *vasa* dehiscencia restringat; *stimulis* nempe *astringentium*; qui cum acriter *fibras* pungat & vellicet, *vasa* adeo irritantur, ut se validius contrahant, & motum, quem vocant *tonicum*, recolligant. Ita *urtice* succus *naribus* admotus, *stimuli* virtute; *spiritus vitrioli*, tum *stimulando*, tum *coagulando*, *hemorrhagiam* sistere videtur. Possunt etiam in usum vocari *interna* remedia; quæ tamen ad fluxum nimium, tum cum à *sanguinis* vitio oritur, quasi jure quodam pertinere videntur.

Quod si *vasorum* tonus ultra modum debilitatus fuerit, cohibito fluxu, *interna* adhibenda sunt remedia, quæ *fibras* roborant; ne proxima forte periodo, cum *sanguinis* plethorici momentum increverit, *vasa* adhuc imbecillia plus sanguinis, quam par est, emitti sinant. *Fibras* itaque maxime roborant *analeptica*, sive ea, quæ nutrimentum corpori largius sufficiunt, & *solidarum* partium robur instaurant.

II. Cum à *sanguinis* vitio ortum traxerint menses immodici, *curatio* exposita: duo medicamentorum genera, vel *revellentia* scilicet; vel *astringentia*.

Tam. I. d. d. M. d. d. 1. Quip-

1. Quippe *revellentia*, cum ad partes, quæ instituitur *revulsio*, humores uberius trahant, efficiunt; ut sanguis minore impetu ad *uterum*, unde *derivatur*, profluat: ita momento fluidi debilitato, vasa, minus jam distenta, in statum *contractilem* redeunt, & sanguinem intra latera sua coërcent. Ita mensium fluxum cohibet facta in *brachio revulsio*, sive per *venæ-sectionem* ea fiat, sive per *frictiones*, sive per *cucurbitas*; quas & *mammis* ad moveri suadet *Hippocrates*<sup>a</sup>. Ita si *revulsione* quadam *naturali* excitetur sanguinis *vomitibus*, mulier profusis mensibus liberatur<sup>b</sup>: quia sanguine tum imminuto, tum uberius sursum ducto, vasa *uterina* minus premuntur. Hæc tamen *nature* *methodus* non ea esse videtur, quam *ars* imitari debeat; *emetica* enim, cum *abdomen* vehementer succutiant, menses promoveant potius, quam restringunt. Idem de *fortioribus purgantibus*; quæ sanguinem agitant & rarefaciunt, dicendum est: possunt tamen adhiberi *mitiora*, ut subducta alvo, aliqua, qualiscunque ea sit, ab *utero* fiat humorum *revulsio*: quæ ideo *practici* astringentibus semper serè præmittunt.

<sup>a</sup> *Aph. 5. 50. Epid. 2. 6.* <sup>b</sup> *Aph. 5. 32.*

*mittunt*. Hisce *revellensibus* sæpe com-  
pescitur fluxus menstrualis : cum ex co-  
piam duxerit, quod sanguis, aut redun-  
dans fuerit, aut nimis rapide circum-  
actus.

His *revulsionum* generibus rejectis, *dia-  
phoretica* suadet *Emullerus*, quæ serum co-  
piosum una cum acrioribus salibus per cutim  
eliminant : quod tamen medendi confi-  
lium rationi parum congruere videtur,  
Quamvis enim copiam sanguinis immi-  
nuant *diaphoretica*, ipsius tamen compa-  
gem ita solvunt & attenuant, ut augea-  
tur plurimum, quæ ad vasa est, *Pletora* :  
ita sub ipso fluxu si adhibeantur *diaphore-  
tica*, periculum est, ne uberius prorom-  
pant menses.

2. Ad compescendum fluxum adhiben-  
tur *astringentia* : quæ cum coagulum &  
lentorem humoribus inducant, sanguinis  
impetum ita imminuunt & infringunt,  
ut vasorum impedimentum nequeat pervin-  
cere, uti in sequentibus fusiùs ostende-  
tur. Ad fluxum sistendum aliquid fortè  
conferre potest & stimulus ille, quo pol-  
lent *astringentia*, etiam cum internè ad-  
hibeantur : qui cum fibras vasorum velli-

M 2

cer,


cer, ea stringere quodammodo & contrahere posse videtur: licet fatendum sit, non magni æstimandam esse hanc, quæ à *stimulo* derivatur, *astringentium internorum* virtutem.

*Astringentibus* annumeranda sunt *glutinantia*, inter quæ præcipuum locum obtinent *balsamica*; quippe hæc etiam, gradu licet remissione, sanguinem incrassant, partiumque *erasin* compactiorem reddunt: ideo non modò sanguinis momentum imminuunt, sed & vasis dehiscentibus *gluten* quoddam affigunt. Quia verò imbecillioris efficaciæ sint *balsamica*, iis non nisi post *astringentia* videtur esse in *praxi* locus.

Quò verò fluxus faciliùs sisti queat, adhibenda sunt non interna modò, sed & externa etiam, quæ jam in altero fluxus genere descripsimus, *astringentia*; tardius quippe succedit curatio, si dum sanguinem temperando opera impenditur, *vasorum* conglutinatio negligatur.

Cohibito fluxu, canalibusque satis obfirmatis, si, uti plerumque fit, defecerint *vires*, ad ea confugiendum est remedia, quæ sanguinem instaurant, spirituumque copiam sufficiunt: & ea quidem non ex officina modò, sed etiam ex

*salina* depromenda sunt . Et hic demum locum habent ea , quæ etiam *suppressis* mensibus prosunt , remedia : quod libentius noto , quia , hoc minus habito *temporum* discrimine , multos forte fefellerit *materia medica* , quæ , uti ab auctoribus ordinatur , in utroque mensium vicio ferè eadem est .



*Historia. I.*

*Febr. 1. 1702.*

**M**ulier quædam post partum fluxum mensium immodico correpta est , qui ad sex annos persistit : ultimo biennio quotidie ferè profluxit sanguis , interdum in grumos , ovi magnitudinem æquantés , concretus . Siti & summa virium imbecillitate laborabat , nonnunquam & febricitabat . Dolor in abdomine & regione uterina vehemens , & continuus . Cordis anxietas , aliquando etiam syncope inuasit . Pulsus digito vix percipiendus .

M 3

In

*Intentio curatoria* videbatur, ut, fluxu cohibito, reficerentur, quæ admodum languiscebant, vires.

In fluxu igitur coercendo, cum revelentibus abstinendum duxerim, quia eorum usum prohibere videbantur vires supra modum imbecilles, astringentibus unice confisus sum: atque ea quidem tam interne, quam externe adhibenda curavi.

℥. Cortic. Granat. ʒ℥.

Rad. Tormentill. ʒi.

Fl. Ros. Rubr.

Balaustior. a a M. i. Coq. in Aq. Ferrar. lib. 3. ad Consumpt. lib. i. Colatura sit pro fomentatione, bis in die parti affectæ repide applicand.

Pro potu communi utebatur decocto albo, in cuius lib. 2. incoctæ sunt Cinnamon ʒ 2.

Interne adhibita est tinctura illa antiphlogistica, quam tantopere commendat Emmellus<sup>a</sup>, ex saccharo Saturni, & Martis vitriolo cum sp. vin. conflata. Hujus tinct. gt. 20. in aq. plantag. cepit sæpius in die.

Ur.

<sup>a</sup> Schrader. dilucidat. p. 253.



Urgente dolore, vel vigiliis, sumpsit  
Laud. liq. gt. 20.

Febr. 3. Substitit fluxus; qui ne postea  
forte redire posset, indies adhuc usque  
ad Febr. 6. repetabatur fomentatio.

Restricto autem ad hunc modum pro-  
fluvio, doloris & imbecillitatis habenda  
videbatur cura. Desumpsi igitur ex me-  
dicina Dietetica juscula & cibos boni  
nutrimenti, ex Pharmaceutica mixturam  
sequentem.

24. Tinct. Croc.

Laudan. Liq. Sydenh.  $\overline{a} \overline{a}$  3 2.

Campbor. in Spir. Vin. 3 ss. dissolut. 3 i.

M. Cap. gt. 30. sexies in die in Aq. Cin-  
nam. Fort. & Hord.  $\overline{a} \overline{a}$  p. æq. unde plu-  
rimum refectæ sunt vires, & remisit  
dolor.

Febr. 8. Ex labiis pudendi quasi saccu-  
lus quidam membranofus prominuit:  
qui tamen versus uterum ita firmiter ad-  
hæsit, ut ex vagina extrahi nequiret.  
Graviter insuper foetebat. Et prima  
quidem fronte interna vagina tunica pro-  
cidisse videbatur: placenta quippe reli-  
quias esse minus suspicabar, quod mulier  
se à sex annis puerperam esse negarat.  
Cum verò foetoris dolorisque ratione  
habita, incideret mihi aliqua de placenta

M 4

suspi-

suspicio, rem paulo altius investigandam duxi, mulieremque percunctatus sum, num post ultimum illud puerperium abortum fecerit: illa se circiter abhinc biennio gravidam fuisse aiebat, & terrore exanimatam, dum noctu per compita domum reverteretur, in via abortuisse; reversam verò non usam esse obstetricem, quæ, utrùm aliquid in utero relictum fuerit nec ne, inspiceret. Ab eo etiam tempore doloris origo ducta est.

Morbo igitur sub examen hoc vocato, ea visa est indicatio, ut uteri & musculorum abdominalium ita instauraretur vis, quæ placenta reliquias foras expelleret. Ad quem finem quia plurimum conduceret præscripta mixtura, illius gr. 40. indies sæpe assumptæ sunt: Quo remedio ita spiritus refecti sunt, ut.

Febr. 10. Aliqua placenta portiuncula foras excluderetur, non graveolens modò, sed planè putrida.

Febr. 11. Exclusa est altera fœtore simili portio. Deinde nulla substantiæ istius membranaceæ intra vaginam vestigia: etiam omnis illico sopitus est dolor.

Febr. 13. Vires ita redierunt, ut lecto cui per mensem ferè affixa fuerat, jam  
per

per horas aliquot abesse posset. Nulla  
nisi de virium imbecillitate, & appetitus  
remissione querimonia. Ufa est indies  
*mixtura*, unde semper se plurimum levare  
sensit.

Febr. 17. Rediit fluxus: quem, quo-  
niam mediocrem valde, & nullo gravi  
symptomate stipatum esse, conspexerim,  
nolui compescere; videbatur enim eva-  
cuatio mensium *naturalis*, & ordinaria:  
que itaque *quatrIduo* terminata est.

Febr. 23. Ut viribus ulterius prospectum  
sit, præscripta sunt sequentia.

℞. Tinctur. Cortic. Peruv. (in Vin. Alb.)

lib. 1. ℞.

Tinct. Croc.

Spec. Diamb. 3 ℞. M. Cap.

Coch. 6. ter in die.

Febr. 25. Appetitus ad se rediit. Ni-  
hil nisi virium robur sanitati defuit;  
quod etiam, decocto ad duas vices repe-  
rito, intra mensem feliciter instauratum  
est.



## Historia II.

Sept. 10. 1701.

**M**ulier pleni habitus, & mensibus paulò copiosius purgari solita, ab exercitio immodico in fluxum nimium incidit; ita ut primò quidem ad sex, deinde ad duodecim dies largâ copiâ dēmitterentur menses. Hoc malo cum per ætatem omnem laborasset, vires admodum dejectæ sunt: invalit sæpe syncope, & spasmus; intumescabant pedes. Facies penè hippocratica Sanguis tenuis valdè, non guttatim, sed continuo quasi flumine profluxit. Cum eam primò inviserem, quatrīduo jam perstiterat fluxus.

Postulabat igitur morbi indicatio, ut quàm primùm cohiberetur profluvium. Hoc ut effici posset, adhibita est, uti in *hisor.* 1. fomentatio.

Horà decubitùs, usa est *hypnosico* sequenti.

℞. Trochisc. Gordon. ʒss.

Laudan. Londin. gr. 2.

Mucilag. Gum. Arab. q. s. M. F. Pil.  
exiguæ.

exiguæ . Cap. 3. quibus assumptis , suis placidè dormiebat .

Sept. 11. Mensibus etiamnum profluentibus , præscriptum est hujusmodi electuarium .

℥. Conserv. Ros. Rubr. ʒ i.

Bol. Armen.

Croc. Mart. Astring. ʒ i.

Mastich.

Terr. Japan. ʒ ii.

Spec. Diatrium. Santal. ʒ 4.

Syr. è symphyt. q. s. M. F. Elect.

Cap. q. n. m. 4ta quaque hor. superb.

Coch. ʒ. Julap. seq.

℥. Aq. Sperm. Ranar.

Plantagin.

Cinnam. Hord. ʒ lib. ʒ.

Syr. è Corall. q. s. M. F. Julap.

Cap. etiam ter in die Spir Vitriol. gr. 40. in quovis vehiculo .

Repet. Foment. & Pilul. præscript.

Sept. 13. Manavit adhuc , sed non nisi guttatim , fluxus : qui tamen remediis rite assumtis , Sept. 15. omnino cessit .

Igitur in eo jam omnis medendi cura versari debuit , ut firmarentur vasa , & prohiberetur illa sanguinis raritas . Prime inten-

intentioni ut satisfaceret, quotidie repetita est fomentatio; secunda par esse videbatur glutinantium, & balsamicorum usus. Postpositis itaque astringentibus, instituta est sequens methodus.

24. Decoct. Alb. ꝑ. 2.

Aq. Cinnam. Hord. ʒ ii.

Sacch. Alb. q. s. M. Cap. ʒ 4. quater in die.

24. Balsam. Capr.

Polychrest. a a ʒ 2. Cap. gt.

25. horâ. decubitûs in Conseru. Ros. Rubr.

His adhibitis remediis, post trium ferè hebdomadum intervallum, Oct. 5. redierunt menses: & ad sex quidem dies dimissi sunt. Repetitis verò iis, quæ ultimò præscripta sunt, periodo proximâ, quatrinduo terminatus est fluxus: qui, eundem intra terminum etiamnum subsistens, mulieri sanitatem restituit.

Historia

Historia III.

Maii 21. 1703.

**M**ulier, annos 36. natæ, post abortum ad tres periodos per dies quatuordecim manarunt menses; deinde, per trimestre ferè spatium, quotidie eruperunt. Quo Profluvio ita labefactatæ sunt vires, ut vix stare, nedum ambulare potuerit. Spiritum ita graviter duxit, ut pene in suffocationis periculum incideret. Invasit aliquando Sypocope, aliquando hysterica passio ita, ut per horam unam aut alteram quasi animæ expers jaceret. Pallor & macies, qualis in phthisicis. Pulsus debilis, frequenter etiam intermittens.

Indicatio curatoria primò ad fluxum compescendum, deinde ad vires instaurandas, respicere visa est.

Usa est igitur *ferrenta*, in *histon*. 1. descripto: corpus quidem vim semper ferè efficacissimam comperi.

*Interne*, adhibita sunt, in decocto tormentillæ spir. sal. dulc. gr. 20. quater in die.

Maii 25. Fluxus paulo imminutus, quotidie licet recrudescens.

In

In potus communis locum suffecta est  
sequens emulsio.

℞. Amygdal. Dulc. excortic. ʒ 1.

Sem. 4. Frig. Maj. āā ʒ 2. quibus  
in mortario contulis affund. Aq. Hord. lib.  
2. colaturæ add.

℞. Sal. Prunell. ʒ 2.

Syr. Altheæ q. s. M.

Maii 30. Substitit fluxus, postero ta-  
men vespere, denuo erupit.

Ufu verò præscriptorum continuò ita  
temperatum est profluvium, ut à Jun. 30  
ad 9. penitus sisteretur; deinde, post men-  
sem exactum, ad solennes periodos redi-  
ret. Cohibito igitur fluxu, & canalibus  
fatis obfirmatis, alterius indicationis ad hunc  
modum habita est ratio.

℞. Cortic. Peruv. ʒ 1.

Rad. Zedoar. ʒ 2.

Cochinell. ʒ 2. Digerantur cum  
Vin. Alb. lib. 2. tepidè per triduum. Li-  
quoris filtrati cap. ter in die ʒ 2. In quo-  
libet haustu instillantur.

Tinct. Serpentar. Virgin. gr. 20.

Noctu, quia frequenter insomnis fuerat,  
nonnunquam etiam & hysterica, usa est pi-  
lulis paregoricis.

℞. Galban. col. ʒ 1.

Spec. Diamb.



*Caster.*


*Campbor.*  $\overline{a} \overline{a}$  3℞.

*Laudan.* *Dondin.* 3 i. M. F. Pil. 20.

Cap. 2. ante decubitum, superb. Tinct. præscript. Coch. 4.

*Dieta* sit ex cibis ad nutriendum maxime idoneis.

*Jul. 19.* Ventriculus, qui hætenus male se habuit, multum reffectus est. Vires etiam aliquatenus roboratæ. Incunte Augusto, mulier, methodi præscriptæ usu, integre convalescit.



C A P. XIV.

De Remediorum Viribus; & Operatione.

**I**llustratâ jam variis ratiociniis Plethorâ, & per omnem phenomenon se-riem deductâ, remedium, quæ, internè adhibita, mensibus viciatis mederi solent, vires, tanquam ultimum theoriæ nostræ argumentum, expendamus. His quippe rite investigatis, facile patebit, Emmenagoga, sive ea, quæ menses suppressoscient, Plethoram ad vasa intendere, eandem verò ab astringentibus, sive ab iis, quæ fluentes sistunt, imminui.

Hæc

Hæc quidem remedia ; tanquam *utero specifica* , à plerisque prædicantur ; cum solummodo humorum *crasin* ita immutant , ut pro varia sanguinis textura aut provocetur , aut sistatur per *uterinas vias* profluvium : ita ut hæc *sensibilis operatio* nihil aliud sit , nisi alterius cujusdam ; quæ in *sanguine* peragitur ; operationis effectus necessarius : qui quidem non tam peculiari alicui *remediorum* efficaciæ ; quam ipsius *uteri fabricæ* idetur . Hoc sanè à scriptoribus parum animadversum est ; qui , cum de remediorum viribus disserterant , pro *actione interna* operationem *sensibilem* substituunt ; ita apud eos alia *diuretica* , alia *diaphoretica* , alia *emmenagoga* appellantur , cum tamen de *agendi modo* nihil inde innotescat : quæ quidem medicamentorum operatio non modo non est *primaria* , sed fallax etiam , & incerta . Ex. gr. si exhibeatur *diaphoreticum* , nemo ignorat , id pro voto minimè cessurum , nisi aperiantur pori : iis enim occlusis , quæcunque in *sanguine* virtutem exerat remedium , ad *sudorem* provocandum est prorsus inefficax , Sive tamen *sudor* succedat , necne , eodem modo in *sanguinem* agit *diaphoreticum* ; sanguinem enim ad certos quosdam gradus

gradus attenuat & resolvit , ut ejus tenuior pars per poros cutaneos , nisi præcludatur via , elabi possit : ipsa tamen diaphoresis non est actio medicamenti primaria , sed ab humoribus ita attenuatis , nisi pori prohibeant , necessario fluit ; si enim pori occlusi fuerint , ita sanguinem rarefacit diaphoreticum , ut ardorem , nonnunquam & febrem inducat : Ita ut propria medicamenti virtus non in humorum diaphoresi , sed resolutione consistat . Par est in emmenagogis ratio , ea quippe perpetuâ & immutabili quadam agendi normâ Plethoram exsuscitant , ut per uterina vasa erumpat sanguis . Potest verò talis esse ad uterum obstructio , sive canalium , sive sanguinis vitio , quæ à nullis emmenagogis pervinci queat ; cum tamen emmenagogi eadem sit , ac si menses ciceret , in molem sanguineam operatio . Ita ejusdem remedii varia esse potest sensibilis operatio , uti rectè argumentatur Cl. Cockburnus , vis verò , quam in humores exercet , unica sibi que perpetuò constans .

Hinc est , quòd illa de remedium viribus disquisitio inter medicinarum desiderata poni soleat ; cum si simplex & primaria accuratè observetur operatio , explicacionem non ita difficilem exigant remediorum

*rūm* virtutes. Quippe adhibita hac ratiocinandi methodo, concideret omnis illa, quæ pharmacorum viribus immeritò obijcitur, *ancipitis efficacie* querela. Queruntur enim medici nullum dari remedium, quod certam aliquam agendi normam persequitur, nimo quod non potius ita incertum & fallax est, ut sæpe *variā*, nonnunquam etiam *contrariā*, nec in diversis modò, sed & in eodem corpore, vim exerceat. Ita, delirantibus medicis, innocua plectuntur pharmaca. Hæc enim, quam medicinæ exprobrant, operationis *varietas*, non ex mutabili *remediorum* virtute, sed ex multiplici corporis statu deduci debet. Eorum quippe actio eadem semper est sibi que consentiens; cum verò corporis, in quod agunt, dissimillima sit indoles, adhibitis remediis, ratio postulat, ut non *diversus* modò, sed & *contrarius* aliquando oriatur effectus. Ita v. gr. detur medicamentum, quod humores viscidos *resolvat*: id quidem sua *attenuandi* vi operatur, dicet pro vario *lentoris* genio diversè; ita ut in alio, qui minoris est coherentiæ, *resolutio* sic major; in alio, qui majoris est, minor; in alio denique, qui firmitus compingitur, nulla: ita varia quidem me-

medicamenti ad *medendum* vis , non varia tamen in *agendo* norma . Quomodo enim eadem vis diversa longè momenta queat pervincere ? quomodo similis semper esse posset *agentis* energia , cùm ita dissimilis prorsus sit corporis , in quod agitur , natura ? Constantem hanc à medicamentis sperare efficaciam ita ridiculum est , ut nihil mirum sit , si etiam ab eodem medicamento educi possit effectus *contrarius* . Concipiamus enim eam esse sanguinis *crasin* . ut pars ejus longè maxima insigniter lentescat , cohærentiæque in ea momentum validius sit , quàm quæ ab *attenuantium* viribus resolvi queat : in hoc casu si adhibeatur medicamentum *resolvens* , eam quidem sanguinis partem , quæ minùs lentescit , ita fundit & attenuat , ut per *glandulas secretorias* uberius extrudatur ; ita , medicamenti vi eliminatis particulis tenuioribus , crassior erit reliqui sanguinis compages . Ad hunc modum , uti & docet experientia , *lentorem* aliquando augent *diaphoretica* . Igitur *opium* , quod ad *referendam* sanguinis compagem , & *sudores* movendos maximè efficax agnoscit *Willisius* , nullo alio modo sanguinem *incrassare* posse arbitratur , nisi quatenus *serositates* copiose *secerni* &

*amandari faciat ; proinde ut liquor residuus spissior , & compactior evadat* <sup>a</sup>. Neque id sane medicamento imputandum ; ( hoc enim eam agendi normam , quam ipsi præscripserit natura , constanter fidei- terque observat ( sed humoribus potius , qui variae hujusce efficaciae necessitatem inducunt . Ita corpora quædam *emolli-* , quædam rursus *indurat* ignis ; cum tamen in ipso igne nulla sit agendi varietas . Ita *febris* , si tenuior sit sanguis , pulsus ex- citat ; si crassior , *deprimit* . Etiam *cha-* *lyps* , qui , si vasa , lentescente sanguine opoleta , ulterius se distendi sinant , vi sua *obstructionem tollit* , eandem , iis renitentibus , *auget* . Quod in *hystericis affectibus* sæpius compertum habui . Pari modo *emetica* , si ventriculus *rubustior* sit , *altum* movent : contra , si *tenerior* fuerit , *vo-* *mitum* cient *cathartica* . Ita denique *sy-* *rupus violarum* , cum *acidis* admixtus , *colorem rubrum* ; cum *alcalicis* , *viridem* exhibet : quæ tamen coloris diversitas non variae *violarum* virtuti , sed corpo- rum , quibus commiscantur , dissimili in- genio adscribenda est . Etenim unica eaque levissima nonnunquam circumstan- tia,

<sup>a</sup> *Pharm. Rat. p. I 301.*

tia, si immutata sit, id efficere potest, ut medicamenta non variis modò, sed & contrariis etiam viribus pollere videantur: uti in speculis concavis, *multiformem* objecti imaginem exhibet sola *distantie* mutatio.

Ut verò res omnis exemplo clariùs pateat, sub examen revocetur *opii* in sanguinem operatio: à quo certè, si ab alio quopiam remedio, excitantur *phenomena*, non modò inter se disjuncta maximè, sed & repugnantia. Supponatur igitur, id quod mox ostensuri sumus, actionem *opii* primariam in sanguine *attenuando* consistere. *Attenuato* sanguine, necessario sequitur, ut uberior spirituum copia secerni debeat; hinc *animus alacer, vegetus, pacatus, vigil, vires corporis instaurate*; quod præcipuè experiuntur ii, qui *opium* interdum parciore *dosi* assumunt: animo ita refeito, obrepit sensim *doloris oblitio*; viribus verò roboratis nonnunquam fit, ut *foetum & calculum expellant opiata*.

Cùm verò sanguinis particulas ita attenuat *opium*, facit, ut si quid in arteriis hæserit, jam in *venas* trajici queat: unde remota omni *obstructione*, cessat ille, qui ab humoribus stagnantibus frequenter

oritur, *dolor*. Eodem modo solvitur *febris intermittens*; quam à *lentore* supra deduximus. Viis igitur reclusis, ita ut consueti spiritibus sanguinique pateant aditus, sopitur, quæ à nervis obstructis provenit, *convulsio*. Ita opio frequenter cedit *colica convulsiva*, & *singultus*; quibus etiam annumerari potest *vomitibus* & *purgatio enormis*.

Spiritibus opio resectis, validius se contrahit cor, unde vividior sanguinis circuitus: sanguine autem attenuato, & velocius, quàm consuevit, ad cutaneas glandulas delato, succedit libera perspiratio, & sudor; quia tum ob rariorem sanguinis texturam facilius sit per poros secretio, tum ob velocitatem auctam etiam uberius. Huiusmodi perspiratio, largius provocata; sanguinis & ventris profluvia sedat; quia, humoribus per poros evacuat, fit à parte affecta revulsio: eadem quoque tussim, & catarrhos solvit. Humoribus verò ad hunc modum resolutis, & in exteriora protrusis, efflorescit cutis, nonnunquam & prurit.

Cùm verò, sanguine attenuato, non modò sit uberius spirituum copia, & proinde impetus cordis fortior, sed augetur etiam ad vasa humorum plenitudo, utra-



utraq; de causa pulsum excitabit , menses  
etiam , & lochia provocabit opium .

Ita ferè corpus afficiunt modicâ dosi  
assumpta opiata ; cùm adhuc intra debi-  
tos limites constitit ea , quæ ad vasa  
inducitur , plenitudo : quæ tamen , si , opio  
liberè nimis adhibito , ulteriùs increseat ,  
alia prorsus , eaque multùm diversa , ex-  
hibet phenomena . Sanguine enim ita at-  
teruato , ut arteriæ cerebri latius , quàm  
par est , distendantur , nervorum , qui iis  
ubique interseruntur , non potest non  
valida esse compressio : compressione verò  
necesse est aut intercipi penitus , aut sal-  
tem copia minore secerni spiritus , ita ut  
ingruat dyspnœa , obruatur animi vigor , &  
pro ratione momenti illius , quo nervos  
premunt arteriæ , succedat aut stupor , aut  
somnia , aut ipse somnus ; eodem mo-  
do , ac à vino liberius epoto sequi solet .  
Interceptis adeo spiritibus , imminuuntur  
vires ; quibus deficientibus , languescit pul-  
sus , nonnunquam & concidit inferior ma-  
xilla : tonusque partium ita vacillat , ut  
relaxentur admodum fibræ ; inde pupillæ  
dilatatio , ischuria , & membrorum quæ-  
dam quasi paralysis . Ad eandem nor-  
mam facillè illustrari possunt reliqui opia-  
torum effectus , qui , utcumque inter se

diffimiles sint, unicam tamen agnoscunt causam, sanguinis scilicet, quæ ab *opio* inducitur, *attenuationem* : quæ cum *arteriarum carotidum* capacitatem ampliet, à sola *diametri* mutatione pendet omnis illa operationis discrepantia. Et hæc quidem insequuntur mala, non modò cum manu nimis libera, sed cum alieno tempore, & corporis, cui adhibetur, parum spectata conditione, detur *opium* : *nimia* enim *dosis* non tam *officinali* mensura, quàm corporis ratione dijudicanda est. In alio quippe humorum statu desideratur larga *dosis*, in alio sufficiet mediocris, in alio etiam nocebit minima. Si quid verò hujusmodi acciderit, id *medenti* potius, quam *remedio* imputandum est.

Hæc paulò fusiùs explicata sunt, ut manifestum fiat, quàm iniqua sit medicamentorum accusatio, quasi in iis fuerit agendi modus multiformis, & tanquam desultorius. Ita ut quicquid incerti fuerit, id non tam *instrumentis* medicinæ, quam *subjecto* adscribi; non tam ad *vires pharmacorum inconstantes*, quàm ad *humorum crasin ignotam* referri debeat. Itaque cum medicina nihil aliud sit, quàm morbi & medicamenti comparatio, nisi illius in-

doles

doles probè intellecta sit, hujus vires frustra explorantur. In eo quippe præcipuus esse debet medici labor, ut *humorum* variam temperiem inclinationesque omnes perspiciat; sic enim, quid eos exciter, quid compescat, feliciter dignoscet: quorum momenta cum ita varia sint, ut non tantum ob *numerum* minus accurate animadverti, sed ob *similitudinem* etiam minus distingui soleant, is certè, qui illorum morem acutiùs inspexerit, aptissima uteretur medicina. Qua quidem in re, ab *empirico* maximè discernitur *rationalis* medicus; qui non tantum *remediis*, quod adhibet, sed *mali* etiam, cui id adhibetur, vires explorat.

Sed, ut eò, unde digressi sumus, redeamus, inquirendum restat, quænam sic *medicamentorum*, quæ mensibus vitiatis profunt, *operatio primaria*. Ordiamur itaque ab *emmenagogis*, mox ad *astringentia* perventuri.

*Emmenagoga* ferè omnia sunt etiam *alterantia*, aliter ac censet *Etmullerus*<sup>a</sup>; *crasin* enim sanguinis immutant. Eorum verò operatio à vi quadam *attenuatrice* potissimum deducitur. Quippe, cum par-

partium tenuium sint & maximè penetrantium *emmenagoga*, molem sanguineam ita incidunt & comminuunt, ut minor sit globulorum inter se contractus, & proinde compages rarior: sanguis verò; ad hunc modum *attenuatus*, non modò spatium amplius intra canales occupat, sed spiritus nervis uberiore sufficit; unde iterum, corde vehementius contracto, fortiore impetu per arterias circulator. Ita cùm, adhibitis *emmenagogis*, non modò ad vasa increſcat plenitudo, sed & cordis augeatur vis, sanguis; *canalibus uterinis* præ ceteris validius feriens & distendens, quemadmodum supra satis ostensum est, per eos viam sibi patefacit. Cùm verò frequentior mensium suppressorum causa à lentore, qui *capillaria* obstruit, oriatur, ab *emmenagogis* ita *attenuantur* humores, ut illa ipsa sanguinis portio, quæ vasorum lateribus adhæsit, jam per minima orificia satis promptè traduci queat; ita aditu patefacto, sanguis solenni more vim suam in canalium latera exercet, quæ ad capillaria, dum obstructa essent, minùs potuit pertingere. Ita *emmenagogis* instaurantur spiritus, & vis cordis augeſcit; quia iis adhibitis *attenuatur* sanguis. Id verò notandum

volo , non solum ab hac *attenuatrice* virtute deduci spirituum incrementum . Hoc enim concessio sequitur , ut quicquid potentius *attenuat* , id etiam maximè esset *cardiacum* ; secus ac testatur experientia . Ex gr. *Cortex Peruvianus* multò magis *attenuat* , quàm *chalybs* ; ad *pulsu* tamen excitandum longè ineptior . Igitur in remediis *cardiacis* , & proinde mensis moventibus , duplex est operandi ratio : alia enim *attenuando* sanguinem spiritus reficiunt , alia rursus , etiamsi humores non attenuent , spirituum secretionem , promovent . De illis supra dictum est . Ad hæc quantum attinet dicendum est , nonnullis remediis inesse particulas , in spiritus facilius mutabiles , iisque quasi cognatas & congeneres , uti & quibusdam *alimentis* insunt succi ad nutriendum magis idonei : ita ut , imminutâ sanguinis coherentiâ , ex ipso medicamento hauriri queant spiritus . Spiritibus ad hunc modum re-  
fectis , vehementius contrahitur cor , & sanguis velocius circumagitur ; increbrescente adeo sanguinis motu , cum calor etiam increseat , quod capite 8. satis probavimus , *aëris* particulae , quæ globulis sanguineis immixtæ sunt , caloris , uti in *thermometro* fit , *rarefactæ* , sese undique

ex-

expandunt, canaliumque tunicas distendunt: ita potest esse sanguinis *rarefascntia*, cum minimè interim attenuetur compages. Quod in febribus sæpe fit, licet parum observetur. Hæc tamen *rarefascntia*, cum ad *vasa Pletboram* augeat, menses æquè potenter provocat, ac si attenuaretur sanguis. Cum itaque à *vasorum duritie* oriatur *suppressio*, cum fructu adhiberi possunt ea, quæ humores *rarefaciunt*; cum verò sanguis in vitio sit, ea etiam, quæ attenuant, in usum suum *vocanda*. *Emmenagoga* verò his attenuandi viribus præcipuè instructa esse, tum *ratio* suadet, tum *experimenta* confirmant. Argumentorum igitur capita erunt *quatuor*: *remediorum* scilicet. 1. *Effectus sensibiles* 2. Cum sanguine adhuc repente, & 3. etiam cum *syrupo violarum commixtio*: 4. denique, *injectiones in vivo animali per syringam instituta*.

I. Itaque *emmenagogis* hanc attenuandi virtutem inesse probant eorundem *effectus sensibiles*; ex quibus satis erit sequentes tantum expandere.

1. *Saporem*; qui, cum in *emmenagogis* plerumque *acris* & *amarus* sit, indicat partes esse tenues, & ad motum excitandum idoneas: igitur hujusmodi *sapor*.

in iis præcipuè observatur ; quæ *sale volatili* abundant ; *salis* verò *volatilis* ea est efficacia , ut sanguinem plurimùm attenuet , spiritusque instauret . Ita *sapores* vires suas produnt , *opium* , *gentiana* , *myrrha* , *arum* , *absinthium* , *sabina* , *ruta* , *pulegium* , *centaurium* &c. *calida* omnia , & *odorata* : quibus adjici potest *cortex Peruvianus* , qui licet nondum inter *emmenagoga* locum obtineat , iis tamen , propter egregiam illam , quam in *attenuando* sanguine exercet vim , annumerari debet .

2. *Odorem* ; qui , si *vividior* sit , *salis volatilis* æquè ingenuus est index , ac *sapor* , Tali *odore* pollent ex *amaris* pleraque , item *aromatica* omnia , quæ itaque *universa emmenagogis* adscribi solent , & apud *Hernium* <sup>2</sup> *utero* *studere* perhibentur . Ex quibus tamen *primas* meritò obtinet *crocus* & *cinnamomum* . Inter ea , quæ *odorem acrem* præ se ferunt , reponenda sunt *urinosi* , v. g. *sal armoniacus* , *sal. corn. cerv.* &c. quæ ideo *mensēs* potenter cient .

3. *Pulsus incitationem* : qui , cū *fortis* increbescat , satis ostendit sanguinem

nem ita attenuari & rarefcere, ut copioſior fiat ſpirituum ſecretio; unde cordis impetus, qui pulſum regit, validior. Hoc præ ceteris *emmenagogis* efficiunt *chalybs*, & *hydrargyrum*, *calida*, & *cardiaca* omnia; quorum uſus ad movendos menſes plurimum ſemper valuit.

4. *Calorem*. Cum enim calor nihil aliud ſit, niſi partium motus vividior, hoc inter ſe invicem attritu ſit, ut ſanguinis globuli divellantur plurimum, & rareſcant. Ita ubi nullum ferè eſt *emmenagogum*, quod calorem non excitet, ſic etiam quicquid calorem inducit, menſibus etiam ciendis prodeſt; quemadmodum ſatis oſtendunt *cardiaca*, & *ſtomachica*.

5. *Diaphoreſin*; quam quæ provocare poſſunt pharmaca, ea cerrè ſanguinis cohærentiam ita reſolvunt, ut faciliùs per poros ſecerni queat. Igitur inter *emmenagoga* utramque paginam faciunt *diaphoretica*; ex quibus ferè cum nullum ſit opio potentius, ſatis conſtat id etiam menſibus movendis haud ineptè adhiberi.

II. *Attenuatricem* hanc, quam *emmenagogis* adſcripſimus, virtutem probat ipſorum cum ſanguine adhuc tepente commixtio. Neque hoc, quod ab huiusmodi

*expe-*



*experimentis* deducitur, futile videtur argumentum. Quippe si sanguini stagnanti, & jam sponte in lentorem abeunti, admixta *emmenagoga* prohibeant, quò minus coaguletur, & concreascit; certe si motus accesserit, & valida satis partium inter se agitatio, quemadmodum in corpore fit, *emmenagogis* adhibitis facilius rarefcet sanguinis cohærentia; uti ratio non analogica modò, sed & *mathematica* postulat. Idem enim utrobique agendi modus, licet vis gradu multum diversa, quod qui negant, iidem etiam sensuum testimonia redarguent.

Sanguinis igitur, ex arteria canis recenter extracti sequentibusque admixti, ita se habuerunt *phenomena*, Febr. 12. 1702.

1. Cum *spir. salis armoniaci*. Floridus admodum color, & compages fluida: quod etiam fit, si in *substantia* adhibeatur ipse *sal*. Febr. 18. fluorem retinuit sanguis, quoad colorem tamen paululum nigrescens. Cum *spiritu salis armon. succinati* eadem exhibuit, nisi quòd citius nigresceret.

2. Cum *decocto sabinae*. Rubedo intensior, & major tenuitas, quàm cum *spir. sal. armon.* Febr. 13. eadem *phenomena*.

mena . Pari modo se habuit decoctum *marrubii* .

3. Cum *laudano liq. Sydenham* . Sanguis rutilantior , quamvis non multò tenuior , quàm cum *decoctio fabinae* . Febr. 13. Color paulo subfuscior . Idem quoque admisto *spir. corn. cerv.* apparuit , uti etiam & *succo salviae , lavendulae , imperatorij , pulégii , absinthii* .

4. Cum *panacea opii liq. D. Jones* . Eadem præbuit ac *laudanum liq. Syd.* nisi quodd Febr. 13. calor nihil de nitore amiserit .

5. Cum *aqua ruty still.* Fluiditas summa , nec Febr. 13. quicquam immutata . Idem præbuit *aqua absinthii* .

6. Cum *spiritu vini rectif.* sanguis coagulatus admodum , & instar visci lenteſcens . Febr. 13. *conservam cynosbati* tam colore , quàm crassitie referebat . Idem exhibuit *spiritus vini camphoratus* , nisi quodd imbecillius esset coagulum . Idem quoque effecit & *tingtura opii cum spir. vini camphorato extracta* .

7. Cum *tingtura corticis Peruviani spir. vin. extract.* sanguis crassus valde , & obscurus . Febr. 13. paulo splendidior , tamen fortius adhuc concretus . Idem *cortex , vino ad saturitatem infusus , summam*  
san-

sanguini fluiditatem, & colorem elegantissimum conciliabat.

8. Cum *inctura jalapii*. Color vividus, & rutilus, compages densa. Febr. 13. Utrumque intensius. Eadem prae-  
buit *inct. scammonii*, & *spir. lavend. comp.*

9. Cum *inct. succini*. Color subfuscus. Massa in grumos abiit. Febr. 13. Satis forte coagulum. Pari modo sanguinem immutavit *tartari tinctura*.

10. Cum *calomelan.* Rubedo vivida. Fluor etiam factus intensior. Supernatabat plurimum seri.

11. Cum *ethiop. min.* ad fundum demissa est massa nigra: pars reliqua satis attenuata.

12. Cum *sal. genist.* Color vividus: fluiditas, quàm in ipso sanguine, major.

13. Cum *sal. absinth.* Rubedo & fluiditas summa.

14. Cum *sal. tartar.* Color idem, compages tamen paulo densior, quàm in *sal. absinth.*

15. Cum *inct. Chalyb. Lower.* sanguis tenuior multò factus, & rubicundior. Supernatabat spuma quasi oleosa.

Cum *sera sanguinis humani* admixta sunt sequentia.

Tom. I.

O

1. *inct.*

## 210 De Remediorum Viribus ,

1. *Tinct. Aloes cum Aq. Menth.*  
*extract.*

*Decoctum Sabine .*

*Aqua Sabine still.*

*Aq. Fontan.*

*Decoctum Gentiane .*

*Ari .*

*Sarzæ .*

*Chine .*

*Spir. Sal. Armon. cum Cin. Clavell.*  
*cum Calce viva .*

*Succinatus .*

*Spir. Tartari .*

*Ol. Semin. Carui.*

*Panacea Liq. D. Jones .*

*Laudanum Liq. Sydenh.*

*Spir. Croci .*

*Spir. Terebinth.*

*Tinctura Martis tartari .*

*Spir. Guajaci.*

*Sp. Corn. Cerv.*

*Ol. Tereb. Guaiac. Lav. Caryo-*  
*phyl.*

2. *Decoctum corticis Peruviani .* Serum  
 multò magis , quàm à prioribus , in fluo-  
 rem redactum .

3. *Spir. vini. camphorat.* Fortiter coa-  
 gulabatur . Phialæ inditum cum aliquam-  
 diu remanserit , in fundo apparuit *hypo-*  
*stas*

Color pro li-  
 quoris ratione  
 varius, feri ta-  
 men compa-  
 ges a liquanto  
 tenuior tacta ;  
 quæ , ad diem  
 unum aut al-  
 terum, immu-  
 tata persistit .

sis satis copiosa : liquoris pars superior clara , & pellucens .

4. *Spir. vini rectif.* Phialâ pariter inclusum , sine ulla præcipitatione turbidum permanfit .

5. *Tinctura Scammonii .*

*Castorei .*

*Succini simpl.*

*Sulphuris .*

*Corticis Peruv.*

Serum mediocriter coagulabatur . Eadem exhibuit *spir. vini tartari . & rassa .*

6. *Tinctura Croci .*

*Metallorum .*

*Potestaces Succini .*

*Sal Volatilis Oleosus .*

Leve aliquod coagulum .

7. *Tinctura Martis mynsichti .* Coagulum forte . Ad fundum demissa est massa , instar gummi , concreta .

8. *Tinctura antimonii diaphor.* Turbatum & aliquatenus concretum .

9. *Tinct. Jalapii .*

*Succini cum Sal. Armon. pp.*

Tantum turbidius .

10. *Tinctura coccinea , ex spec. diambre & cochinella cum spir. vini extracta .* Nul- lum ferè coagulum .

Annotabit lector , omnia hæc , quæ sanguini & sero admixta sunt , eorum compagem attenuare & dissolvere , præter tincturas eas , quæ spiritu vini extrahuntur . Sed hæc , quæ ab hujusmodi tincta-

ris oritur *concretio*, non rei solutz, sed *menstruo* adscribenda est. *Spiritus* enim *ardentes*, quodcunque fere in iis *medicamentum* dissolveris, *sanguini coagulum* inducunt. Quod tum aliàs, tum re ipsa probari potest. *Spiritus* quippe *vini simplex* coagulum multò fortius intulit, quàm *tinctura* quævis, eodem *spiritu* extracta; ideo etiam pro varia rerum, in eo solutarum, indole diversa est *concretio*; levior scilicet; si adjiciatur *medicamentum attenuans*, quale est *sal armoniacus*, *opium*, *crocus*, & *aroma* quodvis. Ita ex experimentis constat, à *potestat. succini*, *sale volatili oleoso*, *spir. vin. camphorato*, *tinctur. opii cum sp. vin. camphorato*, *tinctur. croci* admixtis, sanguinem imbecillius *concrelescere*; à *tinctura coccinea*, propter *aromatum* virtutem, vix quicquam *coaguli* suscipere. Pari modo *serum* à *tinctura succini simpl.* fortiter *concretum* est; ab eadem *tinctura*, cui *sal armoniacus* adjectus est, solummodo turbidius evasit. Cujus quidem varietatis hæc est ratio, quod *attenuantibus* infusis impeditur, aut saltem imminuitur ea, quæ à *spiritu vini* semper inducitur, *concretio*. Hæc quippe *remedia*, quorum *tincturas*, cum *spiritu vini* extractas, recensuimus, vi *attenua-*  
*trige*

trice instructa esse facile sentiet, qui ea aliis *menstruis* accommodarit. Ita *opium*, sive *aqua*, sive *vino* dissolutum, sanguinem potenter attenuat, uti satis probat *laudanum liq. Syd.* & *panacea D. Jones*; cum tamen *sp. vin.* extractum, coherentiam minus prohibeat. Pariter *cortex Peruvianus*, *spiritu vini* in *tingituram* reductus, sanguinem satis fortiter coagulat; idem interim *aque* incoctus, præ ceteris attenuantibus, sanguinis raritatem promovet. Quanquam verò *tingituris* hisce, cum *sp. vini* extractis, minime attenuetur sanguis, ex tamen jure optimo inter *emmenagoga* recensentur; nam, ut nihil dicam de rebus iis, unde educitur *tingitura*, ipse *sp. vini* eas in se continet particulas, quæ in *spiritus animales* facile migrare possunt; quemadmodum satis ostendit repentina illa, assumptis hujusmodi *spiritibus*, virium resectio. Spiritibus verò in cor uberius profluentibus, inducitur illa sanguini *rarefcentia*, quam ad *ciendos menses* satis instructam esse jam paulo ante monstravimus. Ita ut hujusmodi *tingiture*, *spiritu vini* elicite, mensibus ciendis profint, cum à *vasis præduris* nimiumque renitentibus ortum duxerit suppressio. Sin à *sanguinis* vicio inhi-

O 3

bean-

beantur menses, ita ut in *attenuandis* humoribus unice consistat curatio, *tincturis* hisce *emmenagogis* alia longè aptiora videntur esse *menstrua*, puta *aqua* aut *vinum*, quàm *spiritus ardentis*.

III. *Emmenagogis* sanguinis coherentiam dimoveri & *attenuari*, indicat ipforum cum *syr. violarum* commixtio. Cujus argumenti ratio inde deducitur, quòd in confesso sit, quicquid ferè *syrupo violarum* colorem *viridem* aut *viridi* affinem conciliat; id inter *alkalica* referri debere<sup>a</sup>. *Alkalicorum* verò eas esse vires fatentur omnes, quæ *coagulum* sanguinis *resolvant*. Igitur utrùm *emmenagoga* sint *alkalica*, seu, quod idem est *attenuantia*, experimentis innotescet.

*Syrup. violarum* commixt.

1. Cum *ol. succini* — Color subviridis.
2. Cum *chalybe in aceto solut*. Viridis, sed obscurus admodum color. Eadem præbuit *chalybis cum sulph. pp.* tum in *aceto*, tum in *spiritu nitri solutio*; eadem etiam, *tinctura Martis cum sale armoniaco* præparata.
3. Cum *chalybe in spir. salis solut*. Coloris

<sup>a</sup> Boyle de Color p. 3. 98.



loris nulla mutatio, nisi quæ à sola commixtione provenierit.

4. Cum *chalybe in sp. salis armon. solut.* Viriditas nitidissima. Eadem exhibuit *tin-ctura tartari*, & *metallorum*, potestat. *succini*.

5. Cum *chalybe in aq. fontan. solut.* Color aliquantum virescens.

6. Cum *spir. sal. armon. succinat.* Color inter viridem & subfuscum medius.

7. Cum *spir. sal. armon. cum casce viva pp.* Viriditas, qualis in stagno, aut palude observatur.

8. Cum *spir. sal. armon. cum sale tartari pp.* Color ad saturitatem viridis, & pellucens. Idem præbuit *sp. C. C. & tinct. Lower.*

9. Cum *cupro in spir. sal. armon. solut.* Viriditas, qualem exhibet ampulla vitrea.

10. Cum *tinctura succini cum sal. armon. pp.* Viriditas paulo imbecillior. Eadem exhibuit *sp. lavend. comp.*

11. Cum *panacæa opii liq.* Color. ad viridem accedens.

12. Cum *tinctur. antimonii*. Color *tin-cturæ* in aqueum conversus. Idem etiam cum *tinctura corticis Peruviani*, *castorei*, *jalapii* apparuit.

13. Cum *elix. pp.* cum *sale volatili pp.* Color viridi appropinquans, sed obscurus paululum.

14. Cum *spiritu vini*. Nulla ferè coloris mutatio. Pariter etiam cum *spir. succini*, & *coclearie*.

15. Cum *spir. tartari*, Color viridis quidem, sed omnium maximè imbecillis.

16. Cum *sale volat. oleoso*. Viriditas herbacea. Idem præbuit *sal. tartari*, huic cum affusus esset *sp. vitrioli*, orta est ebullitio, & color rubicundus.

17. Cum *testis ostreorum* in *aq. forti* solut. Color ex pallido & viridi compositus.

Ita colorem *syrupi cæruleum* in *viridem* commutant *emmenagoga*; ex quibus nonnulla ea virtute pollent, ut *acidorum* vim omnem retundant, nonnunquam etiam & planè superent. Ita *chalybs*, in *spiritu salis* solutus, *rubrum* colorem destruit, qui alias à *spiritu salis syrup. viol.* commixto induci solet: idem *chalybs*, in *spiritu nitri* dissolutus, non modò *rubedinem*, quam *syrupo spiritus nitri* largitur; extinguit, sed & *viriditatem* evocat. Pari modo *teste ostreorum aque fortis* aculeos ita hebetant, ut, quemadmodum docet experi-

ri-

rimentum , non *purpureus* , sed *virescens* oriatur color . Eodem modo dignosci possunt *alkalica* , si affundatur *sublimat. corrosiv.* solutio : ex hac enim , cum *alkal.* commixta , colorem oriri *subflavum* docent experimenta *Tournefortii* <sup>a</sup> .

IV. *Vim emmenagogorum attenuatricem* declarant *injectiones in vivo animali per syringa institutæ* : ita ut ; si qui sint fidei nimis religiosæ , quibus priorum experimentorum ratio minùs satisfecerit , eos hujusce *autopsiæ* coarguat . Horum quidem experimentorum historiam non minutè descriptam , sed quantum ad hoc argumentum sufficiat ; perstrictam damus .

1. Igitur in venam canis *jugularem* injectæ sunt *panacæ opii liq.* 3 2 fl. Intra quatuor horæ minuta animal mortuum est ; artubus diu post mortem minime rigescentibus . Apertis *venæ cavæ* , & *aortæ descendente* effluxit sanguis tenuis admodum , & rutilus ; pulmones sanguine turgido rubescebant . In corde fumus sanguinis fluor . Cujus quidem *ventriculi* coagulo omni ita *imunes* erant , quasi *aquâ calidâ* essent eluti .

2. Al.

<sup>a</sup> *Pref. Histoire des Plantes environns de Paris.*

2. Alteri itidem cani propinatae sunt *laudan.* Lond. in *aq. cinn.* solut. 3 6. Brevis tempore ingruerat tremor & spasmus, deinde immanis oborta est salivatio. Post horæ quadrantem canis obiit. Aperto cadavere, in ventriculo & intestinis reperta est chylosa materia, *laudano* intimè mista & intincta. Arteriae, uti & venae omnes, insigniter distentae sunt; sanguis in universo corpore, supra quàm credibile est, tenuis, & rarus.

3. In venam canis *jugularem* per *syringa* immisi *sp. vin.* 3 2. Cadavere post horæ semiquadrantem aperto, sanguis in venis & arteriis omnibus in grumos fortiter concretus est; quæ tamen sanguinis concretio in cordis ventriculis erat compactior. Hanc à *spiritu vini coagulandi vim* observat *Bohnius*; cujus ideo usum *externum* ad hæmorrhagiam sistendam haud infeliciter tentavit.

Ad eundem modum injectæ sunt *tincturae sp. vin.* extractæ, *croc.* nempe, *castorei*, *spec. diambra*, *myrrh.* &c. à quibus quidem omnibus sanguini inducta est concretio, pro *tincturae* genio diversa. Eadem quippe à *tincturis* hæc infusis ex-  
orta

orta sunt *phenomena* , quæ supra , iisdem sanguine admixtis , recensuimus .

4. Venæ canis *jugulari* leniter immissæ sunt *spir. sal. armon.* cum *calse viva pp.* circiter 3 6. Post horæ quadrantem , tremoribus per universum corpus spasmodicis , tendinumque subsultibus correptus est . Apertâ primò venâ *crurali* , deinde *jugulari* , effluxit sanguis liquidissimus , odore spiritûs urinosi foetus : bullis etiam aëris refertus . Durante injectione , cor frequenter admodum , & fortiter se contraxit . Injecta iterum *spir. sal. armon.* 3 ss. intra minutâ aliquot mortuus est canis . Aperto thorace , pulmones rubicundi admodum , & quasi inflammati : in arteriis venisque omnibus , uti & corde , sanguis admodum tenuis , & rarefactus . In solo venâ *cavæ descendenti* trunco , ab hepate usque ad cor , repertus est spissus , & compactus ; qualis , cum extra vasa missus paulisper refrigerit . Quæ quidem crassitudo sine dubio inde provenit , quòd dum spiritus , à *jugulari* in *auriculam cordis dextram* continuò protrusus sit , sanguis in *venâ cavâ descendente* , non potuerit in cor deduci ; ibique adeo cohibitus , & stagnans crassitiem istam contraxerit .

Atque

Atque hoc semper ferè accidit, si instituat per *jugularem* injectio.

5. In venam canis *jugularem* injecta est *corticis Peruviani decoctio* fortis ad  $\text{℥} \text{ i } \text{℥}$ . Post horæ quadrantem canis valida & crebra cordis pulsatione, deinde spasmis frequentibus correptus est. Injecta ulterius  $\text{℥℥}$ . obiit tetanodes. Secta post mortem venâ *crurali* & *axillari*, exiit sanguis rutilans & liquefcens. Postero die, apertus est thorax; pulmones rubicundi admodum, & turgentes; sanguis in *dextro* cordis *ventriculo* plurimum accumulatus, & proinde compactus; in *sinistro* tamen paucus, isque satis fluidus. Pariter è *vena porta*, & *jugulari*, liquidus effluxit, & ultra naturalem statum rarus.

9. Cani propinatae sunt hor. 9. mat. *tinctur. chalybeat. Lower.*  $\text{℥} \text{ 2}$ . Nulla ferè mutatio, nisi quòd tanquam ebrius titubaret. Hor. 12. dati sunt morsuli ex butyro & *chalyb. cum sulph. pp.*  $\text{℥} \text{ i}$ . qui etiam hor. 3. pom. repetebantur. Hor. 6. injecta est in *jugularem tinctura prædicta* ad  $\text{℥} \text{ 2}$ . Mox exspiratio fortis, cordis labor & pulsatio vehementissima; quæ ad horam ferè perstitit. Aperto post mortem abdomine, diu duravit motus in-

intestinorum peristalticus . In ventriculo & intestinis omnibus reperta est massa *chalybeata* ; quorum interna tunica colore ferrugineo tineta . Vasa omnia sanguinea , uti & lactea , multum distenta . Sectâ venâ iliâ , exiit qualis ex vivo animali , liquidus cruor : idem ex corde vulnerato cum impetu quodam prosiluit , intensè rarus & rubicundus . Hor. 12. In corde & canalibus appensis multum sanguinis adhuc floridi innatabat , minùs tamen , quàm in priore experimento , liquefcentis .

7. A cane devorata est *sublimat. corrosiv.* 3 i. Intra horæ quadrantem , vomitus invasit & spasmus enormis ; deinde post horam elapsam , superveniente catharsi , interiit canis . Aperto abdomine , viscera omnia rubescentia admodum , multis etiam in locis inflammata : plurimum sanguinis circa pancreas extra vasa effusi ; ita ut glandulæ distinctæ , & quasi distinctæ cernerentur . Canales ita distenti , ut oculis se exhiberent etiam ea , quæ per tunicas arteriarum & venarum reprimant , vascula . Renes uti & lien , sanguine liquido repleti . Thorace inspecto , pulmones turgidi & rubicundi ; in corde plurimum sanguinis fluidi , & coagulo prorsus

profus immunis, difflebat. Ita etiam ex arteriis, & venis omnibus liquidissimus exiit sanguis.

Hoc experimento faciliè innotescit egregia illa vis, quam in attenuando sanguine exerit *Mercurius*. Reliqua quippe quæ sublimat. corrosiv. constituunt corpora, viz. *sal. communis*, *vitriolum*, & *nitrum*, sanguinem fortiter coagulant: quod si iis admixtus *Mercurius*, sanguinis non modò coagulum omne tollat, sed raritatem etiam intendat, vehementius certè humores resolvat, si sine salibus istis acidis per se exhibeatur. Itaque *calomelas*, quem major ingreditur *Mercurii* proportio, sanguinem adhuc intensius attenuat. Idem de *Mercurio* observat vir in *experimentalis anatomia* fidus & diligens *Wepferus*<sup>a</sup>; uti etiam de *belleboro albo*, *hyosciamo*, *amygdalis amaris*, &c.

Ad hunc modum de *emmenagogis primariis* instituta sunt experimenta: plura adjicere tum argumento esset minùs necessarium, tum lectori nimis molestum.

Ita compage sanguinis sive *rarefactâ* sive *attenuatâ*, momentum ipsius intendunt *emmenagoga*. Dantur & nonnulla, quæ

<sup>a</sup> *Cicut. Aquat.*



quæ proprio etiam momento instructa, menses provocant. Ex quibus præcipua sunt *hydrargyrum* & *chalybs*. Cum enim ea sit *hydrargyri gravitas*, ut globulis sanguineis pondere plus quam decies præpolleat, eadem ratione *hydrargyri momentum* eo, quod sanguis obtinet, erit validius: unde sanguis, assumpto *hydrargyro* impetum fortiolem nactus, tum humores lentos per *obstructa capillaria* facilius protrudet, tum vehementius in *uterina vasa* impinget: in quibus quidem efficiendis versatur omnis *emmenagogorum* virtus. Neque hoc impetu solum pollet *hydrargyrum*, sed, partium tum *gravitate* tum *tenuitate*, coherentiam sanguinis ita diffringit & segregat, ut, humoribus plurimum *attenuatis*, major fiat spirituum secretio, & vis cordis fortior; unde & *velocitatis* ratione, adhibitis *mercurialibus*, increfcit sanguinis *momentum*. Hæc satis confirmat *salivatio*; in qua pulsus ita *frequens* & *validus* observatur, ut ad *febrilem* penè accedat. Etiam peracta *salivatione*, sanguinem *tenuem* admodum & *rarum* relinqui, testatur experientia. Itaque restrictis mensibus nunquam felicius succurritur, quàm cum *alterantibus* per vices interposita sint purgantia *mercurialia*.  
Etiam

Etiam continuum *æthiopsis mineralis* usum non modo tutum, sed & efficacem semper comperi; qui ceteris ex *Mercurio* preparatis ideo solum postponi solet, quia sit omnium facillimè parabilis Ita se perpetuò habet *hydrargyri* operatio; quæ utcumque constans sit, minimè tamen vetat, quin & aliis etiam viribus instrui possit *hydrargyrum*: quippe non modo *obstructa vasa* aperit, sed & *acidorum aculeas* æquè constanter retundit.

*Chalybs* etiam vi momenti sui vasa potenter aperit; quippe qui corpus valde ponderosum sit, licet *dimidiatam* tantum *hydrargyri gravitatem* sortitus sit. Humores etiam *attenuat*, uti ex experimentis & effectibus constat, unde & alio nomine mensibus ciendis prodest. Ex iis præterea est *chalybs*, quæ spiritibus quasi cognata esse diximus, in eosque mutari facilia; quod satis ostendit *pulsus*, *chalybeatorum* usu vehementer *increbrescens*. Ita *triplici* modo ad menses provocandos conducit *chalybs*; ex quibus quidem operandi principiis deduci possunt omnia ea, quæ *chalybs* excitare solet, *phenomena*. Ex. gr. hinc facile innotescit, quomodo, uti vulgò fertur, & vasa *obstructa* *aperiat*; & nimis *laxa* *astringat*; quæ quidem

dem in agendo vires plerisque non *contrariæ* modò , sed & *inexplicabiles* videntur . Nemini quippe obscurum esse arbitror *chalybem* tum *gravitatis* suæ *momento* , tum attenuandi vi obstructa vasa posse *aperire* ; hinc enim sanguinis lentescens , unde oritur *obstructio* , coherentiam tollit ; inde humores impetu quodam per *capillaria* propellit . Vasis igitur obstructione liberatis , eorum latera *astringi* , sive contrahi necesse est . Fibræ enim quæ , dum sanguis stagnaret , *relaxatæ* sunt , nunc , remoto omni obstaculo vim suam naturalem exercent , h. e. *Elasticitate* forti sese *tono* suo restitunt , & statum *contractilem* recuperant ; unde & *astringi* perhibentur . Et *tonum* quidem roborat *chalybs* , non modò quia vasa obstructione expediat , sed quia spiritus etiam , uti dictum est , uberius sufficiat ; à quibus pendet omnis fibrarum *contractio* .

Perlustratis *emmenagogis* , sub examen revocanda sunt *astringentia* . Quorum virtus , cum non modò in *fibris vellicandis* & contrahendis , sed & in *humoribus coagulandis* incrassandisque sita sit , ad hunc modum *mensēs immodicos restringere* posse concipitur . Sanguinis quippe particulis

Tom. I.

P

con-

condensatis, & arctius inter se cohærentibus, imminuitur *velocitas*; non modò quia parciòr fiat spirituum secretio, sed quia ea sit humorum resistantia, ut difficiliùs à corde protrudi queant. *Velocitate* verò languente, ita deficit sanguinis *momentum*, ut canales minùs jam distrahat, eorumque viribus contrariis impar evadat. Ita vi sanguinis debilitata, *tonum* suum recolligunt, & coalescunt vasa. Quem tamen si minùs rite recuperent, paululumque adhuc dehiscant, non ideo tamen persistit *fluxus*. Globuli enim sanguinei, cum compactiores sint, & mole admodum excrescant, vasorum rimis ita tandem adhærescunt, ut hiatum omnem quasi cuneo quodam infarciant, & occludant. Has *astringentium* esse virtutes probabimus eodem ratiocinandi modo, quo in *emmenagogis* explicandis usi sumus. Loci igitur argumentorum proferentur quatuor, *remediorum* scilicet 1. *Effectus sensibiles*. 2. Cum sanguine adhuc repente, & 3. Cum *syrupo violarum commixtio*. 4. *Injectiones in vivo animali per syringa instituta*.

I. *Astringentium* operationem indicat duplex potissimum *effectus sensibilis*; quo-

rum

rum alter vellicandi, alter etiam coagulandi vim declarat.

1. Sapor subacidus, acerbus, austerus, stypticus; quorum unus saltem in astringentibus omnibus reperitur. Ita subacido sapore pollent plantago, anagallis, sal marinum, spiritus nitri, & salis dulcis; acerbis, herba acetosa, acetum, sal tartari fixus, tartarus vitriolatus, spiritus sulphuris, nitri, salis, & vitrioli; austero & styptico, alumen, vitriolum, cortex granatorum, tormentilla, bistorta, balaustia, bolus armenia &c. Quod si medicamenta hæc linguam pungant admodum & vellicent, quidni etiam & in canales delata fibras stimulent, & in statum contractilem reducant? quam sanè contrahendi vim, cum externè adhibeantur astringentia, facitè agnoscunt oculi.

2. Pulsus depressus; uti fit, si invaluerit usus astringentium. Pulsus verò imminutio indicat sanguinem, qui antea spatium satis amplum intra arterias occupabat, nunc in angustius cogi, seu concretionem quadam inducta arctius multò cohærescere; unde non modò parcius spirituum secretio, & proinde impetus cordis imbecillior, sed minor canalium distensio. Ita sæpe in febriculis calido,

adhibitis *astringentibus*, remissior observatur *pulsus*. Eodem modo sanguinem, *salivatione* peracta nimis rarefcentem, incrassant & quasi compingunt, adeoque & *pulsus* deprimunt *astringentia*.

II. Humores *astringentibus* coagulari, & concrefcere, ostendit ipsorum cum sanguine & sero commixtio. Febr. 12. Sanguini igitur canis arterioso admixta sunt sequentia.

1. *Spiritus nitri dulc.* Sanguis illico nigredinem contraxit, & in massam admodum spissam abiit. Febr. 13. Nigredo & crassities major.

3. *Spir. salis dulc.* Color admodum fuscus. Compages crassa quidem, sed non æquè ac cum *spir. nitri dulc.* concrefcens.

3. *Spir. nitri bezoartic.* Cito & fortiter coagulabatur sanguis. Massa instar sanguinis putridi concreta. Febr. 13. Perpusilla pars tenuis adhuc, sed subfusca.

4. *Oleum Vitrioli.* Subiit statim cum fermentatione concretio. Color ad nigredinem accessit. Febr. 13. Coagulum minus fortè, quàm in ceteris. Serum quippe separatum est.

5. *Spir. nitri.* Fermentescebat, & coagulatus

gulatus est sanguis. Colorem induit subfus-  
illum. Febr. 13. Supernatabat plurimum se-  
ri leuiusculè concreti.

6. *Aqua fortis*. Fermentatio & coagula-  
tio satis valida. Color subfusco affinis Febr.  
13. Massa nigra, spissa, & in grumos con-  
creta. Serosa tamen pars minùs, quàm cum  
*spiritu nitri*, crassescens. Eadem ferè exhi-  
buit *bistortæ* succus.

7. *Spir. salis*. Color multò magis, quàm  
cum *spir. salis dulcis*, nigrescens. Massa ad  
*syrupi* crassitiem accessit. Febr. 13. Eadem  
exhibuit.

8. *Spir. vitrioli philosoph.* Orta est fer-  
mentatio. Coagulum erat coloris cine-  
rei.

9. *Acetum destillatum*. Coagulum le-  
vissimum. Color, quàm in sanguine pu-  
ro, obscurior. Febr. 13. Coagulum for-  
tius, & ad nigredinem propius acce-  
dens.

10. *Tinctura antiphtisica*. Massa ferè  
omnis in grumos concreta. Color satis  
obscurus. Febr. 13. Eadem phænome-  
na.

11. *Spir. vitriol.* Massa spissa admodum,  
& quoad colorem quasi limosa.

12. *Balsam. Gilead.* Sanguis inspissatus  
valde, & quasi in putridum conversus.

P 3

13. *Sal.*

13. *Sal. chalyb.* Coagulabatur sanguis, aliqua tamen ex parte adhuc fluidus. Eadem omnino præbuit *sal vitriol.*

14. *Sacchar. Saturn.* Concretio mediocris; color tamen satis vividus.

15. *Sal. prunell.* Massa aliquatenus grumescens.

16. *Succus alchimilla.* Præcipitata est massa nigra, & grumescens; reliqua pars satis fluida.

Cum sero etiam sanguinis humani instituta sunt experimenta sequentia: cui admissum fuit,

1. *Decoctum corticis granatorum.* Serum aliquantulum concretius. Eadem exhibuit *tormentilla*, & *hystoria decoct.*

2. *Tinctura corallii.* Coagulabatur serum.

3. *Spir. salis.* Serio portione concreta; reliquum tenue, & liquefcens.

4. *Spir. nitri.* Coagulum forte. Serio tamen dimidia pars fluida permanfit. Idem præbuit *spir. nitri bezoartic.*

5. *Oleum vitrioli.* In fundo subsedit coagulum. Liquoris maxima pars haud quam concreta.

6. *Spir. nitri dulc.* Nulla mutatio, nisi quod serum albesceret.

7. *Spir. salis dulc.* Coagulabatur serum;



rum ; aliqua tamen ex parte adhuc lique-  
fcens .

8. *Tinctura antiphthifica* . Serum tur-  
bidius factum ; aliquatenus etiam concre-  
tum .

9. *Aqua fortis* . Coagulum albescent .  
Idem à spir. vitriol. philosoph. admixto .

10. *Aqua styptica* . Fortissime concrevit  
serum .

11. *Tinct. terre Japonica* . Coagulum  
rubrum .

12. *Solutio salis in aq. com.* Massa con-  
creta coloris albi . Idem exhibuit nitri in  
*aqua solutio* .

Hiscæ experimentis elucet ratio , quare  
*astringentia* , qualia sunt omnia ex nitro  
præcipue & sale elicita , *diuresin* promo-  
veant , cum enim sanguinem ita coagulent ,  
ut magnam interea seri partem intactam  
relinquant , fit ut , coagulo hoc globulis  
sanguineis indueto , facilius ab iis sece-  
dat , perque *renes* transeat latex *serosus* .  
Pariter ac lacti si ab acidis inferatur coagu-  
lum , partes *serosæ* , quæ prius cum *oleosis*  
promiscue temperatæ sunt , facto divortio  
discedunt , & separantur .

III. *Astringentia* si *syrupo violarum* ad-  
mixta sint , ulterius suas coagulandi vires  
indicabunt . Uti enim ea , quæ *syrupo*  
P. 4

*violarum* colorem *viridem* inducunt, in *alkalicorum* classem reponi debent; ita etiam quicquid *rubrum* communicat<sup>a</sup>, *acidis* annumerandum est. Idem affusis *acidis* emergit color, si loco *syr. violarum* adhibeatur *heliotropii* solutio, seu charta tincturâ *heliotropii cœruleâ* fucata, quemadmodum ostendit D. Tournefort<sup>b</sup>. *Acidis* verò admixtis humores *concrefcere* satis ostendunt ea, quæ jam instituimus, experimenta. *Astringentibus* igitur *syrupo violarum* commixtis, ad hunc modum exorti sunt colores.

1. *Ol. vitrioli*. Color ruber, & rutilus.

2. *Spir. nitri*. Color adhuc splendidior.

3. *Spir. Salis*. Rubedo adhuc rutilantior, & veluti ignea. Idem exhibuit *sp. salis dulc.*

4. *Spir. nitri bezoart.* Color ruber, sed non æquè ac in prioribus saturatus.

5. *Spir. nitri dulc.* Color purpureus. Idem præbuit *tartar vitriol.*

6. *Sp. vitrioli philosoph.* Color, qualis in *caryophillo sylvestri*. Idem exhibuit *hydrargyri in aq. fort. solutio*.

7. *Aq.*

<sup>a</sup> Boyle de color. p. 3. 95. <sup>b</sup> Pref. Histoire des plantes environs de Paris.

7. *Aq. fort.* Color primò pallido-purpureus & pellucens, deinde ruberrimus. A tartaro autem in aqua forti soluto, emerfit color elegans, qualis in cerasis conspicitur.

8. *Tinctura antiphtisica.* Color paulum à cœruleo abhorrentior.

9. *Æris in spiritu salis solut.* Color ruber, languidus tamen, & obscurus.

10. *Æris in aqua fort. solut.* Color flavus, sed obscurus.

11. *Plumbi in ol. vitrioli solut.* Rubedo languidior.

12. *Plumbi in aq. fort. solut.* Rubedo satis rutila.

13. *Spir. vitriol.* Color coccineus. Eadem exhibuit *elix. vitriol. Mynsicht.*

Ita ceteris astringentibus admixtis, si modò aliqua fuerit in syrupo coloris mutatio, ea omnis ad rubedinem inclinavit. Rubris mixturis instillatæ guttulæ aliquot olei tartar. per deliquium fermentationem excitabant; quâ peractâ, color in viridem mutatus est: qui quidem tantò erat viridior, quantò, ante oleum tartari admissum, intensior fuerat rubedo. Ita oleo vitrioli cum ol. corn. cervi, lavendulæ, carui, caryophylli, nucis moschatæ, roris marini &c. admixto, color emicuit rubicundus,

&

## 234 De Remediorum Virtibus,

& sanguineus: qui tamen, affuso oleo tartari aut tartaro in acet. solut. rubescere omnino desinit, licet interim ad viriditatem parum accedens.

IV. *Astringentibus* sanguinem coagulati docent, quæ per *syringa* fiunt, experimenta.

1. In venam canis jugularem immissa est *spirit. vitriol.* ℥j ℥ss. Brevi tempore ingruerat dyspnœa; deinde pulmonibus admodum laborantibus, canis obiit spasmodicus. In venis sanguis spissatus admodum & concretus, ita tamen inæqualiter, ut multum feri coagulo immune videretur. Cordis ventriculos infarciebat massa grumescens, & quasi polyposa.

In pulmonibus stagnavit sanguis ater, qui etiam lobis nonnullis extra vasa effusus adhæsit. Idem *vitrioli spiritus* cani, qui paulo ante *laudani liq.* ℥2 assumpserat, infusus ita humorum crasin immutavit, ut, qui modò ex incisa vena liquidissimus effluerat, jam in grumos concretus esset sanguis.

Eadem exhibuit *spiritus nitri* & *salis*, nisi quodd grumi minus inter se cohæserint.

2. In venam canis minuscule jugularem injeci *sacchar. Saturni* in decocto cortic. granat.

nat. 3 ss. soluti, 2. Extemplo serè cor languescere cœpit, ita ut, admota ad thoracem manu, pulsatio illius vix percipi posset: respiratio gravis & anhelosa; deinde spasmis ingruentibus, intra horæ minuta quinque successit mors. Apertâ venâ jugulari & iliacâ, exiit sanguis partim fluidus, partim grumescens tenaciterque concretus: supernatabat quasi oleum quoddam, quod & faecularum Saturni sapore referebat. In aortâ sanguis ita concrevit, ut pene fibrosus evaderet. Pulmones coagulato sanguine repleti, nonnullis etiam in locis inflammati. In corde sanguis universus ita concretus est, ut ventriculorum columnis quasi adnasci videretur.

3. In venam canis grandiusculi jugularem injecta est, duplici vice, sanguinis dracon. in aqua tepida soluti 3 ss. Cordis systole, & respiratio frequentior; deinde sine ullo gravi symptomate, canis subito concidebat mortuus. Mox musculi thoracis ita spasmis correpti sunt, ut tam ad visum tam ad tactum se per vices constringere, & remittere deprehenderentur. Apertâ venâ versùs caput jugulari, exiit sanguis spumofus, & dimidia fere parte in grumos separatus. Sectâ iliacâ,

TOTUS

totus in massam solidam concrevit, & portiunculæ illius admodum compactæ sunt, quasi cera fuisset injecta, venæ cavitati accuratè respondens, vascula tenuia, quæ renum tunicam externam percurrunt, oculis valde conspicua. Pulmones concreto sanguine intumescabant. Cor sanguine supra modum distentum est: qui quidem in dextro ventriculo *gelatine* crassitiem æquabat, in sinistro firmitus concrevit.

4. In *juguralem* canis injeci *aceti* ʒ 2. Cordis contractio paulo frequentior; quoad cetera, nulla in cane mutatio. Deinde iterata injectione ad uncias itidem duas, respiratio difficilis, & laboriosa: quæ tamen, sectâ arteriâ *iliacâ* ( unde exiit plurimum sanguinis nonnihil grumosi ) ad consuetam normam redacta est. Injectis tandem ulterius ʒ 2. expiravit animal. Aperta venâ *iliacâ*, erupit sanguis crassissimus, & in massam densatus: in venis ceteris, uti & arteriis, leviter concretus; in corde, præsertim in sinistro ventriculo, aliqua ex parte fortiter coagulatus.

5. Venæ canis *jugulari* immissa est *spir. salis dulc.* ʒss. unde respiratio fortis & sublimis, quæ tandem ita sensim defecit, ut

ut nondum peractâ injectione canis moreretur . Musculis abdominis transversim sectis , subiluerunt fibræ . In arteriis vœnisque omnibus , sanguis admodum concretus . Pulmones inflammati . Cor sanguine oppletum , & quasi tensum . Ex ventriculo dextro extractæ sunt sanguinis 34. instar *gelatinæ* concreti . In sinistro , sanguis paucus , sed fortiter coagulatus : ex aorta prodiit quasi polyposus . Eadem prorsus exhibuit in altero cane *ol. terebinth.* 3 1. nisi quòd pulmones fuerint coloris atro-rubei , qualis in *jecore* fixo conspicitur .

6. In *jugularem* canis injecta est *sals. chalyb.* in *aquæ* 3 2. soluti , 3ß. Post palpitationem cordis & dyspnœam vehemētissimam , obiit animal. Sectâ venâ iliaca , sanguis non concretus quidem , sed nonnihil grumescens . Ita in corde & aorta sanguis coagulum quoddam contraxit ; licet , quàm in ceteris experimentis , imbecillius .

Ut verò clariùs adhuc elucescant , quas *emmenagogis* & *astringentibus* adscripsimus , virtutes , *attenuandi* scilicet & *coagulandi* , non abs re erit experimenta depromere , unde satis constabit ea , modo à nobis exposito , in se invicem reciprocè operari

ri medicamenta . Igitur iis *mixturis*, quas ex sanguine & emmenagogis confecimus *fest.* 2. affusa sunt huiusmodi *astringentia*.

1. *Mixtura* ( ex sanguine & *sp. salis armon.* ) affusus est *spiritus salis* . Massa omnis coagulata . Color , instar cœni , luteolentus .

2. *Mixtur.* ( ex *sang.* & *decoct. sabin.* ) *spir. nitri bezoartic.* Liquoris pars dimidia in massam duriusculam concrevit ; reliqua fluida quidem permansit : videbatur verò nihil aliud esse , nisi *spiritus* affusi quædam portio , quæ post coagulationem superfuit .

3. *Mixtur.* ( ex *sang.* & *laudan. liq. Syd.* ) *ol. vitrioli* in massam admodum spissam evasit ; color fuscus , & subobscurus .

4. *Mixtur.* ( ex *sang.* & *panacea opsi liq.* ) *spir. salis* . Fortiter concrevit . Color atro-rubeus .

5. *Mixtur.* ( ex *sang.* & *aq. rutæ* ) *spir. salis dulc.* Liquor coagulatus , & in grumos concretus . Color pullus .

6. *Mixtur.* ( ex *sang.* & *sp. sal. armon. succinat.* ) *spir. salis* . Coorta est fermentatio . Liquor partim in grumos abiit , partim fluidus persistit .

7. *Mix-*



7. *Mixtur.* (ex *sang.* & *aq. absinth.*) *spir. salis*. Statim in coagulum nigerrimum concrevit.

8. *Mixtur.* (ex *sang.* & *sp. corn. cerv.*, *ol. vitrioli*. Fermentatio, & concretio satis valida.

9. *Mixtur.* (ex *sang.* & *marrubii decoct.*) *spir. salis*. Idem exhibuit, ac mixtura prior cum *ol. vitrioli*.

Ad eandem normam *mixturis*, quas ex sanguine & *astringentibus* Sect. 2. composuimus, experimenti gratiâ, affusa sunt *emmenagoga*.

1. *Mixtur.* (ex *sang.* & *spir. nitri dulc.*) *panacæ opii liq.* Massa in fluorem denuo redacta est. Idem etiam effecit *panacæ*.

2. *Mixtur.* (ex *sang.* & *spir. nitri be.* *quart.*) affusa.

3. *Mixtur.* (ex *sang.* & *oleo vitrioli*) *spir. sal. armon.* Fermentescebat. Massa multò tenuior, quanquam de nigredine nihil amiserit.

4. *Mixtur.* (ex *sang.* & *aqua forti*) *aqua ruta*. Tota liquecebat.

5. *Mixtur.* (ex *sang.* & *spir. salis*) *panacæ opii*. Crassities penitus sublata est, & color floridus evasit.

6. *Mixtur.* (ex *sang.* & *spir. vitrioli phi.* *lo.*

## 240 De Remediorum Viribus &c.

*lofoph.*) *spir. falis armoniaci*. Compages admodum fluida. Color atrò-rubeus.

7. *Mixtur.* ( *mixt. ex sang. & aceto defiliato* ) *sp. falis armon.* Texturæ raritas, & coloris vigor, qualis in fanguine naturali. Eadem quoque præbuit *spir. falis armoniaci*.

8. *Mixtur* ( *ex sang. & tinctur. antiphtific.* ) admixtus.

Satis jam perspicuum esse arbitror, sanguinis *coherentiam* ab *emmenagogis*, & *astringentibus* variè mutari; ab his scilicet *tenaciorem*, ab illis *variorem* fieri. In qua quidem *coherentie* mutatione consistit unicè, quantum ego concipio, omnis illa *alterantium* virtus; licet gradibus, ad sensum minimè expositis, fiat iste in compages varias humorum transitus. *Cohærentie fluiditatisque* causas exponere, uti esset opus prolixum admodum & laboriosum, ita etiam meo instituto satis alienum: ea quippe provincia ad *philosophos* potius pertinet; *medico* satis est *proximas* causas posse animo concipere & complecti, *ultimas* rimari minimè necessarium.



**I**TA tandem absoluta est hæc de *Mensium* natura, remediisque disquisitio; in qua sanè id mihi parum arrego, non posse subtilius pervestigari *Menses*, aliis interim principiis esse minimè explicandos confisus. Quantum meus poterat philosophiæ modulus, *Theoriam* veram atque perspicuam tradere sum aggressus, cujus quidem fabrica si angustior sit, isti tamen, quæ mihi suppeteret, materiæ respondet. Eos, qui eruditione *Mechanicæ* plenius imbuti sunt, in qua me ne quidem satis mediocriter esse versatum fateor, multa his posse adstruere faciliè sentio, non modò ad ornamentum operis, sed etiam firmitatem.

Erunt tamen fortasse quamplurimi, qui quoddam causas morborum investigare, siue non vellent, siue non possent, omnem rerum medicarum *Theoriam* Pra-

xi prorsus inutilem existimabunt ; nonnulli etiam periculosam arguent .

Fieri quidem potest , quod & nonnunquam evenisse non diffiteor , ut iis demum *Praxis* haud ita feliciter cesserit , qui *Theoriam* multa cum laude excoluerunt ; dum in hanc totis viribus intenti , illam fortè neglexerint : ita enim alterius altera opem poscit , ut nemo de Medicina egregiè mereri queat , qui utramque non conjunxerit . Quid verò absurdius esse potest , quàm ut , quò melius morbum intellexerit medicus , eo infeliciores fore censeatur in adhibenda medicina ? ut , qui in malæ valetudinis origine ita acutè cernit , ad remedia rite applicanda ineptior videatur ? Quasi impedimento esset uberior rerum cognitio ; aut ille demum felicissimam medendi methodum instituat , qui , quare hæc potius quàm illa institui debeat , omnino nescit . Sanè si quis ad morbos tollendos præ ceteris instructior sit , is huic operi plenius satisfaciet , qui eorum fontes optimè norit , qui variam humorum , unde profluunt , indolem perspexerit ; qui denique normam illam , qua sanguinis crasin aut conservat aut viciat natura , penitus investigarit . In eo enim præci-

puè spectatur medici sagacitas, ut de *morbis* ingenio acutè judicet; *curationis* formulas describere, cujusvis ferè est in medicina operarii.

At morbis, inquiunt, feliciter etiam medentur, qui nulla *Theoria* imbuti sunt, qui nec corporis fabricam, nec modum, quo intra corpus operantur remedia, intelligunt. Sed si quis horum inspecta *Praxi* animadvertat, quàm pleraque importunè adhibentur, quàm multa, eaque inter se plurimùm diversa, ad nauseam usque porriguntur remedia, agnoscat multum iis gratiæ habere Pharmacopolas, parum interim debere ægrotos. Cum enim nec morbi rationem, nec certam aliquam medendi methodum satis exploratam habeant, omnem ferè *materiam medicam* percurrunt, haud ignari scilicet pluribus esse aggrediendum viis, ne una forè minus succedat. Qui verò ita in *Statis* atque *Anatomia* versatus est, ut humani corporis penetralia intimè pernorit, fluidi circulantis naturam & vires explorarit, dispiciet faciliè quæ vera sit morbi indicatio, & qualis potissimùm adhiberi debeat medendi ratio: nullum huic dubium injicit varia illa pharmacorum supellex, quò minus certa quædam

ad rem suam aptissima deligat ; & ordinem , quem in iis præcipiendis secuturus sit , secum multò ante constituat .

Si quidem , qui in *Praxi* diu elaboraverunt , experientia ita sunt instructi , ut morbis satis feliciter occurrant , quam *Rationalis Pharmaceutices* penitus ignari : neque id sanè mirum , cum iidem quasi in orbem sæpius recurrant morbi . Quòd si novus aliquis morbus , nec à *Practico* antea visus , exurgat , multum hærebit vir experiens , & commentarios veteres frustra diu versabit , unde nihil lucis mutuari queat , quod ad recens hoc symptoma illustrandum traducat . Contra qui morborum causas naturæque vim penitus inspexit , si quid insolitum acciderit , id non tanquam aliquid monstri suspiciet ; sed ideâ illâ , quam de morbis in animo jam ante formatam & descriptam tenet , ad hanc rem accommodatâ , facilius intelliget , quænam sit istius mali origo , quænam adhiberi debeat curatio .

Exenim qui *Theorie* medicæ omnino rudis est , non tam ipsos morbos , quam morborum *vocabula* distinguit ; qui certè error , uti in medicis non raro deprehenditur , ita medicinæ plurimum nocet .

In .

In *Febre* v. gr. eadem sæpe reperiuntur symptomata, cum morbi causa sit multiplex, & dissimillimus humorum status: alia enim ex *redundantia*, alia ex *rarefactione*; alia ex *lentore* sanguinis oritur *Febris*; ita ut medendi methodum postulet pro causarum varietate diversam. Accersitus verò iste quasi *nominalis* medicus, si morbum hunc *Febrē* dici debere judicat, eandem curationis normam persequitur, quæcunque sit in symptomatum causa diversitas: quam quidem qui insistit viam, si medetur, felix certe erit, sed in arte sua haud nimium peritus. *Rationalis* verò medicus, non tam *appellationem* morbi, quam *naturam* explorat; in hoc præcipue laborat, ut statum sanguinis accuratè perspiciat; unde etiam non vana remedium quærit indicia.

Aliud etiam est in quo deficit *Theoria* experti *Practici*, viz. *remediorum applicatio*. Quia enim nec quo morbi oriuntur, nec quo in sanguinem agunt pharmaca, modum intelligit, morbis ea solum adhibet remedia, quæ longa experientia prodesse compererit. Cum verò id potius in medicina desideretur, ut præstantissima quæque remedia aliis etiam mor-

morbis , ac vulgò solent , applicentur ,  
quàm ut exquirantur nova ; defectum  
hunc solus tollet *Rationalis* medicus , qui  
tum morbi , tum medicamenti vires a-  
deo caller , ut utriusque ad se invicem  
habitudinem clarè perspiciat : ita novo  
quodam artificio ad multos alios morbos  
ea extendet remedia , quæ uni fortè aut  
alteri quasi *Specificæ* satis pro arbitrio di-  
cavit usus .

Contra *Theoriam* acriter contendunt non-  
nulli , dicentque eam in morbis expli-  
candis parum proficere , quia ad omnes  
accomodari minimè queat . Sed hoc cer-  
tè est imperitè disputantis argumentum ,  
quasi quòd non in omnibus morbis ,  
ideo in nullis obtinere possit *Theoria* .  
Aliquid est eam tenuis prodiisse ; in non-  
nullis sanè illustrandis ita feliciter pro-  
cessit , ut ulterius facilè progredi posse  
videatur , si ingenio par fuerit medico-  
rum industria . Facemur quidem hanc ,  
qualem volumus , *Theoriam* in medicina  
parum prodesse , nisi frequens etiam ac-  
cedat *Paxis* ; quæ tamen si hæc duce diri-  
gatur , erroribus , quos aliàs frustra cavet ,  
minus erit obnoxia .

Hæc quidem omnia & norunt , &  
fecerunt veteres ; neque aliis æquè prin-  
cipiis



cipiis morborum & medendi rationem  
 illustrare posse arbitratur; *Practicorum* cer-  
 tē felicissimus, *Hippocrates*: igitur *Thes-*  
*salo* suo, medicina studioso, id præci-  
 pue commendat, ut *figurarum proprie-*  
*tates*, & *numérorum scientiam* cognosce-  
 ret; & *disciplinæ isti*, quæ illas edocet,  
 & *magnitudines quasunque* metitur, mul-  
 tum studii adhiberet. Eos nempe fontes  
 unice agnoscit, unde vera fluere queat  
 rerum medicarum cognitio. Atque hæc  
 quidem *elementa*, ad quæ perdiscenda ita  
 vehementer hortatur filium, ipsi penitus  
 perspecta fuisse credibile est. Audiit  
 enim, uti accepimus, & sectatus est  
*Democritum*, qui temporibus illis eam  
 docuit *philosophiam*, quæ hodie dicitur  
*Mechanica*; quæque ita parum recens est,  
 quod vulgò fertur, ut sit omnium longè  
 vetustissima. Hac aded institutus disci-  
 plina *Hippocrates*, naturam & observavit,  
 & intellexit acutissime: & quia naturæ  
 sunt maxime consentaneæ, ideo præstan-  
 tissimæ etiam habentur, quas de morbis  
 conscripsit, historię. Itaque non leve  
 præsidium operi huic accessisse existimo,  
 quod ubique ferè sententiæ meæ vindicem  
 & patronum adduxerim, *Hippocratem*.

Q 4 INDEX

a *Epist. ad Thessal.*

# I N D E X

## R . E . R . U . M .

- A**cria menses cient. 231
- E**thiops mineral. menses cient? 209
- A**ffectus animi quomodo cient menses? 79
- A**lterantia quomodo operentur. 240
- A**lkalica attenuant sanguinem. 214
- Cum syrupo viol. mixta colorem viridem excitant. ib.
- Cum sublimat. corrosiv. sublatum. 217
- A**lvus dura à suppressis mensibus. 102
- A**mata menses cient. 205
- A**nni tempestates periodice? 50
- Non constantes. ib.
- A**nxieta præcordiorum à suppressis mensibus. 105
- A**naleptica post menses nimios adhibenda. 177
- A**niculæ sicciores. 65
- A**ortæ truncus descendens major in fœminis. 26
- A**ppetitus quare menstrui instantibus dejiciatur? 63
- A**poplexia à suppressis mensibus. 113. 114
- Quot modis efficiatur? ib. & seqq.
- A**poplexiæ causa. ib. & seqq.
- A**quæ Astropenses in suppressis mēsisbus utiles. 155
- A**quæ potatio perpirationem impedit. 22
- A**rticulorum dolor à suppressis mensibus quomodo oriatur? 97
- A**romatica menses cient. 205
- A**rgumenta contra plethoram. 38. &c.
- A**sthma à suppressis mensibus. 106
- A**stringentia menses imminuunt. 84
- In fluxu nimio adhibenda. 176. & seqq.
- A**stringentium: externorum operatio. ib.
- internorum operatio. 179
- A**stringentia cum syrupo viol. mixta colorem rubrum excitant. 232
- Cum emmenagogis mi-

# INDEX RERUM.

- mixta .. 238
- Astringentium effectus**  
sensibiles . 226. & 227  
Cum sanguine com-  
mixtio . 228
- Idem cum sero.** 230.
- Cum syrupo viola-  
rum commixtio .**  
232
- Injectiones .** 234
- Astringentia interna an  
stimulo agant?** 179
- Sanguinem coagu-  
lant .** 227
- Quomodo menses si-  
stant?** 235, 226
- Pulsus deprimunt .**  
227
- Quomodo urinam  
moveant?** 231
- Athletarum habitus peri-  
culosus .** 90
- Attenuantia quomodo  
menses ciant?** 201, 202,  
203
- Quando adhibenda?**  
203
- Atrophia à mensibus ni-  
miis .** 174, 189
- Quot modis fiat?** ib.
- B**
- Balnea menses retardant .**  
83
- Balnea ad suppressos men-  
ses .** 125
- Balsamica in mensibus ni-  
miis adhibenda .** 180
- Quo tempore?** ib.
- Quomodo operen-  
tur?** ib.
- Barba à suppressis mensi-  
bus .** 121
- Bibaces hydropi obnoxii .**  
101
- Et apoplexiæ .** 115
- Biliofis maturius fluunt  
menses .** 3
- Et quare?** 54
- Biliosum temperamentum  
quale?** ib.
- Bruta cur mensibus im-  
munia?** 18, 34
- Quomodo utero ge-  
rant , cum non ha-  
beant menses?** 44
- Pregnantia voracior**  
45
- C**
- Cachexia à mensibus ni-  
miis** 170
- Calida menses ciant .** 205,  
206
- Calor quid?** 61, 168
- Chalybs aliquando ob-  
structiones auget .** 196
- Pulsus excitat .** 203,  
206
- Spiritus instaurat .** 224
- Triplici modo men-  
ses ciet .** ib.
- Quo-**

# INDEX RERUM.

- Quomodo fit ob-  
struens & astringens? 225  
Sanguinem attenuat.  
209. 224  
Camphoræ externè ad-  
hibita vis. 158  
Cantatrices mensibus im-  
munes. 24  
Caput quare afficiatur  
suppressis mensibus? 111  
Cardiaca pulsus excitant.  
206  
Menses ciant. ib.  
Cardiaca quomodo ope-  
rentur? 203, 204  
Cephalalgia à suppressis  
mensibus. 110  
A Sutura nimis ar-  
ctis. 111  
Cephalalgia, instantibus  
mensibus 3. & quare? 62  
In virginibus fre-  
quentior. ib.  
Non à sympathia.  
111  
Chyli cruditas à plethora.  
84  
A lentore. 103  
Cachexiam parit. 177  
Coitus quomodo ciant  
menses? 77  
Suppressionis men-  
struæ remedium. ib.  
Colica à suppressis men-  
sibus. 103  
Colorum experimenta.  
214. & seq.  
Convulsio à repetitione. 117  
Quid? ib.  
Ab inanitione. 169  
Cauteria quomodo ciant  
menses? 138  
Convulsio à mensibus ni-  
miis periculosa. 169  
Corpus quando idem ma-  
neat? 15, 16  
Cortex Peruvianus poten-  
ter attenuat. 203. 205  
Cucurbita ad crura in sup-  
pressis mensibus. 138  
Cucurbita ad mammas in  
mensibus nimis. 178  
Curvitas canalium quid  
efficiat? 30, 31, 32  
Chlorosis à suppressis  
mensibus. 63  
Crurum lassitudo quare à  
plethora? 62, 63. an gra-  
vidis. ib.  
D  
Desidia perspirationem  
imminuit. 22  
Delirium quid? 115  
Diaphoretica in mensi-  
bus nimis vix adhi-  
benda. 179  
Menses ciant. 206  
Sanguinem attenu-  
ant. 191  
Quomodo lentorem au-

# INDEX RERUM.

- 195 augeant? 195  
 Diaphoresis non est actio  
 medicamenti primaria  
 193  
 Ideo neque certa. ib.  
 A poris pendet. 193  
 Dyspnœa in suppressis  
 mensibus. 105  
 A vesiculis bron-  
 chialibus. ib.  
 A musculis thoracis.  
 ib.  
 Ab hypochondriis  
 inflatis. 106  
 Distensio vasorum in ple-  
 thorâ. 90, 91  
 Dolor quare instantibus  
 menstruis ad coxas per-  
 cipitur? 62  
 Dolor capitis à suppressis  
 mensibus; & quare? 19.  
 Pulsans. 110. Græve-  
 dinosus. ib.  
 Quare ad sinciput &  
 occiput? 111  
 E  
 Emerica quando in sup-  
 pressis mensibus adhi-  
 benda? 141  
 In fluxu nimio vi-  
 tanda. 177  
 Emmenagoga plethoram  
 excitant. 181  
 Eodem modo agunt,  
 licet menses non  
 cient. 193  
 Sanguinem attenu-  
 ant. 201  
 Quomodo menses ci-  
 eant. 201  
 Nonnulla sangui-  
 nem rarefaciunt. ib.  
 Emmenagoga pulsum ex-  
 citant. 205, 206  
 Pleraque alkalica.  
 214  
 Cum astringentibus  
 mixta. 238  
 Emmenagogorum effe-  
 ctus sensibiles. 204, 205.  
 206  
 Cum sanguine com-  
 mixtio. 207, 208  
 Cum sero commix-  
 tio. 209, 210. seqq.  
 Cum syrupo viola-  
 rum commixtio.  
214. & seqq.  
 Injections. 217  
 Emplastrum resolvers. 217  
 Evacuatio inhibita quo-  
 modo menses provo-  
 cet? 217  
 Nimia quomodo re-  
 tardet? 82, 83  
 Evacuatio additione mi-  
 nor, in plethorâ. 15, 16  
 Evacuatio additionis  
 quæ eadem proportio in  
 brutis. 18  
 In feminis impar.  
17, 18

# INDEX RERUM.

- 17, 18**  
**Evacuationes** sensibiles in senectute augentur. **67**  
**Evacuationibus** subitis & ingentibus, quomodo imminuantur vires? **167**  
**Experimenta** cum sanguine. **228**  
     Cum sero. **230**  
     Cum syrupo viol. **231. 83 seq.**  
     Per injectiones. **234**  
     Per mixturas. **146**  
**Externa remedia** in utroque suppressionis genere adhibenda. **125, 126**  
     In utroque fluxu nimii, genere. **180**  
**Extremorum frigus** a fluxu nimio. **168**  
     Quot modis? **ib.**  
**Febris** quomodo cicat mensēs? **76**  
**Febris intermittens** periodus explicatur. **52**  
     Paroxysmus varius **ib.**  
**Febres** pleraque à plethora. **80, 81**  
**Febricula** à mensibus instantibus. **61**  
     A suppressis. **97**  
**Fermentum** non est mensium causa. **11, 12, 13, 54**  
**Fermenta** circulationi repugnant. **11**  
**Fermenta** nulla in visceribus. **ib.**  
     Neque in sanguine. **ib.**  
**Frigus** quomodo menses retardet? **81**  
**Frictiones** ad suppressos menses quare adhibeantur? **138**  
**Fibrarum** durities plethoræ causa. **66**  
**Fomenta** ad suppressos menses. **125**  
     Purgationi præmittenda. **ib.**  
**Fœtus** materno sanguine nutritur. **6, 9**  
     Non per os solum. **6**  
**Fœtus** recentis pondus. **8**  
**Fœtus** an mestrui sanguine alatur? **9**  
     Imbecillis, si gravida fluant **menfes. 70**  
**Fluidorum** pressio qualis? **27**  
**Fluor albus** à suppressis mensibus. **116**  
     Ex glandulis uteri, **ib.**  
     Quando symptomaticus? **116, 117**  
     Mensibus erumpentibus cessat. **117**  
     A mensibus nimiiis. **174**  
**Fluxus** menstruus quibus diu

# INDEX RERUM.

- diu duret? 2, 176  
 Et quare. 56, 57  
 Quibus citius terminetur? 2, 3.  
 Fluxus mensium nimius quot modis efficiatur? 165  
 Non ita familiaris ac suppressio. ib.  
 Periculosior tamen. ib.  
 Et quare? ib.  
 In puerperium expertis frequentior. 174  
 Fluxus nimii symptomata. 166  
 Causa. ib.  
 Fluxus nimius vel à vasorum vel à sanguinis vitio. 175  
 Quando à vasis? ib.  
 à sanguine? ib.  
 A virium imbecillitate judicandus. ib.  
 In quibus sistendus? 175, & 176  
 Fluxus nimii historiarum. 181  
 Galeni de causis mensium sententia. 4, 9, 13, 14.  
 Glandulæ à suppressis mensibus oppletæ. 104.  
 à frigore. ib.  
 Gravidis deficient mens-  
 ses. 3  
 Et quare? 69  
 Gravidæ à coitu abortiunt. 77  
 Graviditatis symptomata quomodo à suppressorum mensium symptomatis dignoscenda? 162, 163  
 Gravitas corporis à desideria. 23  
 A suppressis mensibus. 103  
 Gravitas pectoris à suppressis mensibus. 105  
 Gibbosi dyspnœæ obnoxii. 106  
 Globus ad fauces à suppressis mensibus. 117, 118  
 Quare? ib.  
 Glutinantia in mensibus nimis adhibenda. 180  
 Gulosis diu fluunt menses. 3  
 & quare? 56  
 Gulosi hydropi obnoxii. 101  
 H  
 Hæmorrhagia à suppressis mensibus. 119  
 Præcipue in virginibus. 120  
 Hæmoptoë à suppressis mensibus. 112, 114  
 Hæmorrhoides incisæ callescunt. 120, 121, 122, 123, 124, 125, 126, 127, 128, 129, 130, 131, 132, 133, 134, 135, 136, 137, 138, 139, 140, 141, 142, 143, 144, 145, 146, 147, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165, 166, 167, 168, 169, 170, 171, 172, 173, 174, 175, 176, 177, 178, 179, 180, 181, 182, 183, 184, 185, 186, 187, 188, 189, 190, 191, 192, 193, 194, 195, 196, 197, 198, 199, 200, 201, 202, 203, 204, 205, 206, 207, 208, 209, 210, 211, 212, 213, 214, 215, 216, 217, 218, 219, 220, 221, 222, 223, 224, 225, 226, 227, 228, 229, 230, 231, 232, 233, 234, 235, 236, 237, 238, 239, 240, 241, 242, 243, 244, 245, 246, 247, 248, 249, 250, 251, 252, 253, 254, 255, 256, 257, 258, 259, 260, 261, 262, 263, 264, 265, 266, 267, 268, 269, 270, 271, 272, 273, 274, 275, 276, 277, 278, 279, 280, 281, 282, 283, 284, 285, 286, 287, 288, 289, 290, 291, 292, 293, 294, 295, 296, 297, 298, 299, 300, 301, 302, 303, 304, 305, 306, 307, 308, 309, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326, 327, 328, 329, 330, 331, 332, 333, 334, 335, 336, 337, 338, 339, 340, 341, 342, 343, 344, 345, 346, 347, 348, 349, 350, 351, 352, 353, 354, 355, 356, 357, 358, 359, 360, 361, 362, 363, 364, 365, 366, 367, 368, 369, 370, 371, 372, 373, 374, 375, 376, 377, 378, 379, 380, 381, 382, 383, 384, 385, 386, 387, 388, 389, 390, 391, 392, 393, 394, 395, 396, 397, 398, 399, 400, 401, 402, 403, 404, 405, 406, 407, 408, 409, 410, 411, 412, 413, 414, 415, 416, 417, 418, 419, 420, 421, 422, 423, 424, 425, 426, 427, 428, 429, 430, 431, 432, 433, 434, 435, 436, 437, 438, 439, 440, 441, 442, 443, 444, 445, 446, 447, 448, 449, 450, 451, 452, 453, 454, 455, 456, 457, 458, 459, 460, 461, 462, 463, 464, 465, 466, 467, 468, 469, 470, 471, 472, 473, 474, 475, 476, 477, 478, 479, 480, 481, 482, 483, 484, 485, 486, 487, 488, 489, 490, 491, 492, 493, 494, 495, 496, 497, 498, 499, 500, 501, 502, 503, 504, 505, 506, 507, 508, 509, 510, 511, 512, 513, 514, 515, 516, 517, 518, 519, 520, 521, 522, 523, 524, 525, 526, 527, 528, 529, 530, 531, 532, 533, 534, 535, 536, 537, 538, 539, 540, 541, 542, 543, 544, 545, 546, 547, 548, 549, 550, 551, 552, 553, 554, 555, 556, 557, 558, 559, 560, 561, 562, 563, 564, 565, 566, 567, 568, 569, 570, 571, 572, 573, 574, 575, 576, 577, 578, 579, 580, 581, 582, 583, 584, 585, 586, 587, 588, 589, 590, 591, 592, 593, 594, 595, 596, 597, 598, 599, 600, 601, 602, 603, 604, 605, 606, 607, 608, 609, 610, 611, 612, 613, 614, 615, 616, 617, 618, 619, 620, 621, 622, 623, 624, 625, 626, 627, 628, 629, 630, 631, 632, 633, 634, 635, 636, 637, 638, 639, 640, 641, 642, 643, 644, 645, 646, 647, 648, 649, 650, 651, 652, 653, 654, 655, 656, 657, 658, 659, 660, 661, 662, 663, 664, 665, 666, 667, 668, 669, 670, 671, 672, 673, 674, 675, 676, 677, 678, 679, 680, 681, 682, 683, 684, 685, 686, 687, 688, 689, 690, 691, 692, 693, 694, 695, 696, 697, 698, 699, 700, 701, 702, 703, 704, 705, 706, 707, 708, 709, 710, 711, 712, 713, 714, 715, 716, 717, 718, 719, 720, 721, 722, 723, 724, 725, 726, 727, 728, 729, 730, 731, 732, 733, 734, 735, 736, 737, 738, 739, 740, 741, 742, 743, 744, 745, 746, 747, 748, 749, 750, 751, 752, 753, 754, 755, 756, 757, 758, 759, 760, 761, 762, 763, 764, 765, 766, 767, 768, 769, 770, 771, 772, 773, 774, 775, 776, 777, 778, 779, 780, 781, 782, 783, 784, 785, 786, 787, 788, 789, 790, 791, 792, 793, 794, 795, 796, 797, 798, 799, 800, 801, 802, 803, 804, 805, 806, 807, 808, 809, 810, 811, 812, 813, 814, 815, 816, 817, 818, 819, 820, 821, 822, 823, 824, 825, 826, 827, 828, 829, 830, 831, 832, 833, 834, 835, 836, 837, 838, 839, 840, 841, 842, 843, 844, 845, 846, 847, 848, 849, 850, 851, 852, 853, 854, 855, 856, 857, 858, 859, 860, 861, 862, 863, 864, 865, 866, 867, 868, 869, 870, 871, 872, 873, 874, 875, 876, 877, 878, 879, 880, 881, 882, 883, 884, 885, 886, 887, 888, 889, 890, 891, 892, 893, 894, 895, 896, 897, 898, 899, 900, 901, 902, 903, 904, 905, 906, 907, 908, 909, 910, 911, 912, 913, 914, 915, 916, 917, 918, 919, 920, 921, 922, 923, 924, 925, 926, 927, 928, 929, 930, 931, 932, 933, 934, 935, 936, 937, 938, 939, 940, 941, 942, 943, 944, 945, 946, 947, 948, 949, 950, 951, 952, 953, 954, 955, 956, 957, 958, 959, 960, 961, 962, 963, 964, 965, 966, 967, 968, 969, 970, 971, 972, 973, 974, 975, 976, 977, 978, 979, 980, 981, 982, 983, 984, 985, 986, 987, 988, 989, 990, 991, 992, 993, 994, 995, 996, 997, 998, 999, 1000  
 Sol-

# INDEX RERUM.

- Solvunt infaniam . est causa cur accusen-  
tur . 116  
Hæctica à mensibus ni- Humorum temperies à  
miis . 171, 172 medico perspicienda . 201  
Quot modis efficia-  
tur ? 173  
A dilatatis canali-  
bus . 172, 173,  
A sanguine immi-  
nuto . ib.  
Quando gravior . 173  
Hydrops imminuit men-  
ses . 83  
A suppressis mensibus . 100  
Ab aliis evacuatio-  
nibus inhibitis . ib.  
A mensibus nimis .  
171  
Hysterica passio ciet men-  
ses . 117  
Spasmi species . ib.  
A suppressis mensi-  
bus . ib.  
A fontanellis oculu-  
lis . 118  
In viris . 66, 119  
A mensibus nimis .  
169, 170  
Humida corpora minus  
perspirant . 22  
Humida, suppressis men-  
sibus, citius intume-  
scunt . 89  
Humidis menses copio-  
sius fluunt . 17, 176  
Humorum crasis ignota,  
est causa cur accusen-  
tur . 200  
Humorum temperies à  
medico perspicienda . 201  
I  
Ictus major in curvis ca-  
nalibus . 29. & seqq.  
Fortior pressione . 33  
Ictus magnitudo quomo-  
do æstimanda ? ib.  
Infania quid ? 115  
A suppressis mensi-  
bus . ib.  
Evacuantibus cura-  
tur . 116, & 117  
Ischuria quomodo à ve-  
sica nimis distenta . 47.  
& seq.  
L  
Lac ab aquis frigidis vitia-  
tur . 84  
A suppressis mensi-  
bus . 122  
Lactantibus menses defi-  
ciunt . 3  
Et quare ? 69, 70  
Macilentis fluunt . 40  
Lacteorum oscula quid ad  
catharsin faciant ? 143  
Lactis usus imminuit  
menses . 67, 84  
Languor quare mensibus  
instantibus mulieres in-  
vadat . 69  
Lal-



# INDEX RERUM.

- Lassitudo crurum unde ? 62, 63  
 Lentor à frigore . 81  
     Menses supprimit . 43  
     A plethora . 90  
     A motu cordis imminuto . 91  
     Qualem pulsum efficiat ? 93, 94  
     Plethoræ causa . 95  
     A chylo crasso . 102  
     Palpitationem efficit . 109  
     A velocitate imminuta . 170, 171  
     Aliquando à diaphoreticis . 195  
 Lentor supprimit menses 43  
     Febris intermittentis causa . 51  
 Lindani doctrina de venæ-sectione examinata . 133  
 Lumborum dolor quomodo à plethorà ? 62  
 Luna non est mensium causa . 10, 54  
     M  
 Macilenti plus sanguinis habent . 39, 40  
     Ideo V. S. melius ferunt . 40, 41  
 Macilentis copiosius fluunt Menses . 57  
 Mammarum tumor, instante fluxu . 64  
 Materia medica post mensis nimios qualis ? 180  
 Materiæ quantitas ex pondere dignoscitur . 15  
 Medendi methodus in suppressione menstrua . 123  
     Intentio . 123  
     Duplex . 124  
     Qualis cum à vasis oriatur suppressio , ib. & 125  
     Qualis cum à sanguine ? 125, 126  
     In fluxu mensium nimio . 175  
     Qualis cum à vasis ortatur fluxus ? 176  
     Qualis cum à sanguine ? 177  
 Melancholicorum pulsus rarus . 94  
 Menses quando incipiant, quando desinant ? 1  
     Et quare ? 66, 67  
     In quibus maturius fluant ? 3  
 Mensium quantitas . 17  
     Pro ratione ætatis diversa , & quare ? 59, 65  
     Qualitas . 2  
     Periodi . ib.  
 Mensium causa finalis . 45, 7  
     For

# INDEX RERUM.

- Foetus nutritio 6, 7  
 Mensium causa efficiens. 10  
 Plethora. 14, 46  
 Menses qua vi evacuentur? 29  
 Quare per uterum? 30, 31, 32, 33, 34, 35  
 Et ab utero & a vagina fluunt. 27  
 Ex capillaribus vasculis. 37  
 In puellis perquam modici, 65, 67  
 Mensium suppressio non a plethora. 42  
 A lentore. 43  
 Per aliena loca eruptio. 71, 72, 73  
 Menses ad conceptum non necessarii. 35, 45  
 Ad concipiendum aptiores facit. 57  
 Post morbum chronicum suppressi. 3, 58  
 A quibus maturius ciantur? 75  
 A quibus retardentur? 80, 81  
 Menses critici. 77  
 Quot modis immutari? 86  
 Quomodo a saphrae sectione inhibiti? 135, 136  
 Pallidi. 149  
 Mercurius lentorem tollit. 149  
 Purgantibus admiscenda. ib.  
 Attenuat sanguinem. 223  
 Acida retundit. 224  
 Quomodo menses ciant? 223  
 Mercurii gravitas. ib.  
 Mœstitia quomodo menses retardet? 82  
 Momentum sanguinis quomodo augeatur? 27  
 Auetur in plethora. 28  
 Quando a venæ sectione augeatur? 150, seqq. 130  
 Motus violentus quomodo ciant menses? 78  
 Motus intestinalis in sanguine non datur. 12  
 Motus imminutio in vasis uterinis. 30  
 Motus rerum externarum quomodo percipiuntur? ib.  
 Mulieres concipiunt, etiam sine mensibus. 5  
 Mulieres viris imbecilliores. 19  
 Humidiores. 20, 21  
 Habent plus sanguinis, quam viri. 21  
 Mulierum textura mollior.

# INDEX RERUM.

**lior.** 19  
**Mulieres sanæ in eodem statu permanent.** 17  
**Mulieres citius adoleſcunt, quam viri.** 21  
**Menſtruis ceſſantibus pin- gueſcunt.** 68

## N

**Narium Hæmorrhagia à vino.** 44  
**A ſuppreſſis menſibus.** 147  
**A terrore reſtinctæ.** 82  
**In pueris pubeſcentibus.** 66  
**Nutritio quid?** 174

## O

**Obefi minus ſanguinei.** 39, 57  
**Obefi menſes parcius fluunt.** 57  
**Citius ceſſant.** ib.  
**Obefæ plerumque ſteriles.** ib.  
**Obefi menſes ſupprimuntur ſine noxa.** ib.  
**Objecta quomodo moveri videantur, immoto oculo?** 113  
**Occipitis dolor ſuppreſſis menſibus.** 111, 112  
**Et tumor.** 112  
**Odorata menſes cient.** 205

Tom. I.

**Opiata remittunt appetitum.** 63  
**Vires inſtaurant.** 148  
**Quomodo adhibenda?** ib.  
**Opium animum exhilarat?** 197  
**Vires inſtaurat.** ib.  
**Calculus & ſortum expellit.** ib.  
**Dolorem quomodo tollat?** ib.

**Febrem intermittentem ſolvit.** 198  
**Singultum, vomitum & hypercathariſin ſiſtit.** ib.  
**Profluvia ſiſtit.** ib.  
**Tuſſim ſedat.** ib.  
**Pruritus ciet.** ib.  
**Menſes & lochia provocat.** 199, 206  
**Dyspnœam, & ſtuporem infert.** 199  
**Somnum conciliat.** ib.  
**Pupillam dilatat.** ib.  
**Iſchuriam inducit, & paralyſin.** ib.  
**Opli externe adhiberi viſ.** 198  
**Opium quomodo ſanguinem incrāſſare dicatur?** 205  
**Sanguinem attenuat.** 195, 197, 205

R

Su-

# INDEX RERUM.

- Sudorem movet ib. 198, & 206  
 Opii operatio primaria. 197  
 Effectus, 197, usque ad 20  
 Quomodo omnes ab attenuatrice vi oriantur? ib.  
 Otiosa vita quid faciat? 22, 56, 57, 65  
 P  
 Placenta in utero per biennium retenta, 184  
 Quomodo exclusa? ib.  
 Partus menses retardat. 83  
 Pallor à lentore. 107, 169  
 A fluxu nimio, 180  
 A defectu sanguinis. ib.  
 Palpitatio cordis, quomodo fiat? 109  
 A suppressis menses. ib.  
 In quibus morbis frequentior? ib.  
 Periodi ab auctoribus primum explicatæ. 47, 48  
 Et quare? 54  
 Quomodo à Plethora pendeant? 48, 49, 54  
 Quare ad definitum tempus redeant? 50, 53  
 Aliarum rerum explicantur. 51, 52  
 Quare variæ in diversis sceminis? 54  
 Discrepant, pro ratione ætatis. 59  
 Viæus. 56, 60  
 Temperamenti. 55  
 Solis. 56  
 Periodus mensium bimensis. 153  
 Perspiratio in sceminis quare minor? 19, 20, 21, 22  
 Differt à sudore. 23  
 Exercitio promovetur. 21  
 A sudore minuitur. 23  
 Plethora in sceminis demonstratur. 17, 18  
 Quomodo accumulatur? 15, 16, 17  
 Non accumulatur in brutis. 18  
 Quomodo accumuletur? 48, 49  
 Plethoræ, causæ tres. 19, 20, 21, 22  
 Origo. 64  
 Plethora quomodo menses moveat? 18, &c.  
 Contra Charleum num defenditur. 38  
 Non

# INDEX RERUM

- Non potest menses  
supprimere. [41, 41, 136](#)
- Regit periodos. [56](#)
- In profectionibus de-  
ficiat. [86](#)
- Excitatur his omni-  
bus, quæ menses  
ciant. [80](#)
- Plethora ad vasa à rare-  
factione. [81](#)
- Plethoræ effectus. [89](#)
- Periculum. [90](#)
- Plethora lentoris [causa. 91](#)
- Qualem pulsum effi-  
ciat? [89](#)
- Plethora ad vires à sup-  
pressis mensibus. [104](#)
- Podagra à suppressis men-  
sibus. [99](#)
- Potatio ciet menses. [78](#)
- Pregnantibus deficiunt  
menses. [103](#)
- Pneumonia à suppressis men-  
sibus. [108](#)
- Pudendi situs in foemi-  
nis. [25](#)
- Quid ad menses fa-  
ciat? [33](#)
- Pulsus plenus & imbecil-  
lis venæ sectionem in-  
dicat. [130](#)
- Post purgationem fortior.  
[140](#)
- In salivatione vhe-  
mens. [213](#)
- Pulsus roboris index. [19, 20](#)
- In foeminis imbecil-  
lior. [19](#)
- Qualis in plethora? [19](#)
- Quomodo creber? [ib.](#)
- validus? [ib.](#)
- plenus? [ib.](#)
- Qualis à lentore? [23](#)
- Quomodo imbecil-  
lis? [ib.](#)
- Rarus? [ib.](#)
- Inæqualis à chylo  
crasso. [94](#)
- A crasi sanguinis. [ib.](#)
- Intermittens à sup-  
pressis mensibus. [110](#)
- Quando excicatus à  
venæ sectione? [128, 130, 131](#)
- Pulsatio arteriarum à  
suppressis mensibus. [96](#)
- Quando desinat? [ib.](#)
- Purgantium vires non ex  
dejectionibus judican-  
da. [144](#)
- Purgantia aliquando al-  
vum non subducunt. [ib.](#)
- & quare? [ib.](#)
- Purgantium varia effica-  
cia unde? [145](#)
- Mitiora tantum in  
mensibus nimis ad-  
hibenda. [170](#)
- Purgantia quomodo ciant  
men-

# INDEX RERUM.

- menses? 138, 139  
 Purgantium duo genera. 139  
     vel primas vias, vel  
     sanguinem afficiunt. 139, 140  
 Purgantia qualia adhiben-  
     da in suppressis mensi-  
     bus. 140  
 Purgantium virtus a sali-  
     bus. ib.  
 Purgantia attenuant san-  
     guinem. ib.  
     R  
 Rarefcentia — humorum  
     unde? 204  
     Menses ciet. ib.  
     Porest esse sine atte-  
     nuatione. ib.  
 Rarefacientia quando ad-  
     hibenda. 204, 213  
 Remediorum vires. 191  
 Remedia utero non spe-  
     cifica. 192  
     In sanguinem agunt. ib.  
 Remediorum operatio sen-  
     sibilis non certa. 192, 193  
     Primaria est certa &  
     uniformis. 193, 194, 195  
     Varius effectus un-  
     de? 194, 195  
 Remediis incertitudo fal-  
     sa exprobat. 194, 200  
 Remediis effectus aliquan-  
     do varius. 194  
     Aliquando contra-  
     rius. 195  
     Quare? 196  
 Revellentia in mensibus  
     nimis adhibenda. 178  
     Et qualia? 179  
 Robur quid? 19  
     Quomodo estiman-  
     dum? 166  
     In ratione sanguinis  
     triplicata. 167  
 Rusticis parcius fluunt  
     menses. 57  
     S  
 Salivatio attenuat sangui-  
     nem. 223  
 Salivatio menses immi-  
     nuit. 83  
 Saltatrices mensibus im-  
     munes. 24  
 Sanguinis ex digitis pro-  
     fluvium. 73  
 Sanguis pallidus. 153  
 Sanguinis periodica eva-  
     cuatio in viris. 64, 74  
     A plethora. 174  
 Sanguinis motus intelli-  
     gus non datur. 12  
 Sanguis menstruus non  
     impurus. 15  
 Sanitas quid? 170  
 Saphæna in suppressis  
     men-

# INDEX RERUM:

- menſibus ſecanda.** [133](#)  
**& ſeqq.**  
**Quando?** [132](#)  
**Ubi?** [33, 134, 135](#)  
**Sapor acris quid indicet?** [205](#)  
**Acidus quid?** [204](#)  
**Secretiones in ratione velocitatis & officiſ.** [20](#)  
**Quomodo à velocitate pendeant?** [170](#)  
**Sincipitis dolor à ſuppreſſis menſibus.** [111](#)  
**Symptomata inſtante fluxu menſium.** [3](#)  
**A plethora deducuntur.** [60, 61](#)  
**Menſium ſuppreſſorum.** [87](#)  
**Quanam à plethora?** [ib. & 88](#)  
**Quanam à lentore?** [93](#)  
**Varia in diverſis menſibus.** [121, 122](#)  
**Fluxus nimii.** [166](#)  
**Syncope à ſuppreſſis menſibus.** [110](#)  
**Quot modis fiat?** [ib.](#)  
**A fluxu nimio.** [167](#)  
**Solidæ partes exhaustæ difficileſ refarciuntur.** [165](#)  
**Sphincter veſicæ Iſchuriam adjuvat.** [42](#)  
**In Iſchuria contractus.** [ib.](#)  
**Spiritus vini ſanguinem coagulat.** [212, 213, 218](#)  
**Quomodo menſes ciet?** [212, 213](#)  
**Quando in ſuppreſſis menſibus adhibenda?** [213](#)  
**Spiritus quomodo inſtaurentur?** [202](#)  
**Spinæ dolor à ſuppreſſis menſibus.** [96](#)  
**Variolarum imminentium ſignum.** [ib.](#)  
**Sternutatio ciet menſes.** [28](#)  
**Stomachica menſes ciet.** [206](#)  
**Sublimat. corroſivi experimentum.** [232](#)  
**Suffitus ad ſuppreſſos menſes.** [125](#)  
**Suffocatio à ſuppreſſis menſibus.** [118](#)  
**A menſibus nimis.** [169](#)  
**Suppreſſionis menſtrux ſymptomata.** [87](#)  
**Curatio.** [123](#)  
**Suppreſſio vel à vaſorum vel à ſanguinis vitio.** [88](#)  
**Quando à vaſis?** [ib.](#)  
**À lentore.** [92, 95](#)  
**Quanam morboſa?** [123.](#) & ſeqq.  
**Quomodo à vaſorum vitio?** [124](#)  
**A va-**

# INDEX RERUM.

**A** valis curatu facili-  
lor. 126

Suppressorum mensium  
historia. 142. & seqq.

Suppressio à frigore? 150

A venæ sectione. 156

## T

Temperamentum humi-  
dum perspirationi offi-  
cit. 22

A partium mollitie.

Thææ potu menses im-  
minuti. 83

Tincturæ, spiritu vini ex-  
tractæ, quid faciant? 212, 213

Tinctura antiphthisica ad  
menses nimios prodest. 182

Tumores à suppressis  
mensibus. 98, 99

Etiam & tubercula. 100

In humidis citius  
fiunt. ib.

Tumor in tibia à suppressis  
mensibus. 151

Tumores à mensibus ni-  
miis. 171

Tussis à suppressis mensi-  
bus. 105

A glandulis trachææ. ib.

## U

Ulcera; subito siccata, pe-  
riculosa. 73

Urinæ stillicidium à sup-  
pressis mensibus. 119

Suppressio quot mo-  
dis? ib.

Urinosa menses cient. 205

Urticæ succus. quomodo  
narium hæmorrhagiam  
sistat? 177

Uteri structura. 25

Quid ad menses ibi  
evacuandos conse-  
rat? 30, 31, 32, 33

Uteri arteriæ & venæ per  
anastomosis conjunctæ. 26

Uteri & vaginæ interna  
tunica qualis? 25

Uteri inflammatio quo-  
modo à suppressis mensi-  
bus? 95

Gangræna. 96

## V

Varices à suppressis men-  
sibus. 97

Quomodo formen-  
tur? 98

Quare ad partes in-  
feriores? 99

Solvunt infantiæ. 116

Va-



# INDEX RERUM.

- Variolæ ciet menses . 76  
 Vascularum, umbilicalium  
 & uterinorum anasto-  
 mosis . 7, 8  
 Vasa uteri in virginibus  
 angustiora . 120, 121  
 Et quare ? ib.  
 Vasa uteri contorta . 26  
 Quomodo mensibus  
 evacuandis inser-  
 viant ? 30, 31, 32, 33  
 Vulvarum . 34, 35  
 Defectus in utero  
 quid faciat ? 36  
 Vasa uterina quare faci-  
 lius rumpantur ? 29, 30  
 Relaxanda in sup-  
 pressionem menstrua .  
124, 125  
 Vascularum tumor & pulsa-  
 tio à plethora . 89  
 Velocitas sanguinis auge-  
 tur in plethora . 28  
 Est in ratione copiarum .  
88  
 A venæ sectione . 127  
 Victus incrassans quomo-  
 do menses retardet ? 84  
 Acris ciet . 61  
 Venæ sectio ad suppress-  
 sos menses . 127, 128  
 Quo tempore insti-  
 tuenda ? 127, 129,  
132, 137  
 Quo loco ? 127, 132  
 Quare in talo ? 132  
 Velocitatem sangui-  
 nis intendit . 127,  
128  
 Et quare ? ib. 129,  
130, 131  
 Venæ-sectionis indicatio .  
130  
 Venæ sectio vix præmit-  
 ti debet . 130, 137  
 Venæ sectio menses im-  
 minuit . 72  
 Abortum præcavet :  
ib.  
 Venis uterinis desunt val-  
 vulæ . 27  
 Ventris tumor instante  
 fluxu . 64  
 Ventriculi inflatio , &  
 tormina . à suppressis  
 mensibus . 101  
 Vertigo a suppressis men-  
 sibus . 112  
 Vertiginis ratio explica-  
 tur . ib.  
 Virgines mensibus nimis  
 rarius laborant . 174  
 Vires imbecilles quomo-  
 do perspirationem im-  
 minuunt ? 19, 20  
 Quomodo accumu-  
 lent Plethoram ? 20  
 Virium imbecillitas à ple-  
 thora . 103, 104  
 Grave efficit corpus .  
103  
 A nimio fluxu men-  
 sum .

# INDEX RERUM.

- sum . 166  
 Quomodo crescat? ib.  
 Quare ab evacuationibus magnis? 167  
 Fluxus nimii regula. 173  
 Vires quomodo post fluxum cohibitum instaurandæ? 180, 181  
 Viraginum pulsus fortior. 24  
 Viragines mensibus immunes. 24  
 Virgines suppressioni maxime obnoxie . 86  
 & hæmorrhagiæ a suppressione . 120  
 Viri habent menstruam evacuationem . 13. &  
 quare? ib.  
 Ante crisin quomodo affecti? 64  
 Hysterici evadunt, restricta evacuationione sanguinis periodica. 75  
 Vitrioli spiritus quomodo hæmorrhagiam sistat? 177  
 Vomica pulmonum quid? 106  
 Quomodo à suppressione mensibus? ib.  
 In glandulis bronchiorum. 111 ib.  
 Vomitus ciet menses . 78  
 Sanguinis menses nimios sistit. 178

FINIS.

523568





523568



